

R

12.09

~~2095~~

130. 69. 5.



Bibliotheca Reckiana.

R

ESTICA

A. 1092.

Nye

Lifflandische

CHRONICA

Van anfanck des Christens

doems in Lifflandt/beth vp dusses
Jar Christi 1578.

Darin sonderlick

Wat sich twiffchen dem Muscowi-

ter vnde Lifflandern/de negesten twintich

Jar/ her aneinander thogeragen:

Trüwlich beschreuen

ist / durch

Balthasar Ruffowen Rcualiensem.

Thom andermal Gedrucket/vnde mit

etliken Historien vormehret.

Rostock

Gedruckt durch Augustinum Ber.

Anno M. D. LXXV .l.

Den Erbarn / Achtbarn /
Hochgelerden vnde Wolwysen Heren /
Bürgermeistern vnde Radtmanne der löfflichen
Keyserlichen fryen Rykes Stadt Bres
men / mynen grothgünstigen
heren.



Sade vnde Frede van Gas
de dem Vader dorch Christum
vnsen einigen Heylandt vnde
Middeler thouorn. Erbare /
Achtbare / Hochgelerde vnde
Wolwysse grothgünstige heren /
ydt beweret nicht alleine de hillige Götlike
schriff / sundern ock de gewisse erfaringe / dat eine
frame vnde trüwe Auericheit / eine van den höges
sten gauen Gades sy / de dem Menschliken ges
schlechte vp erden wedderfaren mögen / Vnde
welckere Stadt edder Landt / mit solcker gauen
begnadet ys / mach frylich Gades hülde vnde
gnade darby vormercken vnde erkennen. Wente
dorch solcke Auericheit wedderfaret den Vnder
danen vele gudes / Nömliken / beförderunge der
Christliken Relijon / der Kercken / Scholen / vns
derholdinge der Armen / gude Regimente / Frede /
dagelike neri ge / beschüttinge der framen / vnde
straffe der bösen sampt aller disciplin / Tucht / vnd
Erbarkeit. Wor solcke dögede der framen vnde
trüwen Regenten im schwange gahn / dar wil

Vörrede.

ock Godt de Allmechtige / mit allerley tydliken vnde ewigen segcn/alletydt ricklick wanen. Auerst welcker Landt edder Stade disse gauen nichten hefft/dar mach men dat wedderspil/vnd Gades vngnade gewißlick sehen vnde spören.

Mit disser gauen der framen vnde trüwen Auerheit vnde Regenten / ys ock de Prouintz Lyflandt/im anfangе der Christliken regeringes van Gade begnadet gewesen. Wente also Godt de Allmechtige vth der Lyfflendischen heydens chop / sich eine Christlike Kercke sammeln vnde erwelen wolde/ hefft he vth gnaden trüwe Bisschöppe/ Regenten / vnde strydtbare helde/ vth der löffliken Bremer gemeine erwecket/ welckere de ersten heren vnde vorwalders des Lyfflands des gewesen sint / vnde dat arme heydensche volck/mit grothem flyte/möye vnde arbeyde/tho Gades erkentnisse/vnde tho dem Christendome gebracht hebben/Tho welckeren tyden alle döges de der framen vnde trüwen Bisschöppen vnde Regenten in Lyfflant/ sehr gelüchtet vnde geschenen hebben/Vnde ys tho der tydt de anfanck sehr gudt/ vnde vp Gades ehre/vnd der armen vnuorstendigen Seelen heyl vnd wolfahrt alleis ne gerichtet gewesen. Also auerst de ersten framen vnd trüwen Bisschöppe/ neue st den ersten trüwen meisteren düdesches Ordens in Lyflandt/ nu dat schwarste vnd gräueste vorby gebracht/ vnde den nakömlingen grothe Lande / vaste

Schickte vnde Borge gelcuert / vnd ock de armem.
vnuorstendigen etliker maten tho Gades erkens
tenisse gebracht hadden / vorhapende / dat de
nakömlinge crem Exempel na / alse trüwen Biss
schöppen vnde Regenten geböret / gelicksfals
les / Gades ehre alleine / vnde der armen vnuors
stendigen Lyfflender / de in Gades erkentenisse
noch nicht ru'lenkamen vnderrichtet weren /
Seelen heyl vnde Wolfart wyder betrachten vns
de befördern scholden / ys hyr groth mangel ans
ne befunden worden. Wente etlike der nafols
genden Ertzbisschöppen tho Riga / Dörpze / vns
de andere mehr Bisschöppe in Lyfflandt / ock
etlike nafolgende Meistere Düdesches Ordens
in Lyfflandt / erer vorfaren guden exempels /
vnde cres van Gade befalenen Amptes / licht
lick vorgeten hebben / vnde vnnödige innerlike
Kryge vnder sich dermaten angefangen / dat
etlike Ertzbisschöppe vth beyden Stiffen / alse
Riga vnde Dörpze / de vngelöuigen Rüssen
vnde Littouwen tho den tyden vmmehülpe /
wedder den Düdeschen Orden in Lyfflandt / ans
geropen vnde vpgebracht hebben / Vnde solcke
inwendige vneinicheit vnde Krych / twisschen
den Bisschöppen vnde dem Orden / hefft sich offte
vnde vaken v nme kerner andern orsake willen /
alse der tydrliken ehre / högesten autoritet vnde
herlicheit haluen / alleine begeuen vnde thogetras
gen. Wente dewyle der Bisschöppestandt de

oldeste im Lande was / vnde de Ordensheren
 vnde Meistere/de van den Bischöppen anseck
 liet int Landt greschet worden sint / nu auer
 de oldesten gestegen weren / vnde de högste ges
 walt vnde autoritet auer se genamen hadden/
 ys eine stedige emulation/ affgunst vnde heimes
 lief hati vnder en gewesen / dardorch se mens
 nichmahl den landen in Lyfflandt tho grothem
 merkliken schaden vnde vorderue/ in den Ryck
 geraden sint. Derha'uen ys Gades ehre / der
 Kercken vnde Scholen sorge hunden angezet
 tet / de aluern vnde vnuorstendigen Lyfflendis
 sche Buren / sint mit wyder vnderrichtinge tho
 Gades erkentnisse vnuorsorget gebleuen / dar
 dorch denne Gades torne nicht weinich ys erz
 wecket worden. Dith ys fast dat middel des
 Lyfflendisschen Regimentes / beth vp den ges
 waldigen heren/Wolter van Plettenberch/ ges
 weisen/by welckeres Meisters tyden/ sich dat ens
 de der Lyfflendisschen regeringe genalet hefft.
 Wente also disse löfflike Meister groth gelücke
 vnde Victoria wedder den Muscowiter erlan
 get/vnd densuluigen in einer schlachtinge by der
 Pleßkow auerwunnen / vnd einen langwiligen
 frede dardorch erlanget hadde/vnde ock de reis
 ne salichmakende lere des hilligen Euangelij by
 syner regeringe in Lyfflandt angefangen was/
 hefft de Satanas in dem langwiligen frede
 vnde rouwe/vnder dat reine Saedt Gödtlikes

Vörrede.

wordes/ock allerley vnfrudt gesehet/alse fleischliche sekerheit/vppicheit/hoffart/pracht/schwelgerye/vnd andere graue laster vñ vndöggede mehr/so wol vnder den Regenten/alse vnder den Vns derdanen / Vnde de Lyfflendische fryheit vnde modtwille / ys by den Regenten / by den vām Adell vnde Börgeren/ sehr groth gewesen. Yde hebben sich ock de Regenten/ya ock wol gemeine vām Adell / in erer fleidunge vnde dracht nicht meingen willen. Wente schlichte Gebedigers/alse Cumpsters vnd Vāgede/ hebben mit golden Resden/Trammeten/vnd köstlichen fleidern/ Königen vnd Försten gelick/wedder alle gebör/ herinprangen/ vnde pralen willen. Yde hefft ein Wasget van Wittenstein / hincz van Tüylen genant/ eine golden Kede / van 21. punden Vngersschen goldes gedragen/vnd ein Commendur van Resuel/hefft allewege dre Trammeters vor sich thomprale geföret/Welches denne van velen hochlöfflichen Hertogen vnde Landesförsten nicht alles tydt/also gesehen werth / Solcken vnde dergelicken pracht vnde prael / hebben ock vele andere Gebedigers/ Doemheren/ de Adell / vnde allentwat dem armen Buren vp dem halse lach/ nasören willen/ Derhaluen de arme Buhr/nicht hefftgedyen fönen/sunder hefft allerley inoedt willen/armoedt vnde gewalt/ van dem meisten hupenlyden vnde düliden möten/ane yennich insehent der Auerichit.

Vörrede.

Der Kercken vnde Scholen / auerst worde nicht groth geachtet. Wente vele Kercken binsen landes an mannigen orde/dar ein Kerspel veer edder vyff mylen wegcs lanck vnde breyde ys / vnde achte edder negen Eddellüde Häue/sampt allen eren Buren vnd frycn/tho höreden/stunden wöste vnd gantz vorfallen/nicht alleine nu/in düssen gefarlifen Frigeslüfften / sundern ock in der guden tydt/do men van keinem Krige vnd vngelück wust/vnde in dem gantzen Lande/welches cinem mechtigen Köninckrike kan vorgelicket werden / ys nicht eine Vmuer sitet edder gude Schole gewesen/sundern in den höuetsteden geringe particular scholen alleine. Vnd wos wol etlike mahl nicht lange vor dem vndergange des Landes/vmme eme gude Schole anthorichstende/vp den Landtdagen foldtsinnich geradtschlaget geworden ys / so ys dennoch nichts int werck gestellet. Wente de meisten der Lyfflens düsschen Stende/hebben sich dar alletydt wedder gelecht vnde besorget/Wen solckes int werck gestellet würde / dat also denne eren Bisschopsdömen / Abtdyen / Dömeryen / Vagedyen / vnde Landtgüdern impas vnde affdracht geschehen möchte / Derhaluen ys solck ein gudt werck alletydt vnderwegen gebleuen / vnde alle Kercken ordeninge / frye künste / anmerctinge der Historien/vnd alle *ingeniosa virtutes*, gar affgenamen/vnde dar entycgen leddich ganck/wollust/sampt

Vörrede.

andern grauen lastern mehr / wedder thogenas
men hebben. ydt ys ock in feiner herschop im
gantzen lande / yennich Superintendens voror
denet gewesen / de vp de Predigers binnen lan
des hadde sehen mögen / Derwegen ein yder
Prediger ein frye gudt geselle mit gewesen ys/
vnde na eigener lust vnde wolgefallen / in etli
ken wcken ein inahl geprediget hefft. Der Su
perintendenten in den Stedten autoritet vnde
inspection / hefft sich nicht wyder / alse in der
Kinckmüer / erstreckt. In mangelinge der
Scholen / sint ock vele Kercken binnen landes
mit Pastoren vnuorsorget gebleuen. Wente wor
scholde men se hernemen / dewyle keine Vniuers
sitet edder gude Schole in dem gantzen lande
gewesen ys? Vnde mannich schamel Man / de
ydt mit synem Kinde wol gerne gudt gesehen
hedde / ys des vorinögens nicht gewesen / dat he
datsuluige buten landes thor Scholen holden
fonde / Vnde so wor by einer Kercken binnen
landes ein Pastoer vorordenet was / desuluige ys
gemeinlich ein vthlender / vnde der Lyfflendiss
schen vndüdeschen sprake vnersaren gewesen /
Wat den armen Lyfflendisschen Buren darmes
de gedenet gewesen ys / kan ein yder vorstendtz
ger wol affneimen. Darümme de affgöderye in
Lyffstandt by dem meisten hupen / allewege ge
bleuen ys / vnde manck dusent Buren / ys kume
einer gefunden worden / de dat Vader vnse/
vele

Vörrede.

vele weiniger de vyff stücke des Catechisini recht wuste. De Sondach/ edder Wyrdach / ys ock in Lyfflandt by ydermennichliken hoges vnde nedz deriges standes / bette in den hüdigen dach / so gar vorachtlic gewesen / dat he in der gantzen Christenheit / an nemem orde / vorachtliker syn fonde. Wente desüligen dach hefft / men thom spazerende/ tho Rösten/ Rindelbeeren/ Meygres ueischop/ Gastebaden/ tho leddichgande/ superye/ vnde tho allerley wollust gebрукet / aneyennich insehent der Auericheit/ gerade alse were de dach men tho solcker lichtferdicheit tho gebрукende/ van Gade ingesettet vnde vorordenet.

Derwegen dewyle de Bisschöppe / Ordensherren/ de vaim Adel/ vnde alle Regenten/ Gades/ der Kercken vnde Scholen/ des Götliken Wyrz dages/ vnde eres van Gade besalenen Amptes/ ganz vorgeten hebben/ hefft Godt de Allmechtige vpwaken/ vnde so wol de Regenten/ vnd den Adel/ alse de Vnderdancn/ auer einen hupen/ als len andern thom Exempel vnde warninge/ strafsen möten.

Wo men des in hilliger Götliker Schrifft vele Exempel mehr vundet / dat Godt de Allmechtige an nenes minschen / vele weiniger an grother Köuincriften / Förstendömen / Landen vnde Steden vorderst / vnde vndergange lust edder wolgefallen gehat hefft / Vnde so

Vörrede.

Godt ein Landt edder Stadt / van wegen der Sünde vnd missedadt / hefft straffen willen / heffte he solcke straffe nicht vngewarschuwet plogliker wyse kamen laten / sunder na dem he de missidadt lange geduldet / vnde dorch syne trüwe dener de lüde tho der Bothe vormanet hefft / ys he in mans gelinge der rechten warhafftigen Bote vnde besferinge / vnde na velfoldiger träwer vormaninge / ock enlick mit der rechtferdigen straffe nicht vthgebleuen / darmede he synem Gódtliken Torn wedder de Sünde vnde missedadt / allen andern thor warninge / hefft bewysen vnd antógen willen. Also vederliken hefft ock de trüwe Godt mit Lysslandt gehandelt / Welchere Prouintz he nicht alleine mit allerley lyues nodtrofft gar auerschwencflick begauet / sundern ock mit der heilsamen reinen lere deshilligen Euangelij / vormóge der Prophetisschen vnde Apostolisschen schrift / vnd der Augßburgisschen Confession / ganz rýcklick begnadet hefft / dardorch he synen Gódtliken gnedigen willen den Lysslendisschen Regenten vnd Vnderdanen genochsam geapenbaret hefft. Auerst dewyle de meiste hupe sodaner hogen gnedigen woldaden Gades mußgebruket / vnde sick yegen Godt vndanckbarlich vnde vngehorsamlich angestellet / vnde de langwilige gedult vnde trüwe warninge / Gades de ene nicht alleine dorch etlike trüwe Dener synes wordes / sundern ock dorch einen vürigen Cometen van hemmel / welcker

Vortrede.

weleker Anno 1556. in der Vasten/eine lange
 tydt bauen erem hóuede geschweuet hefft / ys
 vorkündiget worden/gantz in den windt geschla-
 gen vnde vorachtet/vnd van dage tho dage/ mit
 gróthern vnde ergeren Sünden vnd lasteren sief
 mehr beslecket hebben / also dat ock de grótesten
 vnd grauesten laster vnde schande van velen vor
 ehre vnde dógede sint geachtet worden / hefft se
 de Gódtlike rechtferdige straffe entlick dermaten
 drepn móten/ dat se alle Muscowitern vnd Tas-
 tern tho einem spotte vnde fabel (leyder) werden
 mosten / wo solckes aller werlt wol bewust ys/
 vnde alle vornuffige vnd vorstendige lúde / den
 de olde Lyfflendischen legenden bewust sint /
 bekennen móten/dat de voranderinge vnde vor-
 stóringe der olden Lyfflendischen herschop/vnd
 des Adels / vnde schyr aller Stede vnd Schláte/
 nicht des Muscowiters / sundern Gades des Al-
 mechtigen werck ys/de den Muscowiter/alse tho
 einer rode/áuer Lyflandt hefft erwecken móten.
 Derwegen de Lyfflender mit dem hilligen Pros-
 pheten Dauid wol spreken mógen/ HËre du bist
 gerecht/vnd dyn gericht ys gerecht. Item/ ydt
 ys my gudt / dat du my getúchtiget hefft / vppe
 dat ick dyne gerechticheit lerede. Vnd wen Godt
 de Almechtige vth sunderliken gnaden Lyflande
 nicht gestraffet hadde / so weren de Sodomitis-
 schen sunde/ de Ezechielis 16. beschreuen stahn/
 ytziger tydt in Lyflandt/yegen andere laster tho
 rekende/vele tho geringe gewesen.

Vörrede.

Nu wil ydt sich yo geboren / dat solcke erschrecklike Exempel der Gódtliken rechtferdigen straffe / vnd solcke selzame vnde wunderlike geschichte / de sich in der voranderinge vnde vndergange der olden Lyfflendischen Regenten / des Adels vnd veler Stedte / Schláte vnd Bórgen / tho gedragen vnd begeuen hebben / Tho dem ock de grothe wedderwerdicheit der hochlöffliken Christliken Kónigen vnde Potentaren / de sich vth Christliker leue der vorruckeden Prouinz Lyfflandt wedderánnie angenamen / vnde desúlunge vth der rachen des Muscoviters / mit grother gefahr ere Erffliender / hebben ryten / vnde wedder tho rechte bringen willen / nicht gantz in vorgesatenheit gestellet / sundern vmmie der Lyfflendischen nakómelinge willen / ock andern thom exempel der warninge / schriftlick vorfatet werden mögen. Derwegen ick myner einfalt na / nicht alleine de bedróuede geschichte / de sich tho vnser eyden in Lyfflandt begeuen hebben / *quæq; ipse miserrima vidi*, sundern ock de olden historien / van anfangen der Christliken regeringe / so vele ick der vth olden geschreuenen geloffwerdigen Chronicken vnd bóchern hebbe erfahren können / in eine Chronicam fortlick thourfatende / vnd in den druck tho vorferdigende / bin vororsaket geworden. Welckes ick J. E. W. hebbe dediceren vnde thoschryuen willen / Vth dissen orsaken.

De wyle de löfflike Stadt Bremen warhaffrich
eine

Vörrede.

eine Moder ys veler Lyfflandtischen Stede vnd
Schläter/ vnd de ock fast ganz Lyfflandt vth der
Döpe gehauen/ vnde datsülunge Landt dorch ere
Kinder vth der Heydenichop tho dem Christen
dome/ negest Godt/ vorhulpen/ vñ vth der grüwa
lken dästernisse der affgöderye / tho dem heilsa
men lichte Gödtliker erkentnisse / ersülich ge
bracht hefft. Wente de olden Lyfflandtischen Chro
nicken/ neuensz velen anderen / klarlick vnde vna
weddersprecklick vormögen/ dat de Bremer Kop
lude/ de Provinz Lyfflandt/ mit grother gefahr
erstlick vpgesegelt/ vnd darna den Christendohm/
dorch einen gelerden Prester / mit namen Mey
nerdt (negest Godt) erstlick darin gebracht heb
ben/ Welcker Meynerdt thoin ersten Bisschoppe
in Lyfflandt darna ys vorordenet worden. Na
dem Meynardo ys Bartoldt/ ein Bremer/ de an
der Bisschop in Lyfflandt gewesen / welcker de
Stadt Riga erstlick begrepen vnde gefunderet
hefft. Na dem Bartoldo ys Albrecht/ auermals
ein Bremer/ de drüdde Bisschop in Lyfflandt ge
worden/ Welcker eine frone aller nasoligender
Lyfflandtischen Bisschöppen gewesen ys / vnde
welcheres flyth/ möye vnd arbeydt men nicht ge
nohsam beschryuen kan. He hefft ock alle de an
dern Bisschopsdome in Lyfflandt gewinnen/
gestufftet/ vnd synen Landesluden/ den Bremer
Kindern/ vthgedeelet / welcker neuensz dem Bis
schop Albrechte/ de regenten vnd heren in Lyff
lande

Vötrede.

landt tho der rydt gewesen sint/Vnde de Stede/
Riga/Dörptc/Kothenhusen/Leall/vñ vele andere
mehr Schläte vnd Borge/Kercken vnd Klusen/
in eren stiftcn mit allem flyte gefunderet vnde
geburet /vnde de Lande mit darstreckinge eres
blodes befrefftiget/vnde tho dem Chriffliken ge-
louen beferet hebben.

Dewyle auerst de heydenschen Lande in Lyff-
landt fast groth vnd mechtich/ vnd gedachte Bis-
schop Albrecht/ mit synem anhangc/ tho schwach
gewesen ys/hefft de Pawest em einen Ridder or-
den thogeordenet/ de den Bisschöppen de Lande
förder gewinnen vñ beschermen helpen scholden.

Als auerst de nye ankamende Ridder orden
den Lyffendisschen völcfern/vnd andern vmmes-
liggenden Dyenden tho schwach velen / Ys Bis-
schop Albrecht in Dudeschlandt vmmehülpe vor-
reiset/vnd hefft einen löffliken hertoch van Sas-
sen/ock Albrecht genant/ sampt andern Grauen
vnd velen vum Adel dudescher nation/dorch ans-
gestlike anförderinge/vnd dorch syn löfflike anse-
hent/int Landt gebracht/welckere alle Pelegrims
wyse/auer vernen wech/tho water vnde lande/
mit grother gefahr sich in Lyfflandt begeuen/vns
de grothe ridderlike hülpe den Bisschöppen vnde
dem Orden geleistet hebben.

Dewyle denne de Bremer Kinder de ersten
Bisschöppe vnde Regenten in Lyfflandt gewesen
sint/vnd de högeste autoritet im lande gehat heb-
ben/

Vörede.

ben / So ys ydt ock vngetwynelt gewisse / dat se
ock domals vele van der yungen Manschop/
Börger vnd börger kinder van Bremen/vth ders
sulngen yegene/ alse ere Landeslüde vnde vor
wanten/in Lyflandt gefördert hebben/van wels
ckeren etlike in den düdeschen Orden getreden/
vnd etlike sicc vor Krygeslüde yegen de Vnchris
sten gebruken laten hebben. Wente anfenckliken
nicht allein de van Adel(wo de olden Chronicken
vormelden) des düdeschen Ordens in Lyflandt
werdich edder mechtich gewesen sint/sündern ock
Börger kinder vth den Steden / insunderheit zu
uerst van Bremen vnde Lübeck/ welckere Lyffla
landt haluen nicht weiniger/ alse de van Adel/
ya ock vele mehr/dat beste gedahn hebben / vnde
na dem de reisigē van Bremen sicc wol gehalten
hebben/ sint se van den Bisschöppen / eren Lans
deslüden / vor allen andern gefördert/vnde mit
stadtliken vorleningen begauet worden/dar vele
des Lyfflendisschen Adels vth hergekamen vnde
entspraten ys. Wente desuligen bilich eddel tho
achtende sint / de mit eren manliken daden dar
tho vorhulpen hebben / dat solcke mechtige heys
densche lande gewinnen / der Christenheit inges
lynet / vnde dem hilligen Römischen Ryke vns
derdanich geworden sint/Vnd noch hüdiges da
ges ein ehrlick oldt geschlecht van Adel/hyr im
lande vorhanden ys / dat de van Bremen/ na
J. L. W. löffliken Stadt genömet werth / tho eis
ner

ner ewigen tucheniſſe vnde gedechteniſſe / dat ſe
van oldinges her vth Bremen entſpraten ſint/
vnde der dinge vele mehr.

Derwegen in betrachtunge ſolcker der löffli-
ſen Bremer hogen woldaden yegen Lyfflandt/
vnde darbencuenſt ock der grothen fründtſchop/
hülpe vnde genegeden willens / ſo van J. E. W.
der Prouinz Lyfflandt / vnde inſunderheit der
Stadt Keuel / myner leuen Landtſtadt vnd Vas-
derlande / in erem langwiligen hogen bedrückte
tho etliken malen vth Chriſtliker leue wedderfas-
ren ys / hebbe ick der gebör vnde billicheit na/
diſſe ſchlichte vnd einfoldige Chronicam J. E. W.
thoſchryuen / vnde derſuligen löffliken Stadt
vnd gemeine thon ehren / in den Druck vorferdis-
gen willen / mit allem flyte ganz denſtlick biddende /
J. E. W. ſolckes van my in allen gunſten
vpnemen / vnde ſick wolgefallen laten willen.
Des bin ick wedder yegen Godt dem Almechtis-
gen / vinne J. E. W. gelückſame regeringe vnde
alle wolfart tho biddende / allewege flytich vnde
erböddich. Datum Keuel / Anno 1577.

J. E. W.

Denſtwilliger

Balthasar Ruſſow
Prediger in Keuel.

Das Erste deel der Nyfflen- dischen Chronica.

Das Landt edder de Prouintz
Nyfflandt / hefft anfenclicken den
Nameu auerkamen vnde erlanget
van den Nyuen/welckere olde Völcker vnde
Inwaner disses Landes allewege gewesen/
vnde ock noch sint / vnde den Ordt van der
Salis aff / beth an de Düna langest dem
strande/beth in den hüdigen dach/ kewanet
hebben / vnde ns Nyfflandt fast 120. Düdes-
scher mylen lanek / van der Narue beth an
de Memmel tho rekende/ vnde 30. ock wol
etliker wegen by 40. mylen brendt/ So be-
gript de Prouintz Nyfflandt ock vele Lan-
de in siek / alse Harrigen / Wyrlant/ Al-
lentacken / Bayell / Ddenpe / dat ns das
stiffte van Dörpte / Zeruen/ Wyck/ Leth-
landt/Nyuenlandt/ Ehurlant vnd Semis-
gallen / Des sint ock vele Insulen / edder
Holme / tho dissem Lande gehörig / de alle
mit Völkern vnde inwanern besettet sint/
alse Desel/ Dageden / Mone/ Wormsoe/
Kune/ Brangoe/ vnde vele andere mehr/
Darunder Desel vnde Dageden de grötes-
sten

sten sint / denn Desel allene ys 14. Dūdescher
 Mylen land / vnde hefft twe hertike
 Schlote / alse Arensborch / vnde de Sou-
 nenborch / vnde vele dūdesches Adels / wel-
 cherer gemelten Insulen Inwaner merens-
 dels der Schwedischen vnd Finschen spras-
 ke gebruken / tho einer tūchenisse dat se vth
 Schweden vnde Finlandt her entspraten
 sint / Welckere gedachte Lande vnde Völ-
 cker in Lysflandt anfangliken van den Bis-
 choppen / vnde darna van dem Dūdeschen
 Orden / vnd ock eins deels / alse Harrigen /
 Wyrlandt / vnde Jeruen / van Wa dema-
 ro / dem 2. Könige tho Dennemarcken / mit
 dem Schwerde sint gewonnen / vnde tho
 dem Christliken gelouen gebracht worden /
 vnd chr de Christlike Geloue in dith Landt
 gefamen ys / sint de benōmeden Völcker
 alle Heidnisch gewesen / vnde hebben man-
 nigerley grūwlike affgōderne bedreuen /
 Denn etlike den Maen vnde Sterne / etlike
 ock de Schlangen / vnd andere Deerte / an-
 gebedet hebben / ock hebben se etlike Būssche
 vor hillichdohm gehalten / daruth se keinen
 Bohm houwen dorsten / Solcke vnd der-
 geliken affgōderne vnde auergeloue / heffe

by velen noch gewaret beth in den hüdigen dach. Dith landt ys begrenket negen Osten vnde Südost mit des Muscowiters Landen/ negen Schweden mit Littouwen vnde Prüssen / negen Westen stödt de Ostsee daran / negen Norden vnde Nordost/ ys Finlandt twer auer Lyfflandt gelegen. Yde hefft dith Landt auer 80. Schlöte vnd borge/ vnde by einem ydern Schlate / ys entwedder eine gemürde Stadt / edder ein apen Fleck gelegen / Der gemürden Stede hyr im Lande / sint nicht mehr dan 9. Alle Riga / Reuel / Dörpte/ Narue/ Pernow/ Belyn/ Wenden/ Wolmer/ vnde Kokenhusen/ Auerst der apenen Flecken sint ganz vele / welckere alle van düdeschem Volcke bewanet vnde regeret werden.

De Schlöte vnde Borge mit crer Herrschop vnde Regenten sint disse gewesen/ nömliken / de Erzbisschop tho Riga heffe gehat disse Schlöte alse Kokenhusen/ Schwegen / Ronenborch / Schwanenborch/ Landwen/ Schmilten / Trenden/ Eringesborch/ Brkull/ Cremon vnde Lemsell. De Bisschop van Dörpte / hefft gehat de Häuser/ Dörpte/ Kirienpoll/ Nyehuß/ Ds

Das Erste deel.

dentorne/vnde Werenbeck. Des Bisschoppes van Churlandt huser sint gewesen/ Angermünde / Piltten / Nyckhuß / Amboten/ Dendangen / vnde dat Fleck Hasenboten. Des Bisschoppes van Desel/ Schlöte vnde huser sint gewesen/ Arensborch/ Leall/ Lode/ Habsell/ vnde dat Closter Padis/ Welckes ock eine temelike fesse vor gewalt ys. De Bisschop tho Keuel hefft gehat/ Borcholm vnde Fegefür. De huser des Meisters tho Nyfflandt sint gewesen / Wenden/ Wolmer/ Riga/ Nyemölen / Kerckholm/ Burtnick / Rügen / Ermis/ Trykaten/ Karcks/ Helmede / vnde Tucken. Des Landmarschalecks vnde der Cumpsters huser sint gewesen / Segewolde/ Asscherade/ Dünemunde/ Belynn/ Keuel / Pernow/ Marienborch/ Dünenborch / Goldingen/ Window/ Mitow/ Dobbelen/ Frouwenborch / Nyeborch/ Jurgensborch / Lans/ Larwest/ Querpölen/ Dorben/ Adsell/ vnd andere mehr. Der Bögede vnde medegebedigers Schlöte vnde Borge sint gewesen/ Wittenstein/ Weseberch/ Narue/ Tolsborch/ Nyeschloth/ Sonenborch/ Tallen/ Bauschke / Cantow / Grubyn/ Rosyten/

Sch

Selborch vnde andere mehr. Des sint ock
 vele huser der vam Adel gewesen / alse Ek/
 Kingen / Bickel / Purckell / Hochrosen/
 Kanden vnde andere mehr / vnder welche-
 ren gemelten Steden vnde Schlöten/ de
 beiden Stede Riga vnde Reuell / allewege
 de ryksten vnde mechtigsten gewesen sint/
 welckere Stede vöfftich düdesche myle we-
 ges van ein ander liggen/ vnd ein yder der-
 süluiigen hefft solcke eine herlike nedderla-
 lage/ Emporium/ vnd Stapell veler Na-
 tion / Herschoppien vnde Landen / als in
 keiner Stadt an der ganken Ostsehe ge-
 funden werdt / vthgenamen de Stadt
 Dancke alleine / Auerst nu (leyder) sint
 disse Stede/ vnd insonderheit de Stadt Re-
 uel / in dem gahr langwiligen Muscowi-
 tischen krynge/ sehr gestwecket worden. Ydt
 hefft dith Landt ock vth der maten veel Ed-
 delmans höue/ sampt velem Adel gehat / so
 vth düdtischenlanden hergekamen vnde ent-
 spraten ns / Vnde ns gar ein euen Landt/
 darin keine grothe vnde hoge Berge sint/
 vnde hefft vele geqwobte/ holtunge vnd wil-
 tenisse / Dartho gank vele stande Sehe/
 vnde frische ströme vnde Befen / vnde ns

Das Erste deel

nicht eine Stadt / Schlot edder Feddelmans hoff im Lande / dar nicht herrlike fischrycke stande Sehe vmmcher liggen / vnde lustige Ströme / Becken vnd Water vorauerflöten / dar men allerley Fische vnde Kreuete so auerflödich vthfanget / dat ock keinem Swren im ganken Lande Fische vnd Kreuete allenthaluen thofangende / vnde ydermanne thouorköpende vorbaden gewesen ys / vnder welckeren standen Sehen / de Peybes vnde Vorkgerff / de grötesten sint / wente den Peybes achtet men 15. mylen lanck / vnde 7. mylen breyt / vnde hefft dith Water 72. in flöte / vnde wedderümme einen vthfföte / de Narue vorby in de apenbare Sehe. De Vorkgerff ys 7. mylen lanck / vnde auer 2. mylen breyt / vnde sint disse beyde Sehe aueruth fischryck. De Peybes ys gelegen vp der Muscowitischen grenke / vnde de Vorkgerff ys gelegen in den gebeeden Belyn / vnd Tarwest / vnder den Strömen vnde fletenden Watern in Nysslandt / ys de Düne de vornemeste vnd gröteste / welcker vth Rüsslandt herkumt / vnd flüth dörch Nysslandt der Stadt Riga an der Mären vorauer / in de Ostsehe / vnd

us nicht geringer alse de Elue vor Ham-
 borch. Des hefft ydt ock mennigerley wilt-
 bret van Ellenden / Hasen / vnde allerley
 wilden vögeln / so vele / dat ock keinem
 Swren im ganken Lande jenigerley Wile
 tho fangende vnde thouorköpende iurwerle
 vorhindert genorden us / Dartho heffe die
 Landt solcken fruchtbarin forr bedem / dat
 men in den fredesamen Jaren vth dem lan-
 de / vnde vth den Steden allenthaluen / vele
 dusent last Roggen / ane yennige dürmg
 entberen fonde / vnde vor solcken geringen
 koep / alse men an der ganken Estsehe nicht
 geringer edder wolseyler kopen möchte.
 Derwegen vele Hollendsche vnde Lübesche
 Schepe yarlikes vele Roggen vth Lyffland
 geföhret hebben. Des hefft ydt oe in dissem
 Lande an feinerley Rehetucht vnde Fasel
 gemangelt / Denn men einen guden Essen
 in den fredesamen jaren / noch by des lesten
 Hermeisters regeringe / vor 3. Daler / vnde
 ein stolt gemestet Swyn vor anderthaluen
 Daler gekofft hefft. Desgeliken eine last
 Roggen vnde Molt noch geringer alse 12.
 Daler. In summa Lyfflandt us solck ein
 Landt gewesen / dat yderman / so vth fröm-

Das Erste deel

ned örden darin gekamen / vnd des Landes gelegenheit recht erfahren hefft / spreken moſte / Lyſſlandt blyſſlandt / vnd men hefft in derſüluiigen guden tydt nicht vele gefunden / de van wegen der groten luſt vnd wolfarth / ſo in diſſem Lande geweſen iſ / groth vorlangent daruth gehat hebben / Auerſt iſiger tydt iſ (leider) einem ydern de luſt darin ſchyr benamen / vnd iſ eine grothe voranderinge darin gekamen / alſe men hyrna des wieder vornemen mach.

Wo Lyſſlandt erſtlick gefunden / vnd tho dem Chriſtendhom gekamen iſ.

In dem Jare vnſes Heren 1158. by Keyſer Fredericks Barbaroſſe tyden / hebben de Bremer Kooplüde Lyſſlandt erſtlick vpgesegelt / vnd in de negen / dar de Nyuen wanen / wedder eren willen dorch Storm vnd vnwedder gekamen / dar ſe böß heidensch Volck vor ſick gefunden hebben / vnd alſe de Heiden darſülueſt der Chriſten Kooplüde en war worden / hebben ſe ſick grwliker wyſe wedder de Kooplüde geſtellet / hebben er gud genamen / vnd erer etlike erſchlagen / de Kooplüde hebben mit ſchetende / mit

war:

warpende/ vñ mit schlaende sich thor gege-
 wehr gesetzt / vnd hebben ock der Heyden
 vele erschlagen/ endlich wordt dar ein frede
 gespraken/ denn se beidersyts by erem En-
 de tho holdende trwlich angelauet hebben.
 Do worden de Koeplüde frölich / fregen ei-
 nen modt / vnde gynge fry op dat Landt/
 Wente en düchte / Godt hedde se darhen
 gesandt/ Vnd se hadden groth gudt in eren
 Schepen/welcks se mit grottem vordeel vñ
 de gewin yegen andere wahr vorbütet heb-
 ben. Do makeden se vörder einen fasten
 frede mit den heydenschen Lyfflendern/ als
 so dat se offt vnd vaken / wedderkamen
 mochten / vnde alle de yenigen / so mit en
 kamen / vnde ock kopenschap dar dryuen
 wolden / de scholden alle in dissem frede mit
 begrepen/vnd wilkamen syn. Dit geschach
 by Düne münde/in Lyffland/vnd de Bre-
 mer Koeplüde foren wedder na erem Lan-
 de / vnd quemen vaken wedderümme mit
 erer kopenschop/vnde vele andere Koeplüde
 mehr by groten hupē/welckere alle wol ent-
 fangē worden/ vñ yt warede eine lange tyd
 vnde ydt geluckede en wol / se tögen sechlich
 mit erer Kopenschop vörder in dith Landt/

Das Erste Theil

wol 6. mylen / vnde leden ere kopenschop
mit bewillinge der Heiden / dar needer / vnd
bleuen erer vele dar ligen / Darna geuen
en de Heiden de macht / dat se dar ein Ges
mack buwen mochten. Do burreden se by
der Düne vpon einen Berch / en herlick ges
mack vnde Borch also faste / dat se mit fre
den dar wol vpon ligen mochten / vnde de
Borch wordet genomet Rixfull / Zuerst de
Heiden vorhapeden nicht / dat en etwas
quades dar van entstan scholde. Nicht
lange darna ys dit hñß Dalen ock gebuwet
worden / welckere de ersten Bestingen der
Christen in Liff. andt gewesen sint.

Vpon eine tydt / was ein gelerdt Prester /
geheten Meynerdt / ein Monnick van Se
geberge / mit dissen Kopluden int Landt
gekamen / Desse Prester konde sich also an
stellen / dat em alle man gñstich was / de
sñluige begunde den Heyden tho predigen /
vnde tho leren mit allem flyte / also dat he
der vele bekerde. In der negen disser Borch
Rixfull / was ein heidensch Man wanhaff
tich / de sehr Ruck vnde gewellich was in
dem Lande van Frñnden vnd güdern / disse
Mann hete Cabbz / vnd dorch Gades gna

de wordt he ein Christen / vnd vcle van synen Fründen vnde Vnderdanen mit em/welckere sich alle van dissem Prester Meynerdt Döyen leten. Derhaluen de Koplünde hoch erfrouwet worden / vnd also dat gerächte int Landt quam / dat Cobbe mit synen Fründen vnde anhangen Christen worden was / do begunden sich de Littouwen / Rüssen / Ensten / Deselers vnd Ehuren tho vorheuen / vnd grepen tho Behr / dewyle se hörden dat de Christen' geloue in Lyfflandt gekamen was / vñ vthgebreidet word.

Disse Prester Meynerdt reisde an den Pawest / einen Bisschop int Landt tho uorschaffende / vnde Cobbe toch mit em / vnde andere Christen mehr / vnde also se tho Rome qwemen / hefft Pawest Alexander 3. also he alle gelegenheit des Landes vnde der Völcker erkündiget vnd erfahren hedde / dissen prester Meynerdt tho einem Bisschoppe vorordenet / vnde em in Lyfflandt tho predigende / vnd na allem vormöge dat beste tho dhonde / vperlecht vnde befallen / geschehen in dem Jar 1170.

Also nu Bisschop Meynerdt vnd Cobbe wedder in Lyfflandt qwemen / sint de Christen

Das Erste deel

sten / so in Lyfflandt weren / hoch erfrowet
geworden / dat se einen Bisschop erlanget
hedden / vnde syn Stoll wardt gesett / dar
vnt Riga licht / vnd der Christen macht
wuss sehr in dem Lande / vnd disse Bisschop
Meynerdt predigete syntigen vnde beferde
vele van dem heidenschcn Volcke / He was
auerst Bisschop 23. Jar vnd starff Anno
1193. vnd wordt sehr beflaget van den Chri-
sten.

Do sanden de Christen baden an den
Erzbisschop tho Bremen / dat he en hulpe /
dat se einen Bisschop wedder erlangen
mochten. Do wordt en gesandt einer van
Bremen / geheten Bartoldt / Welcker was
de ander Bisschop tho Lyfflandt. Alse disse
Bisschop in Lyfflandt gefamen was / do
vorhouen sieck de Lyuen / Rüssen / vnde de
Littouwers / vnde wolden den Bisschop
samt allen Christen wederümme vth Lyff-
landt vornagen. Auerst Bisschop Bartoldt
hefft sieck neuent den andern Christen rid-
derlic geweret. Do wordt Cobbe dödtlic
vortwundet / vnde bleuen domals by 300.
Christen Dödt in dem Felde by Rokenhus-
sen / Auerst de Christen behelden noch dat
feldt /

feldt/ vnde kregen na gerade all mehr hülpe / fort darna starff Cobbe van den wunden / de he gekregen hedde.

Disse Bisschop Bartoldt hefft angefangen de Stadt Riga erstlick tho buwen/ welches den Ensten sehr vordraten hefft/ Derwegen se sick mit aller macht gerüstet hebben / vnd sint vor Riga gekamen/solek angefangen buweret tho vorhinderende/ auerst da weren vele Pelegrime den Christen tho hulpe gekamen / mit welckeren de Bisschop Bartoldt wedder de Estischen fiende getagen/ vnde eine schachtinge mit en gehalten hefft. Do wordt disse Bisschop Bartoldt erschlagen / na deme he 11. Jar regeret hedde/vnd auer 1100. Christen mit em nedder gelecht / vnd der Heiden bleuen 600. Auerst de Christen behelden noch dat feldt.

Alse disse Bisschop Bartoldt dod was/ do weren de Christen sehr bedrouet / vnde sanden an den Erzbischof tho Bremen/ vnd leten en bidden/ dat he en einen anderen Bisschop wedder senden wolde. Tho dersüluigen tydt was tho Bremen ein vprichtig Man / mit namen Albrecht / disse wordt

Das Erste deel

wordt Anno 12⁰⁴ tho Rome van dem Paweste Innocentio 3. tho einem Bisschop in Lysslandt confirmeret vnde bestediget/ vnde de Pawesi stiftede oc einen Ridder Orden dem Bisschoppe Albrecht tho hülpe/ desüluigen Ordensbröder scholden in Lysslandt wanen / vnde dat ganze Landt vordan gewinnen helpen. Do gaff vnd bestedigede de Pawest dissem Orden alle de gewunnene Lande vnde Lude in Lysslandt/ vnde wat se vnd ere nakömlinge allwege gewinnen worden/ dat se desüluigen Lande tho ewigen tuden/ also frye Erffheren besitten / vnd der hilligen Kercken beschermers wesen scholden. Disse bröder des Ordens musten dragen witte mantelen mit einem rydtshwerde/ vnd mit einer roden Sterne/ vnd worden genömet de Schwerdtbröders.

Datsüluiige jar 1204. wordt in dissem orden tho einem höuede vnde Meister der Schwerdtbröderschop gekaren/ ein vprichlich Man/ Her Binno geheten/ Welcher Meister Binno/ vnde Bisschop Albrecht/ mit allem flyte darna weren / dat se vele vram Adel in den Orden frygen mochten/ vnde vele Lude reiseden vmmes Gades willen/

len/ vnd vmmē des Pawestes afflates wils
 len mit in Lyfflandt/ wedder de Fiende der
 Christenheit tho stridnde. Disse Meister
 Vinno hefft offt vnde vaken/ mit den Un-
 chrysten gestreden / vnd den Köninck der
 Rüssen erschlagen sampt 600. Rüssen vñ
 eine tydt / vnde hefft de Schlöte / Gerseke
 vñ Kokenhusen/ den Heiden affgewunnen.

Tho dissē tydt/ hefft Bisschop Albrecht
 de beiden Bisschopdome / Ligenus vnde
 Leal gestiffet / vnde ys einer / mit namen
 Hermannus / ein Abbet von Bremen/ de
 erste Bisschop tho Leal gewesen/ weil er ock
 dat huß Leal/ vnd dat Kloster darsüuest ge-
 buwet hefft/ disse ys tho Bisschop Albrech-
 te na Riga getagen/ vnd van eme thom er-
 sten Bisschoppe auer dat Stiffte Ligen-
 us verordenet worden / dar he denne ock
 dat huß/ vnd darna den Dom tho Dorpte/
 gebuwet hefft. Alse auerst Leal sampt den
 vmmeliggenden lenderen/ so de Schweden
 in dissē tydt vorwöset hadden / ys wedder
 ingenamen vñ gebuwet/ ys van gedachten
 Bisschop Albrechte ein ander Bisschop/ ock
 Hermanus genömet/ wedder auer Leal ge-
 settet wordē. tho dersüuen tyd hefft bisschop
 Albrecht

Das Erste deel

Albrecht angefangen tho buwende vele Kercken vnde Klüsen / dartho de Domkercke tho Riga / vnde ein Kloster by Dünemunde / welcher Kloster de Ordens Herren / darna mit in dat buwerck des huses Dunemunde getagen hebben.

Anno 1208. Alse Bischof Hermen van Leal na Riga an den Bisschop Albrecht vorreiset gewesen / Is Köninck Johannes / de erste des namens / mit Hereskraffe vth Schweden in Lyfflandt gekamen / vnd hefft Bisschoppe vnde Presters mit sich gebracht / welckere de heidenschen Festen tho dem Christendome vnderrichten scholden. Vnde alse de Köninck tho Kokol angekamen was / hefft he sinen toch stracks vpon de Wykeschen vorgekamen / vnde hefft tho gelick dat Schlot Leal mit ingenamen / vnde sinen Bisschop sambt etliken Prestern / desgeliken einen Huctman Carolum mit 500. man darup gesettet / vnd na der besetzung ys de Köninck wedderümme in Schweden gesegelt / vnd hefft sinem volcke dat huß Leal ernstlick tho vorwarende beualen. Alse nu de Köninck vth Lyfflandt wech getagen was / do hebben de Deselers vnde

vnde de Wyfſchen datſüluiſge Huß wed-
derrümme mit aller macht belegert / vnde
mit Bür beengſtiget / vnd alſe de Schwes-
den tho den Vienden heruth gefallen we-
ren / vnd nicht gemrinet / dat ſe ſtatck ſyn
ſcholden / ſint ſe alle vmmerringet vnd er-
ſchlagen worden / Darna hebben de Deſe-
lers vnd de Wyfſchen dat huß geſtörmel /
eräuert / vnd den Biſſchop ſo wol alſe den
Stadtholder Carolum / vnde alle de darup
geweſen ſint erſchlagen / vnd darna dat huß
vorbrandt / vnd tho nichte gemaket / Alſo
ſint de Düdeſchen / ſo wol alſe de Schwes-
den / des huſes Leal / vnde der ganken Wy-
ſe wedderrümme qwynt geworden. Dar-
auer Biſſchop Albrecht / vnd alle Chriſten
in dem lande hoch bedröuet geworden ſint.
Nicht lange auerſt darna / hefft Biſſchop
Albrecht de Wyfſchen wedderümme be-
fryget / vnde ſe thom gehorſam gebracht /
Do hebben ſe dat Huß wedder vp buwen
möten / vnde ys ein ander Biſſchop / ock
Hermannus geheten / darhen vorordenet
vnde geſettet worden. Tho der tydt ys de
Dom thor olden Parnaw geweſen / dewy-
le noch kein ander Huß / edder Fleck / in
E dem

Dat Erste deel

dem ganken Estlande gebu wet was. Na der tydt auerst / alse Habsell gebuwet ys geworden / hefft men den Dom van der olden Parnouw na Habsell gelecht / vnde na der tydt / alse Arensborch vp Desel gefunderet wordet / ys des Bisschops hoff van Leal na der Arensborch gerücket / Do hefft dat Bisschopsdom Leal den namen vorlaren / vnde ys dat Stiffte Desel genömet worden.

Alse nu de Schweden vp Leal vmmesgefamen / vnde Bisschop Albrecht vnde de Meister Vinno / der Wifeschen wedderümme mechtich geworden / do ys Köninck Waldemarus de 2 tho Dennemareken / ock bewagen worden / syn gelücke an den Ensten thouorsöken / vnde hefft eine Krygesmacht vorhen in Enfflandt geschicket / welcher de lande Harrigen / Wirlandt vnde Zeruen bedwungen hefft.

Na weinich jaren auerst herna / ys Köninck Waldemarus 2. in eigener Personē / mit velen Volcke / vnde dem Erzbisschoppe van Lunden in Enfflandt gefamen / vnde hefft de Stadt Reuel angefangen thobuwende / Anno 1223. Deszeliken hebben

de Denesschen ock na der tydt de Schlöte
Wesenberch vnde Narue gebuwet / de vms-
meliggenden Lande daruth tho dwingen-
de vnd tho beschüttende. Do hebben de De-
nesschen Bisschöppe in Lyfflandt na gera-
de alle de Kercken vnde Klöster / in Harri-
gen vnde Wyrlande / doch milde handre-
finge der Könige tho Dennemarcken / ge-
sunderet / vnde mit fryte gebuwet.

Tho dersüluigen tydt also de Denesschen
in Lyfflandt begunden mechtich tho wer-
den / hebben sich Bisschop Albrect i / vnde
Meister Vinno ock nicht gesümet mit fry-
gende vnde ock mit buwende. Do heffe
Meister Vinno vele guder daden gedahn /
vnd hefft gebuwet de Schlöte Egewolde /
Wenden / vnd Asscherade / Dar was auerst
einer / de dem Meister Vinno heimlic gar
viendt was / vnd also desüluige Borreder si-
ne gelegenheit affgesehe hadde / hefft he den
Meister / sampt sinem Cappellen / tho gelike
erschlagen / Duth ys des framen Meisters
ende gewesen / na dem he 18. Jar regeret
hedde Dissen Borreder / welcher ein Pleger
tho Wenden gewesen / hefft men darna ge-
grepen / vnde vp ein Katg leggen laten / ge-
schehen Anno 1222

Das Erste deel

M Anno 1223. Na dem Dode Winnonie/
 wordt weder tho einem meister der schwerts
H bröderfchop in Lufflandt gefaren ein bro-
 der / gebeten Volquinnus / welcher meister
 vprichtig / rechtferdich vnd sinem Orden
 truwe gewesen ys/he hefft geburet dat haff
 Bellin / welches den Esten sehr vordraten
 hefft / vnd also de Meister sine Ordens-
 bröder / mit etliken Volcke na Bellin / thor
 besettinge des huses / geschicket hadde / sint
 de Esten vp dem wege auer se her gekamen/
 vnde hehben se alle erschlagen / Also men a-
 uerst gesehen vnde vormercket hefft / dat de
 Heiden den Bisschoppen vnd dem Orden
 tho mechtich syn wolden / Is Bisschop Al-
 brecht van Riga vororsaket geworden / a-
 uer Sehe in Sassen / vmmc hülpe thouor-
 reisende vnde also he int Landt tho Sassen
 gekammen was / hefft he den Hertoch Al-
 brecht van Sassen dartho vormocht / dat
 he mit siner Ridderfchop vnd Pelegrimen/
 sich in Lufflandt den Christen tho hülpe ge-
 geuen hefft / Also nu de Ensten solcks vor-
 namen hebben / dat dar vele Christen int
 Landt gekamen weren / hebben se sich
 vorsammelt / jegen desüluigen Pelegrime
 tho

tho strydende / vnde se wedder vth dem Lande thouorjagende.

Disse Hertoch Albrecht van Sassen wordt tho Riga / van dem Meister Bolquin gar chrlic^e entfangen / Do hefft de Hertoch tho dem Meister angefangen vnd gesecht / leuer Meister / wy sint hyr alse Pelegrime gefamen / Gades viende tho krenckende / vnd dar gy hen reisen / dar wille wy mit vnser pelegrimen volgen / vnd gudt vñ quadt mit iuw lyden. Do tōgen de Hertoch vnde Meister vp de Esten / dar denne sehr gestreden wordt / vnde worden aldar auer 1500. Heiden erschlagen / vnd de andern flōgen in büsche vnd Wiltenissen / de Christen auerst behelden dat Veldt / vnde vorlōren nicht mehr / alse 60. personen / vnd twe Drdensbrōder. Alse nu de Hertoch / vnde de Meister ein deel der Esten thom gehorsam gebracht hedden / sint se gar frōlic^e wedder na Riga getagen / Vnd alse se dar hen gefamen sint / do hebben sich de Terueschen / sampt den Desclers / de en tho hülpe gefamen weren / wedderümme gerōget. Do tōgen Hertoch Albrecht / vnde de Meister Bolquin / auermals int Veldt / vnde que-

men

Dat Erste deel

men in Jeruen / dar ic ock de Deselers vor
 sūck vunden / vnde geschach wedderumme
 ein groth strydt tho. 8. andel vp dem Belde /
 dar vele Heiden erschlagen worden / vnde
 ock crife van den Christen / Do stundt ydt
 eine tydtlanck im freden / vnd Hertoch Ab
 brecht reisede wedder in Sassen / Na deme
 he vele ridderlike daden in Enfflandt vthge
 richtet hedde. Na dem nu Meister Boiquin
 sampt synem Orden / in Enfflandt begunde
 geweldich tho werden / hefft soleks den Des
 nischen tho Keuel nicht wol behaget / der
 wegen hebben se gepraticeret / wo se mochte
 tho wege bringen / dat de Meister stille hol
 den mochte / vp dat se de Lande sūluest ge
 winnen / vnd eren vōdt darwedder in setten
 mochten / derhaluen dewyle se de borch tho
 Keuel befestiget / vnde ock einen mechtigen
 Kōninc heldē / de se wol entsetten fonde /
 hebbē se solcke eine geschwindigkeit erdacht /
 dat se einen valschen Legaten / alse que
 me desūluige van dem Paweste her / an den
 Meister afferdigen wolden / Welkere dem
 Meister / van wegen des Pawestes ankūn
 digen scholde / dat he stille holden / vnde
 de Heiden nicht forder beschedigen edder
 molckte

molesteren scholde/ ydt were denn sake/dat de Heiden in der Christen Lande fellen/ vnd dar schaden inne deden. Welcherer Legation haluen / de Meister vnde alle dat Christen volck tho Riga/ganz entsettet vnde bedrouet geworden was/ wustē nicht wo se dat vorstan scholden / dewyle de Pawest disen orden suluest bestediget/ vnde confirmeret hedde/vnd em tho gesecht/ dat allent wat se den Heiden affwinnen/ se dat sulnige fry besitten / vnde tho ewigen tyden/ also fryegrundtheren beholden scholden/ Do ydt auerst vormercket wordt / dat ydt vns me den Legaten nicht recht was/ hefft men en also affgeferdiget/dat he dar nicht mehr begerde tho famen/ dardorch Meister Volquin vororsaket geworden ys / den Denesschen de Borch/ sampt der stadt Keuel mit allen thogehorigen Landen tho nemende/ welches denn ock geschehen ys. Also nu Meister Volquin der Denesschen Herschop in Lyfflandt mechtich gewesen ys/ hefft he de Borch tho Keuel van Steinen fast/ vnd mit muren vnde tornen sehr hoch gebuwet/also ydt noch hüdiges dages voren tho sehende ys.

Dat Erste deel

To disen tyden hebben de Rüssen noch dat schlot tho Dörpte / welker op ere sprasfe / Juriongerodt / genömet wordt / sampt den vmmeliggenden Landen in gehat / vnde na deme de Christen ein mahl ock er heil daran vorsocht / vnde nichts daran beschafft hadden / hebben se desäluigen Rüssen tho Dörpte vmmen einen frede angelanget / welckere keinen frede hebben maken wille / sunder sint van wegen erer Vestinge gar stolt vnde vorbolgen gewesen / welckes denne Bisschop Albrechte / dem Meister Volquine / vnde allen ordensbröderen sehr vordraten hefft / derwegen hebben se sich sambtlicken heimlick vnde still / mit allem ernst wedder gerüstet / ere gelücke noch ein mal an den Rüssen tho vorsökende / tho Welckerem hupen / ock Bisschop Herman van Bagenus / vnde Graue Albrecht van Orlemünde / de dem Orden tho Denste gefamen was / sich begeuen hebben. Alse se nu sambtlicken Rüstich weren / sint se mit der ganken vorsammelingge op Vorkgerff thogetagen / vnde so vordan ganz ilich op Dörpte gerücket / vnde ysdomals Dörpte nicht eine gemürde Stadt

edder Schlot / sunder ein blodt Schlot mit
 Holte vnde planckwercke / vnde mit einer
 Erdtwehr / vor gewalt gebuwet / vnde
 befestiget gewesen / welches de Dudeschen
 in der gude erstlick vpgeesschet hebben / A-
 uerst de Rüssen erem gebuere na / geuen
 forsse worde / vnd vorhapeden sich eine ent-
 settinge van Nowaarten vnd Pleskow tho
 bekamende / de Dudeschen heren auerst / als
 se se vormerceden / dat dat süluge huz ane
 gewalt nicht fonde eräuert werden / hebben
 se ydt mit allem ernste angefangē tho stor-
 mende / vnde wo wol de Rüssen vnd Esten
 sich manlich gewehret / vnd den Dudeschen
 mit Bär vnde anderm vordere / grothen
 schaden tho gefoget hebben / sint dennoch
 entlick de Dudeschen erer mechtich gewor-
 den / vnde hebben dat Schlot mit stormen-
 der handt eräuert / vnde alle Rüssen vnde
 Esten / so darup gewesen / sampt dem
 Heren erwörget / vnde darna dat Huz in
 de grundt vorbrandt vnde vorstöret / Also
 auerst de entsettinge thor Pleskouw gefas-
 men / vnd erfahren hedde / dat Dörpte also
 eräuert gewesen was / sint se alle mit einan-
 der trwrich vnde bedrouet wedderüme tho

Das Erste deel

rügge getagen / De Christen auerst sint
van wegen dieser grote Victoria / gar hoch
erfrömet worden in dem ganken Lande
/ solcks ys geschehen vumme dat jar 1230.

Alse nu de Esten / Deselers / vnde andere
/ so den Christen affuellich geworden
weren / dat gerüchte van Dörpte gehö-
ret hebben / sint se gar erschrocken / vnde
hebben vor groter angst / tho Bisschop
Albrechte geschicket vnde gnade begeret /
vnde alle gefangene Christen / so se by sich
hadden / wedder vumme loß gegeben / vnd ock
den Linß / so se better her vorseten / twefol-
dich tho erleggende sich erbadem. . Darna
hebben de Esten allenthauven sich vorsam-
melen / vnde neuent Kercken vnde Kiusen /
ock ere eigen Häuser vnde Dörper buwen
möten / vnde alle de jenigen / so beth anher
lange tydt in den Wiltenissen geschulet
hedden / mussten herfor kamen / eren Acker
vnuorhindert tho buende / Welches in ves-
len Jaren nicht geschehen was / Welckere
Christen auerst sich redelic gegen de Düdes-
schen gehalten hebben / de sint des Tribu-
tes vnde des huedenstes entfryet worden /
darher de frye in Lyfflandt eren ortsprück
hebben /

hebben/ vnde geneten erer vele derföluigen
fryheit bette in den hüdigen dach.

Alse nu allenthaluen im ganken Est-
lande gudt frede gewesen / Do hefft Bis-
schop Herman ~~van~~ ^{B.} Vggenus/ dat vorp. d.
rede huf Dörpte wedder angefangen van
steine vnd Kalkke vp tho buwende/ vnd oek
vullen endiget/ alse ydt ikundes steith/ vnd
hefft sinen Stoel darhen gesettet/ vnde den
Dom by dem Embecke gefunderet/ vnde si-
nen broder Dthmar darhen thom Prawe-
ste vorordenet / vnde vele Dörper dartho
vorlenet vnde gegeuen / Do hefft dat stiffe-
te Vggenus den namen vorlaren / vnde
ys / dat stiffe Dörpte genömet worden/
de Domheren sint oek domials tho Dörpte
Canoniken vnde regularers genömet wor-
den. Disse erste Bisschop Herman tho
Dörpte / hefft vele Kercken vnde Klusen
geburet / dartho oek dat Kloster Balcke-
na / vnde hefft darna lange geleuet / vnde
alse he eine Römische reise gedahn had-
de/ vnde 77. Jar oldt / vnd blindt gewor-
den was / hefft he sick vor einen Moninek
int Kloster Balckena begeuen / vnde syn
leuende

Das Erste deel

leuendt dar geendiget / vnde hefft by synem
A. leuende / dat Biffchopsdohm / cinem Alex-
D. ander genant / vpygedragen / den he van bus-
ten herin vorschreuen hadde / Welcker de
ander Biffchop tho Dörpe gewesen ys.

Vmme disse tydt quam ock ein Graue
yth Döringen / mit velen Pelegrimen in
Lufflandt / weleker mit dem Meister Vol-
quin de Deselschen by winter dagen bekry-
get / vnde fast 2300. minschen / juncz vnde
oldt / erschlagen / vnd de Deselschen bedwun-
gen / vnd thom gehorsam gebracht hefft. Na
soleker Victoria ys Meister Volquin mit
den pelegrimen in Semigallen gerucket /
vnde hefft desülven volcker ock bekryget /
vnde erer 1600. vpy ein mahl erschlagen / vn-
de der Christen auer 300. in dersüluigen
schlachte vorlaren. Darna hebben sieck
de Semigallen wedderümme negen den
Meister gerüstet / vnde em eine schlachte
gelcuert / Darin de Semigallen auermahls
vndergelegen / vnde auer 500. Man vorla-
ren hebben / vnde der Christen sint ock in de
200. dodt gebleuen.

Darna hebben sieck de Littouwer errod-
get / vnd ein groth Volck wedder den Mei-
ster

ster v̄gebracht. De Meister auerst v̄nde de Graue v̄th Döringen / mit synen Pelegri-
men / hebben sich ock gerüstet / v̄nde ys v̄p
beyden syden gar ernstlick gestreden / V̄nde
wörden dar auer 2000. Littouwen / v̄nd van
des Meisters volcke 600. erschlagen. Auerst
de Dudeschen behelden dat Veldt / v̄nde er-
langeden wol in de 2500. Perde thor büte.
Darna toch de Graue mit synen Pelegri-
men wedder tho huß in syn Landt / also h̄e
vor de Christen redeliken gestreden hedde.

Na der tydt quam ein Graue int Landt
van Dannenberch / v̄nde Here Johan Has-
feldorp / mit velen Pelegrimen / wedder der
Christen viende tho strydende / Meister
Volquin hefft sich mit synem Volcke ock
gerüstet / v̄nd syne vterste macht v̄gebrachte
v̄nde sich mit dem ganken Heer / neuenst
dem Grauen v̄nd den Pelegrimen int veldt
begeuen / V̄nde darna in Littouwen gerü-
cket mit velem Volcke / De Littouwer auerst
weren ock in der rüstinge / v̄nd treffeden mit
dem Meister thosamende. Do wordt der
Christen Heer neddergelecht / v̄nd Meister
Volquin / v̄nde de Graue van Dannen-
berch / sint ock in disser schlachtinge geble-
uen /

Das Erste deel

uen / mit 48. Ordensbrödern / vnde mit ve-
 len Pelegrimen / Anno 1238. Also hefft disse
 hochlöffliche Meister syn ende genamen. Na
 deme he 15. Jar lanck regeret / vele gudes
 gedahn / vnde vele wedderwerdicheit by sy-
 ner regeringe gehat hadde.

Vth dissem Exempel der dädesehen För-
 sten / Grauen vnde Heren obgemelt / hefft
 men klarlick thouornemende / wo fuhr de le-
 uen Elden sich hebben werden laten / de
 Vnchristen thouordelgende / vnde de Chris-
 stenheit thouormerende. Tho den tyden
 auerst des Bisschop Albrechtis tho Riga /
 vnde des Meister Wolquins / hebben sich
 nicht alleine Hertoch Albrecht van Sas-
 sen / Graue Albrecht van Orlemünde / Dö-
 ringen / vnde Dannenberch / in Lyfflande
 begeuen / sunder vñ domals / vnde na der
 sätungen tydt / vele mehr Försten vnd Gra-
 uen / Vñe römlichen Köninck Waldemarus
 van Den remarcken / Barnimus ein Först
 vth Pa uern / etliche Grauen van Holstein /
 van Staden / Eldenborch / van der Lippe /
 vnde andere Grauen vnde Heren mehr /
 welckere nicht van wegen eres eigen nutz-

tes / sunder van wegen der allgemeinen
 leuen Christenheit bestes vnde wolfarth
 thobeforderende / sick tho Water vnde tho
 lande / auer vernen wech / mit grother ge-
 fahr / in Lyfflandt begeuen / vnde den Bis-
 schöppen / vnde den Meisters mit darstre-
 cking eres gudes vnde blodes grothe rid-
 derlike hülpe geleisset / vnde de arme hey-
 denschen Lande tho dem Christendohme
 gebracht hebben. Diffe löfflike Heren vn-
 de Kiddleere hebben in erreddinge der Chri-
 stenheit nicht geropen / Geldt / Geldt / ock
 nicht in mangeling des geldes / der Chri-
 stenheit tho weddern gehandelt / also vele
 Knygeslüde ysiger tydt hyr / vnde an an-
 dern ördern mehr / gedahyn hebben / vnde
 noch dagelikes dohn / Ock hebben de le-
 uen olden mit den Rüssen also nicht tho
 hope gespannen / also tho dissier tydt van
 velen Düdeschen / hoges vnde neddrigis
 standes / geschchen ys / welches den olden ein
 grüwel gewesen were.

Diffe Meister Bolquin hefft ock by sy-
 nem leuende / Anno 1234. by dem Haues-
 meister in Prüssen / Herr Herman van
 Cal

Dat Erste deel

Salka/vnd by dem ganken Dūdeschen Or-
den angefangen/vomme de Brōderschop des
Dūdeschen Ordens/ vor alle Schwerdtbrō-
der in Lyfflandt thoweruende / Welkes
dorch vorhinderunge des Königes tho
Denemarcken / so van wegen der Stadt
Reuel / vnde der thozehorigen Lande / an-
sprake tho der Schwerdtbrōderschop gehat
hefft/nicht so balde hefft geschehen mögen/
Entliken auerst na velfoldiger anholdinge
des Meisters/ vnde der Schwerdtbrōder
in Lyfflandt/ vnde na langen bedenkende
der Prūssischen Ordensheren / vnde ock/
dewyle se siē mit dem Könige van Denne-
marcken vordragen hadden / sint se mit in
den Dūdeschen Orden angenamen vnde
ingelyuet / vnde van dem Paweste Grego-
rio 9. bestediget/ vnde confirmeret worden/

Anno 1238. Euen tho dersūluigen
tydt/ alse Meister Volquin
erschlagen wordet.

Dat

Dat Ander deel der Lyfflen-
disschen Chronica/ van dem Ersten
Meister Dudesches Ordens in Lyff-
landt/ beth vp den lesten.

Alse Meister Volquinus vele
 ridderlike dade/neuenst dem Bischoep
 Albrechte in Lyfflande vthgerichtet/
 vnde thom lesten by dem dudeschen Orden
 in Prüssen / ydt so ferne gebracht hadde/
 dat de Orden der Schwerdtbroderschop
 in Lyfflandt/mit in den Dudeschen Orden
 scholde angenamen / vnde ingelyuet wer-
 den/vnd syner darauer in der Schlachtin-
 ge tho forth geworden was/ dat he densül-
 uigen Dudeschen Orden nicht hefft beka-
 men vnde erlangen mögen / Do hefft men
 na synem dode/Herman Balcken/welcker
 ock van etliken Herman Balcke (velichte
 syner treffliken daden haluen) genömet
 werdt/welcker 7. Jar vorhen Landtmei-
 ster in Prüssen gewesen was / thom ersten
 Meister dudesches Ordens in Lyfflande
 erkleret / Anno 1238. Disse Meister heffe
 des dudeschen Ordens habit / darmit he
 bekleidet gewesen/ in Lyfflandt erstlick ge-
 bracht

Dat Ander deel

Bracht. Do hefft de Orden der Schwerdes
bröderschop in Enfflandt vpgchöret / vnde
einen ende genamen / vnd ys eine nye Brö-
derschop des Düdeschen Ordens / wedder-
ümme angefangen worden.

By disses Meisters tyden / ys mit willen
Keiser Fredericks des 2. vnde dorch vnder-
handelinghe Gregoris 9. des Pawstes / wel-
cker eine herlike Legation domals in Enff-
landt gehat hefft / de Stadt Keuel mit allen
thogehöorigen Landen / dem Köninge tho
Dennemarcken in fründtschop / doch vn-
gerne / wedderümme ingerümet worden.
Daryegen hefft de Köninck tho Dennes-
marcken / dem Düdeschen Orden in Enff-
landt wedderümme voreret vnd geschencket
dat gantz Landt Teruen tho ewigen tyden /
vnd hefft ock eine statlike frygesmacht van
volcke / wedder de Vnchristen / dem Orden
tho hülpe geschicket / mit welekerem volcke /
de Meister / Herman Balcke / sich wedder de
Rüssen gerüstet hefft / de dem Orden / vnde
insunderheit dem Bisschoppe Herman tho
Dörpte / des affgedrungenen Dörpteschen
huses haluen / ane vnderlat grothen schaden
thogeföget hebben. Derwegen de Meister

mit groter macht in Růßlandt vor Tschorch gerůcket ns/rů hefft dar mit den Růssen gestreden/erer vele nedder gelecht/vñ de aue-
rigen in de flucht geschlagen. Darna heb-
ben sich de Meister/ vnd Bisschop Herman-
tho Dörpce/ mit dem ganken Heer/ vor de
Stadt Pleßkow in Růßlandt gelegert/ vnd
hebben de Stadt stůrmen willen. Auerst de
Růssen in der Pleßkow hebben einen frede
begeret / vnde sich dem Orden thoergeuen-
de erbaden / Welches denne mit beleuinge
Gerpoltis/des Růssischen Fürsten / soek ge-
schehen no/do ns beyde dat Schloth / vnde
de Stadt Pleßkow / dem Meister auerant-
wortet geworden/vnde de Meister hefft dat
Schloth vnde de Stadt mit Ordensbrů-
dern/vnd mit Christen volcke wol besettet/
vnd hebben samptliken Godt gelauet vñ ge-
dancket/ vor de grothe auerwinnunge/ vnd
sint darna wedderůmme na Lyflandt gereis-
set. Auerst Alexander/ de Fürst van Now-
garden/ hefft dem Orden de Pleßkow wed-
derůmme affgewunnen/do men schrefft 1244.
De Christen hebben sich wol ridderliken ge-
weret/auerst thom lesten hebben se vorlaren
geuen mōten. Do sint erschlagen 70. Or-

Dat Ander deel

densbröder / mit velem Düdeschen volcke /
vnde 6. Bröder sint gefangen / vnd tho do-
de gemartert worden. Disse Meister hefft
regeret by 6. Jaren / vnde ys gestoruen /
Anno 1245.

Hinrich van Heimborch de ander
Meister düdesches Ordens in Lufflandt

Anno 1245. Is Hinrich van Heimborch
van dem Hauemeister tho Prüssen / tho
einem Meister in Lufflandt vorordnet /
By disses Meisters tyden hefft regeret Ni-
colaus / de 4. Bisschop tho Riga / welcker
dat Kloster der Barföter Mönnicke tho
Riga gebuwet hefft. Disse Meister hefft
sick vomme synes lyues schwackheit willen /
van dem Ampte affgbeden / alse he 2. Jar
regeret hedde.

Diderick van Gröningen / de drüd-
de Meister düdesches Ordens
in Lufflandt.

Anno 1247. Hefft de Hauemeister tho
Prüssen / Conradt / Landtgraue in Dö-
ringen / einen andern Meister in Lufflandt
gesandt / geheten Diderick van Gröninge /
welcker Meister sict mit velem volcke wed-

der de Churen gerüſtet hefft / vnd ys in ere Landtgerücket / vñ hefft der Churē vele erſchlagen / vnde ys eine wyle dar im Lande gebleuen / vnd hefft dar gebuwet Golddingen / Churlandt vnde Amboten / vnd deſüluiigen Hüſer wol beſettet mit Volcke / vnd hefft den Churen allenthaluen ankündigen lathen / Dat alle de jenigen / de den Chriſtendoem dorch de Döpe annemen / vnde dem Orden vnderdanich ſyn / vnde Tributh geuen wolden / de ſcholden dat leuendt beholden / Auerſt ſe hebben node an de Döpe gewoldt / dar mennich groth ſtrye vmmē geſchehen / vnde mennich Ordensbroder dodt gebleuen ys / eer men ſe heffe betwingen / vnd tho dem Chriſtenliken gelouen bringen können.

De Churen alſe ſe des Ordens ernſt vormercket hebben / ſint ſe tho dem Mendow / dem Littouwiffchen Förſten gefallen / vnd hebben ſich em ergeuen / welches ock ein viendt der Chriſten geweſen ys / Deſüluiige Förſte hefft ein mechtich Volck voraſſamelt / vnde ys in Churlandt vor Amboten gerücket / mit aller macht. Do hebben de Meiſter vñ Here Bernart de Marſchalck /

mit erem Volcke in einem Bussche gehol-
den / vnde alse de Littouwen de borch Am-
boten stormen wolden / vnde sich vor dem
Meister nicht gehodt hebbē / sint se van dem
Meister vnd dem Marschalcke vorrasschet
geworden. Do ys de Förste van Littouwen
mit allem volcke flüchtich geworden / vnde
in der süluigen flucht hefft men auer 1500.
Littower erschlagen / vele gefangen / vnde
en allē erē hinderholt affgejaget / auerst van
den Christen sint nicht mehr gebleuen / alse
4. ordensbröder / vnd 10. andere. Na solcker
Victoria hefft de Meister de veste im Lan-
de ingenamen / vnde wol befestiget / dar ve-
le arbeides vmmē geschehen / vnde mennich
Ordensbröder dodt gebleuen ys.

Alse nu Meister Diderick 3. Jar rege-
ret hedde / hefft he affgedancket / vnde ys
darna van dem Hauemeister / Legations
wyse / an den Pawest / vmmē des Ordens
sake willen / geschicket worden.

Andreas van Stucklandt / de verde
Meister dādesches Ordens in Enfflandt.

Anno 1250. Is Andreas van Stuck-
landt / tho einem Meister in Enfflandt
erfleret worden / welcher yegen Iderman

vprichtig vnde woldedich gewesen ys. By
 disses meisters tyden/ hebben sich de Littou-
 wer Samayten vnde Semigallen/wedder
 den Orden vorhauen/ in meininge den or-
 den ganz vth dem Lande thouordruende.
 Do ys de meister Andreas van Stucklandt
 mit synen brödern vñ Kidderschop/ ock bal-
 de rede geworden/ vnd den Vienden entye-
 gen gerücket/ hefft erer vele erschlagen vnd
 gefangen/ vnde ere Lande vorbrandt/ vor-
 heret vnde vorwöstet / vnde ys beth an de
 Borch / dar de Köninck Mendow vpgele-
 gen gerücket/ vnd hefft de Lande vmmelan-
 ges her berouet vnde bestroffet/ vnd alle de
 he auerkamen hefft/ erschlagen vnde gefan-
 gen/ vnd ys darna in Samayten getagen/
 vnd dar sulust ock also huß gehalten / alse
 he in Littouwen gedahn hadde. Vnde na
 solcker auerwinninge ys he / mit groten
 fröwden vnde Triumphe/wedder tho Riga
 gefamen/vñ einen groten roeff mit sich ge-
 bracht/ van welkerem roeffgude de meister
 vele tho der ehre Gades vnd den armen/vñ
 dat auerige synen fryges Volcke vthgedeleet
 hefft. Darna hefft de meister mit synē brö-
 dern/de Semigallē mit ganker macht auer-

Das Ander deel.

lagen / vnde dar gelyck also in Littouwen /
vnde in Samayten gehandelt / vnd ock ein
groth roeffgud daruth gebracht. De Ses
migallen auerst hebben an den Meister ge
sandt vnde frede begeret / vnd sich erbadent /
Zins vnd Tribut dem Orden tho geuens
de / vnde ydt wordt vorgeliket / dat se schol
den stille sitten vnder Zins vnde jarlikem
tribute.

De Köninck Mendouw van Littouw
en / sande ock an den Meister Andreas / vnd
begerede vnderredinge vnde sprake mit em
tho holdende / De Meister auerst / na deme
he sich mit synen Brödern vnde Ridder
schop / bespraken hadde / ys an den bestem
meden ordt / tho dem Köninge getagen /
vnd also se sich vndereinander fründtlick
entfangen / vnd sprake gehalten hedden /
Hefft de Köninck eine köstlike maltydt be
reiden laten / vnd den Meister tho gaste ge
laden / vnde auer Dische hefft de Meister
uele fründtliker rede mit dem Köninge
gehat / beth so lange dat he den Köninck
dartho vormocht hefft / dat he anlauede /
ein Christen tho werden. Vnd de Köninck
hefft begeret / dat de Meister by dem Paw
ste

este weruen vnde erlangen wolde / dat men ene / vnd syne Königinne / stracks na der Dope / alse einen Christliken Köninck vnd Königinne / krönen schoide / Welckes eme de Meister / Andreas van Stucklandt / ock gelauet vnde thogesecht hefft. Do ys de Köninck frölick geworden / vnde hefft dem Orden ein stücke landes gelauet tho schenckende. De Köninck auerst vnde de Meister sint früntlick van einander gesehiden.

Alse nu de Meister tho Huß gefamen was / hefft he solckes stracks an den Pawest gelangen laten / Welcker sich des hoch erfröuwet / vnde dem Meister de vulmacht gegeuen hefft / den Köninck / na der Christen ordeninge vnde wyse tho frönende.

Tho der tydt hefft Albrecht / des namens de 2. ein Doemhere van Bremen / dem Bisschopsdoem tho Riga vorgestahn / vnde ys de vöfste Bisschop tho Riga / vnde ein Administrator des Bisschopdomes tho Lubeck gewesen / welcker Bisschop Albrecht vnde Meister Andreas van Stucklandt / hebben twe köstlike Kronen maken laten / vnd sint mit Bisschoppe Hinrico van Colme / vnde andern Bisschöppen mehr / vnde

Das Ander deel

mit vele medegebedigern vnd Ridderfchop/
gar ftadtlick in Littouwē tho dem Könige
getāgen Welcker fe mit einem groten praie
gar herlick entfangen / vnd wol getracteret
hefft. Do hebben de Köninck Mendow vnd
fyne Königinne Marta / den Chriftendom
dorch de Döpe entfangen / vñ fint van dem
meifter vñ Biffchop Albrechte / na der Chris
ften wyfe gekrönet worden / vnd de meifter
hefft dem Könige dat ganze Landt Littou
wen vorlenet / van wege des Paweftes / vnd
dar wordt ock vele anders volckes gedöffe.
Alfe auerft nu alles vullendet gewefen /
Do fint de Biffchöppe / vnd de meifter wed
der na Huß gereifet / gefchehen Anno 1255.

By diffes Meifters regeringe / ys dat
ftifte Riga erflick thom Erftiftte / vnde
Biffchop Albrecht des namens de 2. de crfte
Erkbiffchop tho Riga geworden / vnd heffe
de högēfte autoritet auer alle Biffchöppe /
in Pruffen fo wol / alfe auer alle Biffchöp
in Enfflandt erlanget / gelick alfe de Hau
meifter tho pruffen / de högēfte autoritet
auer den ganzen orden / fo wol in Enffland
alfe in Pruffen erlanget vnde gehatt heffe.
Diffe Meifter Andreas hefft regeret 6. jar /
vnde

vnde darna affgedancket / vnde in dūdesch-
landt gereiset.

**Euerhardt ein Graue van Seyne/
de vōfste Meister Dūdesches Ordens in
Lyfflandt.**

Anno 1256. hefft Euerhardt / ein Graue
van Seyne / de Meisterschop in Lyff-
landt erlanget/welcker ein framer vnd wy-
ser Here gewesen ys / he ys gar chrlifen in
Lyfflandt entfangen worden/ vnde stracks
im anfange hefft he sich mit synem Volckē
gerüstet wedder de Samantē/vnd ys in ere
Landt getagen / vnde hefft dar gerouet/ge-
brandt/vnd vele volckes erschlagen vnd ge-
fangen/vnde darna mit grotē pryse wed-
derümme na Riga getagen/des hefft he ock
einen toch in Churlandt / vnde vele andere
tōge mehr weder des ordens viende gedan/
Alse he nu twe Jar regeret hadde / ys he
franck geworden/ vnd hefft sich in dūdesch-
landt vōren laten/ dar he gestoruen ys.

**Anno van Sangerhusen/de 6. Mei-
ster dūdesches ordens in Lyfflandt.**

Anno 1258. hefft Poppe de Hauemeister
tho Prüssen / einen andern Meister in
Lyff-

Dat Underdeel

Lyfflandt gefandt / geheten Anno van
Sangerhusen. Diffe Meister hefft mit den
Semigallen vnde Samayten/etlike fryge
geudret / vnde alse he 3. Jar in Lyfflandt
regeret hadde / ys he vth Lyfflandt tho dem
Hauemeister ampte in Prüssen gefördert
worden / Anno 1261.

Borchardt van Hornhusen / de so
uende Meister düdesches ordens
in Lyfflandt.

Anno 1261. hefft Borchardt van Horn-
husen / dat Meisterampt in Lyfflandt
angenamen / welcker Meister hefft ein mal
de Schlöte in Churlandt besichtigen wil-
len / vnd alse he nicht wydt van der Meitel
gefamen was / Is he van den Heiden / de
sick in dem Bussche vorsteken hadden / an-
gelopen worden. De Meister auerst / hadde
nicht mehr by sick / alse 40. Ordensbröder /
vnde 500. reifiger Knechte / mit welckeren
he gank dapper manck de Heiden gesettet /
vnde erer gank vele erschlagen hefft / Do
sint van den Christen nicht mehr gebleuen
alse 12. Ordensbröder / vnde de Meister
säluest ys vorwundet geworden / vnde ys
mit

mit synē Volcke v̄p de Memmel geflagen /
 v̄nd also he van den wunden genesen was /
 ns he mit synem Volcke wedderūme na
 Riga gereiset / v̄nd aldar sich wedder desūl-
 uigen Heiden / nōmliken de Samayten /
 gerūstet / den spot wedderrūme tho wre-
 fende. Auerst de Samayten hebben einen
 frede begeret / v̄nde solckes ock dorch Rath
 des Erkbischoppes tho Riga erlanget v̄p
 twe Jar / middeler wyle hefft de Meister
 vele Kryge wedder de anderen Heiden ge-
 uōret.

Also nu de twe Jarige stillestandt mit
 den Samayten v̄thgewesen ns / Do hefft
 sich ein Krych wedderūme mit den Lit-
 touern / Samayten v̄nde twisschen dem
 Orden erhauen / Do se nu van beiden par-
 ten tho velde gewesen sint / v̄nd eine schlach-
 tinge thosamende gehalten / v̄nde vele vol-
 ckes v̄p beiden syden vorlaren hadden / Do
 hebben de Heiden de auerhandt v̄nde dat
 veldt beholden / do sint 33. Ordensbrōder
 erschlagen wordē. De Meister auerst hefft
 sich wedderūme gerūstet / mit valem vol-
 cke / welcher v̄th Dūdeschlandt dem Orden
 tho denste gefamen was / v̄nde hefft den

Das Ander deel

touwen vnd Samaytē wedder eine schlachtinge angebadē/auerst se dorsten nicht an-
kamē do ys de meister in Semigallē gerück-
et/vnd hefft dar eine Borch mit stormeder
hand gewonnen/ vnde ys darna förder int
landt getagen/vñ hefft dar eine borek Dob-
belen geheten/gebuwet vnd hefft de wol bes-
fettet. Diffe meister hefft vele tho schaffende
gehat mit den Littouern/Samayten/Rüs-
sen vnd Semigallen/welckere Vöcker sich
alle thosamende verbunden hadden/ de dü-
deschen samptlick vth Lyfflandt thouerdry-
uende. Thom lesten ys disse meister Borch-
ardt van den Littouwen vñ Samayten mit
velen ordensbrödern/vñ anderem Knyges-
uolcke tho Dörpte vñ dem velde erschlagen
worden / Anno 1264.

Vp dat süluike mal/ hebben de Heiden de
Schlōte/ Kerffow vnde Dobbelen/ wedder
gewonnen. Diffe Meister hefft regeret 3.
jar vnde söß Macnte/in der Schlachtinge
auerst tho Durben vñ dem velde / ys ock de
Marschalek van Prüssen gebleuen/neuensk
150. Ordensbröderen/vnde vele vñ Adel/
dartho sint ock 8. Ordensbroder gefangen
vnd 5. tho dode gemartert worden.

Kurgen

Jürgen van Eyckstadt / de 8. Mei-
ster düdesches Ordens in Lyfflandt.

Anno 1264. ys Jürgen van Eyckstadt/
Cumptor van Segewolde / na Bor-
chardt van Hornhusen / Meister tho Lyff-
landt geworden/welcker ein Coadiutor des
Borchardi gewesen ys / vnde alse he synes
vorfaren dodt an den Littouwern wrefen
wolde/were ydt em schyr gangen / alse yde
synem vorfaren gegahn was. Derwegen
ys he vororsaket geworden/mit den Littou-
wern einen frede tho makende. Middeler
wyle alse de Meister mit den Littouwern
gekryget hefft / sint de Deselschen van den
Christen wedder affgefallen / Desüluigen
hefft de Meister van wegen des affualles
bekryget/ erer gank vele vor einem Hagen
tho Carmell neddergelecht/vnd se also wed-
derümme thom gehorsam gebracht. By dis-
ses meisters tyden/ sint de Christen in Lyff-
landt in groter gefahr gestahn.

Werner van Breidthusen/ de 9.
Meister düdesches Ordens in
Lyfflandt.

Das Ander deel

Na deme Jürgen van Enckstadt / Is
 Werner van Brendthusen / tho dem
 Meisterampte in Lyfflandt erwchlet ge-
 worden. Diffe Meister Werner hefft mit
 dem Könige Mendouw van Littouwen/
 welcher ein vorlöchender Ehrste vñ mam-
 meluck geworden was / vnde darna ock mit
 dem Försten der Rüssen / tho deme ock mit
 Tramat / dem Försten der Samanten / ves-
 le tho schaffende gehat. Welckere dre För-
 sten sich tho samende verbunden hadden/
 dat se dem Orden / sampt allen düdeschen/
 vth Lyfflandt vornagen wolde. Also auerst
 Köninck Mendouw van Littouwen / mit
 Heeres krafft vor Wenden gefamen was/
 vnde synen Bundtgenaten / den Rüssen/
 nicht vor sich in Lyfflandt gefunden hadde/
 Do ys he ganz vndüldich wedder tho rüg-
 ge getagen / nicht ane merckliken schaden
 der Lyfflender. Also he nu hen wech gewes-
 sen / Do kumpt der Rüssen Förste mit ganz-
 her macht heran thende / rouet vnde vorhe-
 ret dat ganze stiffe Dörpte / vnde nimmet
 de Stadt Dörpte in / vnd also he dat schlot
 tho Dörpte so balde nicht gewinnen fon-
 de / vnde de Meister ock mit der entsettinge
 vor-

vorhanden was/ hefft he de Stadt Dörp
geplundert/ vnde ganz vthgebrandt/ vnd ns
darna wedder in Rūßlandt getagen. De
Meister auerst vnde de Bisschop tho Dörp
/ na dem se de Stadt wedderümme mit
volcke besetzt hadden / sint se den Rüssen
beth in ere Landt gefolget/ vnd hebben dar
gerouet vnde gebrandt/ vnd der Rüssen gar
uele erschlagen / Do ns de Meister franck
geworden / derwegen hefft he sich vth Rūß-
landt franck vnde schwach wedderümme na
Riga begeuen möten / mit einem grothen
pryse vnde roffgude.

So lange alse de Meister in Rūßlandt
hußgehouden hefft/ h̄s Trammat/ der Sama-
nten Förste/ mit ganker macht vnder des in-
de Wyke / gar verne in Estlandt gefallen/
vnd hefft darfüluest groten schaden gedan/
Darnegeen hefft de Meister in syner schwach-
heit/ tho Riga eine macht van Ordensbrö-
dern/ **B**erger vnd knechten/ vorsammelen
laten / dem Trammat vp der wedderkumpst
thobenegende. Also nu Trammat vp der wed-
derreise gewesen/ vnd sich wedderümme dorch
dat stiftte Riga na Samanten begeuen wol-
de / Do sint se by dem Kloster tho Düne
G mun

Das Ander deek

munde / in einem hellen Maenschynne tho-
samende getroffen / vnde hebben by nacht
enden eine blodige Schlachtinge also mit
einander gehoiden / dat de Waelstede van
blode gans rodt geworden ys / Auerst de
Düdeschen hebben dat Veldt beholden/
vnde hebben nicht mehr / alse 8. Ordens
bröder / vnde weinich Börger vnde knechte
vorlaren / vnd Tramat ys tho dem Königs
ge Mendow in Littouwen geslagen. Got
hefft ock disse Meister de Churen bekryget/
vnde ys in Churlandt betagen / vnde hefft
datsüluike Landt geweldich vorheret / vnde
vele volckes erschlagen / vnd dre huser / dar
tinder Grubyn dat eine gewesen / gewun-
nen / vnde alle dre in de grundt vorbrandt.
Meister Werner auerst / alse he twe Jar
regeret hedde / hefft he sick van dem Ampte
affgebeden / vnde ys in Düdeschlandt gereis-
set / vnd hefft dar syn gemack gekaren.

**Conradt van Mandern / de 10. meis-
ter düdesches ordens in Nyfflandt.**

Ynno 1269. Hefft Conradt van Man-
dern dat Meisteramt tho Nyfflandt
erlanget / welker Meister gebuwet hefft/
dat herlike huß Wittenstein in Jeruchen vnd

dat

dat hūß Mytow in Churlandt. By disses
 Meisters tyden ys Köninck Mendow van
 Littowen/van einem Boywoden/ also ein
 hundert/ ermordet vnde vmmgebracht wor-
 den / vnde hefft also eines Mammelucken
 rechte lohn entfangen. Disse meister hefft
 mit den Rüssen / Ehuren vnde Samanten
 ock vele tho doende gehat / vnde sick etlike
 mal mit en zeschlagen/vñ vp eine tydt 600.
 Man/vnde 20. Ordensbröder / vnde thom
 andern male 10. Bröder vorlaren. Disse
 Meister badt sick aff / van wegen synes ol-
 ders / do he 3. Jar Meister gewesen was/
 vnd toech in Dudeschlandt.

Otto van Rodenstein/ de 11. Meister düdeschens Ordens in Lyfflandt.

Anno 1272. Is Her Otto van Roden-
 stein in den Meisterstandt tho Lyfflande
 erhauen worden / welcher Meister einen
 groten Frych mit den Rüssen geföret hefft/
 vñ also he sick weder den viendt int veldt be-
 geuen hadde/ Do ys de Viendt starcker vnd
 de gewaldiger/ also mē syner vormoden ge-
 wesen heran gedrunge/ vnde hefft vp dem
 meister hefftich thogesettet/ do sint beide hu-
 pen

Dat Anderdeel

pen an einander getroffen / Auerst de Meis-
 ter hefft dorch Gades hülpe de Victoria
 erlangt / vnde hefft der Rüssen auer 5000.
 erschlagen / vnde de andern in de flucht ge-
 bracht / in welkerer schlachtinge / ys Bis-
 chop Alexander van Dörp te / mit velen
 Christen gebleuen. Na solcker Victoria ys
 de Meister / mit 18000. man tho lande / vn-
 de mit etliken dusent tho Scheye / in Ruff-
 landt gerückt / vnde hefft dar herouet vnd
 gebrandt / vnde hefft dat huß Isiborch ge-
 wunnen / vnde 2. Stede vthgebrandt / dar-
 na de grote Stadt Plaffow belegert / entli-
 ken auerst ys disse Knych vnde twistsake /
 dorch vnderhandlinge der Fürsten / van
 der Muscow vnde Nowgarden / tho einem
 frede geraden / vnde de Meister ys wedder-
 ämme mit synem Volcke vth Rußlandt
 getagen.

Des andern Jares darna hefft he wed-
 der de Littouren vnd Semigallen stryden
 möten / welkere op Desel gefallen weren /
 vnd dat säuwige Landt vorheret hadd:n. Do
 sint Meister Otto / vnd Syfrydt / des Kö-
 ninges van Dennemarcken Stadtholder
 tho Keuel / Bisschop Frederick tho Dörp-
 te /

te/ vnd Biffchop Herman van Leal / ganz
balde ferdich geworden / vnde fint den Littou-
touwern vñ dem Ise begegnet / vnde heb-
ben solck eine fchware fchlachtinge vñ dem
Ise mit einander gehalten / dat ydt nicht
ane dreffliken beidersits fchaden affgegahn
ys. Do ys Meyfter Otto mit 52. Brödern
vnde 600. Düdeschen erschlagen / vnd Bis-
fchop Herman van Leall vorwundet ge-
worden / vnd de Littouwer hebben den pryß
beholden / vnde fint van dem Ise tho Lande
gefahren / mit einem groten roue gefchehen /
Anno 1274.

Andreas de 12. Meister Düdesches Ordens in Lyfflandt.

Anno 1274. Is Andreas / stracks na des
Meisters Otten dode / im fchweuenden
Kryge / vor ein Höuet vpgeworpen / den
fülügen Krych mit den Littouwern / Sa-
manten / vnde Semigallen vñthoudrende /
Auerst he ys balde in demfülügen jare /
fampyt 20. Ordensbröderen / van den Lito-
touwern erschlagen worden. Tho differ
tydt hefft geregeret Johannes van Lunen /
de ander Erzbifchop tho Riga.

Dat Ander deel

**Wolter van Nordeck / de 13. Meis-
ter Düdesches Ordeus in Lynfflandt.**

Anno 1275. hefft Wolter van Nordeck de
Meisterschop in Lynfflandt auerkamen/
welcker Meister vele redelike daden wed-
der de Samayten vnde Semigallen vthge-
richtet/vnde vele Victorien erlanget hefft/
darna ock de huser / Larwenten vnd Mey-
saten / gewonnen / vnd nedder gereten / vnde
de Semigallen vnder synen gehorsam ge-
bracht / vnd de lande mit deme Capittel ges-
delet / vnd also he 3. Jar regeret hadde / hefft
he affgedancket / vñ ys in Prüssen gereiset

**Ernst van Raßborch / de 14. meister
düdesches Ordeus in Lynfflandt.**

Anno 1278. is Ernst vā Raßborch / Mei-
stertho Lynfflandt geworden / Welcker
meister dat herlike huß Dünenborch ange-
fangen hefft tho buwende / welekes allerhei-
denscher Naberschop schr vordraten hefft /
derhaluen hebbē se siek mit aller macht wed-
der dat süluike werck vpgelenet / auerst vor-
geues / wente de Meister hefft siek mit synen
brödern vnde Ridderschop / na allem vor-
mögen gerüstet / vnde Elerdt / de Denessche
Stadt

Stadtholder van Keuel/ys dem meister ock
 cho hūpe gekamen / mit welcher rüstinge de
 meister in Littouwen gerückt ys / vnd heffe
 dar gewaldich huß gehalten mit Wordt/
 ruff vnd brand / vñ hefft ein grot gud dar
 uth gebracht. De Littouwer auerst sint dem
 meister balde gefolget in Lyfflandt / bette
 vor dat huß Assch. rade / mit Heerskraft/
 do sint se aneinander getroffen / vñ hebben
 eine schlachtinge mit einander gehalten /
 Auerst dewyle der Heiden hupe / aueruth
 starck gewesen / hebben de Christen dat veldt
 vorlesen möten / do ys meister Ernst / sampe
 71. Ordensbröderen / vnde mit velen van
 Adel / erschlagen worden / vnde de Heiden
 hebben vnser leuen Frouwen Vane / wel
 ckere Hinrich van Tysenhusen / ein Kido
 der / geuoret hefft / henwech gekregen / vnd
 den Fenrich erschlagen. De Deneffche
 Stadtholder van Keuel / hefft den standt
 wedderümme begripen willen / darauer he
 vorwundet / vnde syn Kofz ock vnder em er
 schaten worden ys. Geschehen Anno 1279.
 in der Vasten.

Conradt van Suchte wange / de 15.
 meister düdesches ordens in Lyfflandt.

Das Ander deel

Anno 1279. Is Conradt van Fuchteswange / van vornemen Adell in Düdeschlandt gebaren / Meister tho Lynfflandt gewordē / welcher ock Landtmeister in Prüssen gewesen ys / vnde de beiden Empter tho einer tydt vorgestan hefft. So lange alse disse Meister in Lynfflandt regeret hefft / ys em stede Knych in iischen den Samanten / Semigallen / vnde dem Orden gewesen. Also he auerst 3. Jar in Lynfflandt regeret hadde / ys he in Prüssen getagen / dar he namals ock Hauemeister geworden ys. Also hefft disse Meister de dre högsten Empter des Düdeschen Ordens bedenet.

Willeken van Echurborch de 16.
Meister Düdesches Ordens in
Lynfflandt.

Anno 1281. Is Willeken van Echurborch / welcher ock van etliken Willem van Endorffen genandt werdt / tho Bellin vor einen Meister in Lynfflandt erwchlet geworden / welcher Meister mit den Littouwern / Samanten vnde Semigallen grothe Knyge geüdrct / vnde cren auerstern erschlagen hefft / he hefft gebuwet den hilligen Berch

berch in Semigallen/dartho de dre Schlo-
 te/aife Wolmar/Burnick vnde Tritaten
 vnde de Kercke tho Wenden/Entliet vs he
 van den Semigallen in cinem stryde aucto-
 wunnen / vnde erschlagen worden mit 33^o
 Brödern des Ordens / vnde 16. sint gefan-
 gen/van welckeren etlike naket vp de Perde-
 gebunden / vnde also mit knuppeln tho doo-
 de geschlagen sint / etlike sint vp hölten rös-
 sten gebunden / vnde vp dat Vür gelecht/
 vnde also vorbrandt geworden. Disse Meis-
 ter hefft regeret 5. Jar / vnde 5. Maente.

Conradt van Hertogenstein / de 17.
 Meister düdesches Ordens in
 Lyfflandt.

¶ Anno 1217. hefft Conr idt van Hertogene-
 stein anfangē dat Meisterampt in Lyff-
 landt thouorwalden / welcker synes vorfas-
 ren dodt tho wrekende mennigen toch wed-
 der de vprörisschen Semigallen gedaen
 hefft / vnde hefft ock wedderümme gewun-
 nen de Borch Dobbelen / de de Meister
 Borchardt van Hornhusen vorlaren hods-
 de/vnd der Semigallen Beste/Katten vns
 de Sydroben/herunder gereten/ vorbrant
 vnde

Dat Ander deel

vnde vorstóret / Do sint de Semigallen
auermals thom gehorsam gebracht wor-
den. Disse Meister hefft regeret 2. Jar.

**Boltho van Hogenbach / de 18. Mei-
ster Dúdesches Ordens in
Lýfflandt.**

Mno 1289. Is Boltho van Hogenbach
int Meisterampt tho Lýfflandt geuol-
get / tho welckeres Meisters tyden / alse van
wegen der Rússen / Littouwer / Samayten /
vñ aller vnchristē / ein tydlick frede im lan-
de gewesen was / hefft sich de frych der *emu-
lation* vnd Ehrgiricheit twisschen dem orden
vnde den Bisschóppen tho Lýfflandt / wed-
derúmme erhauen vnd angefangen / Wel-
cker Meister 5. Jar regeret hefft.

**Hinrich van Dumpeshagen / de 19.
Meister Dúdesches Ordens in
Lýfflandt.**

Mno 1294. hefft Hinrich van Dumps-
hagen de Meisterschop tho Lýfflandt
erlanget / Welcker mit dem Bisschoppe
Bernhardo tho Dórpte / einen vordracht
vnd frede vygerichtet hefft / auerst desúluige
frede

frede ns van den Bisschöppen nicht lange
 gehalten worden / dardorch grote vnnödi-
 ge Krynge erwassen sint. Disse Meister
 hefft regeret twe Jar.

Bruno / de 20. Meister Dudesches Ordens in Lyfflandt.

Anno 1296. wordt Bruno Meister in
 Lyfflandt / By welckeres Meisters ty-
 den / sich ein groth Krynch twischen dem or-
 den / vnd dem drüdden Erzbischoffe / Jo-
 hannes van der Fichte / sampt dem Capit-
 tel tho Riga erhauen hefft / Wente dewyle
 gemelter Bisschop sampt synem Capittel
 vñ gankē stiffe / sich mit den Littouwern vñ
 andern vngelöuigen mehr / wedder den dü-
 deschen orden vorbunde hadde / vñ desülui-
 gen vngelöuigē in Lyfflandt vele vormocht
 hebben / hefft meister Bruno / mit synen or-
 densuorwanten / sich ock tho der gegenwehr
 rüsten möten / vnd also de beiden hupen tho
 velde gefamen sint / vnd by Trenden thosa-
 mende getroffen hebben / do hebben de stiff-
 teschen tho Riga mit den vngelöuigen Lit-
 touwern de victoria erläget / vñ den meister
 bruno sampt 60. ordēsbrödern erschlagen /
 Dars

Dat Ander deel.

Dardorch de stiftteschen vnd de Bõrger van Riga gar freidich geworden sint / vnde hebben de nyemõle / des Ordens huß / belegert dar se van affgeschlagen worden. Do sint der Rigeschen fast 400. gebleuen / etlike erschlagen / vnde etlike int water getrungen / dat se vor supē musten. geschē Anno 1298.

Godtfridt de 21 Meister Dädisches Ordens in Lyfflandt.

Anno 1298. Is Godtfriedt im schweuend den fryge mit den stiftteschen van Riga / tho einem Meister in Lyfflandt gefaren worden / by welckeres Meisters tyden / ys ydt der vthlendischen viende haluē gude frede gewesen / Auerst de innerlike Krynch zwisschen dem orden vnd den Bisschöppen / fonde vnde möchte so balde nicht gestillt werden. Disse Meister hefft / gereret 8. jar. Tho dissertydt ys tho Riga de 4. Erzbisshop gewesen Johannes / ein Graue van Schwerin.

Conradt van Zocke / de 22. Meister dädisches ordens in Lyfflandt.

Anno 1307. Hefft Conradt van Zocke / de Meisterschop in Lyfflandt bekamen /
wel

welcher Meister ein groth Volck / van Inheimessen vnde vthlendischen Krygesluden vrsammelt hefft / dartho em ock vth Prüssen vele Krygeslude / derer Houtman emer / Ketelhodt genant gewesen / tho hülpe geschicket worde sint / mit welcherer rüsting de Meister in Rüsselant getagen ys / vnde hefft de Stadt Pleßkow belegert / erauert vnd geplündert / vñ ein grot vmmetich troeffgudt daruan gebracht / vnd de Rüssen also tho dem stillstande gedwungen. Disse meister hefft gebuwet dat schlot Meynsaten in Semigallen / vnde andere mehr.

By disses Meisters regeringe / Anno 1315. Is eine vnerhörde grüwlike düre tydt an Korne / vnde anderer nodtrofft in Lyfflandt / vnd in allen vmmeliggenden landen dermaten gewesen / dat vele hundert Menschen hungers haluen gestorue sint de men in grothe Buhrfulen geworpen vñ begrauen hefft / ja dat ock etlike öldern ere ezene kinder geschlachtet / vnd vpgegeten hebben / vnde etlike öldern vth mangelinge des brodes ere kinder in hete badtstauen beschlaten hebben / dat se darinne sticken mosten. Idt hefft sich tho dersüluigen tydt im Estlande /

Das Ander deel

in einem Dorpe / Pucket genant / thogedragen / dat ein Knecht synen Vader / vth hungers nodt / hefft ermordet / vnd vp ethen willen / weleker daraucr gegrepen / vnd mit schwarer pyne tho dode gemartert worden ys / Vnde wor domals ein Doff frisch am Galgen gehangen hefft / densüluigen hebben de armen lüde / by nacht tyden / vum Gerichte genamen / vnd vp gegeten. Disse hunger vnde düre tydt hefft gewaret dre Jar / vth orsaken / dat dat Korn / beide Roggen vnde Gersten / alle Jar im velde vorfraren gewesen ys.

By dissis Meisters tyden / ys ock Krynch twisschen dem Orden / vnd dem Bisschoppe van Desel gewesen / in welekerem Krynge de Meister dem Bisschoppe / de huser Habsell / Lode / vnd Leal / sampt der ganken Wyck genamen hefft / Thom lesten ys disse twistsake dorch Isarium / den 5. Erkbisschop tho Riga / bygelecht vnd vordragen worden / Darna hefft Isarius syn Erbstifte vorlaten / vnd ys in Welschelandt gereiset / dar he her gefamen was.

Euerhardt van Nonheim / de 23.

Meister in Lyfflandt.

Anno 1327. ys Euerhardt van Monheim/
 Cumpstor van Holdingen/ in den Mei-
 ster. andt in Lyfflandt getreden/welcher ein
 vprichziger / Ernsthafftiger / vnd framer
 Here gewesen ys/ vnd vele gudes dem Or-
 den vnd dem Lyfflande thogefoget hefft. By
 synen tyden hefft sic auermals ein Krynch
 twischen dem Orden vnd den van Riga
 erhauen. Do sint de Rigesschen vth leue
 der fryheit balde rüstich geworden/vnd vor
 des Ordens hufz Lünemunde gerücket /
 vnd hebben dat Fleck vor dem huse in de
 grundt vorbrandt / vnde vele volckes junc
 vnd oldt erschlagen / Welches dem Mei-
 ster/vnd dem ganken Orden/ sehr gespntet
 hefft / Derwegen hefft de Meister/ Euer-
 hardt van Monheim / de Stadt Riga mit
 gewalt belegert/ vnde alle straten vnde we-
 ge belecht / vp dat de Rigesschen nene tho-
 foer bekamen mochten / dardorch se denn
 entlick genödiget worden / dat se gnade be-
 geren mösten / Do hebben se solckes an
 den Landtmarschalek flytich gelangen la-
 ten/ dat he sic der sake twischen dem Mei-
 ster vnde der Stadt Riga annemen / vnde
 em gnade wedderümme erweruen wolde/

Das Ander deel

Das de Meister vth grother vorbitteringe nicht hefft angewolt / doch entliken ys dar so vele twiffchen gehandelt worden / dat yd tho einem vordrage gefamen ys. Do heben de van Riga dem Meister thofote fallen / vnde gnade begeren möten / dartho heben se ere Stadt sampt allen eren rechten / fryhaiden vnd priuilegien dem Meister vnde dem Orden auergeuen / vnde ere Voerten vnd Mären nedder ryten möten / Solches ys geschehen Anno 1330. vñ S. Berdruden dach. Darna hefft en de Meister andere Priuilegia vnde fryhaiden wedder geueu / vnd gnade ertöget / vnd hefft ock tho der tydt darna dat Schlot Riga gebuwet / vnd andere schlöte vnd Borge mehr.

Alse disse Krych ys bygelecht gewesen / do ys de Meister in des Rüssischen Königes Catates Landt gefallen / vnde hefft dar getouet / gebrandt vnde dodt geschlagen / vthorsaken / dat de Rüssen sich mit den Littouern / wedder de Prüssen verbunden haden. Dardurch de Köninck van Littouwen vthorsaket geworden / einen Krych wedder Lyfflande anhofangende. Do hefft sich de Meister balde gerüstet / vnde ys den Vyenden

Den benegenet / vnde hebben ein treffent mit
 ein ander gedahn / Auerst de Meister heffe
 de Victoria erlanget / vnde hefft vele van
 den Littouwern erschlagen / vnde den Rōs
 ninck sūluest verwundet / vnde de auerigen
 v̄p de flucht gebracht. Na solcker Victoria /
 alse de Vyende v̄th dem lande geschlagen
 er weren / vs he in Samayten gerūcket / vnde
 hefft dar so huß gehalten / dat de Samay
 ten v̄mme frede bidden mosten / Do vs ein
 frede twisschen den Littouwern / Samayten
 vnde Lyfflandt beramet vnde v̄pgerichtet
 worden.

Alse ydt nu mit Littouwen vnde Sa
 mayten frede gewesen / Do hebben sich de
 Rüssen th̄or Pleßkow wedder den Orden
 erroget / Wedder desūluigen hefft sich de
 Meister ock gerūstet / mit dem Grauen van
 der Arnshboreh / de mit velen Rūtern dem
 Orden tho denste gekamen was. Alse nu
 disse Meister mit den Rüssen / vnde andern
 Heiden mehr / gekryget hefft / do vs solck ein
 koldt Winter gewesen / alse nemandt v̄s
 hen gedacht hadde / also dat gar vele Chris
 sten vnde Heiden dodt gefraren sint / vnde
 dat de cine Rūter tho dem andern geseche
 hefft /

Das Ander deel

hefft/Were icē Römischer Könige/ icē geue myn halue Kyfē vor eine warme stube. Dith exempel vnd dergeliken dinge mehr/tögen genöchsam an / wo suhr sich de leuen Elden hebben werden lathen / vor de leue Christenheit thostrydende.

Disse Meister hefft ock vele Schlöte vnde Borge im Lande begrepen/vnd gebuswet/vnd dat Landt hefft by syner regeringe sehr tho genamen.

By disses Meisters tyden hefft regeret de 6. Erzbisschop tho Riga / vth Bremen bördich / vnd alse disse Meister Euerhardt vldt gewesen ys / Hefft he by dem Hauemeister in Prüssen affgedancket / alse he 14. Jar regeret hadde / vnde ys na Cöllen getagen / dar he syn gemack gefaren hefft / vnde ein Commendor tho S. Catharinen geworden ys.

Borchardt van Drenleue / de 24.

Meister düdesches Ordens in Lynfflandt.

Anno 1341. hefft Borchardt van Drenleue dat Meisterampt in Lynfflandt erlangget / Welcher Meister balde im anfangē syner regeringe / pp Marien vorfündiginge /

angefangen hefft de herlike Schlöte / Marienborch vnd Fromburch / vñ der Küßfischen grenze tho buwende / welches den Küßen sehr vordraien hefft / Darümme se sich vorsammelt hebben / desüluigen huser / de crem Lande tho na gebuwet weren / weder thourstörende / vnde also se vor Marienborch gefamen / vnd einen grwlifen rock vnd schmöck angerichtet hadden / de Jüdeschen vñ dem huse thourordelgende Do hebben sich de Jüdeschen gank rüdderlic geweret / vnd 28. Küßen erschlagen / ane de verstrundet geworden sint / Nowol de Jüdeschen des rockes vnde schmöckes haluen ock grothe nodt geleden hebben / so hebben se dennoch den pryß beholden. Do ys Arnoldt van Wittehoue thom ersten Cummender tho Marienborch vorordenet geworden. Disse Knych mit den Küßen hefft noch ein thydlanck gewaret / dar de Meister sampt dem ganken Orden genoch mede tho schaffende gehat hefft.

By disses Meisters regeringe / Anno 1343. in S. Jürgens nacht / hebben de Harrißche buren in Lyfflandt eine erschreckeliche böse dadt vnde Mordt begahn / vnde auer

Das Ander deel

1800. Dädeschen / vā Adel / Junck vnde
 Aldt / Frouwen vnd Junckfrouwen / Jun-
 cker vnde Knechte / vnd allent wat Dädesch
 gewesen ys / samerliken ermordet vnde vñ-
 megebracht. Do hebben de Dädeschen in
 Harrigen / vnd in Wyrlande / in der Wyck
 vnd vñ Desel / vnde in dem ganken Estlan-
 de / van wegen der vprörisschen Buren in
 groter nodt vnde gefahr gestahn. In der-
 sülügen nacht / alse de Mordt geschehen
 was / sint etlike Mans / Frouwen vnde
 Junckfern vā Adel / naket vnd blodt / ane
 hasen vnd scho // dorch Bussch vnd Broet
 na Wittenstein / vnde etlike na Keuel ge-
 slagen / Do sint de Klostere ock nicht vor-
 schonet geworden / Wente in dem Kloster
 tho Padis / sint ock 28. Mönnicke erschla-
 gen. Darna hebben sich de Buren in de
 10000. starck versammelt / vnde Könige
 vnde Försten vnder sich vpgeworpen / vnde
 hebben de Stadt Keuel / mit sampt dem
 Denesschen Stadtholder / vñ dem huse tho
 Keuel belegert. Solck ein spil hebben de
 Wykeschen Buren ock angefangen / vnde
 hebben eren Bisschop sampt allen Domhe-
 ren / vnde vele vā Adel / tho Habsel bele-
 gert.

gert. Tho deme hebben de Deselschen Buren/ in demsüluigen Sommer vp Jacobi/ alle de Düdeschen vp Desel ermordet / vnd den Ordens Baget / sampt dem gangen Conuente tho Ponde/ ock belegert/vnd also de Baget mit synem Conuente sich nicht lange vp Ponde hefft erholden können/ hefft he einen fryen Paß vor sich vnd de synen begeret/ Welckes em de Buren trülicke gelauet/auerst nicht gehalten hebben/wente also de Baget mit den andern düdeschen van Ponde affgetreden was/ Do hebben de Buren se alle ermordet vnd vmmgebracht dat dar nicht ein van gefamen ys.

De Buren vor Keuel schickeden ere Legaten an den Bisschop tho Abo / vnde tho Wyborch vmmehülpe / vnde laueden den Schweden de Stadt Keuel tho leuerende. Auerst middeler wyle / hadde sich de Denesche Stadtholder by Meister Borchard van Dreyleue / vmmehülpe beworuen/ Welcker Meister ys dorch des Stadtholders so wol/also der bedrückeden vanAdel/ ernstlike anforderinge/ balde ferdich geworden / de Stadt Keuel tho entsettende/ vnde de vprörischen Buren tho straffende.

Dat Ander deel

Als nu de Swren vor Keuel des meisters ankumpst erfaren hebben / hebben se ere gesantē an den meister affgefediaget / vñ sich em tho ergeuende erbadē / by solckem bedinge / dat se allene des Meisters / vnd des ordens Tributarij syn wolden / auerst keinen Eddelman wolden se vor ere auericheit mehr erkennen / edder wolden leuer alle steruen / Wente de van Adel hedden en lange genoch vele homodes vñ allerley tyrannye bewysset / Auerst de gebedigers vnde andere van Adel / welckere Fründtschop van den Swren ermordet weren / hebben by dem Meister fytich angeholden / dat he de Mörder nicht tho gnaden annemen / vnde solcken erschreckliken Mordt nicht vngestraftet laten wolde. Darup hefft de meister vorthgefahren / vnde na gerade vp dem schermükel vele Swren nedder gelecht / vnde dardorch einen temeliken affbrock gedaen / vnde lechliē vp de Swren vor Keuel thogesettet / vnd se fast alle in de 10000. man erschlagen. Na soleker victoria ys eine grothe frōwde vnde Frolockendt / by dem Dessenischen Stadtholder so wol also by allen Düdeschen im Lande / vnd in der Stadt
Keuel

Keuel gewesen / Do sint se vth der Stade
 by hupen gelopen / vnde de doden Cörper
 mit fröwden besichtiget. Vor solcke woldat
 hefft de Venessche Stadtholder dem Mei-
 ster fründtlich gedancket / vñ en forder vñ
 me hülpe gegen de Schweden / de vorhan-
 den weren / gebeden. Do hefft de mcister dat
 Huß vnde de Stadt Keuel Heren Goff-
 wyn van Ercke / dem Cumpstor tho Belyn /
 neuenst dem Köninckliken Stadtholder tho
 vorwaldende beualen / vnd süluest na Hab-
 sell nlich gerücket / den Bisschop vnde ande-
 re düdeschen vñ Habsell tho entsettende. al-
 se auerst de Wyfeschen Bwren vor Habsel
 des Meisters ankumpst erfahren hebben /
 sint se alle tho Bussch vnde tho broke gefla-
 gen / vñ sint de Habselschen ock also erred-
 det geworden.

Middeler wyle quemen de Finnen van
 Wyborch mit etliken Schepen heran / wel-
 cher der bwren legaten vthgerüstet hadden /
 vnde aise se vornamen hebben / dat de Bw-
 ren nedder gelecht / vñ de Stadt Keuel ent-
 settet weren / sint se in de Stadt Keuel ge-
 famen / vñ sick der bwren haluen gar nichts
 mercken laten / sundern sick der Venesschen

Dat Anderdeel

faken haluen beclaget. Do hebben se/ Her
Gozwyn van Ercke vnd de Stadtholder/
fründtlick tho freden gespraken / vnde wol
getracteret / vnde also mit guden bescheide
wedderümme affgeferdiget. Also nu de an-
dern Sworen im lande vornamen hebben/
dat ydt eren fründen vor Keuel also gegan
was / hebben erer etlike den Küssen vpges-
spraken / dat he sich wedderümme an de dü-
deschen maken scholde / velichte wörden em
alle Buren im Lande thofallen. De Küs-
se hefft sich nicht lange gesümet / sunder ys
balde int stiffe Dörpte gefallen / de Stiff-
tischen auerst vnde etlike gebedigers / sint
dem Küssessen hupen / by Odenpee /
menlick beyegenet / vnde erer auer 1000. er-
schlagen / vnde de andern in de flucht ge-
bracht / Do sint ock etlike ordensbroder vnd
etlike van Adel / darunder einer / Johan
van Lewerwolde genandt / gebleuen.

Darna ys Borchardt van Drenleue/
de Meister tho Inffiant / by Winter dagen
vp Desel gerücket / de vprörisschen Buren /
de den vaget sampt dem ganken Conuente
tho Ponde / vnde alle Dudeschen dar süluest
vordordet hadden / tho straffende vnd heffe
sich

sick mit synem krygesuolcke tho Karris ge-
legert / dar he ganke 8. dage stille gelegen/
vnde syn Krygesuolck hefft dat landt Des-
sel dorch vnde dorch vorheret / vnde in de
9000. minschen junck vnd oldt erschlagen.
De Deselers auerst hebben do gnade bege-
ret/de se mit schwarzen conditionen vnd be-
dingende erlanget hebbē. Do hebben se alle
ere wehre vñ wapen van sick geuen/vnd vp
dat huß Leal fören möten/dartho hebben se
stracks anfangen möten/dat Huß Sonen-
borch tho buwēde so se anders by dē leuende
blyuen wolden. Solkes ys geschēhen/1345.

Alse nu de Meister mit synem kryges-
uolcke vp Desel geweresen ys / sint de Lit-
touer in synē affwesende int Landt gefal-
len / vnde hebben dat huß Tarwenten / vp
Reminiscere/in der nacht dorch vorrederne
eines Semigallen ingekregen/vnde 7. Dr-
densbröder / vnde andere dūdeschen mehr/
darup erwörget/darna nlich vp de Myntow
fort gerücket / dat Hackelwerck gank aff-
gebrandt / also dat ock dat vür in de Borch
Myntow geslagen ys/ dar etlike ordensbrö-
der/sampt 600. anderen Minschen/ dorch
vüres nodt vmmegefamen sint.

Dat Ander deel

So sint de Littouwer beth vor Riga mit ganser macht vorthgetagen / vnde eine halue nacht daruer stille gelegen / vnd van dar op de Nyemole gerückt / vnde de Vorborch nlich ingekregen / Auerst sint wedder affgeschlagen worden / darna sint se vor Segewolde getagen / vnd tho Balcken 2. nacht stille gelegen / vnde dat Landt grüwlich vmmehet vorheret / vnd in de 260. minschen vth dem gebede Segewolde / demgeliken vth dem stiftte Riga auer 1000. Menschen / alse Behe henweck getreuen. Geschehen / Anno 1345. in der Fasten.

Ock scholde sicc by dissis Meisters tyden / de vpror der Belynschen Swren tho gedragen hebben / welcherer sicc ock mit einander verbunden hadden / den Cumptor sampt allen Jüdeschen op dem huse Belyn tho vormordende / vnde dewyle dat huß vor gewalt gewesen ys / hebben se einen listigen anschlach erdacht / wo se dat vnwormercket vullentehen / vnde int Werck stellen mochten.

Ydt ys auerst eine gewanheit gewesen / dat de Swren im gebede Belyn / op dat huß Belyn ere plicht van Korn hebben

ben vören / vnde all dar lefteren möten / dar-
wegen hebben se sich also voreiniget / dath
erer ein gank deel / de den Jüdeschen vñ dem
huse starck genoch vallen mochten / vñ einen
dach thogelike vñ dat huß Belyn / mit ernen
schleden vñ grothen Kornseken waren wol-
den / Auerst in dem sacke set olde ein yder /
an stat des Kornes / einen starcken Kerl / mit
syner Wehr vñt Schlot vören / vnde wenn
se nu starck genoch darup gefemen waren /
so scholde ein yder synen Sack balde vñ-
lösen / vnde den Kerl daruth lathen / vnde
scholden also mit samender handt vñ de
Jüdeschen schlachn / vnde se vñmebringen.
Disse anschlach hefft den Buren wolgefals-
sen / vnde de dach wordt bestemmet / vñ wel-
ckeren solet es geschehen scholde / Nämlik
vñ S. Thomas auendt / Auerst disse b ducs-
rye ys doreh ein oldt Wyff / den Jüdeschen
vñ dem huse Belyn vñhgebracht / vñ de ge-
apenbaret worden / welckers wyues Sone
mit in disser vorbundnisse was / dar vñme
se sorge vor ernen Sone gedragen hefft / vñd
by den Jüdeschen angelanget vñd vñ gebe-
den / dath se ernen Sones verschonen wol-
den / hefft ock den Jüdeschen ein Markt
vor-

Dat Ander deel.

vorgeschreuen / darinne de Sack / dar ere
Sone inne was / getekent werden scholde /
Disse beide hefft men er / van wegen der ge-
geuenen kundtschop / geweret / Alse nu de
Buren / mit eren secken vnde schleden / vor
dat Huß Belyn angekamen weren / hefft
men erer so vele in tehen laten / dat men
ene raden kōnde / Do sint de Dudeschen als
le / mit erer Wehr / bereidt gewesen / vnde
hebben se alle in den secken ersteken vnde er-
wōrget / Des tho einer ewigen straffe vnde
gedechtenisse / hebben de Dudeschen allen
Buren / in ganken gebede Belyn / na ock
den vrschuldigen / einen nyen Tribut / vp
S. Tomas auendt jarlick tho erleggende /
vpg elecht vnde vorordenet. Disse Meister
hefft regeret 6. Jar.

Goswyn van Ercke / de 2. Mei-
ster Dudesches Ordens in
Lyfflandt.

Yno 1347. Is Goswyn van Ercke
Cunp ter van Belyn / des Meisterstan-
des werrich geworden / By welckeres rege-
ringe in Lyfflandt / de Hauemeister tho
Prussen Her Hinrich Lūsener / dem Kō-
nige

nige Waldemmaro 3. vnde synem broder
 Otto affgeköfft hefft / de Lande Harrigen
 vnde Wyrlandt / sampt den dren Steden
 vnde Schlöten / alse Keuel / Narue / vn-
 de Wesenberch / mit allen thogehöri-
 gerechticheiden / vnde Fryheiden / vor
 19000. Marek lödich / synes süluers/
 na Cöllenscher Wicht / Disse Koep ys vul-
 lentagen vp dem Huse Marienborch in
 Prüssen / Anno 1347. am tage Johannis
 Baptiste. Do hefft sich Otto / des Könin-
 ges broder / mit in den düdeschen Orden
 begeuen / Darna am dage *Omnium Sanctorum*
 desüluigen Jares / hebben de Denesschen
 de gemelten Lande vnd Stede dem Orden
 inrūmen möten. Also ys Harrigen vnde
 Wyrlandt / van dem einen Waldemaro
 vnder de Krone Dennemarcken gebracht /
 vnde van dem andern Waldemaro daruan
 gebracht worden / Vnde hebben van Wal-
 demaro dem 2. beth an Baldemarum den
 3. tein Könige na einander auer Harri-
 gen vnde Wyrlandt geherffchet. In dem
 süluigen Jare / alse de Denen van huse tho
 Keuel affgetreden sint / ys dar de Erste
 Cumpfer / geheten Borchardt van Dren-
 leue /

Dat Anderdeel

leue / des vörigen meisters vedder / vth Cas-
saniandti bördich / vorordenet geworden.

Disse Meister Goshyn hefft vele gro-
the Kryac geuoret / mit den Bitebeckschen /
Emolentker / vnde mit den Pleßkowsffchen
Rüssen / vnde hefft erer in einer Schlach-
tinge auer Tien dusent erschlagen / am
Lichtmissen gage / in welcherer schlachtinge
oek 8. Ordensbröder / mit etlikem Christen
volcke / gebleuen sint. Volgendes jares hefft
he oek mit den Samaritanen gekryget / ys in
ere Landt gefallen / hefft dar gerouet / ge-
mordt / vnde gebrandt / insunderheit tho
Traiken / Snetow / Gendegallen / vñ in der
Souler lande / vnd hefft de Echlöte / Kula
Dafyne / Dobbefyne / vnde Zela mit ge-
walt gestormet / aräuert / vnde in de grundt
vorbrandt vnde vorwöflet / darna mit gro-
tem pryse wedder tho huß gefamen. Disse
Meister hefft regeret 17. Jar / By welche-
res Meister tyden Fromholdt van Nyff-
husen / de Erstiffte in Nyfflandt vorwal-
det hefft.

Arnoldt van Bitincoue / de 26.

Meister Düdesches Ordens / in
Nyfflandt.

Anno

Anno 1360. Hefft Arnoldt van Bitinck-
houe/ Cumpter van der Marienborch/
de Meisterschop tho Lyfflandt erlanget/
welcker Meister vele mercklike winter vnde
Sommer reise wedder de vngelouigen ge-
dahn hefft/ vnde hefft dat Schiot Launa/
in Littowen gewinnen / vnd den Koninck
Constantinum sampt synem Sone / vnde
velen vam Adel darup gefangen / vnde in
de 2000. Menschen darup erschlagen/ vnde
darna dat süluike Huß in de grundt vor-
brandt/ vnde ganz vorstöret.

Wilhelm van Frymersen / de 27.
meister düdesches ordens in Lyfflandt.

Arnolet van Bitinckhoue/ vs Wil-
helm van Frymersen in dat Meisters-
amt geuolget / by welckeres Meisters ty-
den ock vele schware reise wedder de Rüs-
sen/ Littouwer vnde Semigallen geschehen
sint / by disses Meisters tyden vs Johan-
nes van Sinten/ de 8. Erzbischof tho Ri-
ga gewesen.

Lobbe van Vssen/ de 28. Mei-
ster düdesches Ordens in
Lyfflandt.

Lobbe

Das Ander deel

Gobbe van Bilsen ys dem Wilhelm van Frymersen / int Meisterampt gefolget / by welkeres regeringe / ydt mit den vthlendischen vnynden stille gewesen / vnd mit den Dörpteschen / vnde inheimischen ein nye Krynck wedderümme angegahn ys.

Woldemar van Bruggeney / de 29.
Meister düdesches Ordens in
Lyfflandt.

Imno 1396. hefft Woldemar van Bruggeney / dat Meisterampt in Lyfflandt erlanget vnd auerkamen / Welcher Meister mit den Dörpteschen den angefangenen Krynck vthgeföret hefft / Wente de van Dörpte hadden sich mit den vngeldüigen Pleßkowsschen Rüssen / Littouwern / vnd Samaynten / wedder den Orden vorbunden / vnde also disse gemelte viende / den Peybes entlangest / den stiftteschen van Dörpte tho hülpe gekamen / vnd Lyfflandt mehres deels gewaldich vorheret hadde / Hefft sich de Meister Woldemar / mit synen Ordens vorwanten / na allem vormöget gerüstet / vnde de viende dorch grote Manheit wedderümme vth dem Lande geschlagen / vnde ys disse
schlachs

schlächtinge nicht ane treffliken schaden/
van beiden parten affgegahn/ Darna hette
men de sake twischen beiden parten tho
Danke vorhöret / vnde entlick bygelechte
vnde vordragen.

By disses Meisters regeringe / ys de
Kidderschop in Harrigen vnde Wyrlan-
de / mit sunderliken grotten fryheiten vnde
Priuilegien / vor allen andern in Lyfflande
dorch Conradt van Jungingen / den Ha-
uemeister tho Prüssen / begnadet worden /
nömliken dat de Döchtere so wol / alse de
Söns van Adel eruen mochten / nicht al-
lene bewechlike / sunder ock vnbeweglike gü-
der / alse liggende gründe / Höue vnd Dör-
per / Schlöte vnd Börge / beth in dat röffte
gelitt / wedder alle Lehn rechte. Solcke be-
gnadinge vnde fryheit ys tho Danke in
Prüssen gegeuen / vorsegelt vnde vordreuet
geworden / Anno 1397 .am tage Margare-
ta.

Tho deme sine de Harrischen vnde
Wyresschen Eddellude / van den Königen
tho Dennemarcken / vnde darna van den
Hauemeistern tho Prüssen / mit einem her-
liken Ridder rechte allewege priuilegeret
gewesen /

Das Ander deel

gewesen / in welchem Ridder rechte vnd
gerichte / söß Harrische vnd söß Wyrssche
Kede / vnd twe gebedigers / Alse de Cumpster
van Keuel / vnd de Baget van Wesenberch /
geseten hebben / vnd wat dith gerichte gespra-
ken / geördelt vnd gesententieret hefft / dar
hebben sich de parten anne benögen lathen
möten / vnd darup ys de execution dorch den
Scharprichter stracks ane jemge vortöge-
ringe erfolget / vnd vth dissem gerichte hefft
nemandt wyder / ock an syne eigene Aueri-
cheit nicht / appelleren mögen.

Des hebben de van Adel in gemelten
ördern samptlick vnd sunderlick de macht
gehat / dat ein yder in synem Hauē vnd gü-
dern / einem Dodtschleger vor alles weime /
vnd ock vor syne eigene Auericheit / ein seker
geleyde thosseggen vnd geuen mochte / vnde
ein yder van Adel / in synem Hauē / ock ein
eigen Hoffgerichte tho Halse vnd tho buke
tho richtende gehat hefft / Mit solcken vnde
dergeliken priuilegijs vnd fryheiden mehr /
sint de Enfflandischen Eddellüde begauet ge-
wesen. So herlick auerst alse de van Adel
in Enfflandt sint priuilegeret geworden / so
elendigen ys dar entyegen de Arme buer-
schop

schop / in dissem Lande / mit Gerichte vnd gerechticheit vorsorget gewesen / Wente ydt hefft ein armer Buer nicht mehr recht gehat / alse syn Juncker / edder de Baget men süluest gewolt hefft / vnd de arme Man dorste sich by der hohen Auericheit / keinerley gewalt vnd vnbillicheit haluen beklagen / vnde wen ein Buer mit synem Wyue starff / vnd leeth Kinder na / sint de Kinder also geuor mundert worden / dat de Heerschop alles / wat de Eldern nagelaten hadden / tho sich genamen hefft / vnd de Kinder mosten naket vñ blodt by des Junckern edder des Haues fürstede liggen gahn / vñ eres vederliken gudes gantz entberen / vnd alles / wat ein armer Buer vormochte / des was he nicht mechtich / sunder de Heerschop / Vnd dar sich ein Buer ein weinich vorbraken hadde / ys he wedder allen minschliken affect / van synem Junckern / edder Bagede / naket vpghehangen / vnd sines olders haluen vnuorschonet / mit langen scharpē roden gequestet wordē / vnd kein Buer konde dissē Tyrannye anich werde / idt was den sake / dat he ryke was / vñ sich alle tidt mit einer statliken geschencke lösen konde / ock hefft men etlike vñ Adel gefun-

Dat Ander deel

Den / de ere arme Buren vnde Vnderda-
nen / tegen Hunde vnde Winde vorbütet /
vnde vorwesselt hebben. Solcke vnd derges-
liken vnbillicheit / hefft de Armoedt / ane ye-
nige straffe vnd inschent der Auericheit /
hyr im Lande lyden vnde düliden möten.

So hebben de Buren in Lyfflandt /
insunderheit auerst in den Estisschen lan-
den / vnder sich ock ein Heidensch vnd Vn-
christlic recht geuoret / darümme de Bu-
ren nicht so hart / alse de Herschop / de sol-
kes gestadet hefft / tho beschuldigende ys /
Wente so einer erschlagen vnde entlyfet
wordt / hefft alse denne des erschlagenen
negste Fründtschop / ere eigen recht gebru-
ket / vnd hefft den Dodtschleger / an welcke-
rem orde he beschlagen vnd gegrepen wor-
den ys / ane Ordal vnde Sentens / vnd ane
den Scharprichter / süluest stracks henge-
richtet / vnangesehen dat he eine nodtwehre
gedahn hadde / Vnde wen de rechte Dodt-
schleger nicht gekregen wordt / hefft oft-
mals de negeste Fründt / ya dat Kindt in
der Wegen / des Baders entgelden möten.
Disse Meister Woldemar van Brugency
hefft regeret 8. Jar.

Conradt van Bicknachhauē/de 30.

Meister Dūdeschens Ordens
in Lyfflandt.

Anno 1404. hefft Conradt van Bicknachhauē dat Meisteramt tho Lyfflande angefangen thouorwalden / welcher Meister einen geweldigen Krych mit den Rüssen geföret / vnde einen toch int stiftte Pleßkouw gedahn hefft / dar he mit den Rüssen by dem Water / de Modda genant / eine schlachtinge gehalten / erer 7000. erschlagen / vnd ganz vele int water gedrunge hefft / dat se hebben vorsupen möten. Na solcker Victoria hefft de Meister syne Biende wyder vorfolgen willen / Auerst he hefft van wegen der Prüssen / de van dem Könige Jagello tho Polen / vnde Witoldt / dem Grothförsten van Littouwen / sehr angefochten geworden sint / wedderümme tho rügge tehen / vnde den Prüssen hülpe leisten möten.

By disses Meisters regeringe / Anno 1407. am dage Viti/ys dat herlike Kloster Mariendal / S. Birgitten Ordens / eine kleine myle wegēs van Keuel / angefangen tho buwendē / De anfengres sint gewesen /

dre vormögene Koeplüde / nömlike Hinrich Schwalberch / Hinrich Hurcr / vud G. r. lach Kruse / welckere Koeplüde alle ere güder dartho gegeuen hebben / vnde brödere des klosters geworden sint / vnde Hinrich Schwalberch ys de Burremeister des Klosters gewesen / vnde hefft darauer gebun et 29. jar. By disses meisters tyden / Anno 1413. hefft de Brothförste Wittoldt van Litouwen / dem Muscowitter dat Förstendom Schmalensky affgewunnen. Disse Meister hefft regeret 10. Jar.

Diderick Türcke / de 31. Meister
Düdesches Ordens in
Lnyfflandt.

MA Conradt van Vitinckhaue / ys Diderick Türcke tho einem Meister tho Lnyfflandt gefaren / welcker guden frede gehat / vnde nicht lange regeret hefft. By disses Meisters tyden ys Johannes van walsrade / de 9. Erzbischof tho Riga / van den Stenden tho Lnyfflandt an Keiser Sigismundum / vñ vñ dat Concilium tho Costenik affgefertiget / weleker mit 200. Perden tho Costenik stätlick angekomen / vñ mit gehälpen

hülpen hefft den Johannes huf thom vür
thouordömende / vñ alse gemelter Erzbis-
schop wedder tho Riga gekamen / hefft he
nicht lange darna geleuet.

**Syuert Lander van Spanheim / de
32. Meister Dúdesches Ordens
in Lyfflandt.**

Anno 1418. Hefft Syuert Lander van
Spanheim / de Meisterschop tho Lyff-
landt auerkamen/by welckeres meisters re-
geringe a'lewege Knych mit den Littowern
gewesen ys/ he hefft regeret 10. jare by dis-
ses meisters tyden hefft Johannes Habun-
dus/ de 10. Erzbisschop / dat Erstiffte tho
Riga regeret / welker erstlic Bisschop in
Churlandt gewesen was.

**Zyse van Rutenberch / 33. Mei-
ster Dúdesches Ordens in
Lyfflandt.**

Anno 1428. hefft Zyse van Rutenberch/
dat Meisteramt tho Lyfflandt geub-
ret/by welckeres regeringe/ Anno 1433. den
21. Maij / de ganze Stadt Keuel/ sampe
dem Dome vnd allen kercken vnd Klöstern

Das Ander deel.

in der Stadt / vnd mit allen Orgeln vnde
Klocken / gar vthgebrant ys / Van welcke-
rem vüre ock alle Gården vnd schünen bü-
ten der Stadt angekündet / vnd mit velen
volcke vorbrandt sint. By dissēs Meisters
tyden / hefft Hinricus Brkull / Bisschop
tho Keuel / den Bisschopshoff tho Keuel /
vp dem Dom gebuwet / Anno 1434. vnde
Anno 1436. Also dat Kloster Mariendal /
S. Birgittan Ordens by Keuel vullendet
gewesen ys / sint de Sústern des Klosters
des Sondages vor Johannis Baptista /
vnde darna den Sondach na Johannis
Baptista deffüluigen Jares / de Bröder
darin gewyct worden.

Disse Meister hefft sich mit synen fry-
geslüden wedder de Littouwers dapper ge-
rüstet / vnd mit groter macht in Littouwen
gerückt / vnd dar he 12. weckenlanck in geru-
moret / vñ gank Littouwen mit mordt roff /
vnd brande vorheret vnde vorwüstet hefft.
Do ys he mit velen Brödern am blodtgan-
ge franc gewordē / vnd vp der wedder reise
gestoruen / Na deme he 9. Jar regeret had-
de. By dissēs Meisters tyden ys de u.
Erzbisschop / tho Riga gewesen / Hin-
ricus

ricus / ein gewesener Doem Prawest tho
Riga.

Franco van Kerſdorp / de 34. meister
dädesches Ordens in Lyfflandt.

In Anno 1437. hefft Francke van Kerſdorp
dat Meister ampt tho Lyfflandt angefan-
gen tho vorwaidende / welcher Meister den
angefangenen Krich synes vorfaren / mit
den Littouwern vorfolget hefft / vnd alse
he mit einer geweldigen Heerskrafft vp de
Littouwern tho getagen ys / sint em 20000.
Man de Eddelsten / vnde vornemesten
Kryngeslüde / in einer schlachtinge erschla-
gen worden / Mein schade nuerle in Lyff-
landt gröter gewesen ys / alse disse / dar-
dorch Lyfflandt ys sehr geschweekt worden.

Dusse Meister hefft einen groten schat
van süluer vnde golde / tho Riga by einan-
der gehat / nömliken eines vorstoruenen
Cumpters schat van Belyn / 30000. marc
an Golde / vnde 600. Mareklödich gegat
nes süluers / ane dat tafel geschmide / dar-
tho hefft em ein Baget van Wittenstein /
Helwich van Gilsen genandt / by synem le-
uende eine tunne vul geldes geleuert vñ ra

Das Ander deel

dessüligen Bagedes dode / hefft de meister
ock bekamen ein hundert dusent marck an
Rosennabelen / vnde allerley Münce / ane
dat gegaten Süluer vnd Tafel geschmide /
dat sieck ock vpon eine grothe summa belopen
hefft / welckeren schat Wolter van Kerß-
dorp / des Meisters broder / de tydt grothe
Cumpster in Prüssen / van Riga henwech
in Prüssen geuöret hefft / dar de andern
gebedigers in Lyfflande gar äuel mit tho-
freden gewesen sint / vnd derwegen eine ste-
de ansprake tho dem Paul van Kofsdorp /
Hauemeister tho Prüssen / vnde tho dem
Wolter van Kerßdorp gehat / Auerst wei-
nich wedder erlanget. Dat sint de fruchte
eines ingedrungenen meisters gewesen / wen-
te disse gemelte Meister ys dorch den Ha-
uemeister tho Prüssen / Paul van Kof-
dorp / wedder consent vnde willen aller ge-
bediger in Lyfflandt / int Meisterampt ge-
settet worden. Solek einen statliken Schat
hefft Lyfflandt vpon eine tydt vorlesen mö-
ten / Wowol der Bmcken wol mehr offte
vnde vaken vth Lyfflandt in Westphalen
ock geflagen sint. Disse Meister hefft rege-
ret fast twe Jar.

Hinrich

Hinrich van Buckenode / anders ge-
 nandt Schungell / de 35. meister düde-
 sches ordens in Lyfflandt.

Anno 1439. Is Hinrich van Buckenode /
 anders genandt Schungel / van den
 Etenden tho Lyfflandt / vor einen meister
 in Lyfflandt vpgeworpen / aue consent vn-
 de willen des Hauemeisters tho Prüssen /
 welcher alle tydt den högsten Rôer vnde
 wale gehat hefft / einen meister in Lyfflandt
 thoerwelende / Vnde also de gebedigers in
 Lyfflande / van dē Hauemeister tho Prüs-
 sen darümme beschuldiget geworden sint /
 hebben se thor entschuldiginge vorgewant /
 dat dewyle se mit den Litouuern in apent-
 likem fryge gestahn / hebben se ylich ein hō-
 uet erwchlen möten / auerst im grunde was
 dith de orsake / dath Francke van Kerß-
 dôrp / wedder eren willen / int Meister-
 ampt gesettet wordt. Disse Meister Hin-
 rich Schungel / hefft alle twistsaken / twis-
 schen dem Capittel tho Riga / vnde dem
 Orden / by gelecht / vnd siek mit dem Hen-
 ningo van Scharpenberge / welcher de 12.
 Erzbischof tho Riga gewesen ys / fründt-
 lich vordragen / welcher vordrache van dem
 Erz-

Das Ander dect

Sich vordragen / welcher vordracht van dem
Erzbischoffe / vnd van den Rigischen
nicht lange ns gehalten worden / Wente
dar ns allwege ein hadt vnd amulation der
högesten autoritet haluen / twischen gemel-
ten parten gewesen / vnd der Stadt Riga
hefft nicht weinich vordraten / dath de Dr-
densstende / de huser vnd veste Düncmunde /
Riga / vñ Nyemöle / so gar na an ere Stadt
gebuet hebben / se daruth tho dwingende.
Differ vnd anderer orsaken haluen mehr /
ns ein stede Rynch twischen en gewesen.
Disse Meister hefft regeret drüddehalff jar.

Heidenrick Bincke van Auerberge /
de 36. Meister düdesches Dr-
dens in Lyfflandt.

Anno 1442. Is Heidenrick Bincke van
Auerberge Meister in Lyfflandt gewor-
den / Welcker twe schware reisen vp de Rüs-
sen gedahn / vnd ere Landt mit gewalt vor-
wöstet hefft / he hefft gebuet dat huß Bauß-
kenborch / vnd regeret 14. Jar.

Johan Osthoff van Mengeden / de
37. Meister düdesches Ordens
in Lyfflandt.

Anno

Anno 1456. Is Johan Osthoff van
 Mengeden / int Meisterampt tho Lys-
 standt succederet / welcher Meister eine stat-
 like Knygesmacht / dem Orden in Prüssen
 tho hülpe / wedder de affuelligen Stede vpa-
 gebracht hefft / vnde also he darmede in
 Prüssen rucken wolde / ns he dorch den in-
 nerlichen Knych vorhindert geworden / dera-
 wegen hefft he desülige vorsammeling
 wedder Siluester / den 13. Erzbisschop tho
 Riga gebrufet / vnd hefft den Erzbisschop
 vpp Kokenhusen belegert / dat Huß erauert /
 vnd den Bisschop darup gefangen / vnd
 hefft darna alle haue vnd güder des Erz-
 stiftes vnde des Capittels / pryß gemaket
 vnd geplundert / dardorch he weinich dane-
 by dem Orden in Prüssen / welcher tho der-
 tydt in grother nodt gewesen / vordenet
 hefft / Letlich ns ein vordracht twisschen den
 gemelten parten tho Kerckholm vpperich-
 tet worden.

By disses Meisters tyden / ns eine Marc
 Kigesch so gude gewesen / aise tho vnser ty-
 den veerdehaluen Daler / Wente men in
 olden warhafftigen Pandt edder schuidt-
 breuen also geschreuen vindet / Ich N. be-
 kenne

Dat Ander deel

Fenne / dat ick schuldich bin dem Kloster
Mariendal / S. Birgitten Ordens / 50.
Nye marc Kigesch / 36. Nye schillinge /
vor ein newelike nye Marc tho rekende /
edder vor eine newelike nye marc Kigesch
7. lodt reines guden lodigen Euluers / Ke-
uelscher wicht / disse breff ys geschreuen
Anno 1466. Dith sint noch nye Marc ge-
wesen / wat mogen denne de olden gegul-
den hebben:

Anno 1472. Is ein Fröwken vth³ Bres-
kenlandt / van dem Keiserliken geschlechte
der Pal ologorū tho Constantinopel / van
Lübeck auer Sehe tho Keuel angekamen /
van dar / ys se dem Grothförsten thor
Muscow / Iwan Basiliewis / dem ersten
des namens / welkerem se gelauet gewesen /
tho geföreth worden. Disse Meister Johan
Dsthoff hefft regeret 19. Jar.

Johan van Wolthusen / de 38. Mei-
ster Düdesches Ordens in
Lnyfflandt.

Anno 1475. Is Johan van Boldhus-
sen vor einen Meister in Lnyfflandt erwe-
let geworden / Welcher Meister gebuwet
hefft /

hefft / dat Schlot Zolsborch in Wyrlau-
de / vnde darna also he anderhaiff Jar Kes-
geret hadde / ys he van synen Ordensbro-
dern / wedder alle recht vnde billicheit / van
dem Meisterampte vorstöt / vnde vp Hels-
mede gefangen / vnde na Wenden gesö-
ret worden / dar he in der Gefenekenisse
hefft steruen möten / darup eine grote plage
vnde straffe auer Lyfflandt geuolget ys.

Bernhardt van der Borch / de 39.
meister düdesches ordens in Lyfflandt.

Anno 1477. hefft Bernhardt van der
Borch dat Meisterampt in Lyfflande
erlanget / welcher Meister / also he mit den
Rüssen in den Krych geraden was / hefft
he sief wedder de desüluigen gerüstet / vnde
de hundert dusent Mann / van vthlendis-
schen vnde inheimisschen Krygeslüden /
vnd bwren / vp ein mal tho wege gebracht /
vnde ys mit demsüluigen voleke in Rüss-
landt gefallen / dat Landt fast dorch geta-
gen / vnd de vorstadt Pleßkow vthgebrant /
vnde nichts mehr vthgerichtet. Also he
nu wedder vth Rüsslandt gefamen was /
So sint em de Rüssen Wedder in Lyff-
landt

Das Ander deel

landt geuolget / vnde hebben noch grwli-
fer darin gewötet vnde gedauet / alse he in
Rußlandt gedahn hadde / vnde hebben de
gebeder Belyn vnde Tarwest / sumpt den
Flecken / ganz vthgebrandt / vele volckes er-
schlagen vnde gefanden / ane jennigen wed-
derstandt / vnd hebben vele Klocken vth den
Kercken genamen / vnd desüluigen neucnst
anderm roeff gude vth Lyfflandt geuöret.
Hyr ys de spröke Salamonis war gewor-
den / dar he spriekt Mann vnde Roß rüsten
sich tho dem stryde / Auerst de Victoria
kumpt van dem Heren / Solckes hefft men
ock an dissem Meister gespöret / Wente
wowol he / alse vorgemeldet ys / solck eene
macht van Volcke wedder den Rüssen vp-
gebracht hefft / alse kein Meister dor vnde
na em / nuwerle gedaen hefft / dennoch heft
he gar weinich darmede vtrichten mögen /
Wente de äucrwinninge hefft nicht in sy-
ner / sunder in der handt des Heren gestan.

Anno 1479. hefft Iwan Basiliewis /
de 1. des Namens / Grothförste van der
Muscow / dat geweldige Förstendoem /
Nowgarten / sampt der Stadt / vnder sine
gewalt gebracht / welckes vorheneine eigene

Her-

Herschop vor sich gewesen ys. Na craue-
 ringe auerst differ Stadt/vnd des Forsten-
 dohmes Nowgarden / hefft de Grothförste
 dem Muscowitisschem gebruke vnd gewan-
 heit na/alle olde Inwaner/sampt eren Fru-
 wen vnd Kindern vorföret / vnd in andere
 Muscowitische lande vnd stede vorstrouwee
 vnde vordet / vnd de Stadt Nowgarden
 mit andern schnöden völcern wedderümme
 besetzt.

By disses Meisters regeringe/hefft Si-
 mon van der Borch / Bisschop tho Keuel/
 ein gewesener Dohmhere tho Hildesheim/
 des Meisters Bedder / de Bisschöplike hū-
 ser/ Borholm vnd Fegefür/ gebuwet vnde
 dat Bisschopdohm tho Keuel temelick vor-
 meret vnd vorbetert.

Idt hefft sich ock by disses Meisters ty-
 den/noch nümmerdar ein Rrych/twischen
 dem Erzbisschoppe / Stephano van Gru-
 ben(welcher de 14. Erzbisschop gewesen ys)
 vnd der Börgerschop van Riga / vnd twis-
 schen dem Meister vnd synem anhangen/er-
 hauen/Welcheres fryges de Meister sampt
 synem Beddern Simon van der Borch/
 Bisschoppe tho Keuel / ein orsake gewesen
 h ys.

Das Ander deel

ys. Do ys dat Erksstifte tho Riga auermals
pryß gegeben vnd geplundert / vnd de Stad
Riga belegert geworden / vnd wowol de Ri-
gessen dorch eine langwillige belegeringe
genochsam / sampt dem Erkbischoffe / sint
beangstiget worden / So hefft dennoch de
Meister nichts an ene hebben können / wente
de van Riga sampt dem Erkbischoffe
hebben ere Stadt geweldich beschüttet / also
dat de Meister mit spotte hefft wedder aff-
tehen möten / Darna sint de Riggessen tho-
gefahren / vnd hebben dat Echlot Riga wel-
ches erer Stadt gar na gebuwet gewesen ys /
angesticket / herunder gereten / vnd ganz tho
nichte gemaket / vnd hebben darna dat huß
Dünemunde belegert / vnd erauert. Alse a-
nerst Pawest Sixtus 4. de vnbillicheit des
Meisters / vnd syner consorten vornamen
hadde / hefft he se samptlick in den Bann ge-
dahn / derhaluen Bernhardt van der Borch
des Meisterampies entsettet geworden ys /
na dem he 9. Jar regeret hadde.

Johan Frydach van Lorinckhaue /
de 40. Meister düdesches Ordens /
in Lyfflandt.

Anno

Anno 1486. Hefft Johan Frydach van
 Lorinckhaue/Cumpter tho Keuel/anges-
 fangen dat Meisterampt in Lyfflandt tho
 uorwalden/By welckeres Meisters tyden/
 de Krynch twiffchen vpgemelten parten noch
 gewaret hefft. Also se nu van beiden parten
 int veldt gerücket sint/vnd by Treiden eine
 schlachtinge thosamende gehalten/Do heb-
 ben de Rigesthen de schlact tinge gewun-
 nen/vnd 6. Cumpters vnd Bögede erschla-
 gen / vnd 6. gefangen / vnd tho Riga mit
 grothem triumphe ingebracht.

Anno 1492. hefft Iwan Basiliewis/de
 Grothförste van der Muscow/dat Schloth
 Iwanowgorodt / vp Düdesch de Rüsse
 Narue gebeten/ angefangen tho burende/
 vp der Lyfflendischen grenke/ vnd also ydt
 vp Corporis Christi ys angefangen wor-
 den/ys ydt densüluigen Sommer/vp Ma-
 rien Hemmelfarth/ mit velen hogen dieken
 Törnen vnd Müren / vor gewaldt / gar
 ylich ferdich geworden / vnd darna ys dat
 süluige Schloth van den Schweden ein-
 mal ingenomen/vnd dem Meister tho Lyf-
 flandt/dewyle ydt dem Ryke tho Schwes-
 den gar wydt affgelegen was / angebaden/

Das Ander deel

Auerst de Meister hefft sich des nicht annemen willen/dewyle ein stillestandt twisschen Rufflandt vnd Lyfflandt beramet gewesen/welckeren de Meister nicht brechen wolde/ Derhaluen de Schweden mit grottem roffgude/ dath se vpon dem huse erlanget hadden/wedder na eren Scheyen affgetagen sint/Darna hebben ydt de Ruffen wedder ingezarnen/ vnd noch starcker vnd vaster gebuwet/vnd mit volcke besetzt/alse ydt vorher nicht gewesen was. Vnd na der tydt/alse dat Hufz ferdich geworden was / do ys den Christen in Lyflandt/ vnd insunderheit den Naruesschen/so mennich spyt vnd spot daruth wedderfaren/dat men in der forte nicht genochsam daruan schryuen kan / Wente de Ruffen vth dem nyen Huse Zwanowgorodt/ock in dem stillestande/in de Lyfflendishe Narue geschaten hebben / so oft vnde vaken alse ydt en geleuet hefft / vnde etlike vornemlike personen erschaten/ als nömliken/ Johan thor Meyninge/ Bórgermeister thor Narue/sampt andern mehr/Vnd do men an se geschicket hefft thofragende/welcker orsaken haluen se solckes deden/hebben se nicht gewust/ mit wat spotte vñ hone

se desüluigen gesanten entfangen wolden/
vnde hebben allerley tyrannye vnde moed-
willen/ den se men erdencken konden/ wed-
der de Naruisschen gebuet/welckes alles tho
beschryuende sict nicht geboren wil. Sol-
ckes geschehen Anno 1494.

In welckerem Jare de Grothförste/
wedder alle billicheit / alle Düdesche Koep-
lüde de tho Nowgarden gelegē hebben/hefft
gefangen nemen laten / vnde desüluigen de
se gegrepen / hebben den Düdeschen hasen
vnd scho vthgetagen / vnde ere vöte in Ise-
ren helden geschlaten / vnd in vule Törne
geworpen/ dar etlike 3. etlike 9. Jare/ heb-
ben inne sitten möten. De orsake öuerst/
worümme solckes geschehen / ys gewesen/
Dat de Keuelschen einen Rüssen / welcker
valsche schillinge in erer Stat gemündet
hadde / na Düdeschem rechte/ hebben tho
dode seden laten / vnde noch einen andern
Rüssen/ de by einer strenke/vp einer vnna-
türliken dädt beschlagen was / na Christli-
kem rechte vorbrandt hebben / welckes den
andern Rüssen vordraten hefft/vnd hebben
diffe dädt nicht so wichtich geachtet / dat de
beiden darümme scholden also gestraffet
wergen/

werden/ vnde hebben disse vnd andere klage
mehr/ valschlick vor eren Grothfürsten ge-
bracht/vnd en dartho bewagen/ dath he sict
an den düdeschen Kopluden / de tho Now-
garden vy des Cumptores haue legen/weds-
der vorgrypen möste/dartho hefft de Groth-
fürste mit allem ernste vnd grothem drou-
wende/ van den Heren tho Lynfflande bege-
ret dat men em de Keuelschen/de syne Küs-
sen thom dode vorördelt hadden / auerant-
werden scholde/auerst he mochte synen wil-
len nicht erlangen/wente de Heren/Sten-
de/vnd Stede / sict thosamende vorpflichtet
hebben / vele leuer de vterste noedt tho ly-
dende/alse dat se sict in solcke denstbarkeit
des Rüssen begeuen wolden. Disse Meister
hefft reget 9. Jar.

Volter van Plettenberch / de 41.

Meister düdesches Ordens in Lynfflandt.

Inno 1495. ys Volter van Plettenberch
vor einen Meister in Lynfflandt erkleret
worden / Welker ein dresfliker vnd vor-
stendiger Here gewesen ys/ he hefft dresfli-
ke grothe fryge geföret / Erstlick mit den
Rigesschen/ vnd defüluigen darhen gedrun-

gen/dat se dat Schloth tho Riga/welckes se
vorhen herunder gereten hadden/wedder
ümme vpbuwen moesten/vnd vp dat he se de
sto bether im gehorsamme erholden mocht
te/hefft he dat huß Dünemunde/ nicht ver
ne van Riga gelegen/vor gewalt befestiget/
des hefft he ock 3. herlike hoge Torne tho
Wenden/van grunde vp buwen vnd vpfö
ren laten.

Darna alse de Rüsse gencklich thom Kry
ge geneget gewesen ys/vnd wedder alle bil
like orsaken sich dartho genödiget hadde/vnd
nicht alleine vmmе de Narne her / alse vor
gedacht/sunder ock im stiffe Riga/Torpte/
vnd an anderen örden mehr / wol by 70.
mylen/vmme her/ mit bernen / rouen vnd
morden/sich ganz viendtlich hadde vormer
cken lathen/hebben de bekummerden Sten
de in Lyfflandt / na velfoldigem bedencken
vor radtsam angesehen/ere gelücke vnd heil
dorch einen apenbarten Krych an dem vn
rouwigen Rüssen thoursökende/vnde heb
ben sich mit dem Alexandro / Grothfür
sten tho Littouwen / welcker des Muscowi
ters Dochter Helenam thor Frouwen had
de / thosamende vorbunden / vnd desülige

Das Ander deel

vorbüntnisse/dewyle se wedder syner Fro-
uwen Vader vpggerichtet wordet / ys nicht
alleine mit vorsegelden breuen / sunder ock
mit Cörperliken Eynden / genochsam van
em bekräftiget vnde beschwaren worden/
dat se thosamende / mit aller macht / den
Muscowiter angrypen wolden. Derhaluen
alle Littowuer vnde Lnyfflender hoch er-
fröuwet geworden sint. Alse nu der Her-
meister mit synen Ordensuorwanten vnd
Krygeslüden in der rüstinge was / vnd sich
ock vp de bestimmede tydt / mit aller macht /
tho Belde gelegert hadde / vorhapende/
dat de Grothfürste Alexander ock also dohn
scholde / ys dar nicht ein Littouwer tho dem
Kryge gerüstet gewesen / darümme dat Jo-
hannes Albertus / Köninck tho Palen / des
Alexandri Grothfürsten tho Littouwen
Broder / nu gestoruen was / vnd Alexander
de Krone wedderümme tho entfangende /
na Palen vorreisen möste / daruth den Lnyff-
lendern grothe sorge entstahn ys / dewyle
se van erem bundtgetaten vorlaten weren /
vnd sich alleine dem Muscowiter wedper-
stande / wat tho schwack befunden / Auerst
nicht deste weniger hefft Wolter van Plet-
tenberch

tenberch / Meister in Lyfflandt / neuenst
 anderen Stenden des Landes / mit Gōdt-
 liker hülpe de sake vor de handt genamen/
 vnd ys Anno 1501. Donnerdages na Bar-
 tholomei/mit 4000. Rüterem/vnder einem
 temeliken antalle van Landes knechten/vn-
 de Zwren/vnde mit etlikem Beltgeschütte
 in Rūßlandt getagen / vnd also balde an
 40000. Rüssen getroffen/van welckeren he
 vele erschlagen/ vnd de anderen in de flucht
 gebracht/ vnde in de dre mylen nagenaget/
 vnde allen eren Natrost affgenaget hefft/
 vnde van synem Volcke nicht sunderlikes
 gemisset/Darna hefft de Meister ein groth
 decl des Muscowitisschen Landes mit ro-
 uende vnd bernende vorheret/ de hūser D-
 strowa/Kroßnowa/ vnd Iseborch geplün-
 dert/vnde tho Iwanowgorodt vele lūde er-
 schlagen/ vnde alles vthgebrandt. Thom
 lesten hefft de Meister van wegen der sucht
 des Blodtganges / de vnder dat Knyges-
 uolck gefamen was/ wedderümme tho rü-
 ge in Lyfflandt tehen möten. Dewyle nu
 de Meister in Rūßlandt also huß gehalten
 hadde / hefft vnder des ein ander hupe der
 Rüssen/in Lyfflandt ock nicht geunret/vnd

Dat Ander deel

dar nicht weiniger schaden gedahn / mit mordende vnd bernende / also de Meister in Rußlandt thourne gedahn hadde. Vnde na der tydt / also de Meister / Volter van Plettenberch / mit synem Knygesuoelck / vnd mit einem grothen roffgude / vth Rußlandt hen wech gewesen ys / vnd alle syn Knygesuoelck / des Blodtganges haluen / hen vnd wedder im Borchleger vorstrouwet gelegen hefft / vnd de Meister suluest ock mit grother schwackheit des lynes beschafftet geworden ys / darümme denn yeder man trurich gewesen / Do ys de Küsse mit syner ganker macht / thom andern mahle / in Lyfflandt gefallen / vnd hefft dat ganze stiffe Dörpte / dat halue stiffe Riga / dath gebede Marienborch / Trykaten / Ermis / Tarwest / Bellyn / Lays / Querpalen / Wyrlant / vnd dat gebede Narue / ganz erbarmlick also vorheret vnd vordoruen / dat ydt vmmogelick ys thobeschryuende / vnd mit velen Frouwen / Junckfrouwen / vnd jungen Kindern also gehandelt / also men van dem Tureken numerle deßgeliken gehöret hefft. Tho der tydt hefft de leidige Küsse in Lyfflandt also huß gehalten / dath
men

men in de 40000. Menschen / Junck vnde
 Oldt / de erschlagen vnd gefencklich wechge-
 föret weren gemisset hefft. Eme ns auerst
 vor Helmede yn klein spot wedderüme be-
 ygenet / dar em auer 1500. Rüssen / sampt
 dem auersten Veldtheren / Kneise Alexander
 Dabelentky / sint affgeschlagen. Dissen
 auerloch hebben de Rüssen ganz ylich ge-
 dahn / chr de Stende in Lufflandt mit crem
 Voleke hebben thosamende kamen können.
 Geschehen Anno 1502. in der Vasten.

Anno 1502. Im Augusto / hebben de
 Stende in Lufflandt sich samptlich wedder-
 üme gerüstet / vnd mit 2000. tho Peer-
 den / vnd 1500. Düdeschen Knechten tho
 vorte / vnd etliken hundert Buren / mit etli-
 kem Veltgeschütze / int Velt gerücket. De
 Littouwers auerst sint auermahls vthge-
 blenen / wedder alle endes vorpflichtinge /
 Nicht destoweiniger ns Meister Wolter
 van Plettenberch / in Gades namen / beth
 vor de Pleßkow förth getagen / vnd tho sy-
 nem gelücke / twe Rüssen fangen gefregen /
 de alle kundtschop gegeuen hebben / wo starck
 des Muscowiters hupe gewesen / vnd wo de
 Grothförste van der Muscow vnnödich
 achte

Das Ander deel.

achte de / deme Meister eine Schlachtinge
tho leferende / sunder were bedacht solcken
geringen hupen der Dudeschen / mit syner
welheit tho vmmerringende / vnd vor sich / al-
se dat Behe / in de Muscow tho dryuende /
vnde darna gank Lyfflandt tho auertehen-
de. Alse nu de Meister des Rüssen vorme-
tenheit vornamen / hefft he syner saken gu-
de achtunge gehat / vnde mit Juda Ma-
chabao / dem allerhögsten vortruwet.
Vnde alse am auende Exaltationis Cru-
cis / de viende mit grother vnstümicheit vn-
de geschrey / heran gedrunge hebben / ys
de meister vnerschrocken den vienden vnder
ogen gerückt / welckere sich der künheit des
weinigen Volckes der Dudeschen sehr vor-
wundert hebben / vnde alse nu beyde parte
na by ein ander gekamen weren / do hebben
de Rüssen des Meisters Volck alle vmmе-
ringet. Do dat de Meister gesehen hefft /
dat he mit synem Volcke nergendt hen ste-
gen konde / hefft he einen modt gefatet / vnd
erstlick dat Geschütze manck de Rüssen aff-
gahn laten / weleckes de Rüssen wol gedra-
pen hefft / darna hefft he gank dapper vnde
freydich tho den Vienden, ingesettet / vnde

sick mit macht dre mal dorch den hupen her
 geschlagen/der Rüssen vele erlecht/vnd de
 äuerigen mit Göttliker hülpe vp de flucht
 gebracht. Auerst dewyle he mit synem vol
 ck gang vormödet gewesen ys / hefft he
 deme Biende nicht wyder volgen können/
 sunder ys beth in den drüdden dach dar lig
 gende gebleuen/ vnde der Biende/ effte se
 wedder kamen wolden/ vorwachtet/Auerst
 st sint vthgebleuen/ vnd hebben nicht mehr
 so hete baden willen. In dissier Schlachtin
 tinge sint vele Rüssen erschlagen/Auerst de
 Meister hefft nicht vele Rüter/sunder 400.
 Knechte/ sampt der Knechte Höuetmane/
 Matthes Pernawer/ vnde de Lütenanten/
 vnde einen Fenrick vorlaren. Einer ouerst
 Lucas Hamerstede genandt / hefft eine
 Trummen vpgegrepen/ vnde ys darmede
 Schelmischer wyse tho den Bienden ges
 lopen. Disse Victoria der Lÿfflender ys
 warhafftigen ein wunderwerck vnde Mi
 rafel Gades gewesen / dat solck ein klein
 hūpeken/wo vorgemelt/ auer 90000. man
 auerwunnen / vnde in de flucht geschlagen
 hefft.

Hyr mach men ock sehen/wat de Mus
 cowitters

Dat Ander deel

cowiters vor Krygcslüde sint/wor ein klein ernst wedder se vorhanden ys. Na solcker Victoria vnd auerwinnige des Meisters/heft de Muscowiter beteren foey gegeuen/vnde einen frede begeret/welcken de Meister na synen willen / vele Jar lanck erlangt vnde bekamen hefft / Dat auerst de Muscowiter so lichtlick mit den Lyfflendern frede gemaket hefft/ys disse nedderlage nicht allein ein orsake gewesen/sundern dat he ock domahls mehr Biende gehabt hefft/vnd andere Lande mehr thobesckende wilens gewesen ys/ a:se nömliken dat Köninckryke Casan/dat Förstendohm Schmolensky/dat Förstendohm Pleßkow/vnd andere lande mehr/welcke tho der tydt vnder syner gewalt noch nicht gewesen sint/vnd ys disse gemelte schlachtinge ungeferlick eine myle wegcs van der Stadt Pleßkow geschehen. Wen disse Lande vnd Herrschoppien eme nicht im sinne gelegen hadden / so were he nicht so lichtlick to dem frede geneget gewesen.

Anno 1505. Ys desüluige Brothörste van der Muscow / Iwan Basiliewis gestoruen/vnd syn Söne Basilins ys wedder
int

sint Regimente gefolget / Welcher Basilius
dath Förstendohm vnd de Stadt Pleßkow
befryzet vnd eräuert hefft / Anno 1509.

Anno 1513. hefft disse Meister / Wolter
van Plettenberch / Marggraffen Albrecht /
Haucmeister tho Prüssen / de huldunge vnde
Lehnplicht affgekofft / dat de Meister in
Lyfflandt / henschorder van dem Haucmeister
in Prüssen / nicht mehr dat Lehn empfangen
döruen.

Ydt hefft ock disse Meister by syner re-
geringe / güldene Münze schlan lathen / an
gewichte / Schroet / vnd förne den Portu-
galosern gelick / de ock Portugalosers genö-
met werden, vnd sehr gemeine im Lande ge-
wesen sint.

Ock hefft ydt disse Meister dorch syne
löffliche daden darhen gebracht / dath he in
den tall der Försten des Römischen rykes /
mit allen synen nafolgenden Meisters / ys
angenenamen worden / vnd ys de erste gewe-
sen / de den Förstliken Tittel geföret hefft /
vnd solckes van dem Keiser Carolo 5. er-
langet. Do was ydt mit Lyfflandt vpt aller
högeste gekamen.

Anno 1522. by dieses Meisters regerin-
ge /

Dat Ander deel

ge/hefft dat Licht des hilligen Euangelij in den Nyfflendiffchen ſteden angefangen tho lüchten/ vnd alſe ydt de Lude tho dem rechten vorſtande Göttlikes wordes vorlüchtet hadde / dat ſe nu des Paweſtes ſchendtliken mißbrück vnd vorföringe/ ſehen vnd erkennen konden/ hebben ſe ſtracks einen Krynch mit den hölten Gößen/ in den dren ſteden/ Riga / Keuel vnde Dörpte / angefangen/ vnde de Kercken geſtörmert/ de Gößen daruth vorbannet / vnde de Monſtrantien/ Kelcke / vnde allerley kerckengeſchmide/ wech geſöret/ dat men nicht weth/ wor ydt gebleuen ys. Solcken Krynch hebben etlike vth einem Chriſtliken nuer / den mißbrück vth her kercken tho bringende/ etlike auerſt vnder dem ſchynne des Euangelij/ dat rapiamus tho ſpelende/ angefangen.

Anno 1528. Is Iwan Baſiliewis/ des Namens de ander / Grothförſte van der Muſcow / gebaren / welcker by vnſer tydt Nyfflandt bekryget/ vnde den Orden/ ſampt Biſſchöppen/ Doemheren/ vnd allen geiſtliken daruth vordreuen hefft.

Anno 1532. Is de Wall/ vnde dat hoge Rundel/ by der Schmiedeporten tho Keuel
an

angefangen tho buwende. By disses Meisters tyden hebben disse nasolgende Erkbischoffe tho Riga regeret / Michael Hellebrandt / eines Bórgers Sohn van Keuel / welcher de 15. Erkbischoff gewesen ys / vnd den Rych mit Wolter van Plettenberch wedder den Ruscowiter gefóret hefft. Nest em ys Caspar Linde / de 16. Erkbischoff tho Riga geworden. Na dem Caspar Linden / ys Johannes Blanckfelt / Bisschop van Dórypt / ock Erkbischoff tho Riga gewesen / Na dissem hefft Thomas Schöninck / eines Bórgemeisters Sohne van Riga / dat Erbstifte Riga vorwaldet / Dissem ys Marggraff Wilhelm van Brandenborch gefolget / welcher de 19. vnd de leste Erkbischoff tho Riga gewesen ys / Welcher Marggraue Wilhelm / Anno 1532. dorch etlike vam Adel vth der Wyck / de eres olden Heren / Reynoldi Buxhóueden / Bisschoppes tho Desel / auerdratich geworden weren / vnd vnder dem schyne des Euangelij / einen Euangelischen Bisschop / vnd gebarnen Fórsten thom Heren hebben wolden / ys tho einem innerliken fryge / wedder gemelten Bisschop Reynholdt Buxhóueden /

Das Ander deel

den/angereiket worden/ in welcherem fry-
ge/Marggraff Wilhelm dem Reynoldo de
hüser/Habsell/Lode/Leal / sampt der gan-
zen Byck affgedrungen hefft / vnd ys tho
Habsel vp dath Huß gereden / den 21. No-
uemb: des vpgemelten jares/ Welckere hü-
ser he fast twe Jar ingehat hefft/ vnd thom
latesten dorch ernstlick anholdent des Wol-
ters van Plettenberges / desüluigen dem
Reynoldo wedderümme hefft inräumen/vn-
de sick int Erksiffte Riga begeuen möten.
Dusse Meister hefft regeret in dat 41. Jar/
vnd ys gestoruen vp Deuli/Anno 1535.

Herman van Bruggenen / anders
Hasenkamp genant / de 42. Meister
düdesches Ordens / in
Lyfflandt.

Anno 1535. Hefft Herman van Brugge-
nen / anders genant Hasenkamp / dath
Meisterampt in Lyfflandt entfangen/wel-
cker Meister folgendes jares / Anno 1536.
vp Lichtmissen / tho Keuel ingereden ys/
vnd also he aldar vp dem Radthuse tho ga-
ste gewesen ys / hadde sick schyr ein groth
vngelücke/twiffchen den van Adell vnd der

Bürger schop/thogedragen. Wente ein Edelman vnd ein Kopgeselle / deme Meister thon eren ein Könnespil / vp dem Marke de tho Keuel ouen wolden / vnde alse de Kopgeselle den vam Adel herunder gerönth hadde / hefft ydt den andern vam Adel sehr vordraten / dath ein Kopgeselle den prys / vor dem Landesfürsten / vnd andern Stenden / van der Bane vören scholde. Derwegen hebben se sich vordrethlike rede hören lathen / daruth eine grothe vneinicheit vnde tumult / twisschen den vam Adel sampt eren consorten / vnde twisschen den Bürgern / Kopgesellen vnd erem anhangen / dermatten entstahn / dat se alle van Ledder gerückt / vnd men nicht anders gehöret hefft / alse Houwe / Steek vnd schlah / De Bürger vnde Gesellen repen vnder sich / vnde erem anhangen tho / dat se scholden flucks vp de roden Röcke kloppen / darmit de Adell / vnde de Ordensuorwanten befleydet gingen / De Meister vp dem Radthuse geboedt frede / mit hande vnd munde / warp synen Hoedt vam höuede / vnd dath Brodt vam Dische / manck dat rumorische Volk / se darmede tho beschwichtigende / ydt halp

Das Ander deel

auerst alles nicht. De Gildestauen vnde Beerhüser worden ock hastich thogeschlachten/darmit de jennigen/de darinne weren/nicht vthkamen / vnde den allerm stercken scholden/ Entlick ys disse rumoer dorch den Bórgermeister / Her Thomas Jegesack/ welcher ein ansehenliker Man gewesen ys/ vnd ein groth gehór by dem Volcke gehat hefft/gestillet worden. Disse Meister hefft regeret in gudem frede 14. Jar/ vnd Anno 1549. im Februario gestoruen.

By disses Meisters regeringe / Anno 1547. vmmē Christi Hemmelfarth / ys by dage ein groth Bür tho Riga buten der Stadt angegahn / welches ock in de Stadt geflagen/vnd grothen dreffliken schaden/so wol binnen also buten der Stadt / gedahn hefft/vnd binnen der Stadt im Dohmstiffte/vele huser sampt der Dohmkercken / vnd buten der Stadt vele Spnker vnd Schünen / dar grothe Kopmans wahr inne gewesen ys/angekündet vnd affgebrandt/dar dorch velen Koplüden vnde Bórgern ein groth schade thogefóget worden ys.

Johan van der Recke/de 43. Meister
düdesches Ordens in Lyfflande.

Anno

Anno 1549. Is Johan van der Recke/
Meister in Lyfflandt geworden/welcher
regeret hefft 2. Jar / in gudem frede/ vnde
ys tho Belyn gestoruen/ vnde ock darfür
uest begraucn.

Hinrich van Galen de 44 Mei-
ster Dudesches Ordens in
Lyfflandt.

Anno 1551. Is Hinrich van Galen tho
dem Meisterampte in Lyfflandt geka-
ren worden / Welcher Meister van wegen
des Muscowitischen Knyges ganz mit fre-
den regeret hefft. Wente de Muscowiter
hefft by disses Meisters regeringe/ mit den
Köninckryken Casan vnd Aстрихан / ge-
noch tho schaffende gehat / vnde dat Kö-
ninckryck Casan gewonnen/ vnde den Kö-
ninck sampt der Königinnen in der Stad
Casan gefangen / welckere Stadt he mit
vndergrauende / vnde mit sprengende/ er-
langet hefft. Wente also des Grothfürsten
Vader/fast 30. Jar mit dem Köninckryke
vnd mit der Stadt Casan / grothe Knyge
geföret hadde / vnde se dennoch nicht heffe
bedwingen können / hefft de Söne Iwan

Dat Ander deel

silietwits / also he int regiment gekomen was /
syn gelücke oec daran vorsöken willen / vnde
heffte de Stadt Casan belegert / dar dath
ganzē Köninckryke Casan anne henget /
vnde heffte de Stadt vnder grauen / vnde
Bussen puluer vnder den Wall gebracht /
vnd also ydt nu alles bestellet gewesen ys /
dat ydt balde angahn scholde / heffte he syn
Leger vopgebraken / vnd sich angestellet / also
wen he afftehen wolde. Derwegen de Lude
vth der Stadt mit fröuwden ganz dick vp
den Wall gelopen sint / vnde hebben dem
Muscowiter na gespottet / vnd ehr se des
entwar worden / sint se mit dem Walle in
de högedede geflagen / vnde de auerigen sint
gruwfām erschrocken / vnd hebben sich dem
Muscowiter / de sich nu wedder thom storme
geschicket hadde / ergeuen möten. Also
ys de Muscowiter ein Here der Stadt vnd
des Köninckrykes Casan geworden / Anno
1552. den 9. Julij / welckeren dach de Rüssen
in eren Calender tho Byrende vorordenet
hebben. Do heffte de Muscowiter den Kö-
ninck vnde Königinne van Casan gefenek-
lick in de Muscow geföret.

Des Jares darna / heffte he oec dat ander

Königkryfte der Latern/nömlichen Afrischan/gewunnen/Welches vele wyder affgelegen/vnd nicht so mechtich ys/alse dath Casarisch Königkryfte.  uerst alle disse beyde Laterischen Königinnne ere Kryfte noch inne gehat hebben/yo solches den Lysflendern eine grothe ruggeleninge vnd entsetzunge gewesen. Uerst alse de Muscoviter disse Königkryfte cräuert hadde / ys he nicht allein der Prouins Lysflandt/sunder ock allen benaberden Potentaten tho mechtich geworden.

Anno 1553. Des Sondages vor Pingestun/Is tho Keuel vp dem Dohme ein groth Für angegahn/van welcherem füre vele hüsser vp dem Dohme/vnd etlike in der Stadt/ock gar wydt beth in de Stauenstraten/mit velem Roggen vnd Wolte/ vorbrandt vnd tho nichte geworden sint.

Anno 1556. in der Basten/ys ein Bürich Comete / einem Bessem gelyck / eine lange tydt auer Lysflandt gesehen worden/Darup stracks im Boryar / ein innerlich Krych / twisschen Marggraue Wilhelm van Brandenburg/Erzbisshoppe tho Rigga eins/vnd twisschen Hinrich van Galen/

Das Ander deel

dem Her Meister / sampt synem Orden /
anders deels / geuolget ys. Do ys de Her-
meister beide verdich geworden / vnde int
Erkñt hefft dat huß Kofenhu-
sen beider / vnd den Erzbisschop / sampt
Hertoch Christoffer van Mekelnborch /
des Erzbisschoppes Coadiutoren / na erä-
ueringe des huses gefangen / vnd na schmilt-
ten in de gefencknisse gebracht / Hertoch
Christoffer auerst ys vnschuldich erkandt /
vnde der Gefencknisse erlediget worden /
auerst de Erzbisschop hefft fast ein ganzes
Jar inholden möten. Dardorch denn Si-
gismundus Augustus / Köninck tho Polen
des Erzbisschops Ohm / vnde Albrecht de
Older / Marggraue tho Brandenburg /
vnd de Hertoch tho Prüssen / des Erzbis-
schoppes Infflike Broder / vororsaket ge-
worden sint / einen apenbaren Krynch wed-
der den Orden in Infflandt anthofangens-
de / vnde also se an beiden deelen in vuller
rüstinge gewesen sint / hebben sich de Kö-
nissche Keiser / vnde vele Potentaten / vnde
Fürsten / darin geschlagen / vnd de sake vor-
dragen. Do ys Marggraff Wilhelm de
Erzbisschop syner Gefencknisse erlediget /
vnd

vnd in syne olde dignitet wedderüume ge-
setet worden. Disse Hermeister hefft rege-
ret int söuende Jar.

Wilhelm van Förstenberch / de 45.
Meister Düdesches Ordens
in Lyfflandt.

Anno 1557. Is Wilhelm van Förstens-
berch des Meisterstandes in Lyfflande
mechtich geworden / By Welcheres rege-
ringe alle twist vnd vneinichit twisschen
dem Erzbischoffe / sampt synem anhangen /
vnd twisschen dem Orden bygelecht getö-
fen / stracks ein nye vür wedder angegahn
ys / Wente de frede mit dem Muscowiter
was vthe / welcher einen schwarzen Tribut
van vndenckliken Jaren her / vth dem stift-
te Dörpte / mit grothem erste begunde tho-
fördern / Welches allen Lyfflendischen
Stenden / vnd insunderheit dem Bischoffe
pe / eine grothe bekümmerrisse gemaket
hefft.

Tho der tydt auerst ys Hermannus /
eines Schomakers Söne van Wesel / Ab-
bet tho Balckena / Bischoff tho Dörpte
gewesen / welcherem Hermannum de Rede

Das Ander deel

Des Stifftes Dörpste / nicht vomme förder-
ringe willen der Christliken Religion edder
Godtselicheit / sunder van wegen synes
Geldes / thom Bisschoppe erwelet hadden /
Wente dath Stiffte Dörpste was in gro-
the schülde geraden / dorch den vörigen
Bisschop / Jost van der Kecke / welcher alle
de Güder des Stifftes Dörpste vorsestet /
vorpandet / vnd einen grothen summen gel-
des darup gelenet vnd geborget hadde / vn-
de mit demsüluigen Gelde vth dem Lan-
de na Münster getagen was / sich aldar
vorandert / vnd dath Stiffte Dörpste in der
druppen sitten lathen / Derwegen de Stiff-
tischen tho Dörpste einen Heren wedder
hebben mösten / de Geldt hadde / he mochte
sunst syn / we he wolde / den Titel konden
se em sachte günden / vnde wordt hyr also
dath Geldt thom Bisschoppe. De Rede
auerst des Adels / vnd der Stadt Dörpste
hadden dath Regiment / vnd einen Balcken
thom Heren / vnd ein yder dede / wat he sül-
uen wolde / ane nenige vpsicht der hogen
Auericheit / In summa de eigen wille had-
de by ydermanne / vthgenamen by der Ar-
modt / de auerhandt genamen. Also nu de

Mus-

Muscowiter den Tributth mit grothem ernste vnd drouwende förderde / Do was de Bisschop Hermannus vthgebüdel / wordt derwegen zaghafftig / vnde begunde mit synem Cankeler / Jürgen Holtshür / tho practicerende / wo he vnder des Muscowiters heimlike beschüttinge kamen möchte. Den Reden auerst / des Adels vnde der Stadt / was alle ere Wyßheit vnde vorstandt benamen / vnde was gudt Radt duer geworden. Vnde wowol etlike van Adel wol so Ryck vnde mechtich gewesen weren / dath einer alleine / mit synem Gelde vnd geringen schaden / allem vnglücke lichtlick hadde vorkamen können / so heffe doch niemandt van dem Mammon einen Daler dartho geuen willen / bette dath de Muscowiter alles / sampt eren Landen vnde Lüden / wech gefregen hefft. Do heffe de Hermeister mit dem Muscowiter handelen willen / vnde de Muscowiter heffe sich ock etliker maten billich vinden / vnde de Summa der ansprake vp 50000. Daler / vallen laten / Auerst de Lyfflender wolden dar nicht an / sundern hebben ydt vor sine grothe vorkleineringe geachtet / frede
tho

Das Ander deel

tho köpende / Do se auerst dat Geld gerne-
geuen wolden / Do wolde de Muscowiter
nicht / Wente ydt muste so syn / dat de Hufz
uader ein mal rekenschop fördera wolde /
Derwegen hefft hyr noch Raeth noch jens-
nige handelinge helpen willen.

Anno 1558. den 25. Januarij / ys de
Muscowiter erstlick mit velem Volcke in
Lyfflandt geuallen / vnde hefft de Lande im
Stiffte Riga / Dörpte / vnd in Wyrlande /
vnd andere örde mehr / sehr vorheret / vnd
grothen schaden mit Mordende / bernende /
rouende / vnd wech förcnde gedahn.

Tho dersüluigen tydt / hefft einer vam
Adel tho Keuel Köste gehalten / vnde der
Brudtfründe hebben sich hören laten / ydt
scholde solcke eine frölike vnd prechtige kö-
ste syn / dat Kindeskindt dersüluigen ge-
dencken scholde / Vnde ys tho dersüluigen
Hochtydt / de ganze Adel vth Harrigen /
Wyrlande / Jeruen / vnde Wyke / vnd vele
vth dem Stiffte Riga / vnde Dörpte / vor-
schreuen vnd vorsammelt gewesen. Alse se
nu gemeinet hebben / de Hochtydt städtli-
ken / vnde in allen fröwden tho vullenen-
den / Rümpt alse balde böse ydinge vam
Rüssen /

Rüssen/ wo he mit Heereskrafft in Lyfflandt geuallen sy roue vnd berne. Do wort vth der grothen fröwde en groth wehmoede vnd betröffenisse/ vnd mögen Kindeskindt/ vnde ere nakömelige dersüluigen Köste wol gedencken. Etlike auerst hebben sich keck vnde freidich bedüncken laten vnde hebbens de eine dem andern by haluen / vnde by heulen lasten/ de Rüssen in einem druncke thogefapen / Weren also gewaldige Krygers im supende/ Auerst alse ydt negen den Rüssen gelden scholde / vnde thom treffende quam / Do sint erer wol achte vor einem Rüssen geflagen/ vnde vor an gelopen.

In demsüluigen Jare/ Anno 1558. In dem Passche feste darna / hefft de Rüsse de Stadt Narue belegert / vnd dewyle disse Lyfflendische Narue gar na an Rußlande gelegen ys / vnd eine schlichte Befee edder Flethe / Rußlandt vnd Lyfflandt scheidet/ hefft de Rüsse vth synem eigen Lande / van penner syde der Befee/ de Narue beschaten/ Lümelers vnd Bärbelle darin geworpen/ auerst weinich schaden darmede gedahn/ beth vp den 12. Maij / do hefft sie ein eigen vorredtlich vür / v th eines Balheres huse/

Gorde

Erdt Vfen genant / erhaueu / dorch wels
 cher vür dat ganz Stedtin Narue anges
 stucket vnd vorbrandt ys / vnd in demsüluis
 gen brande hefft de Muscowiter de Nar
 ue gestormet / bett dat he se eräuert hefft.
 De Börger auerst / alse se gesehen heb
 ben / dat ydt ys vorlaren gewesen / sint se
 mit eren Frouwen vnde Kindern / vp dat
 Schlot geweken / vnde hebben aldar mit
 dem Muscowiter vmmen einen freyen Paß /
 mit dem jenigen / wat se noch by sich had
 den / gehandelt / Welckes en der Muscowi
 ter gelauet / vnd ock gehalten hefft. Also
 hefft de Muscowiter bede dat Schlot vnd
 de Stadt Narue eräuert.

Alse nu demuscowiter de Narue wech
 hadde / Do hebbent etlike Ordensvägede
 vnd Regenten / in der süluisgen yegen / Alse
 nömlick Bert Hün van Ansterat / Baget
 tho Wesenberch / Diderick van der Stein
 kule / Baget van Nyenschlate / Hinrich
 van Kallenbach / Baget thor Lolsborch /
 vnd andere mehr / vth grother angst vorlo
 pen / vnd hebben ere Hüser / Lande vnde
 Lude / dem Muscowiter auergeuen / vnde
 gndt willich vpedragen / Do worden ock
 de

de Hüser / Ek / Nyehuf / Warnebeck / Ringen / Lays / Duerpalen / vnde andere mehr vorlophen / Welckere alle de Muscowiter ane Schwerdtschlach wech gekregen heffe.

In demsüluigen Sommer / Anno 1558. Alse de Muscowiter gesehen / dat em de Hüser vnd Lande in Lyfflandt / samyt dem gelücke so lichtlick tho gelopen sint / hefft he sich ock mit Volcke vñ Geschütte vor Dörpte sehen laten / Vnde wowol he nicht ein mahl tho storme geschaten / vnd nicht einen Menschen beschediget hadde / ys em dennoch / vth grothen fruchten vnd lichtfridicheit / de Stadt Dörpte vpygeueen worden / ane nodt / den 19. Julij / alse he noch nicht achte dage daruor gelegen hadde / nicht anders alse wen eme de Stadt vorhen vorkofft gewesen were / vnd scholde men kamen vnd se entfangen. Ock hebben de vörnemesten der Stadt / de ydt vorhen wol wüsten / dat ydt so kamen würde der Kercken / Seken / vnde vnmündiger Kinder Geldt / wor wath vorhanden was / alles vpygenamen / vnde in ere Hüser vorteken lathen / vpye dath / wen ydt thom lopende queme / se dath Geldt deste
licht-

Dat Anderdeel

lichtliker mit sich wech bringen konden. Wat auerst de Muscowiter in dissèr Stadt vor einen Schat/van Golde vnde Süluer van dem Bisschoppe/ Doemheren / Eddel-lüden/vnde Börgeren/wech gekregen hefft ys nicht na thoseggende. Wente van dem einigen Eddelmanne/Fabian Tysenhusen genömet/hefft de Muscowiter auer 80000. Daler / an Golde vnde Süluer/ wech gekregen / In summa / he hefft damals in Dörpthe solcken Schat vnde schwar gudt/van allerley vorrade bekamen/dat men dar mit eine lange tydt einen gewaldigen frych wedder den Muscowiter hadde fören/ vnde de Stadt / sampt dem ganken Lande/ wol beholden können / auerst do wolde keiner van dem Mammon einen Daler dartho leggen. Also nu de Muscowiter der Stadt mechtich was / do mochte ein yder van den Dörptheßchen bliuen / edder wech tehen/wor he wolde / mit allem / wes he mit sich wech bringen konde. Auerst Bisschop Herman hefft men na der Muscow wechgeudret/ dar he entlick gestoruen ys.

Also hefft dith Bisschopdoem ein ende genamen / weleker in de 360. Jar van den

Düdes

Düdeschen Bisschöppen ns regeret worden. Vnde gelyck alse van einem Hermanno / dem ersten Bisschoppe / welcher ein Bremer gewesen / datfüluige Stiffte gewonnen / vnd dat Slot / sampt der Stadt / den Düdeschen thom besten ns gebuwet. Also ns dith alles van einem Hermanno / dem testen Bisschoppe / van Wesel bördich / wederümme vorlaren / den Düdeschen affhendich gemaket / vnde dem Muscowiter auergeuen worden / Wowol disse gemelte Bisschop titulo tenus / nicht so sehr darümme thobeschuldigende ns / alse des Stifftes / vnde der Stadt Dörpte Rede. De orsake auerst / wo rümme de Stadt so lichtlick ns affhendich geworden / ns / dat de Börger tho Dörpte / ere Stadt vor gewalt / gar nichts beueftiget hadden / vnd in dem langwyligen freude nicht eins daran gedacht / dat ydt ein mal wedder vnfrede werden konde / vnd ere beste buwerck in dem frede ns gewesen / eigē māt / gyricheit / pracht vnd houardt / freten vnd de supen in statliken Kösten / Kindelberen / vnde dageliken gastebaden. Vnde wowol se ein herlike Archelne vnd Geschützte in erer Stadt gehat hebben / So was

Das Ander deel

doch dar noch Wall/ noch Postende / noch
jennich Dwenger gebuwet/ dar men dat ge-
schütte vp gebruken konde / derhaluen ys
datsüluige Geschütte mehr dem Muscowi-
ter/alse der Stadt/ thom besten getüzet ge-
wesen.

Tho der süluigen tydt/alse Dörpte erä-
uert gewesen ys/ hefft de Ordensvaget vn-
de gebediger/ Bernt van Schmerken/ dath
herlike Huß vnd geweldige feste Witten-
steyn vorlophen/ vnd vnbesetzt stahn laten/
Welcker Huß mit Roggen / Wolte/ Ha-
uern/ Wyne/ Beer/ Brodt/ vnd mit Flee-
sche/ Specke/ dartho mit Geschütte/ Krudt
vnd Loedt / genochsam vorsorget gewesen
ys / Vnd alse de Dudeschen Knechte / de
van Dörpte her quemen/ vnd Wittensteyn
vorby tehen mosten/ dat Huß a pen fänden/
sint se strack's darup gelopen / vnd hebben
sick mit dem Wittensteinischen Wyne/ vnd
Beere frölicke gemaket / vnd mit sick wech
genamen / wat einem ydern behaget hefft/
vnd dat Huß also stahn laten / Vn auerst
de Muscowiter strack's gefolget n here. had-
de he ydt innemen mögen / an e yennigen
Schwerdtschlacht. Also ridderlicke vnd men-
licke

lick hebben sich etlike Ordensbröder tho diser tydt gehalten: Darna hefft Casper van Oldenbockem / ein hunger strydtbarman / datfüluige Huß Wittensteyn ingenamen / vnde dem Rüssen grothen spott darup gedahnt.

Densüluigen Sommer / den 26. Julij / hefft ock Francke van Anstel / Cumpter tho Keuel / dat herlike Schlot Keuel vorlopen / vnd dennoch so ehrlick gehandelt / dat he dat Huß tho Keuel / einem van Adel / Christoffer Monnickhusen genömet / dem Könige van Dennemarcken thom besten äuergeuen hefft / welcher Christoffer Monnickhusen dath Huß / van wegen des Königes tho Dennemarcken / doch ane befehl / angenomen vnd fast ein Jar inne gehat hefft / dardorch sint de Keuelschen / sampt dem van Adelt vth Harrigen / vororsaket geworden / ere Legaten / alse Bruno Widberch / vnd Fabian Tysenhusen den hüngern / van wegen des gemelten Adels / vnde Jasper Breytholt Radtsuorwanten / vnde Joest Cloedt Syndicum / van wegen der Stadt Keuel / an Christianum Köninck tho Dennemarcken / tho schickende / hülpe vnd trost /

Das Ander deel

wedder den Muscowiter tho begerende / des
wyle Harrigen vnd Byrlandt / sampt der
Stadt Keuel / vormalts Denesch gewesen /
vnde dat huß tho Keuel / mit den thogehö-
rigen Landen / nu wedderümme an den Kö-
ninck gefallen was / Auerst dewyle de hoch-
löfflike Köninck wol gesehen hefft / dat sol-
ches eine erwyderinge mit dem Muscowi-
ter geberen wolde / hefft he de Legaten mit
ylicher hülpe nicht vortrosten können / sün-
der etlike dusent syden Speckes / vnde an-
dere nodtrofft / sampt etlikem Geschütte /
Krudt vnde Loeth / vp dat huß Keuel ge-
schicket / vnde de Legaten also darmit wed-
der na huß tehen laten. Nicht lange darna
ys Köninck Christianus in Godt vorsche-
den / vnde de gemelten Legaten van Adel
sind ock beide vp differ reise gestoruen /
Wente Fabian Tysenhusen ys in Denne-
marcken begrauen / vnde Bruno Widt-
berch / ys vp der wedderreise in der Sehe
gestoruen / vnde dodt tho Keuel gebracht /
vnd aldar begrauen worden.

Alse nu de Knechte vnde Krygeslüde
vp dem huße tho Keuel vormercket hebben /
dat weinich trostes van gelde vth Denne-
mar-

marcken gefamen was / vnde nicht wüsten /
 efft se einen gewissen Heren hadden edder
 nicht / hebben se vth mangeling des geldes /
 dat Slot tho Keuel dem Rade der Stadt /
 vor eine geringe summa geldes angebaden.
 Do hebbent etlike Börger vor radtsam an-
 gesehen / dat men ydt annemen / vorstören /
 vnde Börger huser vnde waningen vp de-
 sülunge stede wedder buwen scholde / gelyck
 alse etlike Prüssessehe Stede in erem lande
 ock gedahn hadden / Auerst ein Radt / vnde
 de gemeine tho Keuel / wolden dar nicht
 an / dewyle dat Slot vnde de Stadt van
 anfang her also gestaen / vnd de Schlates-
 sehen mit der Stadt nümmer tho in aller
 einicheit thosamende gehalten hadden / So
 gedachte ydt ock ein Radt vnde gemeine
 noch also vordan tho holdende.

Densüluigen Sommer im Julio / heffe
 de Muscowiter einen entsegge breeff an de
 Stadt Keuel gesandt / vnde de Stadt mit
 grothem ernste vnde drouwende vpgeef-
 schet / Do wordt einem yedern Börger an-
 gesecht / dat he synen Garden / Lusthoff /
 Schüne / Badtstauen / vnd Holtrüme ned-
 der breken / edder vorbernen scholde / wel-

Das Ander deel

skerren schaden mannich Bürger gerne mit
600. Daleren gelöst hadde / wen ydt mög-
gelick gewest were. Tho der tydt hebben de
Keuelschen ere Stadt mit grottem ernste
angefangen thobefestigende / vnd dat herr-
like Kundeel / vor der Leempporten / vnde
den Wall twisschen der Leempporten vnde
Karryporten / in der yle gar hoch vpgesör-
ret / vnde eine Müre / sampt einem depen
Grauen / vnde velen strickweren / vorher
vpgetagen / darna andere Welle vnd Gra-
uen mehr / dar se sich / negest Gades hülpe /
etwes vpthoverlatende hebben. An dissen
arbeit hebben alle Bürger vnd Gesellen / de
hende mit anleggen möten. Wen auerst de
Muscowiter domals / alse he Dörpte wech
hadde / ylich forth gerückt were / Keuel had-
de eme nicht lange vorentstaen können / A-
uerst Godt de Allmechtige hefft ydt nicht
gewolt / welcher de gude Stadt / der Chri-
stenheit thom besten / noch bette her tho /
vor des Muscowiters list vnd ge-
walt / gnedichliken bschüt-
tet vnd bewaret
hefft.

Korth extract der Ursachen des Mus-
 cowitischen Kryges wedder Lyfflandt / vth des
 Muscowiters Cantzelye / durch einen namhafft-
 igen Koepmann / de mit dem Cantzeler in der
 Muscow tho huß gelegen / erlanget / Wel-
 che orsaken de Muscowiter / ock an den
 Römischen Keyser Ferdinandum /
 schal hebben gelangen laten.

M deme ydt van oldinges her in den Lys-
 flendischen Steden / Dörpte / Riga vnd Res-
 uel / Rüssische Kercken tho buwende vorgünnet
 gewesen ys darinne de Rüssischen Koeplüde /
 eren Gadesdrenst vorrichten mochten / Vnd ock
 van oldinges her / in gemelten Steden / allen
 Rüssischen Koplüde frye straten vnd Kophüjer
 gehat hebben / darinne se ere wahr / fry vnd vn-
 uorhindert mit idermanne vorhandelen möch-
 ten / Tho deme / dewyle ock de Meister tho Lif-
 flandt / de Erzbisshop tho Riga / vnd de Bis-
 schop tho Dörpte / sampt dem Rade der dersölz-
 uigen Stadt / dem Grothförsten den tribueth /
 vth dem Stifte Dörpte / alle dre Jar tho erlegs-
 gende / nicht alleine mit vorsegelden breuen / sun-
 dern ock mit erem Eyde gelauet vnd thogeseche
 hebben / Welcheres Eydes / sampt erer vorseges-
 linge / de Lyfflender gantz vnde gar vorgeten /
 vnd wedder alle olde beleuunge vnd gerechtich-
 eit / gehandelt hebben / vndsyne Rüssische Ker-

Dat Ander deel

cken tho büffen huser/tho Cloaken/vnd rackeryen
gemaket/ de bildtnissen vnfers salichmakers/ der
leuen Apostelen vnde Martelers vorbrant/vnd
gantz vorunere/ vnd den Rüsseschen Koeplüden
ere frye Marcket/handelingē vnd Kophuser ges
namen/ vnde mit en men eine bykopenschop ges
holden/vñ se aller olden fryheit vnd gerechticheit
berouet/vnd dem Grothförsten ock synen gebörz
liken Tribueth trotzich vorentholden/ geweyert/
ya gar nichts tho willen gewust hebben/Vnans
gesehē dat he de Lyfflender offt vnd vakē dorch
syne Brene vnd Legaten/tho der rechtferdicheit
vormanet hadde/he ene ock/ alse ein gudt Arste/
gerne hadde helpen/ vnde rath schaffen willen/
Welckere vormaningen se dennoch mutwillich
vthgeschlagen/ vnd wedder ere egene wolfarth
gestreuet hadden/vnd ere herte / alse des Pharas
onis/yummerdar gantz vorstocket gebleuē was/
Hadde he derwegen einen Krich wedder se ans
fangen möten/se thouorsökende vnd tho der bil
licheit thouororsakende / Auerst se weren noch
yümnehren vorstocket gebleuen/derhaluen mös
sten se lyden /dat se nu mit dem Schwerde vnde
Vüre heimgesocht worden / vnde solckes were
nicht des Muscowiters/ sondern der Lyfflender
egene schuldt/ etc.

Anno 1558. Im herueste/hefft Godthardt
Ketler / dat huß Ringen/im stiftē Dörpte/ bes
legert /beschaten vnd gestörmet / vnd mit stors
mender

mender handt ingefreggen / vnd eräuert / vnd a
uer 500. Rüssen darup vmmegebracht / vnde
darna datsülunge huß gantz nedder gereten vnd
tho nichte gemaket.

Godthardt Ketler / de 46. vnde leste
Meister düdesches Ordens in
Lyfflandt.

Anno 1559. Na deme Wilhelm van För-
stenberch / van wegen sines hogen olders
van dem Meisterampte affgedancket had-
de / vnde ydt nu ock selkam vnd wunderlick
im lande tho stundt / vnde vele Schlöte /
Börge / vnd Lande vorlaren / vnd alle vor-
radt des landes wech was / vnd de äuerigen
Lande noch in grother gefahr stünden. Do
ys Godthardt Ketler / Coadiutor des vöri-
gen Hermeisters / int Meisterampt gecsschet
vnd beropen / vnd ys em ock datsülunge Jar
tho Keuel gehüldiget worden / Welcker
Meister in erreddinge der bedruckeden Lan-
de / sich hoch bekümmert / vndrathgesocht
hefft / wo dem Erfffiende geweret werden
konde / dat he synen Voeth in Lyfflande
nicht wyder setten mochte. Derwegen heffe
he etlike Hüser vnd Lande vorsetten vnde

Das Ander deel

vorpanden möten / Do hefft he dat Hufz
 Grubyn / dem Hertogen tho Prüssen vor-
 settet / vnd vp den Hoff tho Regell / nicht
 wydt van Keuel gelegen / hefft he van der
 Stadt Keuel 30000. Daler genamen / vnd
 mit dem gelde Krygesuoletz angenamen /
 vnd hegen Martini / Anno 1559. mit einer
 statlicken Krygesmacht int felt gerücket /
 vnd by der Kercken tho Rügge / im fünffte
 Dörpte sich gelegert. Des Rüssen hupe a-
 uerst / de nu nyelic vth Rüsselant gekamen
 was / hefft 6. mylen van dar gelegen / wel-
 cher hupe mit den Rüssen tho Dörpte solck
 einen bescheit gemaket hadde / dat se des
 Meisters hupen behaluen vnde vorrassen
 wolden / Auerst des Meisters Krygeslude
 hebben erem vordecle ock na gedacht / vnde
 sint chr ferdich geworden / vnd hebben de
 Rüssen / vp S. Martens auendt / in erem
 leger vorrasschet / erer gank vele erschlagen
 vnd gefangen / vnd einen van den vorneme-
 sten Weywoden / sampt velen Boyaren /
 tho dem Meister int leger gebracht.

Vp datfüluige mael hefft de Hermeis-
 ter Godthardt Ketter / sampt Hertoch
 Christoffer van Mekelnborch / Coadiuto-
 ren

ren des Erzbischoffes tho Riga/de Stad
 Dorpte belegert / vnd na dem se ein tydt
 lanck daruor gelegen / vnd etlike schermü-
 ktel mit dem Rüssen gehalten / vnde nichts
 mehr vthgerichtet hadden / sint se wedder-
 ümme affgetagen / vnd darna in demsülui-
 gen dage / ys de Hermeister vor Lays ge-
 rucket / datsüluike Huß belegert / beschan-
 ket / vnd tho storme beschaten / vnd twemael
 gestormet / auerst beide mael vorlaren / in
 welkeren beiden stormen etlike hundert vth-
 erlesene Knechte / vnd der Keuelschen Hö-
 uetmann / Wolff van Straßborch / geble-
 uen sint. Dewile auerst de Winter vp de
 handt gefamen / vnd kein gelücke vorhan-
 den gewesen / ys men auermals mit scha-
 den vnd spotte affgetagen / Do sint de Kry-
 geslüde / van wegen der wedderwerdicheit
 des gelückes / vnd mangelinges des geldes /
 vordraten / vnd van einander vorstrouwet
 worden. De Archelye auerst vnd geschütte
 ys vp Vellyn geföret.

Anno 1560. im Winter / hefft de Rüsse
 wedderümme nicht gefyret / sunder ys mit
 ganker macht in Lysflandt gefallen / vnde
 vmmme Trium Regum / dat herlike Huß v. d.
 gewel

Dat Ander deel

geweldige Beste / Marienborch / dorch
Lichtferdige vpgewinge des Caspers van
Syberge / Cumptern des huses / vnd der
andern lichtferdigen Dudeschen / de mit vp
dem huse gewesen / eräuert / vnd wech gefres
ge / Vnd hefft de Muscowiter tho der tydt /
nicht ein Huß edder Beste mit gewalt / ed
der dorch hungers noedt / edder langwilige
belegeringe / in Lifflandt eräuert / sunder se
sind em alle trwloß / lichtferdigen / vnd ane
noedt vpgegeven worden. Na eräueringe
des huses Marienborch / hefft de Muscowi
ter im stiffe Riga / vnd in Churlandt grw
lick gewötet / vnd gedauet / mit mordt vnde
brande / ane jennigen wedderstandt.

Anno 1560. in dem Passche feste / ys
Hertoch Magnus van Holstein / Frederici
2. Königes in Dennemarcken Broder /
thor Arenßborch vp Desel angekamen / vnd
hefft de stiffe Desel vnd Churlandt / de Jo
hannes Monnickhusen Bisschop / dem ge
melten Könige in Dennemarcken vpges
dragen hadde / entfangen vnd ingenamen /
Darna hefft Mouricius Brangell / Bis
schop tho Keuel / syn Bisschopsdohm
tho Keuel ock dem Hertoch Magno vps

gedragen. Alse nu Hertoch Magnus in Nyfflandt gekamen was / Do hefft de Hermeister syne Legaten / neuenst der Stade Reuel gesanten / an gemelten Hertoch geschicket / fründtlick thouernemende / worümme he in Nyfflandt gekamen were / vnd wesen sich / in dem Nyfflendischen vngelücke / tho em vorsehen scholde / darup se disen fründtlicken bescheidt erlanget hebben / dae de Hermeister vnde alle Stende in Nyfflandt / sich alles fründtliken willen / vnd guder naberschop tho em vorsehen scholden / vnd dewile he dorch billike anforderinge / sich etliker Stifte vnd Lande in Nyfflande angematet hadde / so wolde he ock / neuenst synem Herrbroder / allem vormögen na / des bedruckeden landes best weten / vnd de gesanten tast vp die meininge also voraffscheidet. Hertoch Magnus auerst / des aller Christlichsten Königes / Christiani van Dennemarcken Sone / was 19. Jar oldt / alse he in Nyfflandt quam / derwegen vele van Nyfflendischem Adel / junck vnd oldt / sich tho em gesellet hebben / dar van he sich einen Radt erwelet hefft / de by em in grotem gehöre vnd ansende was / bette dae

Dat Ander deel

Desülvige den jungen Heren sehr vorföret/
vnde tho einem selkamen spele gebrachte
hefft.

Anno 1560. vmmē Pingesten/ Is de
Küsse in Harrigen gefallen/vnd hefft den
sülvigen orth Landes ganz flechlick vorhe-
ret. Do vorbrande he ock dat Bisschopli-
ke Huß Fegefür vnd vele Hauehöue vnde
Dörper sampt der Kercken tho Roschful /
vnd keine andere Kercken mehr vñ dat /
mal /Wente in demsülvigen Carspel/wed-
derfoer dem Küssen ein spot van ciliken
Juncfern vnd guden gesellen / de sich im
Nyenhäue /mit 95. Peerden vorsammelt/
vnde in einem dakynen Wedder / bundes-
wyse vñ 16000. Küssen thogesettet/ vnd ve-
le Küssen erschlagen hadden/welcke Haue-
lüde ciliken/do ydt begunde klar tho wer-
den/vor der grotten herandringende mache
des Küssen / de sich in einem hegewolde/
nichtverne van Nyehäue /vorborgen had-
den/de flucht nemen mosten/darauer etlike
gude gesellen vnd Juncfern erschlagen/vnd
32. gefangen worden/Do ys ock de Erent-
ueste Euert uan Delwich/ein Juncker des
sülvigen Carspels/ gebleuen.

Darna/densüluigen Sommer / ys de
 Rüsse ock in Letlandt gefallen mit ganker
 macht / dargegen de gebedigers des ordes
 sich na allem vormöge ock gerüstet hebben /
 alse Her Schal van Bell / Landtmarschalck
 vp Segewolde / vnd Her Johan van Bell /
 Cuypter tho Goldingen / Hinrich van
 Galen / vaget tho Bouschke / vnd Christof-
 fer van Syberge / Vaget tho Candow /
 welckere alle in eigener persone / mit einer
 temeliken macht van Düdeschem volcke /
 sich int Felt begeuen / vnd mit dem Rüssen /
 by Ermis / an einander gesettet hebben / A-
 uerst dewyle se valsche kundtschop hadden /
 dat de Biende nicht gar starck syn schol-
 den / sind se van dem grothen hupen der
 Biende behaluet / äuerweldiget / vnd äuer
 500. erschlagen. Do sint de vorgemelte
 Ordensheren / vnd Gebedigers samptlick
 gefangen / vnde na der Muscow geföret /
 dar se mit der Rülen sind vor de Köppe ge-
 schlagen / vnd jamerliken vmmegebracht
 worden. Disse nedderlage hefft den äueri-
 gen Lysflendischen Steden vnd Landen
 einengrothen schreck gegeben / Wente de-
 wyle disse Heren vmmegekamen weren / ys

Dat Ander deel.

de Tal des düdeschen Ordens gar schwack/
vnd schir alle Radt im lande en benamen
gewesen.

Anno 1560. Im Julio /hebben de äue-
rigen Lnyffendisschen Stenden vnd Stede/
alse Marggraue Wilhelm / Erzbisschop
tho Riga / vnd syn Coadiutor Hertoch
Christoffer van Meckelnborch / Hertoch
Magnus van Holstein / der Stifte Des-
sel/Eurlandt/vnd Keuel Administrator /
vnd Godthardt Ketter / Meister in Lnyf-
flandt / sampt den van der Riddereschop /
vnd den Steden / einen Landtdach thor
Parnow gehalten/ vnd aldar des Musco-
witisschen kryges/ vnd anderer saken hal-
uen / geratschlaget. Alse nu de Heren thor
Parnow vorsammelt weren/ euen tho der-
süligen tydt / ys de Muscowiter mit ge-
weldigher Hereskrafft herangedrungen /
vnd vp Belyn synen wech gesettet/vnd vp
Marie Magdalene/ in der nacht / dat huß
Belyn belegert beschanket vnd tho storme
geschaten / vnd de Müren des Stedtlins
Belyn/ by der erden wech geschaten/ dar-
tho grothe Lümeler vnd Bärbelles dar in
geworpen/vnde dat ganz Stedlin / vp 5.
häuser

hüser na / hart vor dem Slchate gelegen /
 vthgebrandt. Darümme do de Heren thor
 Parnow solcken des Muscowiters ernst
 vor Belyn / erfören / hefft sich ein yder
 nlich van dar gemaket / derwegen nichtes
 fruchtbarlikes vp disser thosamende kumpst
 ys vthgerichtet worden. Wen ock de Mus-
 cowiter domals eine kleine macht na der
 Parnow geschicket hadde / so hadde de gan-
 ze vörsammelinghe der Lyfflendischen
 Stende / grothe gefahr vnd euentuer vth-
 stahn möten / dewyle dat Stedlin Parnow
 domals vorgewalt gar nichtes was.

Alse nu de Muscowiter by 4. weken
 vor Belyn gelegen / vnd mit gewalt an
 dem Huse vnd Stedlin nichts hebben kon-
 de / ys em datfüluige vnäuerwindtlike va-
 ste Hufz / van den Düdeschen Knechten /
 de daruppe weren / ganz vorredtliker wy-
 se / ane jennige dringende noedt / vpgege-
 uen worden / disser gestalt: Na deme se
 etlike maente ere besoldinge gemisset / heb-
 ben se nu desfüluige vullenkamene besoldin-
 ge / dewyle de noedt vorhanden gewesen /
 van dem olden Hermeister / Wilhelm van
 Fürstenberch / de syn gemact vp Belyn
 & gefaren

Dat Ander deel

gefahren hadde / mit groter vnstümicheit
gefördert / Also auerst de gude olde Herc/
der Knechte böfheit vormerckede / hefft he
sine egene baerschop / vnde geschmide den
Knechten angebaden / vnd se tho freden
gespraken / vnd tho der standthaffticheit
vormanet / vnd vmmē Gades willen ge-
beden / dat men solck ein geweldich Huß/
ane noedt dem Erffsiende nicht vpponeuen
scholde / wente des worden se spot vnde
schande vor Godt vnd der ganken Chris-
stenheit hebben / vnde konden ock solckes
nimmer in ewicheit vorantwerden. Sol-
ckes hebben de Knechte nicht geachtet / sun-
der sint in erem vorredtliken vorsatte forth
gefahren / vnd hebben dem Muscowiter dat
Huß Belyn thogesecht / by dem beschede /
so se mit allem / wat se wech dragen kon-
den / fry / velich / vnde vnuorhindert /
wech passeren mochten / Wo se nu solckes
vorwisset worden / wolden se dem Groth-
fürsten van der Muscow / dat huß auer-
antwerden / welckes ene de Rüsse / vnge-
twyfelt / gerne vnd gudtwillich tho seggen
wolde. Darup sint de Knechte thogefa-
ren / vnd hebben dem olden Hermeister sy-
nen

nen ganken schat / van Goide vnd Sül-
 uer / syn geschmyde / vnd Elenodia / mit
 gewalt berouet / vnd alle Risten vnd Ra-
 sten / welcker de van Adel / vnd Buer-
 schop / vor dem Biende vp dat Huß in vor-
 waringe geforet hadden / vppgeschlagen / dat
 redeste vnd beste / wat en gedenet / daruth
 genamen / vnd sich süluest also wol betalet /
 darna / also se sich mit grottem gude also vor-
 sorget vnde beladen hadden / geuen se dem
 Muscowiter dat huß Belyn vp. Aueist do
 se meinden / dath se soles dar van bringen
 wolden / hefft ydt en gefeilet / Wente de
 Muscowiter hefft ydt en alles genamen /
 vnde se also mit leddiger handt wech passe-
 ren laten / Welckere Knechte de Hermeis-
 ter / Godthardt Ketter / so vele he der sülui-
 gen hefft auerkamen können / alle hefft an
 den Bohm hengen laten. Also ys dat vnä-
 uerwindlike huß Belyn dem Muscowiter
 tho deele geworden. Do hebben de Rüssen
 den olden Hermeister / Wilhelm van För-
 stenberch / sampt synen truwen deueren / in
 de Muscow geforet dar he in einer Förstli-
 ken gesencknisse hefft steruen möten. Do
 hefft tho der süluiigen tydt / de Muscowiter

Dat Ander deel

de ganze Archelne des Landes/welcher dem
geweldigem huse Belyn vortruwet gewe-
sen ys/wech gefregen. Geschehen Anno
1560. im Augusto.

Alse nu de gefangene olde frame Here/
Wilhelm van Förstenberch / vnde andere
vam Adell vnd gude gesellen mehr / thor
Muscow / thom Triumphē vnd Spectakel
ingeföret worden / hebben twe gefangene
Könige der Latern / alse nömlike de van
Casan vnd Astrichan/dissen des Muscowi-
ters herlikē Triumph vnd Victoria anse-
hen möten / Van welckeren de eine de Dū-
deschen vth Nyfflandt / do se vor by geföret
wörden/hefft angespnet/vnd gesecht / Zu
Düdeschen hunden geschüth euen recht /
Wente gñ hebben erstlick dem Muscowiter
de Kode in de handt gedahn / dar he vns
mit gestüpet hefft / nu stüpet he nuw süluen
od̄ darmede. Hyrmit hefft de Laterssche
Köninck antögen willen / dath Krudt vnd
Loedt / vnde allerley frnges rüstinge / vth
Düdeschlandt her gebracht / dorch Düdes-
sche vnd Nyfflendische Koplüde dem Mus-
cowiter auerflödich vorköfft were / darmie
he se nu süluen / vnd andere Völcker mehr

bedwingen / vnde sich vnderdanich maken konde. Also hefft nu leyder de eigen nuk / vnd dat Geldt / de lüde so sehr beseten / dat se nicht alleine der leue / de se erem negesten vth Gades ernstlikem befehle schüldich sint / sunder ock erer egenen / erer Kinder / vnde des ganken Vaderlandes wolfarth vorge-
tin / vnd gank vnd gar vth der acht schlahn.

Darna alse de Muscowiter Belyn wol besettet hadde / hefft he de grothe vorsamme-
linge vor Belyn in dre hupen gedelet / vnd hefft den einen hupen na Wenden vnde Wolmar geschicket / de vmmeliggenden Lande dar süluest thouorherende. Vnd alse se vmmе Wenden her gerouet vnd gebrant hadden / sint se ock vor Wolmar gerücket / vnd hebben der Stadt Behe alles wech gedreuen. Do sint de Börger vnde Landes-
knechte samptliken vth der Stadt gefallen / vnd hebben dem Rüssen dath Behe wedder affnagen willen / Alse auerst de Börger vatt Wolmarn sich altho wydt vordahn hadden sint se fast alle / sampt dren rotth Knechten / behaluet vnd gefangen / vnde na der Mus-
cow gefencklick geföret worden / Wat tho
dersüluigen tydt vor eine weemoedt / vnde

Das Ander deel

bedröffenisse mancher Fruwen vnd Kindern
tho Wolmarn gewesen ys / kan ein yeder
vornünfftiger by sich süluen wol affnemen.

Mit dem andern hupen / sampt der Ar-
chelye / ys he vor Wittenstein gerücket / dat
süluige Huß im Septembri / Anno 1560.
belegert / beschancket vnde tho storme be-
schaten / vnd eine halue Mür balde herun-
der geworpen / doch vorgeues / Wente de
Stadtholder / Caspar van Oldenbockem /
ein junger freydiger Mann / hefft dem
Muscowiter dat Huß Wittenstein / wed-
der alle häpeninge jenniges entsettes / mit
gar wenigem Volcke / ganz ehrlick vnde
ridderlick vorentholden. Alse nu de Mus-
cowiter / auer vyff weken daruor gelegen /
vnd geschaten / vnd nichts beschaffet had-
de / ys he mit spotte wedder affgetagen /
vnd in demsüluigen afftage / hefft he grw-
lick gewötet vnd gedauet / mit rouende vnd
bernende / vnde all dath Korn im gebede
Wittenstein / im velde vordoruen / vnde
tho nichte gemaket.

Mit dem drüdden hupen / ys he na der
Bylke getagen. Alse auerst Hertoch Mag-
nus tho Habsel des Muscowiters ankumpst
erfahren

erfahren hefft / ys he nlich mit einem Bote
 auer Water na Desel gefaren / vnd hefft
 sich Habsel nicht vortruwen doruen. Tho
 dersüluigen tydt / ginck ein gemeine ge-
 schrey / dat de Wyck / vnd de andere örder
 alle / de dem Hertoch Magno tho hörden/
 einen vasten frede mit dem Rüssen hadden/
 Derwegen de Wykeschen gantz seker ge-
 worden sint / darbeneuen ock de Harris-
 schen / Eddel vnde Vneddel / all ere Behe
 vnde redesten güder vth Harrigen na der
 Wyck / alse in eine gude vorwaringe / ge-
 bracht vnd geföret hebben / vnd dem ape-
 nen lande mehr / alse nenniger veste vor-
 truwet. Ehr se sich auerst dar vor warden/
 lach de Rüsse mit aller macht in der Wy-
 ke / vnd frech ydt alles wech / vnd förde es-
 rer dartho gantz vele fencklich wech na der
 Muscow vnde Laternen / Do haddent de
 gude lüde gerne anders gesehen / auerst ydt
 was alltho spade / wente de sekerheit vnde
 minschen trost hadde se bedragen / wowol
 dat men meinet / dat dorch des Königes
 tho Dennemarcken Legaten / de tho der
 tydt in der Muscow weren / ein frede vor-
 de Wyke schal erlanget gewesen syn / dat

Dat Ander deel

se auerst auertagen ns / schal dith de orsa-
ke syn / Dewyle Hertoch Magnus vp dem
Landtdage thor Parnow mit gewesen ns/
dar alle Nyfflendisschen Stende / wedder
den Muscowiter gerathschlaget hebben /
hefft en de Muscowiter vordechtich gehol-
den alse scholde he sich mit synen vienden
heimlick gestercket vnde verbunden hebben.
Auest de listige Viendt weth syner gelegen-
heit na wol lichtlick orsaken tho finden.

Mit demsüluigen hupen / alse he vth
der Wyke wedder tho rugge gefamen was /
hefft he sich ock vor Keuel sehen laten / vnd
erstlick syn leger im haue tho Harcke / an-
derhalue myle wegges van der Stadt / ge-
schlagen. Do sint de Keuelsschen / beide
Eddel vnd Vneddel / Rathsheren / Bor-
ger / Roepgesellen / Landesknachte / vnd
gemeine Mann samptliken / tho Peerde
vnd tho Bote / des morgens fro vthgefal-
len / vnd twe velstücker mit sich genamen /
in meninge den Viendt thouorrasshende /
vnd alse se vngesehrlick dre Berndel wegges
van der Stadt / an den einen hupen que-
men / de den Koff van Behe vor wech dry-
uen scholde / hebben se van demsülnigen
hupen

hupen erer ganz vele erschlagen / vnd alle den roeff / den se vth der Wyck gehalet hadden / welches etlike dusent stücke Behes / samyt etliken gefangenen gewesen sint / ene affgenaget / vnd na der Stadt dryuen lasten. Do sint de andern Rüssen im leger balde ferdich geworden / vnd hebben weder vp de Keuelfschen thogesettet / vnd mit einander geschermükelt / Auerst de Keuelfschen hebben van wegen der velheit der Rüssen wyken möten / vorhapende van den Landesknechten / vnd Boctuolcke / de tho rugge gebleuen weren / entsettinge tho frygende / Auerst de Landesknechte / vnd dat Boedtuolck / alse se gesehen hebben / dat de Huelüde vör flögen / sint se ock geflogen tho Bussche vnd tho broke / dar ein yder hen kamen fonde / vnd hebben dat Belt geschütte thourne gegeben / welches de Rüsse sampt des Kades peerden / de daruor gingen / wech gekregen hefft. Men hadde auerst dem Rüssen domals wol einen grothen affbrock dohn können / wen men sich recht vorgesehen hedde.

Vp datsüluike mal ys mannich stole helt gebleuen van Adel / Borgeen / vnd

Das Ander deel

Kopgesellen/ alse nömlich Johan van Galen/ Jürgen van Ungern / vnd Laurenz Ermis van Adel/vnd Lüdcke van Syten/ Kadesuorwanter der Stadt/ Blasius Hochgreue ein Bürger/ sampt andern Bürgern vnd Kopgesellen mehr / vele sint ock vorwundet/vnd franck̄ ingebracht worden Als se äuerst de kleine hupe tho Pcerden sich so wol gehalten hadde / hebben de Rüssen sich daräuer vorwundert vnd gefecht/de Keuelschen möten dull/edder ock van brande Wine gar vull syn/dat se mit so geringen Volkē/soleck einer grothen macht wedderstresuen/vñ den roff nemen döruen/Do hebben de Rüssen ere Doden vpgesocht / vnd in de vimmeliggende Körper/ sampt den Körpern/vorbrendt/ vnd sich na Wittenstein/tho dem andern hupen begeuen. Geschehen Anno 1560. den ij Septembris.

Den siltuigen Heruest/ alse ydt so seltsam im Lande tho stundt / hefft sich ock ein allerm mit den Buren in Harrigen/vnd in der Wick erhauen/Welcke gemelte Buren sich jegen den Adel vpgeworpen hebben/darümme dat se dem Adel grothen Lins vnde schattinge geuen / vnde schwarzen

Haus

Hauedenst dhon mosten / vnde doch gar
 keine beschüttinge van en in der noedt / dar
 tegen hadden / sunder worden van dem
 Muscowiter / ane yennigen wedderstandt /
 auertagen / Derhaluen gedachten se den
 Adel nicht mehr gehorsam tho syn / edder
 yennigen hauedenst tho leisten / sundern
 wolden des gank fry vnd auerhauen syn
 edder den Adel gank vordelgen vnd vthra-
 den / vnd sint also in erem versate fortgefa-
 ren / vnd hebben etlicke Haue berduet / ock et
 like vam Adel / de se in den häuen tho Huß
 sünden / erschlagen / vnd vñgebracht / näm-
 liken Jacop Brel van Lunimat / Otto Brel
 van Kircēta / Jürgen Kyßbyter / vnd Dide-
 rick Lynuc. Ydt hebben ock desüluigen Buren
 ere Legaten an de Stadt Keuel geschicket /
 mit der Stadt fründtschop vnd frede tho
 makende / Auerst de vam Adel hebben en
 nichts tho willen gewust. Na vorhöringe
 erer Berue / hefft se ein Rath tho freden ge-
 spraken / vnd se van erem vornemende aff-
 thostande / slytich vormanet / auerst de vor-
 maninge hefft by en keine stede gehat / sun-
 dern sint forthgefahren / vnd hebben dat hiß
 Lode / dar vele vam Adel vor en vpgeweken
 weren /

Dat Ander deel.

weren / belegert. Dat nu desülügen v̄p dem huse Lode entsettet werden mochten / hefft Christoffer Monnickhusen / mit etlichen Hauerluden sich gerüstet / vnd de vprörischen Buren vor Lode angegrepen / erer vele erschlagen / vnd de anförers vnd Capiteinen gefangengenamen / welckere thom dele vor Keuel / thom dele vor Lode / sint gerichtet worden / Also hefft disse Mätesyne einen ende genamen.

Anno 1560. in Heruest / na deme de Stadt Keuel in grother gefar / van wegen des Muscowiters stundt / weleker ane vnderlat vor de porten tho Keuel wötede / vnd nicht allene der Stadt Behe / sundern ock Bürger vnde Inwaner der Stadt / vor der Porten tho ghande sich mehr vordrysten dörest / vnd schir alle hülpe vnd radt benamen was / Hebben de Keuelschen / vth hochdringender nodt / by erem nabern / Heren Erico dem 14. Könige tho Schweden / hülpe vnd trost söken möten / vnd ere Legaten / Johan Schmedeman / einen Radtman der Stadt / vnd Jost thor Haffe / einen öldesten der gemeine / an hochgemelten Köninck Erich affgeferdiget / mit
solcket

solcher Instruction / dat se by eme vmmē
 eine summa geldes / v̄p genochsame v̄or-
 schryuinge / der Stadt thom besten / an-
 langen / v̄nd darneuenst by eme erkunden
 scholden / wes se sich in der noet / wen se de
 Muscowiter mit einer belegeringe anfecht-
 ten worde / tho em scholden vorsehen. Da-
 rup se dissen bescheit erlanget hebben / Dat
 Ryke tho Sweden hadde kein Gelt thover-
 lenende / Auerst dewyle de Stadt in gro-
 ter gefahr stünde / v̄nd van ydermanne
 vorlaten were / v̄nd dat Ryke Schweden
 ock einen v̄ndrechliken Naber an dem Mus-
 cowiter hadde / wen he der Stadt Keuel
 mechtich w̄orde / Wen se sich v̄nder der
 Krone tho Schweden beschüttinge erge-
 uen wolden / wolde he / nicht v̄thbegerli-
 cheit der Stadt / v̄nd der Lande / der he
 doch vorhen genoch hadde / sundern v̄th
 Christliker leue / v̄nde vormidinge der
 Muscowitiffchen naberschop / sich erer an-
 nemen / v̄nd der Stadt Keuel / nicht allcine
 mit Gelde / sundern ock mit Geschütte /
 Krudt v̄nd Ledet / dartho mit allerley Pro-
 fiande v̄nd nodtrofft / mildichlic tho hül-
 pe kamen / v̄nd se by allen eren v̄lden pri-
 uilegijs

Dat Ander deel

uilegien vnde gerechtichheiden blyuen lasten/ se ock darby erholden/ vnd vordegedingen/ vor alles weme.

Alse nu de van Keuel solcken gnedigen bescheidt in Schweden erlanget hadden/ hebben se sich darup bedacht/ vnd erstlick an den Hermeister/ Godthardt Ketter/ ere Legaten/ nömliken/ Herman Szioie/ vnd Kobrecht van Gilsen / van wegen der Ridder- schop in Harrigen vnd Wyrlande / vnde Johan Köninck Börgermeister / Jürgen Honerheger / Kadesvorwandten / vnde Laurentium Schmidt Secretarium / van wegen der Börgerschop affgeferdiget / tho erkündende/ efft de Hermeister noch yennigen Raedt wüste/ edder sich wor anders her vorhapende were / dardorch de äuerigen Lande/ vnde Stede getröstet vnd erreddet werden mochten / Vnd wen he de Keuelschen / sampt der Ridderschop dersüluigen yegen / vor dem Mnsowiter beschütten fonde/ So wüsten se keinen leueren Heren/ alse en/ Wo he auerst keinen betern Raedt/ hülpe vnd trost wuste edder vormochte/ alse en beth anher wedderfaren were/ mosten se vth hochdringender not/ andere middel vnd wege

wege söfen / wente eme weinich darmit gedenet were / wen de Stadt Keuel / sampt allen Inwanern junck vnd oldt / dat Gode vorbede / in des Muscowiters gewalt que-
me / welches se sich doch dagclifes befrüchten mößten. Darup de Hermeister noch hüm-
merdar gude vortröstinge gedaen hefft / ane hülpe / Doch thom lesten etlike Palen / welckere de Polnissche *praesidia* genömet worden na Keuel geschicket / Welckes solck ein ansehent ghat hefft / alse wen he nicht alleine süluest Palisck werden / sunder ock de Stad Keuel gerne an den Köninck tho Palen bringen wolde / Auerst mit den *praesidijs* was der Stadt Keuel nicht groth gedenet / Vnde alse desüluigen Palen eine tydtlanck tho Keuel gelegen hadden / vnd mit den düdeschen Landesfnechten sich nicht wol vordragen konden / Hefft ein Radt en fründtlich affgedancket / vnd se mit geschenke vnd vorchringen in Palen passeren laten.

Tho dersulungen tydt / Alse ydt mit Lyfflande einen bösen thostrandt gewinnen hadde / dat vele Lande / Schlöte / vnd Borge vorrücket / alle vorradt des Landes vthgeschepet was / De Tall der Regenten vnde Gebedigers / ganz vorrin-
get ges

Das Ander deel

get geworden / vnde de vterste Raedt by dem
Hermeister alleine gebleuen was / vnd he sich ock
alleine tho schwack befandt / wedder solcken mech-
tigen Diendt / deme de Victoria vnd dat gelücke
mit gewaldt tho lecp / thostreuende / hefft he vor
Raedtsam angesehen / sich mit den äuerigen Lan-
den vnde Steden / vnder den beschuth der Krone
van Palen thoergeuende / darmit de Muscowia-
ter dersuluigen nicht mehr bekamen mochte. Vns
de hefft also Sigismundus Augustus / Köninck
tho Palen / dorch anförderinge des Hermeisters
Godthardt Ketlers / sich der auergebleuenen
Lande vnde Schlöte in Lyfflandt angemattet /
vnde dem Hermeister etlike Lande vnde Schlöte
in Churlandt / vnde en vor einen Hertoch tho
Churlandt / vnde Grauen tho Semigallen / erkles-
ret. Do hefft de Meisterschop des Düdeschen Dri-
dens in Lyfflandt vpgehörret / vnde einen ende
genamen / vnde sint twe erfflike vnde Weltlike
Förstendöme / wedder angerichtet worden / dat
eine in Churlandt / welches dem Hertogen dars
suluest ingegeuen ys / dat ander in Letlandt / vns
de im Stifte Riga / welches de Köninck vor sich
beholden hefft / vnde de Auerdünessche
Förstendohm / hütiges dages
genömet wert.

Das

Dat Driidde deel der Lyfflendischen Chronica.

Alſe nu de Prouinck Lyfflandt in
 grother noedt vnd gefahr ſtundt / vnd
 de Muſcowiter na cräueringe veler
 Stede vnd Schläte / noch hümmerdar
 im Lande / vnd ſunderliken in Harrigen /
 vnd vor der Stadt Xeucl / wötede vnd da-
 uede / vnd de vornemſte Gebedigers / Or-
 densheren vnd regenten der Lande / t hom-
 dele in de Muſcow gefentlick vordort /
 vnd vmmegebracht weren / vnd by dem
 Hermeiſter tho Lyfflandt / vnd anderen
 weinigen auerbleuen Gebedigern / alle
 radt mangelde de vorrückeden Lande tho
 rechte tho bringende / Tho deme alſe yde
 ock nicht einen geringen ſchreck vnd angeſt
 den äuerigen Landen vnd Steden bröchte /
 dat de olde Hermeiſter / Wilhelm van För-
 ſtenberch / vp dem huſe Belyn / ane jen-
 nige hülpe vnd entſettinge ſynes Succesſo-
 ren vnde volgenden Meiſters / van dem
 Muſcowiter gefangen / vnd in de Muſcow
 vorforet was / Welckes keinem Meiſter
 vorhen in Lyfflandt / van anſange her des
M Ordens /

Ordens / wedderfaren ʒ / derwegen ock
 de Vnderdanen vele weiniger hülpe vnde
 trost / in erer noedt vnd anfechtunge / tho=
 vorhapende hadden / Vnd dewyle ock de
 Hermeister siet süluest / vor dem Musco=
 witer / vnder den beschut der Krone tho
 Palen geguen hadde / vnd ein weltlic Für=
 ste vnd Herc geworden was Dardorch de
 Meisterkandt Düdesches Ordens in Lys=
 flandt / nu gar vorrücket geworden / vnd
 vpgheauen was / dem bette her tho alle Or=
 dens Stede vnd Stende / alleine mit en=
 den vorpflichtet vnd vnderworpen gewesen
 weren / Hebben derwegen de Keuelschen
 van wegen der grothen gefahr / dar se da=
 gelikes in schweueden / neuensst andern Lan=
 den vnd Steden / ock ere beste producn / vnd
 beschüttinge vor dem Muscowiter söfen /
 vnd siet an eine andere Herschop schlan
 möten. Vnd dewyle de Köninck van Pa=
 len der Stadt Keuel wydt affgelegen ʒ /
 vnd de Keuelschen gar feine neringe vth
 dem Ryke Palen / edder vth Littouwen / al=
 se de van Riga wol hebben / nüwerle gehat /
 ock noch nicht hebben konden / sine se vor=
 orsaket / vnd genödiget worden / der Kro=
 ne tho

ne tho Schweden/ de en ueger vnd drechli-
fer gelegen was/ vnderdanich tho werden.

Alse nu solckes vorhanden gewesen ys/
hefft ein Radt vnd de Gemeine tho Keuel
darauer deliberert vnd geradtschlaget/ vnd
na veelfoldigem bedenkende / vor radtsam
angesehen / dath men des Königes van
Schweden gnedigen/ vnd van Gade gege-
ten trost vnd beschüt/ nicht vthschlan schol-
de. Des hefft ock ein Radt tho Keuel mit
der Kidderschop vth Harrigen/ vnd Myr-
lande/ so vele erer domals tho Keuel zegen-
werdich weren/ hyräuer geradtschlaget/ vnd
de der gedachten Kidderschop de gnedige
Könincklike vortröstinge vorgeholden/ des
se siek ganz hoch erfrouwet/ vnd ock darbe-
neuenst gesecht hebben/ se konden vnd wol-
den van der Stadt Keuel nicht affgesun-
dert syn/ dar de Stadt bleue/ dar gedachten
se mit tho blyuende. Vnd sint also alle ein-
drechtigen in disse meininge getreden dat se
Schwedisch werden wolden. Na solcker vor-
williginge vnd eindrechtiger beleuinge/ heb-
ben se ere Legaten/ nömliken Reynolt Lode/
van der Kidderschop/ vnd Johan Winter/
einen Kadesvorwanten/ van den Bōrgers-
M ij schop

Das Drüdde deel

schon wegen/an den gewesenen Hermeister
tho Lyfflandt/na der Mitow/in Churlandt/
affgeferdiget / eren eydt / dem Meister tho
Lyfflandt geleistet/vp tho kündigende/ wel-
ckere Legation dar nicht altho wilfamen ge-
wesen ys / Doch dewyle solcke weruinge
nicht vth lichtferdicheit / sunder vth hoch-
drengender vnd vnuormidtlifer noedt/vor-
genamen was/hefft de gewesene Hermeister
deßhaluen billich nicht tönnen können / sun-
der hefft de gemelte Legation mit allem gu-
den voraffschedet / vnd darbeneuenst syne
gesanten/ nömliken den Heren van Dohn/
Johannem Fisser Cankler / Jodocum
Cloedt / gewesenen Syndicum tho Keuel/
tho der tydt des Hermeisters Radt / an de
Stadt Keuel geschicket/tho vorhinderende/
dath de Keuelschen / so se dem Könige tho
Schweden noch nicht geschwaren hadden/
oek vordan nicht schweren mochten/Wente
de gewesene Hermeister hefft de Stadt Ke-
uel/leuer dem Könige van Palen/alse dem
Könige van Schweden gūnnen willen.

Tho der tydt hefft oek Hertoch Magnns
van Holstein/an de van Keuel geschreuen/
fast dissier meimnge/Wo dat he in erfaringe

gekamen were / dat sich de Keuellschen van dem Hermeister affwenden / vnde vnder de Krone Schweden begeuen wolden. Derhaluen wolde he se vormanet hebben / dat se betrachten scholden / Wor erer Stadt orthsprunck / vnd olden priuilegia hergekamen weren / alse nômliken / van der Krone Denemarcken / dar se sich wedder hen lencken scholden / Im falle auerst solckes nicht geschehe / scholden se by sich erwegen / wat daruth erfolgen wôrde / Auerst nicht deste weiniger hefft der Keuellschen vorsate einen forthganck gewinnen. Alse auerst des Hermeisters Legaten in de Stadt Keuel quemen / vnd aldar vormarckeden / dath de Keuellschen vp des Kôniges van Schweden syde alrede weren / hebben se sich solckes ôuel gefallen laten. De Keuellschen hebben ock van den Legaten keinen mehr vp dat Radtshuß gefördert / alse den Heren van Dohn alleine / Welcker keine Werue hefft entdecken willen / sundern genochsam thouorstande gegeuen / dat he ôuel darmede tho freuden were / dat de Stadt Keuel Schwedisch / vnd nicht Palisch geworden was / Darûme alse de Legaten also samptliken erer wed-

Das Drüdde deel

der willen tho Keuel seggen / hebben se nicht lange dar gesümet / sundern sint balde van dar getagen.

Tho dersüluigen tydt / sint ock de Köninckliken Legaten vth Schweden / nömliken Her Claus Christiernsen / Hans Larsen / vnd Herimen Brüssner Secretarius / tho Keuel gewesen / welckere des Köninges Instruction / der vörigen hogen vortröstinge gelickformich / by sich gehat hebben / dath se van wegen des Köninges / alse vullmechtige Commissarien / aller saken haluen mit den Keuelschen handelen vnd schluten / vnd den beschut vor alles weme / ene thoseggen / vnd darup de huldiginge vnd Endes plicht / van dem Adel so wol / alse van der Stadt / nemen scholden / Welckes en den na veel foldigem bedenckende / vnd vorbeholdinge aller priuilegien vnd gerechtichheiden / entlick ock geleistet ys.

Alse nu de Riddereschop vnd de Stadt / Schwedisch gewesen ys / Do hefft dath Schlot tho Keuel / darup Casper van Oldenboeckem Stadtholder gewesen / darinne nicht consenteren / sundern sich noch an de olde Herrschop holden willen / Derwegen
Her

Her Claus Christiensen vororsaket gewor-
den ys / dat süluike Schlot mit gewalt an-
thogrypende / Vnd na dem he mit Cartou-
wen vnd Schlangen dat süluike Huß / söß
ganzc Befen / beschaten vnde beengstiget
hadde / vnd ydt doch dardorch nicht erlan-
gen konde / ys ydt em thom lesten vth man-
gel der Profiande vnd des entsettes / vpgе-
geuen worden / vp Johannis Baptiste dach
Anno 1561.

Alse nu beyde Stadt vnd dat Schloth
tho Keuel Schwedisch weren / sint de Heren
van Keuel / alse Her Johan Peperack Bör-
germeister / Johan Schmedeman / vnd Jo-
chim Belholt Radesuorwanten / in Schwe-
den gereiset / vomme de Confirmation der
Priuilegien vñ gerechticheiden der Stadt
Keuel / dar van mit den Commissarien vor-
hen / aller nodtrofft na beredinge vnd han-
delinge geschehen was / by dem Köninge
förder anthoholdende. Do se nu euen vp des
Köninges Krönunge tho Stockholm ange-
kamen weren / vnd dem Köninge ere Wer-
uinge vorgebracht hadden / sint se / neuens-
t der Confirmation / mit allem guden beschei-
de van em affgeferdiget worden.

Dat Drüdde deel

Dewyle nu Köninck Ericus/ein Here
der Stadt Keuel geworden was / hefft he
syner Köninckliken thosage na / de Stadt
Keuel mit einer dreffliken Summa geldes
entfettet / vnd dartho de 30000. Daler/de
de Keuelschen dem Hermeister vpon den Hoff
tho Regel vor gestreckt hadden / ock er-
lecht vnd betalet / an welcher Summa eres
vthgelechten geldes se sunst hadden twyue-
len / edder ock datsäluike eine lange t;yd
missen möten. Des hefft ock de Köninck der
Stadt Keuel allerley Prouiande / vth al-
len örden des rykes Schweden / thosören
laten. Do ys allerley nodtorfft van Pro-
fiande äuerflödich / vnd ganz wolfehl tho
Keuel gewesen / ydt hefft ock nicht geman-
gelt an Geschütte / Krudt vnd Loedt / vnd
an allerley Krygesmunition / dat de Kö-
ninck alles gar äuerflödich vpon dat Hus tho
Keuel geschicket hefft / welches der Stadt
so wol / alse deme Huse / thom besten syn
scholde. Do ys tho Keuel / van wegen
eres nyen Köninges vnd Heren / vnd van
wegen der guden neringe/eine grothe fröw-
de vnd frolockent gewesen / vnd na min-
schliker vormanfft thorefende / hadden se
ydt

ydht nicht beter bekamen mögen. Auerst
 dewyle alle voranderingen gefertick sint /
 was ock disse nicht ane gefahr / vnd ys ock
 na disser groten fröwde / eine grothe bes
 dröffenisse gefolget. Wente de hochge
 meite Köninck Ericus / sampt deme ryke
 tho Schweden / van wegen des angena
 menen Lyfflandes / nicht alleine mit dem
 Muscowiter / sondern ock mit andern Chri
 stliken Potentaten / in grothe langwilige
 Krynge dermaten geraden ys / dat ock syne
 Erfflander tho etliken malen / des Lyff
 Landes hebben engelden möten / wo hyrna
 vormeldet werdt.

Na deme nu erstlick grothe fröwde tho
 Keuel was / vnd beide Eddel vnd Vned
 del / by hupen sick an den Köninck vorfö
 geden / vnd sick eres erledenen schadens /
 van dem Muscowiter thogeföget / beklage
 den / hefft se de Köninck / vth Köninckli
 ker mildicheit / mit Landtgütern vnd gel
 de / rycklick begauet / vnd se eres schadens
 wedderümme in allen gnaden ergetet / Tho
 deme hefft de Köninck sick ock nicht weinich
 bekümmert / wo he der Stadt Keuel vnd an
 deren örden mehr / einen frede vorschaffen

Dat Drüdde deel

möchte / Derwegen hefft he syne Legaten/
mit grother vnköstinge / an den Muscowi-
ter affgeferdiget / vmmē einen frede mit em
tho handelende. Wente des Köninges mei-
ninge ys gewesen / dath he den langwiligen
frede / den syn Herr Vader Gustauus / mit
dem Muscowiter gemaket hadde / förder er-
holden / vnde de Keuelschen sampt andern /
de sich vnder synen Schutz ergeuen had-
den / darinne mit bedingen wolde. Auers̄ de
Muscowiter hefft dar nicht angewolt / sun-
dern ys v̄p den Köninck Erich gank vor-
bittert geworden / Dewyle he nye conditio-
nes / der syn Herr Vader nicht gedacht /
herför bringen wolde / vnd dat he sich etli-
ker örder in L̄yfflandt / deren he / de Musco-
witer / nu schyr mechtich geworden was /
wedderümme angematet / vnd sich in de sake
gemenget hadde. Entlick ys dennoch / mit
grother möye / ein stillestandt / v̄p twe Jar /
beramet geworden.

Auers̄t also ydt de erfaringe darna ges-
nochsam bewys̄et hefft / So was disse ges-
melte stillestandt / so wol dem Ryke tho
Schweden / also L̄yfflande / mehr schedtlick
also baetlick / dem Muscowiter auers̄t sehr
denst̄

denstlich. Wente in dissem stillestandt heffe de Muscowiter de Stede vnde Schlätze/ de he in Lyfflandt eräuert hadde/ am allermeisten in guder rouwe gebuwet / vnd vorge= walt befestiget. Vnd dewile he einen groth= mechtigen Köninck vor de handt gefregen hadde / vor dem he sich wat mehr / alse vor dem Meister in Lyfflandt / befruchten mö= ste/ konde he ydt vp dat mal nicht beter tref= fen/ denn dath he einen stillestandt makede/ vp dat he de Hüser deste gemackliker in Lyf= landt/ na synem gefalle buwen/ vnd vor ge= walt in richten mochte.

Ifft ydt nu wol twe Jar lanck stillestande gewesen ys / so moeste sich dennoch Köninck Erich/ na vthgange der twe Jaren / eines geweldigens Krynnes mit dem Muscowiter besorgen / Derwegen des Köninges Erff= lander in Finlandt/ nicht in geringer gefahr Lyfflandes haluen/ gesettet worden/ Vnde dewyle de Köninck van Schweden tho der tydt nicht mehr / alse de einige Stadt Re= uel/ in Lyfflandt hadde/ hefft he derwegen in dissem stillestande/ na mehr landen/ Ste= den vnd Schloten in Lyfflandt getrachtet/ vnde na des Köninges tho Palen/ vnd des
gewea

Das Driidde deel

gewesenen Hermeisters / Landen vnd Hüs-
 seren getastet / daruth ein apentlick Krynch
 zwischen Schweden vnd Polen / vnd dem
 Hermeister / dem armen bedruckeden Lyff-
 lande / tho mehren schaden vnd vorderue/
 erwassen ys / Vnde so lange disse gemelte
 Potentaten vnder sich gekryget hebben /
 hefft de Muscowiter stille gehalten / vnde
 hefft de beyden Köninge sich vnder einans-
 der vmmē de Hüsē in Lyfflandt / wol tres-
 cken vnd kraken laten / ydt was em gelike
 vele / effte de Schwede de Hüsē hadde / eds-
 der de Pole / Wente he gedachte / wen se sich
 lange genoch darümmē geröpet hadden /
 vnd möde geworden weren / so wolde he tho
 gelegener tydt / syn vordeel wol schaffen /
 Vnde weme he denne im sacke fünde / den
 wolde he daruth schüdden / Wo den ock na-
 mahls geschehen ys. Dith spil hefft de twe
 yarige stillestandt tho wege gebracht vnde
 ythgerichtet.

Tho dem hefft sich Köninck Erich / in
 dissem stillestande / mehr Biende gemaket /
 nömliken / thom ersten de Stadt Lubeck /
 welkerer de Köninck hefft eine gankē flate
 Schepe / de van der Narue / mit voller la-

dinge / affgelopen weren / nemen laten / dar
 umme dat he de Naruissche fardt vorhinderen
 / vnd de Schepe aller Sehestede / na Kes
 uel tho lopende / dwingen wolde / dardorch
 ock ein gar schedtlick Ryck twisschen dem
 Ryke Schweden / vnd den van Lubeck ent
 stahn ys.

Thom ändern / ys ock Fredericus 2. Kö
 ninck tho Dennemarcken / des Königes
 tho Schweden Biendt geworden / van wes
 gen synes Broders Hertoch Magni / Wel
 kerem Köninck Erich scholde angemodet
 hebben / dat he sich mit synen Stifften vnde
 Landen in Nyfflandt / vnder de beschüttinge
 der Krone Schweden beueuen scholde / wel
 kes dem Könige van Dennemarcken sehr
 vordraten gessit / daruth ock anfenclick de
 twist vnde torn entstahn ys / darup de bes
 schwerlike vnd lanckwilige Ryck / twisschen
 beyden Königen gefolget / dardorch ydt in
 Nyfflandt vele erger geworden / vnd dat ry
 ke Schweden ock nicht weinich geschwecket
 ys / Welkes alles dat Ryke tho Schweden
 wol hedde vorby gahn mögen / wen Kö
 ninck Erich des Nyfflandes sich nicht bes
 kümmert hedde / Welkes Godt de Almecht

Dat Driüdde deel

tige vmmē der mannichfoldigen sünde wil-
len auer Lÿfflandt vorhenget hefft / dat de
Potentaten Lÿfflandes vorgeten / mit dem
Muscowiter allerÿts einen anstandt ges-
maket / vnd vnder sich gekryget hebben / vnd
effte wol dersüluigen Potentaten meinung
vnd gemöte tegen Lÿfflandt guds gewesen /
so hefft ydt doch nicht geholpen / dewyle de
Lÿfflander erstlick by dem rechten helper /
nömliken by Gade dem Allmechtigen / mit
warer rüwe / bote vnd bekerung / vnd mit
rechtem ernst keine thosflucht gesocht heb-
ben / vnd dat olde mit en noch hümmer im
sackē gebleuen ys / derwegen se noch wat
beth getüchtiget werden scholden / vnd de
Heren vnd Potentaten / so sich erer ange-
matet / erer straffe ock deelhaftich werden
musten / alse den Königen tho Schweden /
Palen vnde Dennemarck wedderfaren ys /
alse men herna verner vornemen wert.

Anno 1561. im Julio / ys Nicolaus Ka-
kuiel / ein Lÿttouwscher Förste / van dem
gemeinen Manne / de Kadawil genömet /
mit etliken dusent Verden tho Riga ange-
kamen / vnde vp Kellers acker / vor Riga /
syn Leger in fründtschop geschlagen / vnde

dar etlike wcken stille gelegen / De orsake
 sponer anzumpst sichal gewesen syn / dath he
 de Huser vnd Lande / de van dem Hermeis-
 ter tho Lÿfflandt dem Könige tho Valen
 vpedragen weren / van wegen des Könin-
 ges entfangen / innemen vnd besetten / ock
 de van Riga / durch fründtlike vnderhande-
 linge darhen vormögen vnd bewegen schol-
 de / dat se / dewyle se sich vnder des Könin-
 ges van Valen beschüttinge ergeuen had-
 den / dem Könige ock eren Eyndt / ane yen-
 nige Condition vnde vprbeholdt / leisten
 mochten. Wente de van Riga hadden sich
 mit solckem beschede / vnder de Krone Va-
 len ergeuen / vnde de vullenkamene haldi-
 ginge / vnd Eydes plicht / gelauet vnd tho-
 gesecht / So de Keyser / vnd dat hillige Rö-
 missche Ryke / dem se van anfanghe her vn-
 derdanich vnd ingelhuet gewesen weren / se
 genicklic vorlaten wolde / Welcke vorlatin-
 ge dat Römische Ryke / noch thor tydt /
 nicht hefft vorgünnen willen.

Disse Condition vnde vprbeholdt ben-
 den Rigesschen affthoschaffende / vnd dath
 se sich des Römischen Rykes ganz vortnen
 vnd begeuen / vnde der Krone tho Valen
 alleis

Das Drudde deel

alleine vnderdanich syn scholden / hebben tho der tydt Nicolaus Kakiuiel / vnd na der tydt Kotkewiz / vnd andere Littouwssche vnd Palissche Stende mehr / oft vnd vassen in fründtschop / vnd ock in Biendtschop vorsecht vnd darümme angeholden / Auerst noch tho tydt nichts beschaffen mögen.

Tho dersüligen tydt / alle de gemelte Förste / Nicolaus Kakiuiel / vor Riga gelegen / ys he ein mahl tho Riga aueruth statlich vnd prechtich ingereden / vnd mennigerley Völcker frömbder nation / Alse Armaenier / Türcken / Latern / Podollier / Rüssen / vnd Wallachen / neuenst velen Dudeschen / Polen vnd Littouwen / by sich gehat / vnd dorch de Stadt Riga geföret / darauer vele frame herten tho Riga / do se solcke frömbde nationes vnd völcker / einen ydern in synem Habnte / Wehre / Wapen / vnde Musica / vnderscheiden gesehen / sich vorwundert / vnd eren hammer daran gesehen hebben / dat ere Vaderlandt / vnd de straten der Christliken Stadt Riga / van solcken vngewöntliken / frömbden / vnd barbarischen Nationen vnd Völckeren / scholden betreden werden. Disse Völcker / de in fründts

fründtschop de Stadt Riga dorch gereden
hebben / anthoschouwende / ys ynderman-
ne ein herteleidt vnd jamer gewesen / wat
wolde ydt denne wol vor ein grüwel vnde
herteleydt syn / wen men se wörde herffchen
vnd regeren / edder eine Christlike Stadt
viendtliker wyse / belegern sehen :

Anno 1561. im Augusto / sint äuer
2000. Schwedische Knechte tho Keuel/
an einer sündeliken Sucht / de andern lü-
den / junck vnd oldt / gar nichts geschadet
hefft by hupen gestoruen / vnd in der Fife-
scher may begrauen worden / Welches im
anfange ein malum omen / vnd böse antö-
ginge gewesen ys / dat se in Lyfflandt kein
groth gelücke hebbende wörden / dewyle
dith vngelücke se alleine / vnd keine andere
Inwaner des Landes / edder der Stadt
mehr / angegrypen hefft. Tho dersülui-
gen tidt ys oek Laurenz Fleminc / ein
Fryghere vth Schweden / de erste Schwe-
dische Gubernator in Lyfflandt gestoruen.
Dith ys de anfanc des vngelückes der
Schweden gewesen / welches se Lyfflandes
haluen hebben lyden möten.

Anno 1561. im Herueste / hebben de

N

Schwe

Das Drüdde deel

Schweden dat Monnicke Kloster Padis/
welckes ein Temelick Huß vnd Vestinge
vorgewalt ns / belegert / vnd na deme de
Schwediffchen sich men alleine ernstlick
daruor hebben sehen laten / vnd nicht vele
geschaten / ns ydt en stracks durch des Mei-
sters Hduetmann / Engelbrecht van der
Lippe / vpgegeuen worden. welcker Klo-
ster / vp dem Landtdage thor Parnow /
Hertoch Magno van Holstein tho erkant
was. Auerst de Schweden hebbens in ge-
namen / vnd negen Hertoch Magnum /
vnd den Hermeister / vor sich eine tyd
lanck vordegedinget.

Anno 1562. vmmē Pingesten / hefft de
Köninck tho Schweden / durch syne Schez-
pe vnd Gallien / ein ganze flate Lübe-
scher Sचेpe nemen laten / welckere van
der Narue gefamen / vnde mit allerley
Wahre geladen weren / van welckeren et-
like tho Keuel ingehalet / vnde etlike in
Schweden geföret / vnd pryß gemaket
worden / Disse Sचेpe vnd güder hebben
de van Lübeck / durch ere Legaten / wedder
gefördert / darup se solck einen bescheit van
dem Köninge erlanget / He hedde de van
Keuel

Keuel in synen beschut genamen / vnd ene alle ere viden Priuilegia thohandthauende gelauet. Nu were de Stapel vnd nedderlage ock eine van eren hōgsten priuilegien / welcher alle tydt tho Keuel / vnd nicht thor Narue / gewesen were / Derhaluen so gedachte he de Keuelschen ock sorder darby tho erholdende / vnd de Naruissche farth thovorhinderende / Derwegen synt de Lübeckschen vngeschaffet wedder na Hus gereiset / vnd mit schmertzen wol vornamen / dat solckes tho einer grothen erwyderinge gereiken wōrde.

Anno 1562. yegen Pingesten / hefft Her Claus Christiernsen / Schwedischer Knyges āuerster / mit gewaldiger Knygesmacht van Keutern vnd Knechten / Cartouwen vnd Schlangen / de Parnow belegert / beschanftet / vnd tho storme beschaten / Entlick na deme de Parnowschen nicht groth vor gewalt gebuwet hadden / sich ock keiner entsettinge vormodende weren / sint se / mit vorbeholdinge erer Priuilegien vnd fryheiden / der Krone tho Schweden vnderdānich geworden / Alse nu de Parnowsschen Schwedisch gewesen sind / hefft se de

Das Drüdde deel

Köninck mit statliker Krygesmunition /
van Geschütte / Krudt vnd Loedt / entsettet /
vnd mit Teyn Dufent mark rigesch gne-
dichlicken voreret.

Anno 1562. im Herueste / hefft Her
Claus Christiensen ock dat huß Witten-
stein mit aller macht belegert / beschancket /
vnd tho storme beschaten / vnd na dem he-
etlike Befen darvor geschaten / gestormet /
vnd einen Thorn / darunder büßen puluer
gelecht was / ingefregen hadde / vnde de
Schwedischen knechte gemeinet / se hedden
nu gewinnen spil / Do ys dat vndergelech-
te Puluer angegahn / vnd hefft den Boen
des süluigen Thorns / mit den knechten / in
de lucht geföret / vnd alse Johan Broll /
Stadtholder / noch van dem Könige tho
Palen / edder van dem Hertoge tho Chur-
landt / keine entsettinge wuste / vnd de hun-
ger vp dem Huse ock de auerhandt gena-
men hadde / hefft he dat Huß der Krone
tho Schweden auergeuen möten.

Anno 1562. im Nouembri / ys Hertoch
Johannes tho Finlandt / des Königes van
Schweden Broder / sanipt synem Först-
likem Gemahl / Frouwe Catharina / Si-
gismundi

gismundi Augusti / Königes tho Valen Schwester / dorch Lynstandt vp Keuel ange-
 kamen / alse he forth thouorn thor Wilda /
 in Littouwen / mit hochgemelten Fröwlin
 hochtydt gehalten hadde / vnd alse he etlike
 dage tho Keuel stille gelegen / vnd sich ge-
 rouwet hadde / Is he den 4. Decembris /
 sampt synem gemahl / int Schip getreden /
 vnd na Abo in Finlandt geseget. Den
 süluigen Heruest sint dem Hertogen de hu-
 ser / Helmede / Karcks / Ermis / vnd andere
 mehr / van wegen des vthgesechten Brudt-
 schattes / van dem Könige tho Valen in
 Lynstandt ingedahn worden / auer welckere
 hüser Hertoch Johan einen vormeinten
 Grauen van Ark / tho einem Stadtholder
 vorordent hefft.

Anno 1562. vp Wynnachten auendt / ys
 Hertoch Christoffer van Mekelenborch /
 van Stockholm tho Keuel gefamen / vnd
 sich nicht vormercken laten / dat he ein För-
 ste were / derhaluen sich tho einem gemeinen
 Börger in de Herberge begeuen / vnd sich
 manck sine dener gefettet. Lekklich auerst
 alse ydt nicht lange fonde vorborgen bly-
 uen / hefft men en in eine Förstlike her-

Dat Drüdde deel

berge dorheret / vnd na gebör Fürstlich ge-
tracteret.

Anno 1563. im Februario / hefft de Mus-
cowiter de herlike Kopstadt Pollocko / dem
Könige tho Polen affgewunnen / vor wel-
cherer Stadt de Muscowiter syne vterste
macht / van Volck vnd Krygesmunition
gebracht / vnd desüuige mit Füre so sehr be-
tngstiget hefft / dath he erer entlich dardorch
mechtich geworden ys. Welcheren schaden
de Muscowiter dem Könige tho Polen
middeler wyle thogeföget hefft / alse he vp
dem Rykesdage / tho Peterkow / mit den
Polisschen vnde Littouwsschen Stenden
radtschlagede.

Disse vorlust syner
Erfflender vnd Stede / hefft de Köninck
tho Polen / van wegen des angenamenen
Lyfflandes ock hebben möten / Wente de-
wyle he sich Lyfflandes angemacet hefft /
so hefft he ock der Lyfflendischen straffe
vnd plage mit geneten / vnde dechastich
werden möten.

Anno 1563. im Sommer / ys de langwi-
lige Krych twisschen den Königen Frede-
rico / dem 2. tho Dennemarcken / vnd Erico /
dem 14. tho Schweden / sampt den van Lu-
beck

beck / des Königes tho Dennemarcen an-
hengigen / angegahn / Tho dem ock des Pa-
len Krych / vnd namahls ock de Muscowi-
tische Krych wedder dat Ryke tho Schwe-
den / vnd des Rykes thogehörigen Landen
in Lyfflandt / welckere Potentaten alle /
wedder dat Ryke tho Schweden / fast achte
Jar / ane yennigen stillestandt / gekryget
hebben.

Im anfang deßüligen Kryges / Anno
1563. hefft Köninck Erich tho Schweden / si-
nen Broder Hertoch Johan / sampt synem
Gemahl / dorch eine Krygesmacht vp Abo
gefangen nemen / vnd na Stockholm fenck-
lich bringen laten / Dar de frame Förste vn-
uorschulder saken haluen / van mennichli-
ken / vth vnuorstande ns geschmehet / vn be-
spottet geworden. Darna hefft en Jürgen
Perffen / des Königes lichtferdige Radt /
vor dath Stadtgerichte tho Stockholm ge-
stellet / vnd na dem he dat gerichte mit par-
tyesschen lüden sines gefallen besetzt had-
de / hefft he den hochgemelten Försten / etli-
ker vngegründeder vnd erdichteder saken
haluen / mit allem ernste angeklaget / auerst
tho rechte nichts wedder en erholdē mögen /

Das Driidde deel

darna hefft he dennoch mit gewalt / vnd nicht mit rechte / den löffliken Försten / mit bewilligunge des Königes / in de gefencknisse gebracht / vnd dem Könige slytich geraden / dath he ene vum leuende thom dode bringen laten scholde / In solcke gefencknisse vn̄ tribulation ys de frame Förste / sampt synem leuen Gemale / ganz vnschüldich geraden. Des Hertogen Volck auerst van den Schweden / de mit v̄ dem huse Abo weren / sint ock alle gefencklick na Stockholm geföret / vnd aldar ganz vnschüldich vnd klegelick acköppet / vnd geradebrafet worden / De Düdeschen auerst / beyde Eddel vnd v̄neddel / de dem Hertogen gedenet hadden / sint am leuende vorschonet / doch hammerliken tracteret worden / darunder ock gewesen ys Christoffer / ein Fryghere van Lausborch.

De orsaken auerst / warümme de Hertoch mit synen denern / also tracteret worden ys / sint disse gewesen / nömliken / dewyle Köninck Erich mit Dennemarcken vnde Palen / in apentliken Krych geraden was / vnd desäluiige Potentaten wedder Köninck Erich / vnd dat Ryke tho Schweden sick tho samens

famende verbunden hadden / vnd Hertoch
 Johan euen vmmē desūluige tydt / alse disse
 vorbuntenisse twiffchen Dennemarcken vnde
 Palen vpperichtet geworden / ſick mit des
 Königes van Palen Schwester vormālet
 hadde / wordt he by dem Könige vordech-
 tich gehalten / alse ſcholde he heimlick mit
 dem Könige tho Palen / ſynem Schwa-
 ger / wedder dat Ryke Schweden conſpire-
 ret / vnd ein vorbundt gemaket hebben / vnd
 dith hefft den archwan ock vormeret / dath
 Hertoch Johan / alse ein Erfffürſte / vnde
 vorwanter des Rykes tho Schweden / vth
 den viendtlīken Orden fry / velich / ane he-
 nige anfechtunge wech geſtadet was / Auerſt
 diſſe frame Hertoch Johan ns des vnſchūl-
 dich geweſen / vnd men hefft em ſolckes vn-
 gründlick wedder alle billicheit thogeme-
 ten.

Anno 1563. vmmē Jacobi / ns Hertoch
 Chriſtoffer van Mekelnborch / de ſick an
 den Köninck Erich / tho Schweden geſchla-
 gen hadde / mit etliken fanen Dūdeſcher ha-
 uelūden / van dem Könige tho Schweden
 beſtellet / int Stiffte Riga grūcket / datſūl-
 uige Stiffte / dar he recht an tho hebbende

Das Driüdde deel

menede/ dewyle he Coadiutor des Stifftes
gewesen was/inthonemende/ auerst ydt ys
em ouel gelungen / Wente he ys van dem
Hertoge van Churlandt/vp dem huse Das
len gefangen/ vnd in Palen gefencklich ges
schicket worden/ dar he auer vyff Jar hefft
inholden möten.

Vmme desüluike tydt hefft Köninck
Erich dat hufz Karek's / ein van den pandt
hüßern/ de Hertoch Johan van Finlandt/
van wegen synes Brudtschattes vnd vor
gestreckten geldes / van dem Köninge tho
Palen thom vnderpande bekamen hadde/
vorrasschen vnd innemen laten / vnd noch
dem Köninge van Palen/noch synem Bro
der Hertoch Johan / nichts daruan tho
willen gewust/sundern datsüluike Hufz vor
sick/vnd vor de Krone tho Schweden/vor
degedinget.

Anno 1563. Den 28. Julij / Hebben de
Schweden dat hufz Habsel/welck's Hertoch
Magno/des Köninges tho Dennemareken
Broder thogehöret/ belegert / vnd na dem
se fast 10. dage daruor tho storme geschaten
hadden/vnd de Habselschen keine entsettin
ge wüßten/hebben se sick samptliken vp dem
Huse/

Huse/ alse dath Capittel/de Radt/Ridder-
schop/vnd Bõrger/ mit velerley exception
vnd vorbeholdt / den 7. Augusti ergauen.
Alse nu de Schweden dath Huß vnd den
Dohm tho Habsel eräuert vnd ingekregen
hadden/ hebben se de Kercke im Dohme ge-
spolieret / alle Mißgewandt / vnd Kercken
geschmyde/an Monstrantien vnd Kecken/
dartho de Klocken vth den Tõrnen wech
genamen/vnd na Keuel gefõret/ vnd groff
Geschütte dar van geten lathen / vnde de
Dohmheren/na erem beger/wech passeren
lathen/vnd ere Hõue ingenamen/ vnd mit
Krygesluden besettet. Also ys dat schendt-
like Hoerhuß/de Dohm tho Habsel/vmme-
gekeret / vnd de Baalspapen daruth gestõ-
uet worden. Tho versüluiigen tydt hebben
de Dudeschen vnd Schwedisschen Kryges-
lude/ den ordt vmme Habsel / vnd de gan-
ke Wyke/ so gank klegliken vorheret/ dath
etlike arme Buren / süluest de ploech heb-
ben tehen / vnd ere Wyuer de ploech rege-
ren möten / dewyle se alle erer Ossen vnde
Peerden berduet weren / Vnd wowol ein
Erbar Radt / so wol alse de õldesten / vnde
ganke gemeine der Stadt Keuel/by Graue
Schwan

Das Drüdde deel

Schwanto/dem Gubernatoren/ mit allem
fynthe angeholden hebben / dat men den orde
nicht bekrygen edder vorheren scholde / de-
wyle de Stadt Keuel velerley nodtrofft/
vch dem orde hadde/ vnd ock de beyden Kö-
nunge/ Schweden vnd Dennemareken/ im
fryge stunden / welcher van den beyden de
auerhandt behelde / dem wörden de Lande
ane dat wol thofallen / so was doch solches
alles vorgeues.

Tho dersüluigen tydt hadde sich de Kö-
ninc van Palen / wedder den Köninc E-
rich tho Schweden gerüstet/vnd eine statlis-
che vorsammelinghe van Düdeschen vnd Pa-
lischen Knygeslüden by einander gebracht/
welcher tho Cauna in Littouwen / dorch
Marggraff Albrecht/Hertogen tho Prüs-
sen/gemunstert wörden / manck welcherem
frygesuolcke vele ansehenlike Hern vnde
Juncfern weren. Van disser rüstinge des
Palen/ hadden de Schweden etliker maten
fundtschop/ derwegen hebben mit dem gra-
uen Geschütte/ van Habsel wedder vp Ke-
uel genlet / Vnd also des Palen hupe wat
lange vortögerde / grepen de Schweden ei-
nen moedt wedder / vnde rückeden mit 6.
Car

Cartouwen / vnde etliken Feltſchlangen /
wedderümme int Feldt / in meinige dath
Huß Lode tho belegerende / vnde do se dre
mylen van der Stadt gekamen werē / quam
en ſolck ein fruchten an / dat se mit dem Ge-
ſchütte wedderümme na Keuel wyken mo-
ſten / vnd alſe ſe tho Keuel gekamen ſint /
hebben ſe dath Geſchütte vp S. Tonnies-
berch / vor dat Schloth gebracht / op wyder
kuntſchop / vnd alſe men ſo balde nicht ei-
gentlick erfahren konde / wat de Palſſche toch
vör hadde / welekere ane twyuel gude kunt-
ſchop gehat hefft / dat de Schwediſſchen mit
dem Geſchütte vor Lode rücken wolden /
Derwegen ſe ſtille gehalten / vnd vp dath
Geſchütte gewachtet hebben. Thom leſten /
ſint de Schwediſſchen vnerschrocken mit
dem Geſchütte nlich forthgehouden / vnde
hebben dath Huß Lode belegert / beſchanket
vnd beſchäten. Alſe ſe nu by achte dagen
daruor geſchäten hadden / do kamen de Pa-
liſſchen her an dringende / vnd den Schwe-
diſſchen begunde de moedt tho entfallen /
Derwegen hebben ſe etlike Stücke tho-
ſprenget / vnd ſint daruan gelopen ane node
Do kamen de Palſſchen / vnd nemen deſül-
uigen

nigen Stücke / nõmliken 4. Mõnnicke / einen Hundt / vnd eine Sengerinne / etlike in stücken tho sprenget / vñ etlike noch ganz heel / vnd vorden se na Riga / Also worden de Lodeschen entfettet / vnd de Schwedischen eres Geschüttes berouet / welches den keine grote gefahr gehat hadde / wen se men einen standt begrepen hadden / Wente de Schwedische Knygesäuerste Rike Bentzen / was mit synen Schwedischen tho der tydt wol so starck / alse de Hertoch van Ehurlandt mit synem Palschen hupen / Do hadden de Schwedischen ein groth vordeel an dem Geschütte / welches de Palschen nicht hadden. Geschehen Anno 1563. im Septemb.

Vp desüluige tydt / alse des Palen hupe im antage was / vnd des Schweden hupe vor Lode lach / Do kumpt ock ein trefflick hupe van Rüssen / etlike dusent starck / in desüluige negen in de Wyke / erer Legation / de vorm hare in Dennemarcken gereiset / vnd nu vp der wedderreise thor Arensborch angefamen was / entnegen. Do hebben de Rüssen mit beyden hupen / so wol mit den Schwedischen / alse mit dem Palschen
 spra

sprake gehalten/ ane yennige anfechtunge/
 vnd sint darna mit erer statliken Legation/
 vnuorhindert wech in ere Landt gestadet.
 Also legen de beyden Christliken Potenta-
 ten/de suk des Lyslandes/wedder den Mus-
 cowiter/wedderümme angenamen hadden/
 aldar in Lysflande in den Haren/Auerst de
 Erffsiendt ginc hyr fyne vorby vnange-
 fochten/vnd lachede in de Buest.

By datsüluike mahl / alse des Palen
 Knygesuolck im antage vorhanden was/
 vnd de Schwedischen noch vor Lode legen/
 do schickede de Hertoch tho Churlandt /
 Godthardt Ketler / etlike van synen Haue-
 lüden vor vth/na dem huse Leal/welckes nu
 ock alrede Schwedisch was/datsüluike tho
 uorrasschende vnd inthonemende / vnd alse
 des Hertogen havelüde herangezamen we-
 ren/sint se stracks vp dat Husz gereden/vnd
 de Schweden hebben nicht anders gemei-
 net/sunder ydt weren ere eigene Havelüde/
 de vellichte vth dem Leger vor Lode affge-
 ferdiget weren / Auerst darna sint se balde
 in vntynen wahr geworden / wenes Haue-
 lüde ydt gewesen sint. Also ys dat husz Leal
 domals vorrasschet geworden.

Dat Drüdde deel

Alse nu de gewesene Hermeister / edder Hertoch tho Churlandt / des huses Leal mechtich was / vnde datsüluike van synen Landen gar wyndt affgelegen / vnd ock sunst feine Beste vor gewalt was / vnd he ock mit synem Krygesuolcke / des winters haluen wedder wech moste / Hefft he de vornageden Eddellüde vth der Wyke / de sick vp Desel vorheelden / vorschreuen / dath se van Desel kamen / vnd eres Heren Hertoch Magni Hus wedder innemen / vnd besetten scholden / welches denn ock geschach. Darna auerst alse de Hermeister wech gewesen ys / Do sint de Schwedischen wedderümine vor Leal gerücket / vnd hebben eren willen begahn / vnd den Adel vp dem Huse alle gefangen / vnd in Schweden geschicket / nömliken / Diderick Farensbeck van Heymer / Claus Aderkas / Otto van Gilsen / Hinrich Lyue / Reynoldt Herckel / Jürgen Brel van Konfer / Johan Farensbeck van Vdenkul / vnd Jacob Titser / weckere alle in Schweden hebben leren möten / wat vnglücke ys / dar se vorhen nicht groth van gewust hebben.

Alse de Hertoch van Churlandt / mit
synem

synem Volcke / de Parnow vor by tehen
 moſte / hadden ſick etlike Schwediſſche
 knechte vth der Parnow / in de Wilteniſſe
 vnd büſſche / vp de Biende tholurende /
 vorſteken / Do kumpt Hinrich Burggraff
 van Dohn / mit etlikem Volcke vor vth
 ridende / vnd hoedt ſick dar nicht vör / dat
 de Schweden in dem Buſſche liggen ſcholz
 den / vnd wordt aldar / van einem Schwes
 diſſchen knechte / vth dem Buſſche erſcha
 ten / welcker ns na Riga geföret / vnd dar
 begrauen worden / De Hertoch auerſt van
 Churlandt / vnd alle Knygeſlūde / hadden
 Teuer alle den pryß / den ſe vor Lode erlan
 get / entbaren / alſe daht ſe deſſüluigen
 Heren van Dohne berouet werden ſcholz
 den.

Anno 1563. im Septembri / ns ein ganz
 ke flate Lübeſcher Schepe na der Narue
 geſegelt gar wolgemodet / Auerſt vp der
 wedderreiſe wordt en de Moedt benamen /
 Wente vnder des dat ſe thor Narue loſſe
 den / vnd gudt wedder in nemen / wörden
 de Schweden mit 12. Schepen ferdich / de
 Lübeſchen van der Narue tho entfangen
 de / vnd do ſe vnder dem hogen Lande tho

samende quemen/wörden etlike van den Lü-
besschen genamen/Auerst de meiste entques-
men/vnd lepen wedderüme na der Narue.

Anno 1563. im Herueste/hefft Johan/
ein vormeinter Graue van Ark / des Her-
togen van Finlandt vororderter Stadt-
holber auer de Pandthüser in Lyfflandt /
dem Muscowiter em ein van densüluigen
Hüsern erfflick vorlenen / vnd en ock dar-
beneuen in synen beschut nemen schoide.
vnd hefft disse vnechte Graue synen vn-
derhöuetluden / de van dissrer vorrederne
nichts wüsten/valschliken vorgegeuen/dar-
ere Here / Hertoch Johan / in syner ge-
fencfenisse in Schweden vmmegbracht
were/vnd wolde se also mit velen vmmes-
schweyffenden worden / tho solcker bösen
daedt ock bereden vnd bewegen. Auerst
alse men syne böse meininge vormercket/
vnd der Rüssen ankumpst vornamen hefft/
ys he stracks fangen genamen/ vnd na Ri-
ga geföret / dar he des Middewekens vor
Winachten/ mit heten Langen thoreten /
vnd vp 4. Kade ys gelecht worden/welcher
sunst vele guder gauen vnd ein groth anse-
hent/van wegen syner Krygseserfaringe by
men

meñickliken hadde/wen he men solcks in demodt hadde thom besten wende willē/āuerst do he sich süluest vorheuen/vnd vor den jennēn vthgeuē wolde/de he nichten was/heffte he vallen vnd tho schanden werden möten.

Anno 1564. in dem Winter/heffte her hnsrich Claussen/Ridder tho Kanckas/nye erwelter Krygesāuerste der Schweden in Lyffland / dat huß Lode belegert / vñ dorch langwilige belegeringe/ane geschütte/ erlanget vnd ingefregen.

Tho dersüluigen tydt/heffte sich ein Lyfflendisch godtloß Buer vñ schlaue / vor einen Propheten Gades vthgegeuen/vnd sich by der wöste Kercken tho Küsel/in der Küssen-Herschop erholden/vñ de andern Buren aueredet/se scholdē nicht mehr dē Sondach/sundern den Donnerdach vyren vth orsake/dat Godt einmahl were in groten nöden gewesen/ vnd hadde alle de dage in der weken vñne hülpe angeropen/ dar was āuerst kein dach em mehr tho hülpe gefamen / alse de Donnerdach alleine welker derhaluen billich scholde hilliger gehalten werden / alse de anderen dage alle / Welckes de einföldigen Buren/ nicht alleine an einem orde/sundern in dem ganken Eystlande / allenthaluen gelouet hebben/ bette in den hütigen

Dat Drüdde deel

dach. Hyruth ys wol thouornemende /
 wo de Enfflendiffche olde Herschop cre ar-
 me Buren tho Gades erkentenisse / vnd tho
 synem Worde gehalten hebben / vnd wo
 ock de Buren in den Vyffhöuetstückē der
 Christliken lere des Catechismi / van erem
 Pastoren vnderrichtet / vnd van erer Aue-
 richteit dartho sint gehalten worden. Da-
 rümme hefft de Hufzuader nicht ane orsa-
 ke / van den Enfflendiffchen hufholderen /
 nu einmahl rekenschop förderen millen.

Anno 1564. im Decembri / ys Chri-
 stoffer / Marggraue tho Baden / mit sy-
 nem Gemale / Frouwe Cecilia / des Kön-
 ninges van Schweden Schwester / van
 Stockholm tho Keuel angekamen / vnd als
 se se spade yegen de nacht vor Keuel / vp de
 rende gekamen sint / hebben se sich in de
 Vyffschermaye tho lande setten laten / vnd
 dar by einem Bisscher de nacht auer ge-
 herberget / des folgenden dages auerst / ys
 de Marggraue samptsynem Gemale / van
 den Keuelsschen herlick vnd stadlick ingeha-
 let worden / vnd also se tho Keuel / vnd tho
 Pades / den Winter auer gelegen hadden /
 sint se yegen den Vasselaent / dorch Enff-
 flandt /

flandt/wedder in ere Landt gereiset/ Anno
1565.

Anno 1565. Des Sondages *Quasimo-*
dogenit, negen den mandach/ in der Nacht/
Is de Stadt Parnow/ van etliken Hauelüden / de dem Könige van Schweden
vorhen gedenet / vnd nu affgedancket had-
den / vnd nicht vullenkömlich betalet we-
ren/ vorredtliker wyse vorrasschet/ vnd in-
genamen worden / Do hebben desüluigen
Hauelüde auer hundert Schweden / wed-
der allen menschliken affect vnde barmher-
ticheit / ermordet/vnd etlike by eren Frou-
wen and Kindern im Bedde erschaten vnd
ersteken / vnd den Stadtholder Andres
Perssen / einem vornemsten vam Adel vth
Schweden/ im hae tho Audor gefangen/
vnd gefencklick in Palen geschicket / Vnd
ys disse vorrederne also thogegeuen. Alse
de affgedanckeden Hauelüde int Stiffte
Riga wech getagen weren / do sint noch
etlike in der Parnow beliggende gebleuen/
vnd de andern im Stiffte Riga/hebben mit
densüluigen / de noch thor Parnow geble-
uen weren/gepracticeret/ wo se dat Stede-
fen vorrasschen / vnde dem Könige tho

Das Driüdde deel

Schweden affhendich maken möchten / vnd
 hebben den Hauelüden in der Parnow heim
 lich thoentbaden / se scholden gude achtunge
 geuen / by weme / vnd wor de Schlötel tho
 der negeesten Poerten / by dem Schlate / in
 vorwaringe gehalten worden / vnd dath se
 mit allem finte darna arbeideden / dath se
 desüluigen ein mahl gewisse bekamen möch
 ten / so wolden se vp eine bestemme tydt /
 in der Nacht / vngesümet vnde gewisse by
 en syn. Vnd also de vorreders in der Par
 now vornamen hadden / dath de Schlötel
 by Claus Zinte / einem Radtmanne darfü
 uest / in vorwaringe weren / vnd alle Nacht
 an synem Bedde hengende plegen / hebben
 se by demsüluigen Radtmanne Claus Zin
 te / welcher van dissier böuerne nichts wuste /
 Gastebodt / vp den Sondach *Quasimodogeniti*
 also tho einem Balet vnde verdelage / an
 gerichtet / vnd de vornemesten thor Par
 now / vnd de Schwedischen befehlich heb
 bers / tho Gaste geladen / vnd se wol getra
 cteret / also de solckes mit dem halse düer ge
 noch wedder betalen scholden. Derhaluen
 also nu de Weerdt des huses / vnd de andern
 Beste wol bekechet weren / ys ein yeder in
 syn

syn Losament gegahn/ hefft sich tho Bedde
gelecht/ vnd sich keins bösen vormodet. A
uerst den andern Judas gesellen was kein
drunck noch schlap tho mode / sundern we
ren mit allem flyte na den Schlöteln vthe/
de an des Wcerdes bedde hengeden/ vp dat
se de andern Geste vnd ere Consorten / de
yegen de Nacht darhen bescheiden weren/
mit behendicheit inlaten mochten. Alse se
nu de Schlötel wech hadden/vnd de andern
Hauelüde/de densüluigen Sondach 12. my
len / van der Salis betthe thor Parnow
gereden hadden/vorhanden weren/ hebben
desüluigen Schlötel deue de Poerte ge
pent/vnd ere guden fründe intehen lathen.
Do ys dar ein grüwlick allerm in der Par
now geworden / vnde de lüde sint vth dem
schlape vppesaren/vnd hebben nicht gewust
wat dar vorhanden gewesen ys / Do heb
ben de frömbden Geste allen Dündessen
thogeropen/se scholden stille vnd vnbe
kümmert syn/en scholde kein leydt wedder
faren Auerst den Schweden wolden se nicht
vorschonen. Alse nu de Schweden solches
vornamen / hebben se mit den grauen
stücken vum Schlate dar manck gebrandt / vnde

Das Driüdde deel

erer vele/sampt dem Ritmeister /Eorck van
Ende/einen van Adel vth Nyssen/erschas-
ten/dartho hebben se ock Für van Schlate
in de Stadt geschaten / vnd vele Häuser an-
gesticket/ hebben sich ock söß ganze Befen/
beth an den Pingestauent/vp dem Schlate
erholden / vnd darna / dewyle de Köninck
van Schweden wedder Dennemarcken tho
Velde lach / vnd se nicht so balde entsetten
konde/hebben se sich ock ergeuen möten. Al-
so ys de Parnow / sampt velem geschütte/
dat vth Schweden darhen gebracht was/
dem Könige van Schweden affhendich
gemaket worden. Darna sint desüluigen
Parnowsschen Huelüde ock na Reuel ge-
rücket / vnd sich dre mylen van der Stadt/
thor Todtwes brugge / gelegert / vnd dar-
süluest eine tydtlanck gelegen/vnd dat Land
vmmeher geschümet / vnd grothen schaden
gedahn/ vnderwylen sint se ock in der mor-
genstunde vor Reuel gekamen / vnd scher-
mukelinge gehalten/ beth so lange dat An-
dres Nyssen / ein Schwedischer Ritmeis-
ter / mit 600. Huelüden / vnd mit einer
fane Knechte / vth Schweden angekamen/
Do sint se wedderümme na der Parnow

tho rügge gewefcn / mehr hülpe thoerweruende / vnd fick thosterckende.

Anno 1565. den 10. Augusti / vor mid-
dage / sint desüluigen Parnowffschen Hauelüde wedder vor Keuel gefamen / vnde hebben fick thor äuersten Mölen in dem Eynckholte gelegert / mit 4. fanen Hauelüden / vnde mit 27. Landesknechten / de Stade Keuel vth tho hungerende. De Ritmeisters sint gewesen / Hinrich Düfer van Row / Ziriacus van Harß / Bernth van Höuelen / vñ Frederick Schwarthoff / des sint dar noch twe jungen Fanen gewesen / welckerer Hauelüde ouerster gewesen ys Casper van Oldenbockem. Vnder dissien veer Fanen / ys eine der Cüresschen Eddelüde Fanen gewesen / welckere Hertoch Magnus van Holstein in Ehurlandt vth gerüstet hadde / vnde sint disse 4. Fanen / mit sampt der jungen Fanen / vngeserlick by 1000. Perden starck gewessen. Disse dusent Hauelüde / vnd 27. Landesknechte / wolden den Köninck van Schweden vth dem Lande yagen / hebben derwegen de Stadt Keuel belegert / dar äuer achte Hundert Hauelüde / van Düdeschen vnde Schweden / vnde dre fenlin
D v Knecht

Das Driüdde deel

Knechte / ane de ganze Gemeine / binnen
gewesen. Alse nu de gemelten Hauelüde
herangekamen sint / hebben se sich thor ä-
uersten Mölen im Eynckholte gelegert / vnd
ere Losmente van bredern vnd balcken ge-
buwet / vnd ere Bedde syn wencf vpgelops-
pet / ere Röre an de Wandt gehenget / vnd
stracks angefangen tho Schlachten / gera-
de alse weren se tho einer Lyfflendisschen kö-
ste / edder Kindelbeer / gekamen / vnd wolden
so de herlike vaste Stadt Reuel winnen / de
einem grothmechtigen Potentaten / mit ves-
len Dusenden / thogewinnende möne geuen
scholde. Alse disse Knygeslüde den Son-
auenth angekamen weren / vnde sich gar
wencf gebeddet hadden / sint se den negest-
folgenden mandach des morgens frö / dorch
Her Hinrich Claussen Gubernatoren / in
ontzden vpgeweket worden / Wowol de
Schwedischen ock temliken schaden geleden
hebben. Vnd alse desäluigen Parnowf-
schen vnd Chureffschen Hauclude wech ge-
schlagen weren / Do sint de Schwedischen
tho plunderende inth Leger gefallen / vnd
hebben dar vele Röre / süluerne Dolcke / vn-
de beschlagene Behren / vnde allerley rü-
stinge /

ftinge/an der Wandt hengende gefunden/
 Dartho vele Peerde/vnd vth dermaten ves
 le Cüressche vnd lettische Küstwagen / mit
 allerley nootrofft beladen/angetroffen/vn
 de hadden sich nu ganz seker vp de piunde
 ringe gelecht/ In dem so wendet sich Hin
 rich Dükcr / mit syner Fahne alleine van
 dem hupen wech/vñ begent eine köne dadt/
 vnd settet wedder inth Leger / vp dath he de
 27. Landesknechte / vth der äuersten Mö
 len erredden mochte / vnd alse he int Leger
 quam/vnd de Schwedisschen ganz seker vp
 der plünderinge fanth/hefft he tho en inge
 settet/ vnd erer äuer hundert erschaten vnd
 neddergelecht / darna hefft he de Knechte
 vth der Molen erreddet / vnd sint daruan
 gehulpen/mit grother gefahr. Vnd alse de
 Parnowsschen vnde Cüresschen Huelüde
 dith alles vthgerichtet hadden / vnde dar
 uan weren / Do hebben de Schwedisschen
 Krygeslüde dat Leger ersten recht geplün
 dert / vnde grothe Büte darinne erlanget/
 vnde de gemeine arbedes lüde hadden ge
 noch tho schleppende mit den geschlachte
 den Ossen/Schapen vnd Schwynnen/dar
 inne sich de Bursse hadde frölich maken
 wil

Das Drüdde deel

willen / Auerst Her Hinrich Claussen was
 en ein böse gast / de en de frökost altho balde
 vorhinderde. Darna hadden der Heren
 Peerde genoch mit den Parnowsschen vnd
 Chursschen haelüden thodonde / dath se de
 na grothen Burkulen schlepeden. Casper
 van Oldenbockem / ere Krygesäuerste / ys
 tho der tydt dar nicht mit by gewesen / wel-
 cher den folgenden Dingesdach / noch mit
 60. Peerden ankamen scholde.

Na solcker Victoria / hefft Her Hinrich
 Claussen sich nicht lange gesümet / sunder
 ys stracks mit synem Krygesuolcke int Felt
 gerücket / de Biende wynder thouorfolgen-
 de / vnd hefft sich im Dorpe Sippa gelegert /
 vnd alse de Parnowsschen angekamen we-
 ren / vnd des vordelshaluen / dat Her Hin-
 rich Claussen ingehat / nicht dryste ansetzen
 dorsten / hebben de Schweden ein Feltstück
 vnder se affgahn laten / vnd eren Krygesä-
 uersten / Casper van Oldenbockem allein /
 sunst keine mehr gedrapen / Darümme alse
 ere höuet vnd Principal erschaten vnd vns
 mekamen was / hefft de ganze vorsammes-
 linge der geledematen sich ock van ein an-
 der begeuen möten. Also hefft disse ridders-
 meting

metige Krych einen ende gewinnen / Welckeres Kryges de gründlike orsake gewesen ys / dat de Schwedische regenten / alse nye Hufholders / van Gade erwelet / de olden Hufholders vñ Ordensheren / de ere Ampt nicht recht vorgestahn hadden / begunden affthosettende / Van welckern olden Hufholdern Casper van Oldenbockem / ock eiser gewesen ys / vñ alse he van den Schwedischen affgesettet was / hefft he syn leyde wrefen / vnd sich süluest wedder inth Ampt setten willen / Derwegen hefft he einen hupen hunger Lyfflender van Adel / vnd etliche van Börger kindern vth Keuel / vnd andern orden mehr / sampt erem Anhangen van den Bthlendern vorsammelt / vnd vgespraken / dat se ere olden Lyfflendische frygheit (hadde schyn gesecht eigen willichkeit) de se by der olden Herschop / ane hennige vpsicht / gehat hadden / vordegedingen / vnd de Schwedische Herschop / de sich des Regimentes / vnd der vpsicht / alse ein recht Hufuader / wat ernsthaftiger angenamen hadde / vth dem Lande vordryuen / vñ de Stadt Keuel vnder sich bringen / vnd de Landtgüter vnder sich deelen / vnd dar van Domiheren

Dat Drüdde deel

neren mochten / gelick alse de Parnowſchen Hauclüde gedahn hedden / ane yennigen fruchten der hogen Auericheit. Auerſt ydt ys kein Radt / Narren vp Eyer tho ſetten / de / wente ſe thobrecken ſe / gelick alse de Parnowſſchen Hauclüde mit der Parnow gedahn hebben. Ydt were äuerſt wol better geweſen / dat diſſe guden Krygslüde (hedde ock ſehr geſecht *perturbatores patriæ*) de ſake wat beth betrachtet / vnd ſick tho dem Könige van Schweden geſchlagen / vnd de äuerigen Lande winnen vnd beſchütten hülpen hadden / welcher mit grother gefahr ſyner Köninckliken Erfflender / ſick vth Chriſtliker leue des armen Enfflandes angenamen hefft. Auerſt dewyle ſe dem rechten / van Gade gegeuenen / Vader des Vaderlandes nicht hebben gehorſam ſyn willen / möſten ſe nu dem Steffuader / dem Muſcowiter gehorſamen / de de eigenwilligen Kinder wat beth tüchtigen kan / alse de rechte Vader gedahn hefft.

Anno 1565. im Sommer / ſint alle Düdeſchen van Dörpte / thom andern mahle / in de Muſcow vorſöret geworden / Bth diſſen orſaken / dath de Ruffen vornamen hadden /

den / dat de Stadt Parnow dorch der Düdeschen list also behende vorraden worden were / Derwegen se sich befrüchteden / dath ene van den Düdeschen tho Dörpste / solet es ock wedderfahren mochte / dem se by tyden vorkamen wolden.

Anno 1565. im Herueste / sint vele Parnowsschen Hanelüde in erem Borchleger van den Schwedisschen vorrasschet / vñ mit grothem prale tho Keuel ingebracht / vnder welckeren etlike beschlagen sint / de wedder den Köninck tho Schweden nicht tho denende sich vorschreuen / vnde de tydt nicht vthgehouden hadden / van welckern etlike loß gebeden / etlike vpgehenget / twe auerst van Adel / alse Jürgen Duue van Hackewende / vnd Otmar van der Kope / mit dem Schwerde gerichtet sint.

Anno 1566. im Winter / hefft Her Hinrich Claussen / mit synem Krygesvolcke / de Parnow belegert / vnd ane Geschütte / dorch eine langwilige belegeringe / syn gelücke vnd heyl daran vorsöken willen / Vnde alse he den Winter äuer / beth in de Mitfasten / daruor gelegen hadde / vnde ane Geschütte nichts vthrichten fonde / hefft he vngeschaf

Das Drüdde deel

geschaffet wedder daruan afftehen möten/
Welches de Parnowsschen Lande vmmehet
hebben entgelden möten. Darna ys Her
Hinrich Claussen mit synem Krygesvolcke
vp Desel gerücket / welcher Landt vorhen
van keinem Kryge wuste / vnde hefft datsül-
ge ganz vorheret / dat Fleck Arensborch ge-
brandtschattet / vnd darna wedder affgetas-
gen / mit einem grothen roue. De orsake äs
uerst / worümme Her Hinrich Claussen/
Desel auertagen hefft / ys nicht alleine ge-
wesen / dath ydt ein apentlick Krych twis-
sehen Dennemareck vnd Schweden was/
sunder dat Hertoch Magnus ock eine fañe
Hauelüde / neuenst den Parnowsschen / vor
Keuel gehat hadde / vnd de Arensbörger
vorhen ein mahl brandtschattunge thogez-
secht / vnd nicht gehalten hadden.

Middeler wyle / also de Schweden vp
Desel roueden vnd branden / Do ys de Pa-
lissche hupe / de de Parnow entsetten schol-
de / herangedrungen / vnd also se vornamen
hadden / dat de Schweden vor der Parnow
wech / vnd vp Desel gefallen weren / sint se
den Schwedisschen entyegen gerücket / vnd
hebben en ein groth deel van der büte affge-
naget /

naget / vnd in der Wike allenthaluen gro-
then schaden gedahn / vnd also wederümme
in Palen gereiset.

Anno 1566. Im vörnar / hefft sich de
Sucht der Pestilentie / de den vorgange-
nen Heruest angefangen hadde / wedder-
ümme tho Keuel vormercken laten / vnd
nicht alleine in der Stadt / sündern ock bin-
nen Landes allenthaluen gewötet / vnd
sint vele benömede lüde / de vor der Sucht
tho Lande geweken weren / daranne beual-
len. Tho dersüluigen tydt sint ock vele
Schwedische Knygeslüde vp deme Dome
gestoruen.

Anno 1567. Im Winter / hefft Claus
Kürsel / de nye erwelte Knygesäuerste der
Schwedischen in Lufflandt / sich ock bewy-
sen willen / vnd ys mit synem Knygesuolcke
vp Lemsel / dar ydel Palen tho der tydt le-
gen / forthgerücket / vnd hefft de Palen tho
Lemsel gar meisterliken vorrasschet / erer-
etlike erschlagen / vnd ein statlike büte van
Peerden vnd allerley roeffgude erlanget /
vnd darna dat herlike Fleck Lemsel in de
grundt vorbrendt / vnd daruan getagen /
Welcher spot vnd schade den Palen sehr
P vor,

Das Drüdde deel

vordraten hefft. Derwegen hefft Nicolaus Tolwenky/ der Palen Knygesäuerste/ sich mit synem Knygesvolcke/van Dudeschen vnd Palen / wedderünne gestercket / vnd mit etliken Dufent mann sich int Belt begeuen / den spot vnd schaden tho Lemsel erleden/an den Schwedischen wedder tho wrekende. Do hebben sich Her Hinrich Claussen/Gubernator tho Keuch/ vnd Claus Kurffel Knygesäuerste / mit irem Knygesvolcke ock dapper gerüstet / den Palen thobeyegenende / vnd sich int Belt begeuen. Also nu de beyden huven tho Kunafer / vp der Wyckschen grenket thosamende getroffen/vnd ene schlachtinge mit einander gehalten. Vnd also se nu etlike mahl an einander gesettet hadden/ vnd de Palen den Schweden mit volcke äuerlegen weren / hebben de Palen de Schweden in de Flucht gebracht/vnd de Victoria erlanget / Do sint alle Schwedische haue lüde geflagen/in einem depen Schne / vnd hebben alle de Schwedischen vnd Dudeschen Landesknechte in der drüppen stecken laten / de vor dem depen Schne nergende hen flegen konden / Do hebben de Palen

den

den Schwediffchen hauerüden erslick na
 genlet / erer vele in der flucht erschlagen /
 vnd gefangen / vnd ys ock thor sätüigen
 tydt / Johan Mayel van der Wollust Rit-
 meister / gefanaen worden / vnd de Auersten
 sint mit nouwer wedt / daruan gefamen.
 Do sint de Schwediffchen vnd Düdeschen
 Knechte äuel daranne gewesen / de by Win-
 ter dagen in depen Schne siē nergen vor-
 bergen konden / dar de Palen manē schō-
 ten vnd schlögen / vnd de meisten gefangen
 nemen / Welckere alle sampt eren Hauerü-
 den vnd Fenrichen / in Palen by hupen ge-
 dreuen worden. De Düdeschen Knechte
 äuerst der Stadt Keuel hadden eines Bus-
 ren hoff thom vordede ingefregen / dar de
 Palen Groffgeschütte vor brochten / vnd
 dar manē schōten / Do hebben se siē alle
 ergeuen möten / Welckere neuenst den
 Schwediffchen knechten alle in Palen vnd
 in Littouwen vorfōret worden sint / Vnd
 hebben ock de Palen der Stadt Keuel Fen-
 lin / neuenst den Schwediffchen wech ge-
 fregen / vnd na der Wilda / tho einem Tri-
 umph gefōret. In dieser Schlachtinge
 hebben de Schweden / mit den erschlagen

Das Drüdde deel

nen vnde gefangenen thosamende / äuer
2000. mann gemisset / ock sint der Palen
nicht weinich gebleuen. Geschehen Anno
1567. den 3. Februarij. Na solcker Victo-
ria hebben de Palen in der Wyck vnd in
Harrigen / bette vor Keuel / gerouet vnd
gebrandt / vnd grothen schaden gedahn.
Disse schlachtinge vnd Raubalgent der bei-
den Christliken Potentaten / ys nemandt
thodrechliker gewesen / alse dem Muscowi-
ter / welcker se vnder sich wol hefft kempen
laten / beth so lange se alle beide möde gewe-
sen sint / do hefft he syne gelegenheit affge-
sehen / vnd de Brudt / dar se sich vnnie-
gereten hadden / van der bane geföret.

Anno 1567. In der Pingestweken /
hefft Kotkewiz / ein Littouwischer Boy-
wode / de Stadt Riga mit vele dusent Pa-
len / vnd Littouwern / belegeren willen / ys
vor Riga gerücket / vnd hefft Blockhäuser
an de Düna / dar de Rigesschen Schepe
voräuer lopen möten / geschlagen / de Ri-
gesschen dardorch tho twingende / syne con-
ditiones vnd vorschlege anthonemende / A-
uerst de Rigesschen hebben synen schreck
vnd drouwent nicht groth geachtet / sint tho
em

em vthgefallen / vnd hebben em den Kop
wol beden dorst / Thom lusten also he an
den Rigesschen nichts hebben fonde / ns he
daruan getogen / vnd hefft nichts mehr
vthgerichtet / also dat he arme lude binnen
landes makede.

Anno 1567. Vmme Pingesten / ns ein
erschrecklike Mordt tho Upsal in Schwe:
den / dorch Koninck Erich begahn / Welcker
den Grauen / Schwanto Stuer / mit sy
nen beiden Sons / Heren Nicolaus vnd
Erich / vnd andere Kiddere vnd Eddellude
mehr / wedder alle recht vnd billicheit / heim
tiken hefft ermorden vnd vmmehringen la
ten / Welckerer Tragedien Jurgen Pers
sen / des Konninges Secretarius / ein or
sake vnd anstifter gewesen ns / Welcker de
gemelte Heren by dem Koninge valschlich
betichtiget / vnd angegeuen hadde / dat se
sick wedder den Koninck scholden thosamen
de verbunden vnd conspireret hebben. Na
solcker daedt ns de Koninck im houede vor
woren geworden / vnd also he wedder tho
sick suluest gefamen was / hefft he ydt eme
sehr geruwet / vnd in solcker ruwe ns he be
tragen worden / synen HerBroder / Her

toch Johan / der gesenckenisse tho erledigende.

Anno 1563. vp Lichtmissen dach / ys ein Düdsch Schip tho Keuel angekamen / dar ock Düdsche Frouwen vppe weren / Welckes ein wunder in zifflandt ys / Wente vppe de tyd plecht de Winter dar am aller hefftigsten tho syn / vnd solckes ys vorhen nuwerle gehöret worden / Vorüm auerst dith Schip also buten tydes tho Keuel gekamen ys / hefft disse orsake / dath de Deneischen vnd Lubeschen Drage schepe / dartho de Danker Frybüter / by Sommer vnd heruest dagen gewaldich in der See legen / de den Keuelschen vnd allen Schwedischen / de thosoeer vorhinderden / derwegen hebben de Koplüde binen tydes / ere neringe söken möten mit grother gefahr.

In demsüluiigen Börnare darna / sint de Danker Frybüter / mit twelff Schepen wol gerüstet / vor Keuel gekamen / vnd achter Margeden sief vor Ancker gelecht / de farth na der Narue so wol / alse na Keuel / van wegen des Königes tho Palen / tho vorhinderende. Disse Frybüter hebben van der Stadt Keuel brandtschattinge gefordert /

dert / Auerst men hefft en nichts tho willen gewust. Do se nu fast den haluen Sommer vor Keuel gepancketeret / vñ leklick de fundtschop gefregen hadden / dath des Köninges van Schweden Schepe vorhanden weren / hebben se sich wedder na Danzke gemaket / De Schwedischen Schepe auerst sint en nagesolget / beth vp de rende vor Danzke / vnd hebben erer etlike wech gefregen. Alse nu de Schwedischen Schepe de Frybüter also gestouet hadden / sint desüluigen Schepe / 18. starck / tho Keuel vp de rende gekamen / vnd ein Radt tho Keuel hefft den Ammeral mit etliken vctten Dffen / vnd mit Wyne vnd Beere vorehret.

Anno 1568. vp Jacobi / sint desüluigen Schepe mit Claus Kurssel / dem Knygesauersten / na der Sonnenborch vp Desel gelopen / datsüluige Huß thobekrygende / welcher huß vorhen eine schöne Beste gewesen ys / auerst dorch Christoffer Walckerdorp / den Denesschen Stadtholder vp der Arensborch / forth thovorne herunder gereten / vnde vorbraudt geworden / Welckes den Arensbörgern darna geruwet hefft / derwegen hebben se datsüluige huß Sonnenborch

Dat Drüdde deel

wedder vpbuwen willen / vnd ock alrede etli-
ker maten beuestiget / vnd mit etlikem Vol-
cke besetzt / vnd einen Dompapen van
Habsel / Reynoldt Szoië genömet / tho ei-
nem Höuetmañe darup vorordenet. Auerst
alse de Schweden mit den 18. Scheyen tho
Water / vnd etlike Krygeslüde tho Lande
herandrungen / ys dem Reynoldt Szoiën
so angest vnd bange geworden / dat he dat
Huß den Schweden stracks vpgueuen hefft /
welckere ydt darna wedder vor gewaldt be-
uestiget hebben.

Anno 1568. im Julio / hefft Ericus de 14.
Köninck tho Schweden / etlick bylager ge-
holden mit syner Concubinen Catharina /
welckere eines gar geringen mannes Doch-
ter gewesen ys.

Vp desüluike tydt hefft de Köninck ock
syne Süster / Fröwlin Sophia / dem Her-
toch Magno van Sassen vnde Engern /
vormelet / vnd hebben vp einen dach thoge-
like hochtidt gehalten / Do moste eines vor-
achteden knechtes Tochter bauen eines
Köninges Tochter sitten vnd gahn / wel-
ckes des Köninges Bröderen / Hertoch
Johan vnd Hertoch Carolo / sehr gespitet
vnd

vnd vordraten hefft / dat ere Broder de
Köninck / erer Fründtschop / der Krone tho
Schweden / vñ allen ehrliken geschlechtern /
solcken spot vnd vorfleininge an gedahn
hadde. Derhaluen se ock vp der hochtyde
nicht hebben erschynen willen / sundern siet
mit einander verbunden / solcke schmaheif
an erem Broder / dem Könige / tho wre-
fende. Maken siet derwegen twe der vorne-
mesten Ridder in Schweden / alse Heren
Steno Erichsen / erer Moder broder / vnde
Heren Thur Balcken / des ermordeden
Grauen Schwanto dochter mann anhen-
gich. Do tock Hertoch Carolus na Watt-
stein / vnd frech dat Huß vnuormercket in /
darna hebben se ock des Königes Kryges-
uolck / dat wedder Dennemarcken tho velde
gelegen hadde / an siet gebracht / vnd mit
dem Könige tho Dennemarcken einen stil-
lestandt gemaket / Darna sint se mit dem
süluigen Krygesuolcke Stockholme wat
neger gerücket / vnd des Königes havelü-
de / vnd trüwen deners / hebben siet na gera-
de vth Stockholme hemlick tho den beyden
Hertogen vorlaren. Do begunde dem Kö-
ninck Erich dat höuet frues tho werdende.

Vnd also de beiden Heren nu mit dem gantzen hupen heran dringende quemen / hefft Köninck Erich / sampt Jürgen Perssen / vpon dem Torne der dre Kronen gestan / vñ den hupen angesehen / Do hefft Jürgen Perssen tho dem Köninge gesecht / Gnedigster Her Köninck / wen I. K. M. mynem rade gefolget were / vñ hadde dem Hertoch Johan / also he in vnser gewalt was / den Kop vor de Bote leggen laten / so hedde he vns nu nicht belegeren können / darup de Köninck geantwerdet hefft / Jürgen / du sechst wat.

Also nu Stockholm etlike weken belegert gewesen was / hebben de Bürger den Hertogen de Stadt vorgegeuen / vpon S. Michae-
 lis dach / Anno 1568. vnd also se darin getagen weren / Do ys Her Steno Erichsen / der Hertogen moder Broder / in dem rumore / vth befehle des Köninges / van einem Drauanten ersteken worden / Vnd de Köninck hefft sich dem Hertoch Carolo / synem jüngsten Broder / ergeuen / vnd vmmc eine Könincklike gefencknisse gebeden. Diffe Tragedia ys billich authomerekende / dath solck ein grothmechtiger Potentate / syner Maie-
 stet / ehre vnd gewalt / in so forter tydt / wed-
 der

der alle vormodinge jenniges vnglückes/ besrouet ys geworden. Welckes van Gade als len Potentaten vnd Geweldigen thom Exempel vnd warninge vör de ogen gestellet ys/ dardorch se vormanet werde/ dat se erer van Gade gegeuenes gewalt vnd macht/ nicht mißbrufen / edder sich aitho sehr erheuen/ noch vorbolgen werden schölen.

In der belegeringe der Stadt Stockholm/ hebben de K rygeslüde/ beyde Schweden vnd Dudschen/ vp den Jürgen Perssen sehr geschulden/ vnd en vor einen anstifter alles vnglückes vthgeropen/ vnd de Hertogen so wol / also de K rygeslüde/ hebben en heruth thoauerantwerdende begeret/ Thom Iesten/ hefft en de Köninck auerantwerdet/ vorhapende/ dath de twist dardorch scholde vpgchauen vnd bygelecht werden. Also nu Jürgen Perssen ene thogestellet vnd auergegeuen was / hefft he gesecht / he were sich ehr vormoden gewesen / dath de Hemmel vallen scholde / ehr Köninck Erich vallen/ vnd he van dem Köninge also vorlaten werdt in scholde/ vnd hefft einen yederen mit als l m ernste vormanet / dath he ein Exempel van en nemen / vnde sich mehr vp Bedt/

also

Das Drüdde deel

alse v̄p Könige v̄nd Fürsten hülde vorlas-
ten scholde / v̄nd scholde nicht dohn / alse he
gedahn hadde / de mannigen v̄nschuldigen
m̄nschen / van wegen synes Heren / beledis-
get hadde. Leslich ys he / alse ein vorred̄er /
perturbator patriæ, dodtschleger / Ehebref̄er /
v̄nd eyn deeff / thom dode vorordeldt / v̄nde
v̄p 4. rade gelecht worden. Also hefft dysse
böse vorgiff̄tige Worm / de mannich moder
Kindt / heymlicken v̄nd apenbahr / v̄nvor-
schulder saken / jamerliken hefft v̄mmebrin-
gen laten / v̄nd velen an Lyff v̄nd gude ge-
walt v̄nd vnrecht gedahn / syn rechte lohn
gefregen. V̄nd na dem Köninck Erich ge-
fangen / v̄nd alle tumult gestillet was / ys
Hertoch Johan van des Rykes Stenden /
tho einem Könige äuer Schweden wedder
erwelet worden.

Anno 1568. V̄p Bartholomei / sint de
Schwedisschen Ryngeslūde v̄th Keuel na
der Wyke gerūcket / den Parnowsschen has-
uelūden / de ane v̄nderlath in Harrigen v̄nd
in der Wyck stroffeden / v̄nd de armen Bus-
ren v̄ordōruen / tho beyegenende / Do wōr-
den de Schwedisschen van den Parnowss-
schen vorrasschet / v̄nd v̄p de fluche geschla-
gen /

gen / doch nicht ane beyder sydes schaden. Do wort ock der Parnowsschen Ritmeister Hinrich Düker van Rowe / erschaten / vnd ein Schwedisscher Ritmeister / mit namen Hans Boy / gefangen / Auerst de Fane der Harrisschen Eddellüde hefft den gröthesten schaden geleden.

Densüluigen Heruest darna hebben de Parnowsschen sich wedder gerüstet / de Schwedisschen wyder tho vorfolgende / Auerst de Schwedisschen / dewyle ydt in Schweden selkam tho stundt / hebben mit den Parnowsschen einen stilstandt gemaket / Vnd also disse stilstandt vullentagen was / sint de Parnowsschen mit dersüluigen rüstinge in dat Muscowitische gebede / na Wyrlant / gerücket / vnd etlike Rüssen dar vorrasschet / erschlagen vnd gefangen / vnd dat herlike olde fleck / Wesei.berch / ganz vnd gar in de grundt vorbrandt / vnd darna mit grothem roffgude sich wedder na der Parnow vorfüget. Also nu de Havelüde vth Wyrlant wech weren / do hebben der armen Wyresschen Buren etlike / de den Düdeschen thogefallen weren / in der hâpeninge / dath ydt mit ene einen langen bestande

gewinn

Dat Drüdde deel

gewinnen scholde/wedoerümme dat sacht be-
talen mören/wente desülügen sint mit vn-
erhöder marter vnd pyne/van den Rüssen
vmmegebracht worden.

Vmme desülüge tydt / quam Nyls
Dobbeler / ein gemein befohlich hebber / äs
uerst geschwinde van ansiegen/vth Schwes-
den/van Köninck Johan affgeserdiget/dat
he dat Huß tho Keuel vorrasschen / vnd in-
nemen vnd den Gubernatorn Heren Hin-
rich Claussen / gefangen nemen / vnd na
Stoekholm fören scholde/Auerst Her Hin-
rich Claussen / aise ein older vorschmüster
Krygesman / wuste sich in solcken handeln
wol forthoschende / vormerckede balde den
anschlach des Nyls Dobbelers / vnd quam
dem vor/vnd frech den Nyls gefangen/ des-
de em äuerst kein leydt/ dewyle he vornam/
dat ydt des Köninges befehl was. De
ursake äuerst / worümme de Köninck dat
Schlot tho Keuel hefft willen vorrasschen
laten/ ys diffe gewesen. Dewyle Her Hin-
rich Claussen / Gubernator tho Keuel/ by
Köninck Erich in groter gnade/Auerst by
dem ikigen Köninck Johan wedderümme
in groten vngnaden was/hefft sich Köninck
Johan

Johan besorget / dat he em dat huff tho Keuel so lichtlick nicht auergeuen / sundern Sö ninc Eriche thom besten erhelden wörde / Auerst also Her Gabriel Christiernsen de nye Gubernator tho Keuel angekamen was / heft Her Hinrich Claussen / demsül uigen dat huff tho Keuel ganz willich ingerümet / vnd ys dar van in Finlandt getagen.

Anno 1569. In der Fasten / hebben Johan Duue / vnd Clert Kruse / beide Lyfflendische Eddellüde / vnd des Muscowiters geschwarne (welckere de Muscowiter / den andern Düdeschen tho lockuögelen gesettet / vnd mit Förstlicker ehre vnd Titel begauct hadde) an den Rادت tho Keuel geschreuen / vnd begeret / dat se etlike vth erem middel na Wesenberch schicken wolden / Wente se en etwes vorthogeuende hadden / dar der Stadt Keuel / vnd dem ganken Lande / hoch vnd mercklick angelegen vere / Darup sint twe vth dem Rade / nömlich / Conradus Dellinckhusen Syndicus / vnd Frederick Sandstede / ein Radesuorwanter / na Wesenberch affgefeserdigt / ere vorgeuent vñ meininngē anthohörende. Vnd also se dar

hen gefamen sint / hebben gemelte Johan
 Duue / vnd Elert Kruse / den Keuelschen
 gesanten dith vorgegeuen. Dewyle Köninck
 Erich/ere Here/ gefangen were/ vnd se nu
 des Endes loß weren / So scholden se nu
 des Landes so wol / alse ere eigen heyl vnd
 wolfarth/ betrachten / vnd sich vmmee einen
 Düdeschen Heren vmmesehen / densulai-
 gen Heren / sampt dem Lande vnd der
 Stadt/ wolde de Keyser vnd Herßscher ab-
 ler Rüssen in syne beschüttinge nemen/ vnd
 vor alles weme vordegedingen/ vnd wen se
 solckes deden / so wörde de Keyser vnd
 Grothförste de Stadt Keuel hoch begna-
 den / vnd solcke eine Kopstadt daruth ma-
 fen / alse keine Stadt an der ganken Ost-
 see were / Vnd vele dinges mehr/ wat se
 jümmer hebben erdencken können/ tho erem
 vornemedede denstlick/ vnd dem Muscowiter
 främlick/ hebben se den Gesanten mit allem
 flyte vnd ernste vorgeholden. Alse äuerst
 de Gesanten van Keuel / ere meininge vnd
 vorgeuent an gehöret hadden / hebben se
 solckes vp ere Oldesten vnd vp de Gemei-
 ne geschauen / vnd en vpt förderlikeste ein
 antwerdt thoschryuende gelauet. Na vor-
 rich-

richtinge differ handelinge/ hebben se de Gesantten van Keuel tho gaste geladen/ vnd se gar wol getracteret / vnd etlike statlike Borsaren hebben mit auer dissche geseten / vnd sich ganz fründtlich gegen de Keuelschen angestellet. Vnd wowol dat Fleisch ethent in der Basten / by den Rüssen ein grüwel ys/ vnd se solckes in keinem wege dülden edder ansehen mögen / so hefft men dennoch hyr in der Basten ock fleisch gespyset / vnd de Rüssen hebben sich nicht mercken laten/ dat ene solckes tho wedderen were. Welckes alles men darümme geschach/ dat se de Düdeschen / dorch solcke frygheit des frakes deste lichtliker tho sich locken wolden. Auer dem dissche / so wol alse vorhen / hebben vorgemelte Johan Duue / vnd Elerit Kruse/by erem Ende/vnd by erem dele des Hemmelryfes/ sich hoch vormeten/ dath se der Stadt Keuel / vnd dem ganken Lyfflande/ erem leuen Vaderlande/ van herten gewagen weren / vnd ydt sehr gudt dar mit meineden. Auerst wo gudt se ydt mit Lyfflande / vnd mit der Stadt Keuel/ gemeinet hebben/dewyle se de Stadt/sampt mehr andern Lyfflendischen Steden vnd Landen/

Das Drüdde deel

den/ vnder des Muscowiters Joek bringen
wolden/ kan ein yder vornufftiger minsche
by sich wol bedencken vnd affnemen. Auer
dem viffche hebben se sich oek fründtlich an-
gestellt / dem Heren Syndico grothe ehre
vnd Titel gegeben/ vnd den Heren Frede-
rick Sandsteden van syner ansehentlichen
persone / geschicklicheit vnd Gauen haluen
vor einen jungen Man / sehr gerömet / ä-
uerst ydt weren ydel rencke vnd stricke / dar
men de Keuelschen mede fangen wolde / ä-
uerst wat se vnder solchem rome/ vnd frünt-
liker vnderredinge/ gesocht hebben/ dat hefft
en Godt loff/ bette her tho/ noch mit Keuel
geseilt. Des andern dages äuerst/ nemen de
Gesanten eren affscheidt/ vnd reysden wed-
der na huß.

Anno 1569. den 9. Julij/ vp einen Con-
auent gar frö/ sint des Königes van Den-
nemarcken / vnd der Lubeschen kriegesche-
pe/auer dörtich starck/ vor Keuel vp de rey-
de gefamen/ do hefft sich de denessche Ammi-
ral/ per Muncck/ mit synem grothen Sche-
pe in de Haue gegeben/ vnd gewaldich van
sich geschaten/ dar van Kugeln van 24. pun-
den/ in S. Dloffs Torne / bauen de Klo-
cken

ken geflagen sint/vnd hefft de Haue gank
vnd gar gepolieret/vnd auer dortich Sche-
pe van Koepfarth/etlike halff/etlike heel ge-
laden mit allerley Ruffescher wahre/vnder
welckeren der Lübeschen eigen Schepe van
Koepfarth mit gewesen sint / wech gefre-
gen / dartho vele Schwedischer Schuten/
mit erer ladinge/ vp de Reyde geförct/ ge-
plundert vnd vorbrandt. Des hebben se ock
twe van des Rades schepen/de des vörigen
jares den Denesschen Koeplüden / vp der
Naruisschen farth genamen weren/ in de
grundt vorbrandt. Vnde wen de gemelten
Biende sich by der Koppel an dath Landt
gesettet hadden/ehr se vp de reyde quemen/
hadden se de Stadt Reuel gank lichtlic
vorrasschen vnde innemen können/wente
ydt was ein gar Neuelich wedder/ dat men
nichtes van sich sehen konde / vnde keinem
Minschen in der Stadt was ydt bewüß/
dat de Biende so na vorhanden weren/ der
wegen alle Poertē der Stadt des morgens
gar frō allewege geāpent worden. Vp dat-
süluike mahl/ alse de Biende vp der reyde/
des wedderwerdigen windes haluen / gan-
ke 13. dage stille legen / sint vele Schepe

Das Drüdde deel

vth Schweden / in sunderheit van Besseln/
mit Kopper geladen / tho Keuel gefamen/
vnd hebben van der Denesschen vnd Lübes-
chen flate gar nichts gewust / welekere ock
alle sint genamen worden / vnd alle Koep-
lünde / de vp den Schepen gefangen worden/
hebben sich / ein yder na vormöge / rankun-
nen / vnd de rankuninge vth Keuel halen
möten. Do geschach den Keuelschen / vnd
andern frömden Koeplüden kein geringe
schade. Vnd stünden tho der tydt de Ke-
uelschen Koeplüde vp dem Rosen garden/
vnd segen eren schaden an / mit großem
hertelende vnd Bemode / ock sach de Hane
tho Keuel nicht anders vth / alse eine bedrö-
uede Moder / de erer Kinder berouet ys.

Den sätungen Sonnent / alse de Haue
also geplündert was / vnd de Denesschen
vnd Lübeschen Scheye sich vor Keuel / vp
de reyde / vor Anker gesetzt hedden / hefft
ein Raedt van Keuel an den Ammeral ge-
schicket / vnd einen stillestandt beth vp den
andern dach / an den Middach / begeret /
vnd ock erlanget. Volgendes dages vp ei-
nen Sondach / weleker was de 10. Julij/
hebben de van Keuel gross geschütte in de
schanke

Schanke v̄p den Rosengarden gebracht/ v̄nd mit den Vienden/ welckere mit cren Scheyen ock wat neger heran gerücket weren/ schermukelinge gehalten / Do hefft de eine tho dem andern mit allem erste in geschachten / V̄nd wowol de Viende sehr van sich schöten / v̄nd schyr all dath Volck v̄h der Stadt an dem strande/ v̄nd v̄p dem Rosengarden stundt/ so hebben se dock keinen minschen vorleket / edder beschediget. Do se nu 13. dage vor Keuel gelegen hadden / sine se mit dem roffgude dar van geiopen.

V̄p densüluigen Sondach/ den 10. Julij/ alse de Schepe also vor Keuel schermukelinge gehalten hadden / ys Johannes 3. erwelter Köninck tho Schweden/ tho V̄psal gekrönet worden/ *Hic gloria sequitur humiliauionem,* Wente de frame Förste / we gedacht ys/ ys in solck eine vorfolginge geraden gewesen/dath yderman gemeinet hefft/ ydt were nu alle mit em v̄the / äuerst Gode hefft dat gelücke gewendet / v̄nd syne lasters tho schanden gemaket.

V̄mme desüluige tydt/ys de gefangene Köninck Erich ganz äuel getracteret worden/van einem Schwedischen Ridder/ D.

Das Druͤdde deel

Ianus Gustaffsen genömet / welches bro-
der de gemelte Köninck ock hedde vmmes-
bringen laten / darümme he den gefangenen
Köninck hefft erscheten willen / vnd also he
vp en loß gedrucket hadde / vs em de Köninck
entsprungen / vñ wart dennoch dorch einen
Arm geschaten / welches solck einer Köninckli-
chen persone ein seltsam gericht gewesen vs.

Anno 1570. den 7. Januarij / hefft Claus
Kurssel Knygesäuerste der Schwedisschn
in Lyfflandt / mit synen Ritmeistern Jür-
gen Brel van Padenurm / Johan Mandel
van der Wollust / vnd Hiurich Bowsman /
vnde mit andern befehlich hebbern vnd ha-
uelüden mehr / dat Könincklike huß tho Ke-
uel vorrasschet vnd ingenamen / vnd den
Gubernatoren Heren Gabriel Christiern-
sen / sampt syner Fruwen vnd Kinder / dar-
up gefangen / welches der Stadt Keuel / vnde
de allen Schweden in Lyfflandt / nicht ei-
nen geringen schreck gegeben hefft. Also nu
solckes vp einen Sonauent geschehen was /
hefft ein Radt tho Keuel den folgenden
Sondach frö morgens an se geschicket vnd
fragen laten / Bth wat orsaken se dat Kö-
nincklike Schlot vnd veste also vorrasschet /
vnd

vnd ingenamen hadden / Darup se solet es
 thor antwordt gegeuen hebben / Se hadden
 nu eine lange tydt ere besoldinge van dem
 Ryke tho Schweden gemisset / vnd wowol
 se genochsam darümme gespraken / vnd ere
 befehlich hebbers vnd gesanten / an den Kö-
 ninck offtinals affgeferdiget hadden / so had-
 den se doch nichtes erlangt / tho dem weren
 se ock andern lüden schuldich / vnd worden
 van densülügen sehr gedrungen / derhaluen
 weren se gedrungen worden / dat Schloth /
 also tho einem Vnderpande / inthonemen-
 de / wen se nu ere betalinge tho vuller genö-
 ge bekamen hadden / so wolden se dem Kö-
 ninge dath huf nicht vorentholden / ock kei-
 nem andern Heren vpdragen.

Dewyle auerst Her Gabriel Christiern-
 sen in der yle tho dem gelde keinen Radt wu-
 ste / hefft he sick mit Claus Kurffel / vnd den
 andern befehlichs hebbern / vnd Hauelüden
 vordragen / vnde desülüge vordracht ys
 vp beyden syden vorsegelt vñ vorebreuet ge-
 worden / also ludende / Dat Claus Kurffel /
 sampt synen Ritmeistern vnde gemeinen
 Hauelüden / dat Schloth Reuel / mit allen
 thogehörigen landen vnd lüden / vorwalden

scholde / beth an den negest folgenden Pings-
 gesten / v̄p des Königes wenderen bescheit /
 des scholde Her Gabriel / sampt synem ges-
 finde v̄nd Schwedisschen Landesknechten /
 van dem huse s̄ick in de Stadt / v̄nd v̄p den
 Dohm begeuen / middeler wyle scholden se
 v̄p beyden parten mit hande v̄nd munde
 stille holden / v̄nd keiner den andern scheloen
 edder beledigen.

Den 4. Februarij / sint des Hertoch
 Magni van Holstein breue an den Radt
 tho Keuel / v̄nd an Claus Kurssel gefamen /
 darinne he ein gelende vor syne Legatey be-
 geret hefft / Auerst ein Radt van Keuel hefft
 em kein gelende thoschryuen willen / v̄th den
 orsaken / dath Her Gabriel Christiensen /
 alse ein Gubernator van wegen des Königs
 ges / dar ock nicht v̄mme angelanget was /
 v̄nd ein Radt ane synem consent v̄nd willen
 nichts dohn wolde. Claus Kurssel auerst
 hefft des Hertoch Magni Legaten nicht al-
 leine gelende thogeschreuen / sundern hefft
 ock den Legaten auer 100. Perde / beth tho
 Leal entnyegen geschicket / v̄nd se gar herlich
 entfangen / v̄nd beth tho Bxnum / dre my-
 le wegcs van Keuel / belenden laten. Auerst
 ein

ein Radt vnd Gemeine wolden se / vth gemelten orsaken / nicht in de Stadt steden / Welckes den Hertoch Magno nicht weinich vordraten hefft. Thou lesten / heffe Claus Curffel / mit dem Hertoch Magno gepracteret / dath he van synen Dudeschen Knechten 200. van der Arensborch / vp dat Huß tho Keuel bekamen mochte / welckes em de Hertoch tho gesecht hadde / Wen auerst desulügen vp dath Huß gekamen weren / so hadde ydt selkam mit Keuel vthgesehen / van wegen des geleynes / vnd der grothen ehre vnd reuerenz / den Legaten ane vorwilliginge des Gubernatoren ertoget. Vnd disse 200. Knechte haluen / heffe sich Claus Kurffel mit synen Consorten / nicht weinich einer müterne vordechtich gemaket / Derwegen de Schweden vororsaket geworden / ere bestes ock tho gebrukende / vnd den knechten den wech tho vndernemende / dat se vp dath Huß tho Keuel nicht kamen scholder.

Do schreuen de Dudeschen van Dörp te an de van Keuel / se scholden nu mit allem flyte daranne syn / dath se vth dem Schwedischen Jocke : men mochten / welckes se en

Das Driidde deel

van herten wünscheden. Hyr wolden de
blinden de sehende leyden / wente de Dörp-
teschen weren süluest / mit des Muscowiters
Jocke vnd vnmetigen schwarer denstbar-
heit beladen / vnd scholden billich van Gade
nichts leuers vp Erden gewünschet hebben /
alse dat se dat Christlick Jock / dar de van
Keuel vnder weren / oek hadden erlanget.
Dith schryuent auerst ys der Dörpteschen
eigen nicht gewesen / sundern des Johan
Duuen / vnd Elert Krusen / welckere beiden
de Börger tho Dörpthe dartho angereiket
hebben / vp dat se de Stadt Keuel oek vnd
des Muscowiters gewalt bringen mochten /
Wente disse gemelte Johan Duue / vnd E-
lert Kruse / beyde Nyfflendische Eddellit-
de / weren des Muscowiters geschwarne /
welcker se tho Knesen vnd Försten gemaket /
vnd mit grothen güdern begauet hadde / dar
ümme dat se mehr van den Nyfflendischen
landen vnd Steden / vnder den Grothför-
sten locken vnde bringen scholden / derhal-
uen se sick in den saken nicht weinich hebben
gebruken laten / Desgeliken hefft oek Her-
toch Magnus van Holstein / an de wan Ke-
uel geschreuen / vnd se dardorch thom affal-

le bewegen willen / Auerst de van Keuel
hebben sich in keinen wege willen bewegen
laten.

Anno 1570. In der Fasten/Js Her-
toch Magnus van Holstein tho dem Rüssen
getagen/ vnd vp den grönen Donnerdach
tho Dorpte erslieck angekommen/dar he gan-
ze achte wochen stille gelegen/vnd den Don-
nerdach na Pingesten na der Muscow vor-
rücket / dar he sampt synem hoffgesinde us
gar staetlich erfangen/ getracteret vnd be-
gauet worden. Dat sich auerst solck eines
hochlöfflichen vnde Christlichen Königes
Sone/also gedemödiget/vnd by deme Erff-
fiende/deme Muscowiter/thoflucht gesocht
hefft / dat van keinem Dudeschen Försten
thouorne van Ewicheit her nicht gehöret
us / des hefft men anders nemande tho
dankende/ alse den Lyfflendischen Reden/
vnde deme Hoffprediger / Christians
Schroepfer / de deme guden Heren solck
tho doende/mit allem flyte geraden hebb
Alse nu Hertoch Magnus in der Musc-
was/hefft en de Grosförste vor einē Könin
in Lyfflandt / vthropen laten / vnd em th
wolgefalle vnd ehren / alle gefangene D-
desche

Dat Drüdde deel

Deschen / de lange tydt gefenclick geseten
 hadden/loß gegeben. Vnd eßt wol den ar-
 men gefangenen solckes eine grothe gnade
 gewesen ys / so lach dorch dar ein groth Hof
 vnder begrauen. Wente dorch disse chre/
 dem Dudeschen Körsen ertöget / vnd dorch
 de erleddiginge der Dudeschen vth der ge-
 fencenisse / gedachte he de äuerigen Stede
 vnd Lande / sampt velen dusent Dudeschen /
 wedder tho fangende / vnd int strick tho fry-
 gende / Auerst dorch Gades gnade / hebben
 DeKeuellschen disse list vnd practica wol vor-
 stahn / derhaluen hebben se noch thor tydt
 by em nicht gelden willen.

Anno 1570. vpon einen stillen Frydach in
 der nacht / hebben de Schweden dat Schlot
 thoKeuel / behende vnd wunderbarliker wys-
 se / dem Claus Kurssel wedderümme gena-
 men / vnd den Claus Kurssel / sampt synem
 Broder Hinrich Kurssel den Lutenanten /
 vnd Jürgen Brel van Padenurm Ritmei-
 er / vnd vele andere van Adel / vnd gemein
 in haneluden darup gefangen / vnd eck et-
 se dersüluigen in dem rumore erschaten.
 Do wort dar ein groth Allerm vpon dem huse
 o Keuel / Claus Kurssel / vnd syne consorten /

ten / fören vth dem schlape / vnd wusten nicht
 wat dar vorhanden was / vnd etlike / do se
 vnradt vornemen / sint dorch vnflidige lö-
 cher henunder naket vnd bloedt gesprun-
 gen / vnd also dar van gelopen / vnoer wel-
 ckeren ock Jürgen Farenßbeck van Nelffy /
 des Claus Kurffel Süster Söne / gewe-
 sen ys / vnd hefft sich diß spil also thogedra-
 gen.

Na dem Claus Kurffel vnd syne con-
 sorten / nu ein gewaldich Huß vnd Beste-
 iune hadden / dar sunst eines gewaldigen
 Königes macht wol hadde vor affsadeln
 möten / dar se sich vp vorleten / vnd ganz se-
 fer worden / insunderheit äuerst demyle de
 vordracht vpperichtet was / gedachten se /
 ydt würde nu bette tho Pingesten keine ge-
 fahr mit ene hebben / Derwegen se sich lü-
 stich gemaket / gefreten vnd gesapen / vnd
 vth grother sekerheit twe Fane haelüde /
 mit den Ritmeisters Johan Mardel / vnd
 Hinrich Bowßman / tho Lande geschicket /
 dat se dar manek den Buren liggen scholz-
 den / vp dat se den Vorradt des huses nicht
 vorteren mechten / Do hefft Nyis Dobbe-
 ler / der Schwedisschen knechte Huetman /

Dat Druÿdde deel.

ein junger Mann/ van schlichter Geburt/
 aÿerst geschwinde van anschlegen/gepracti-
 ceret mit twen vorreders/ de eine Kersten
 Volkse van Anflam / vnd de ander Laß
 Siggesen genant / welkere môrders vnde
 dodtschlegers alle beide by dem Claus Kurs-
 sel in geleÿde vnd beschÿttinge weren / mit
 welkeren beyden ydt also ns angerichtet
 gewesen / dat men ene etlick Belt gezeuen
 hefft/ vnd dewylie se beyde erke Dobbelers
 vñ spißbouen weren/ so scholden se siÿ nicht
 anders vormercken laten / alse wen se dat
 Belt mit Dobbelende gewurcn hedden/vnd
 scholden datfÿluige flux thouôrne geuen/
 vnd in sunderheit de Hauclÿde darup tho
 gaste laden/de de Kamer by dem loche inne
 hedden/dar de Schweden gedachten intho-
 stngende / vppe dat desfÿluigen Hauclÿde
 mochten vul vp tho supende frngen/darmit
 se deste beth schlafen/ vnd den tumult niche
 hören môchten. Disse anschlach was sehr
 guds / de vorreders geuen flux Belt thom
 besten / vnd beden einen hupen Beste dar-
 tho / do ginck ydt dar an ein supent mit al-
 len krefften. Alse se nu dune vnd vul we-
 ren/vnd alse schwine legen vnd schlepen/do
 had

hadden de Schweden ere safen in acht / vnd
leten sich dorch des Bisschops Hoff vamb
Dohme / mit einer ledder van Hennepen
stricken geflochten / langest der Klippen tho
felde wert henaff / vnd gingen buten langest
der Klippen in wullen socken bette vnder
dath loch / na der schwarzen becke werk / dar
Laz Siggesen erer vorwachtete / vnd alse se
nu vnder dem loche weren / Do worp Laz
Siggesen einen langen schnoer van bauen
herunder / vñ halede den einen ende van der
Hennepen ledder van der erden henup / vnd
bandt den dar bauen vaste an / Auerst Ker-
sten Volkke de vorschloech dath gelach bin-
nen huses allenthaluen / efft ock yemandes
solkes hören edder vormercken mochte. Au-
uerst Claus Kurffel / mit synen Consorten /
lach vnd schley gantz seker / vnd de Wache
des Huses was bestellet na der Stadt werk /
daryegen was ock de Schwedische Wache
vp dem Dohme / ein spiegelrechtent tho ma-
kende / gelicksfals bestellet / vp dat de Schwe-
den darhinde / tho felde werk / eren willen de-
ste beter beschaffen mochten. Alse nu keiner
van des Kurffels gesinde vorhanden was /
de van hinden tho sehen fonde / Do sint de
Schwe-

Schwediffchen knechte langest der Henne-
 pen ledder / de eine na dem andern / gar hoch
 van der Erden / mit der hast henup gestegen /
 bette dat dar áuer dre hundert Man henin-
 gekamen sint / vnd hebben den stoek / dar alle
 vorradt vnd profiande vnd Knygesmunis-
 tion was / ingenamen / vnd van dem Torne
 stracks de Schwediffche losinge geschaten /
 de Börger in der Stadt / vnd vp dem Doh-
 me / dardorch vp tho weckende. Vnd alle de
 Lose mit grauen stücken in der Nacht ge-
 schaten wort / ys dar ein alle in allen gafs-
 sen der Stadt / vnd vp dem Dohm gewor-
 den / vnd nemandt wuste / wat dar vorhan-
 den was / Dem Claus Kurssel / vnd synen
 Consorten / ys de modt ock entfallen / vnd de
 Zeche bröder / de dorch de vorreders weren
 wol getracteret worden / begunden sich tho-
 uorkrupende / auerst ydt halp nicht / Wente
 Nyls Dobbeler / de dath Gelt tho der Zeche
 vorschaten hadde / begunde se mit langen
 Kören vmmе dath Gelt thomanende / vnd
 dewyle se kein Gelt hadden / hebben se ere
 flender / Hasen vnd Echo / Pecrde vnd als
 lerley rüstinge / thom vnderpande gelaten /
 vnd sich dorch vnreine löcher henunder ge-
 laten /

laten / vnd de nicht wech kamen könden / de
 mosten thom deele mit dem halse / thom
 deele mit langer gefenckenisse / de heche düer
 genoch betalen. Auerst Nyls Tobbelce
 neuenst synen Landesknechten / hefft syn
 vthgelechte Gelt an golden Keden / süluern
 Dolcken / Sammet vnd Syden / vnd an
 statliken gorren / wol dusentfoldich wedder
 gefregen. Alse nu de Düdeschen knechte
 vth der Stadt den Schweden tho hülpe
 quemen / vnd samptlick des Huses wedder
 rümme mechtich weren / hebben se den
 Claus Kurssel / mit velen andern Lyfflen-
 disschen Junckern / gefangen genamen /
 vnd in vorwaringe gebracht / auerst den vth-
 lendisschen hefft men mehr gnade ertöget /
 van welekeren de meisten / de dar bürgen
 hebben geneten mögen / dersüluigen gnade
 vnd grothen woldadt balde vorgeten heb-
 ben / Wente se sint also balde heimlick tho
 dem Muscowiter gestreeken / vnde der
 Schweden ergeste viende geworden. Also
 ys dat gewaldige Schlot tho Keuel / daran
 ein geweldiger Köninck mit syner Könickli-
 ken macht genoch tho dohnde hebben schol-
 de / eräuert worden / doch also gewunnen /

Dat Drüdde deel

also gerunnen/dorch vorrasshent wort yde
gewunnen / vnd dorch vorrasshent word
ydt wedder vorlaren. Etliken Infflendis-
schen Junckern / do se gehört hebben/dath
Claus Kurssel dath Hus tho Keuel erstuch
ingefregen hadde / ys dar so wol tho gewe-
sen / dat se sich by nacht tyden dorch datsül-
lige loch hebben henup tehen laten / vnd
den Schweden den wech gewynset / vnd heb-
ben so vele vornufft nicht by sich ghat / dat
se dat loch darna hadden thomären lathen/
Wen auerst solckes geschehen were / so had-
de den Schweden disse anslach wol ge-
feylet.

Alse de twe Fanen Hauelüde / de binnen
landes by den Buren vorstrouwet legen/
hörden / dath de Schweden dat hus Keuel
wedder ingefregen hadden / ys ydt en eine
bedrouede tydinge gewesen / Wente erer ve-
le hadden sich öffentlick vornemen lathen/
dat kein Schwerde in ewicheit mehr vp dem
huse tho Keuel regeren scholde. Dchgeliken
ys ydt Johan Duuen vnd Clert Krusen/
eine grothe schmerte vnd hertelendt gewe-
sen. Do hebben de Hauelüde keinen betern
Radt gewust / alse dath se sich an Hertoch
Mag

Magnum/vnd an Johan Duuen/vnd E-
 lert Krusen schloegen / welckere en by dem
 Muscowiter vnderholdinge erlanget heb-
 ben/ Vnd sint in Wyrlant / rymme Wes-
 senderech her / in der Muscowiters gebede/
 manck de Buren int Vorchleger gesecht
 worden/de se ein tydilanck hebben vth hol-
 den vnd vöden möten.

Den 31. Maij / ys Claus Kursfel tho
 Schlate vor dat Gerichte gestelle:/ vnd ve-
 ler schwarer Artickel haluen am hefftigen
 angeklaget worden / darnegeen hefft he syne
 orsaken gar weemödigem antögen willen/
 äuerst se sint alle vor vnerhefflich erkant
 worden. Do ys em syne Sententz gefellet/
 vnd ys den 3. Junij/mit dem Schwerde ge-
 richtet. Darna sint noch dre van synen
 Consorten / nömliken / Balthasar Heller
 syn Schryuer/Framholt Düker/vnd Hin-
 rich Hacke gerichtet/ Vnd dre andere/ alse
 Hinrich Kursfel/ Jürgen Brel van Pade-
 nurm / vnd Ernst van Bunnckhaue / sint
 gefencklich in Schweden geföret worden/
 dar se dorch gnedige vorbede Hertoch Ca-
 roli begnadet/vnd am leuende sint vorschö-
 net worden. Disser grothen müterne hal-

Dat Drüdde deel

uen / hadden nach richtlikem Proceffe wol mehr steruen möten / wen de Schwediffchen Regenten wraeck edder blodtgyrich geweest weren / Auerst se hebben Gnade vor rechte gebruket / vnd dennoch weinich danck by dem meisten hupen vordenet.

Tho dersüluigen tydt / sint de Schweden na Leal gerücket / datsüluige Huß / welches dem Claus Kurffel van dem Könige tho Schweden vorlenet was / thobelegerende / Vnd also se nu etlike weken daruör gelegen / vnd eren Höuetman Nyls Dobbele / sampt andern knechten mehr / daruör vorlaren hadden / ns ydt ene thom latesten vgegeuen worden. Nicht lange darna kamen etlikent dusent Rüssen / sampt den beyden vorloopenen Huelüden Fanen / dath Huß tho entfettende / vnd do se vornemen / dat er Loch vorgeues was / hebben se de ganze Wyke dorch geströffet / vnd etlike Schweden in den Häuen / sampt etlikent van Adel / erschlagen / vnd darna wedder samme int Stiffte Dörpte vnd in Wyrlandt gerücket.

In dissem Sommer / Anno 1570. sint etlike Schepc der Dankker Frygbüter / vpdem

Dem Naruiffchen fahr water dorch de Engelfchen genamen / vnde na der Narue tho dem Ruffen geföret worden / dar van auer 70. fint vpgehenget geworden / welcherer Capteinen einer Asmus Jendrich geheten hefft.

Den 18. Augusti / vor middage / hebben beyde Ruffen vnd Dudeschen in einem vngestümen regenhafftigen wedder / darinne se de ganze Nacht gereden hedden / de Röne vor Keuel / etlike hundert stücke / wech gedreuen / vnde etlike Minschen vor der Porten erschlagen vnde vorwundet.

Korthe beschryuinge der Ersten Muscowitischen belegeringe der Stadt Keuel / in welcherer Hertoch Magnus van Holstein / äuerster Felt here gewesen ys.

Anno 1570. den 21. Augusti / vp einen Mandach vor Middage / hefft Hertoch Magnus van Holstein / de Stadt Keuel belegert / mit 25000. Ruffen /

K iij vnd

Das Drüdde deel

vnd erstlick mit dre geschwath Hauerläden/
vnde darna ys Reynoldt van Rosen / vth
dera Stiffte Riga / mit syner Fane dartho
gekamen / vnde ock ein Fenlin dädischer
Knechte van der Arensborch.

Tho dersüluzigen tydt ys ock dat huß
Wittenstein mit etliken dusent Rüssen / vnd
mit einem geschwat Dädischen / deren Rit-
meister Jürgen Tysenhusen van Kanden
gewesen / belegert worden. Vnd alle Dädes-
schen vor Keuel vnd Wittenstein / sint meh-
res deels Lysfendische Juncfern / vnd etlis-
ke ock Börgerkinder van Keuel / vnd an-
dern ördern mehr / gewesen / welche alle
ere Baderlandt / vnder dem schyne des
Hertoch Magni / dem Muscowiter / vth
grothen vnuerstande / hebben vpdragen
willen / so doch ein yder vorstendiger by sich
säluen wol ermeten vnd affnemen kan / dat
de Muscowiter solck eine geweldige Kry-
gesmacht / einem andern nicht thom besten
vthrüsten wolde / sunder he wolde de handt
mit dar manck hebben.

Den 23. Augusti / hebben de Rüssen ei-
nen treffliken vordeel / alse nömliek Sanct
Johans hoff / sampt dem Spittale / vnde
allen

allen waningen van steinen gebuwet / vnd der Stadt gar na gelegen / ingenamen / vnd hebben sich darin beschancken willen. Do sint de Keuelschen samptlich vthgefallen / vnd hebben de Rüssen dorch grothe manheit / vnd mit grother moye vnd arbeide / daruth geschlagen / vnd den gemelten Hoff / sampt dem Spittal / vnd S. Johans Møle / vnd alle de waningen / in de grundt vorbrandt / vnd schlicht gemaket.

Den 29. Augusti / hefft Carl Hindrichsen van Ronckas / de Schweden van Schlachte an de Rüssen geføret / erer etlike erschlagen / vnd einen Boyaren dødtslick vorwundet ingehalet / vnd na dem Schlachte gebracht.

Den 2. Septembris / hefft de Biende mehr Geschütte van der Narue gefregen / vnd datsüluike alle thogelief / vth dem Leger van der äuersten Mølen / vp de Stadt loß geschaten / auerst keinen schaden gedahn.

Den 6. Septembris / hebben de Biende eine Schute / darinne 42. Tunnen bottern gewesen / vnd van Stockholme gekamen was / wech gefregen / vnd de Botter na dem Leger geføret.

Tho differ tydt schreff Hertoch Magn
gnus einen apenen vorsegelden Bress an
de ganze Gemeine tho Keuel/Lus
dende wo folget.

WAT wegen vnser Magnussen van Gades
gnaden/Königes tho Lyfflandt/der Estlischen
vnd Lettischen Lande heren / Eruen tho
Norwegen / hertoch tho Schleswoyck / holstein/
Stormarn vnd der Dethmarischen / Grauen tho
Oldenborch vnd Delmenhorst/Allen in der Stad
Keuel waneude / so der gemeine Christenheit
nütz vnde framen/des bedrangenden vnde vors
ruckeden Lyfflandes bestes/ frygheit vnd wars
hafftige wolfarth siken/eren vnde aller erer nas
kömlingen ewigen schaden/vnheil/vorderff/vns
derganck vnd vele vn!chuldich blodt vorgetent/
vorhöden willen/thouormeldende.

Na deme dith bedröned vnd vorruckede Lyff
flandt van mannigerley Nation erbarmlick tho
reten / de beschwerde ingesetene vnde arme Ins
waner/mit hogem süchtende na einer Düdeschen
Christliken Auerheit/tho dem Almechtigen ges
ropen vnd geschrygen / So hebben wy/van ans
fange vnser Kegeringe gelicksfals/ tho der güs
dicheit Gades / vmmē middel vnde wege/ dar
dorch de armen Lande wedderümine tho rechte
möchten gebracht werden / hertzlichen geschrys
gen/fast veln middel vorsocht vnde vor de hande
genaa

genamen/äuerst dorch Götlike vorhencknisse/
deszulungen so vele Jar her nicht gefunden/ beth
so lange de Keyser/ Grothförste/vnd herscher als
ler Rüssen/in dissem yzigen dage/ sich mit geges
u nen Sgelen vnd breuen / so wol also mit ges
wönlker Bekrüzküßinge yegen vns/ vth vnbes
bryplicher Gades vorleninge/ so gnedichliken ers
keret/mit vns ock geschlaten / vns äuer alle de
Lyfflande/tho einem Köniuge tho settende/ wo
den E. R. M. vns daruör offentlich erkleret dis
ser gestalt.

Dat de Grothförste vns alle de Lyfflande/
entwedder dorch Gewalt / edder transaction les
fern / demgeliken mit dem hilligen Römischen
Ryke/wedder den Türcken/ vnd alle Diende der
Christenheit / sich verbinden wil / auer Lyfflands
schal keine Auericht herffchen vnd regeren/vths
genamen wy/vnse Bruen / edder in mangeling
deszulungen/de Krone tho Dennemarcken/edder
vth dem Lande tho Holstein/ewichlick. Ydr schal
ock kein Rüsse macht hebben / in ganze Lyff
landt / tho herffschende edder thogebedende / als
leine dat de Keiser vnd Grothförste den namen
eines Schutzheren hebben schal vnd wil/welcher
by demzulungen schutz syn ganz Keyserdohm / ya
ock synen Keyserliken Lyff vpon tho settende Bes
krüzküßet / daruör schölen vnd willen wy em/
dem Keyser vnd Grothförsten/ ein gar geringes
vnd nicht danckwerdige erkentnisse thostellen/

Dar Drüdde deel

wo solckes in schriften vorfaret vnd Bekrützküß
set / Erwegen de Keyser vnd Grothförste tho
vulföringe der Bekrützküßfinge / vns vor aff mit
byhebbendem Krygeuolet affgeserdiget / den
Schwedisscheu viendt vch Lysslandt thouordrys
uende.

Dar nu de Stadt Keuel/we solckes ock tho
uorne an einen Raedt vnd Gemeine / schriftlike
vnder vnser handt gelanget / sich in der güde
vns / vnser Eruen / edder in mangelinge dersül
uigen / der Krone tho Dennemarcken / edder dem
Huse tho Holstein / vndergeuen wil / schal se nicht
alleine by den olden Priuilegijs erholden / sun
dern tho Water vnd tho Lande so wol mehr ör
den / mit herlikem / thodrechlikem / vnd ewigen
nütz vnd erspretlikem priuilegijs vormeret wer
den. Dar äuerst de Stadt Keuel dartho geneis
get / ere vnd erer Kindesfinder heyl saluest scken
willen / können wy güdlike vnderhandlinge
lyden vnd dulden / willen ock de vnderhendelers
mit genochsamen Könincklikem geleyde edder
Gyselern vorsehen. Im falle äuerst Keuel tho
erem ewigen schaden vnd nadele / vnderganck /
vorderff / blodtuorigeten vnd mordt / lust vnd leue
hefft / So sy en vnuorborgen / dat de Keyser vnde
Grothförste syne ganze Keyserlike macht daran
setten / se vorheren / vorwösten / vnd in ewige ser
uitut vnd dienstbarkeit bringen werdt.

Vnde wy wünschen van dem Almechtigen

nichts leuers / sunder dat de Neuelschen eren ewigen heyl/gelücke vnd vngelücke/dem geliken dat se wedderümme tho erer olden gebörliken Auericheit kamen mochten/ingedenck syn vnde behertzigē/vnd by sich ryplick bewegen/tho wat grothen / treffliken frygheiden/tho Water vnde tho Lande/se geraden können/vnd wo vnmöges lick ydt sy / dat se sich wedder den Keyser vnde Grothfürsten / de se nicht alleine tho Sommer/ sunder ock tho Winter tyden/ane alle vorhinderinge des Schweden / synes gefallens betrygen vnd dwingen fan/vñ wat men mit dem Schwedischen Köninck im sinne hefft/ichal he(cfft Godt wil)nicht allein alhyr in Lyfflandt/sundern ock in Finlandt/vnd andern örden mehr erfahren.

Dat öuerst de Lögengeister vthgesprenget/ydt scholde disse Krych dem Grothfürsten thom besten geschehen/ys lutter vorsöringe/lögen vnd bedregerye / daruör wy de Neuelschen willen Christliken gewarnet hebben/vnd schölen ydt in Forth de lögengeister mit erem blode betalen/Dar ock alle Christlike warnunge nicht helpen scholden / willen wy vns alles fünfftigen vns heils / vor dem leuen Gade vnd der ganzen Christenheit/entschuldiget hebben/vnd wat se in dem gesinnet / begereu wy ein bestendigen antwerdt.Tho steder faster holdinge obgeschreuer puncte / hebben wy vns mit eigener handt vndereschreuen / vnd vnse Secret wtenlick hyrunz der vp drucken laten.

Solcke

Dat Drüdde deel

Solcke vnd dergeliken Breue hefft Hertoch Magnus vor vnd na der tydt / an den Radt vnd Gemeine tho Keuel etlike geschreuen / Auerst em so lichtliken nicht tho wilfahrende / hadde ein Radt vnd Gemeine manigerley bedencken. Erstlick / dat ydt sich ehre vnd redelicheit haluen nicht gebören wolde / solck eine Stadt / ane noedt / vor Black vnd Papis thouorgeuende. Thom andern / dath de Keuelschen / dorch Gades gnade / des Muscowiters listige vnd geschwinde practiken wat beter vorstahn hebben / alse de gude Here / mit synen Reden vnd anhangen. Wente de Keuelschen hebben wol vormercket / dath de Grothförste de Stadt Keuel tho erlangende / euen desülige practiken vnd geschwindigkeit / dorch den Hertoch Magnum gebrufen wolde / de syn Wader Basilius / in eräueringe der Stadt / vnde des Förstendohmes Schmolenkfo / dorch den Försten Michael Lynßky / gebruffet hefft.

Wente dewyle de Stadt Schmolenkfo / sampt dem Schlate / eine Beste vor gewalt was / de de Muscowiter mit gewalt nicht gewinnen fonde / wovol he syn geslücke /

lücke/in eigener persone/ vnd ock dorch syn
Knygesuoelck offtmals daranne versoche
hadde/ So drecht ydt sich doch ein mahl tho
dem Grothförsten tho gelücke/dat ein treff-
liker Förste/Michael Lynßky genant/ wela-
ckeres Förstendohm in der negen Schmo-
lensko lach/vnd welckers Broder Dochter
de gemelte Grothförste van der Muscow
ock thor Fruwen hadde / van synem Leens-
heren/dem Könige tho Palen/ etliker or-
saken haluett affsellich geworden/ vnd dent
Muscowiter thogetagen was / Welcker
Michael Lynßky sich negen dem Grothfö-
rsten Basilio hedde vornemen laten / wem
em de gemelte Grothförste/dath ganze För-
stendohm / sampt der Stadt Schmolens-
ko / erfflick vorlenen wolde / so wolde he
Schmolensko van dem Könige tho Pa-
len wol affsellich maken / vnd vnder des
Grothförsten beschüttinge bringen / Wel-
ckes dem Muscowiter ein angenehme denck
was / derwegen hefft he sich nicht lange be-
dacht / sunder dem gemelten Försten dath
Förstendohm / sampt der Stadt Schmo-
lensko / erfflick vnd ewichlick vorlenet vnd
thogesecht. Michael Lynßky hefft nicht an-

ders gemeinet / sunder he hadde nu einen
 gnedigen Grothförsten / de em dat wol hol-
 den worde / wat he em gelauet hedde / Rucket
 derwegen mit des Grothförsten Muscowis-
 tischen Krygesuolcke vor Schmolenskfo /
 mit grothem schrecke vnd drouwende / hefft
 ock varneuenst alle kunst vnd rencke mit
 fründtliken werden gebruket / bett he dat he
 de Schmolenskfer darhen bewagen hefft /
 dat se em / alse crem Landesmanne vnd in-
 heimischen Försten / de Beste auergeuen /
 vnd en vor einen Heren angenamen heb-
 ben. Auerst alse Michael Lynskny menede /
 de Stadt vnd Förstendohm thobeholden-
 de / Do hefft des Grothförsten Krygesuolck
 beyde de Stadt vnd dath Förstendohm be-
 settet / vnd den Försten Michael Lynskny na-
 der Muscow geföret / dar he siek entliken in
 einer Förstliken gefencknisse hefft dodt fre-
 ten möten. Also hefft de Muscowiter dorch
 solcke rencke de Stadt Schmolenskfo / sampt
 dem thogehöriken Förstendohm in de 100.
 mylen lanck / erlanget / welches he vnd syne
 vorfaren in hundert jaren mit gewalt nicht
 hadden erlangen können. Geschehen / An-
 no 1514.

Vp desülunge wyse / hefft de Muscowi-
 ter ock dorch Hertoch Magnus de Stadt
 Keuel erlangen vnd bekamen willen. Wen-
 te demyle de Stadt Keuel eine geweldige
 Beste ys / dar de Muscowiter an twyuelen
 moſte / wen he ock mit syner ganker macht
 daruor lege / hefft he diſſe geſchwindicheit
 gebрукet / dat he Hertoch Magnum / de em
 gudtwillich thogetagen was / vor einen Rō-
 ninck in Lyfflandt öffentlich hefft vthropen
 lathen / vp dath de Keuelſchen vnd andere
 order mehr / em deſte ehr thofallen ſcholden.
 Ock hefft ydt dem Muscowiter eine grothe
 häpeninge gemaket / dat vele van dem Lyff-
 lendiſſchen Adel / vnd etlike Börger kinder /
 dem Hertoch Magno thogetagen weren /
 Derwegen gedachte he / ydt wörde nu nicht
 feylen / dath de Keuelſchen den Lyfflendiſ-
 ſchen düdeſchen Rōninck / vnd ere Landes-
 lüde nu ſtracks in laten vnd annemen wör-
 den / gelick alſe de van Schmolenkfo gedahn
 hadden. Wente de düdeſche Rōninck / vnd
 ere Landeslüde worden ſe datho wol bewe-
 gen. Wo denne ock neuenſt Hertoch Mag-
 no / inſunderheit Johan Duue / Elert Kru-
 ſe / Hinrich Bowßmann / eines Radtman-
 nes

Dat Drüdde deel

nes Söne van Keuel / by vorlust des Hemmelrycks / vnd crer Seelen heyl vnd salicheit / solckes vor Radtsam angesehen / vnd de Keuelschen mit mannigerley rencke vnd geschwindigkeit dartho hebben bewegen willen / äuerst hebben nichts vthrichten mögen. Wente wen solckes vth vnuorstande geschehen were / dat men Hertoch Magnum angenamen hadde / So hadde de Rüsse de handt dar manck gehat / de Keuelschen weren aller Christliken Potentaten schuttes berouet geworden / vnd ydt hadde mit Keuel euen desüluike gestalt gen unnen / de ydt mit Schmolensko gewinnen hefft. Äuerst schlichte vnd dumme lüde in Keuel konden des Muscowiters geschwinde list wat beter vormercken / also alle Muscowitische düdesche Knesen / befruede Heren / vnd des Hertoch Magni wysen Rede. Gade sy äuerst loff / de solckes den geweldigen vnd wysen Lüden vorborgen / vnd den entfoldingen tho Keuel in dissier belegeringe geapenbarek hefft / des sicc nu vele hochwysse schemen / vnd de einfoldingen Keuelschen in ewicheit erfrouwen mögen.

Thom lesten also Hertoch Magnus / de
gude

gude junge Here/geschen hefft/dat he vor-
föret was/hefft he den Johan Duuen/ vnd
Elert Krusen/ vnd syne Hoffrede mit har-
den worden vthgeuilket / vnd vor lose vnd
lichtferdige lüde geschulden / de dem einen
Heren aff/vnd dem andern thofellen / vnd
en ock tho dissem spele beredet hadden / vn-
der welckeren Christianus Schroepfer/son
Hoffprediger vnd Radt / fast de Principal
gewesen ys.

Den 16. Octobris/ Is noch eine grothe
macht van Rüssen angekamen/Welcker de
Dpristnicke genömet worden/welcker hupe
grüwliker vnd vele erger / alse de vorigen/
gewötet vnd gedauet hebben / mit mordens-
de/rouende/ vnd bernende / vnd vele lüde/
Eddel vnd vneddel / so van den vörigen
Rüssen vorschonct weren / hamerliken er-
mördet / vnd ere Leger in der Tegel koppel
vor Keuel geschlagen. Tho dersüluigen
tydt/hebben de Keuelschen de Fisscherman/
dar auer 200. Waningen stünden / ange-
sticket vnd vorbrandt.

Anno 1570. in der belegeringe / vomme
Martini hefft sich eine erschrecklike Sucht/
in der Stadt Keuel erhauen/ vnd den ganz-

Dat Driidde deel

Ben harden Winter áuer / bette an dat vor
Jar gewaret / an welkerer sucht vele Bors
ger vth allen Gilden / desgeliken vele Gesel
len / junge Knechte / Frouwen vnd Junck
frouwen / so geschwinde / alse in keiner Pe
stilentie / gestoruen sint / vnd ydt was soick
ein vorreedtlike sucht / dat se de Lúde erer
Sinne / vornunfft vnd sprak stracks bero
uede. Do wordt der Lysflender floeck / erfúl
let. Wente in Lysflandt was dith ein gemei
ne floek / insunderheit by dem van Adel /
Dat dy aller welt plade bestha. Desúluige
fleck ys Lysfland / lender dermaten bestahn /
dat nicht eine plage tho erdenckende ys dar
Lysflandt tho disser tydt nicht mede behaff
tet gewesen ys.

In dersúluigen belegeringe negen Mi
chaelis sint twe flate Kóninckliker fryges
Schepe / de eine flate van Kalmern / vnd de
ander vth Finlandt / vor Keuel vp de rey
de gefamen / de Stadt tho entsettende / wel
kere Schepe so lange vp der reyde gelegen
hebben / bette dat alle Schuten vth Fin
landt vnd Stockhólme aff vnd tho segel
den / vnd der Stadt Keuel allerley notrofft
van prouiane vnde holte thosörden / vnd

vnvorhinder in de Stadt bröchten/do was de Borch entsettet/vn konde mit den frömbden gesten/ de se gedachten dorch langwilige belegeringe tho vexerende / wol vth holden. Tho der tydt geschēhen ane vnderlath vele schermükclinge mit den Vienden vth den Scheyen/vnd vth der Stadt/welckere alle thobeschryuende vmmöglick.

Anno 1571. den 12. Januarij / ys noch ein hupe van Rüssen/mit grothem Geschütze vnd Fürmöscren angekamen / vnd hebben den 13. Januarij/yege de nacht/ twischen S. Johans Molen / vnd der kopper Molen / in grother küldē geschantet / vnd desüluige nacht angefangen in de Stadt tho schetende/vnd fugeln van 25.vnd 16. ock van 6. punden henin geschaten/Auerst hebben nicht vele lüde beschediget/ sunder alleine einen Büssenschütten vp vem Walle/ vnd twe schamele frouwens / beyde Infflike Süsteren/ in einem schöte vp dem auen erschaten.

Den 16. Januarij hefft de Rüsse eine andere Schanze vor der Lehmporten / vp dem bleyckberge geschlagen / daruth he Fürbelle vnd Lümellers in de Stadt geschaten/

vnd nicht ein Huß edder einen minschen beschediget hefft.

Den 17. Januaris / hefft de Rüsse dath herlike Spittal edder Pockenhuß / vor der grothen strandporten ingenamen / vnd etlick Geschütte darin gebracht / vnd sich darinne beschanzen willen / auerst de Keuelschen hebben em nicht lange frist gegeuen / sint stracks densüluigen dach mit ganker macht vthgefallen / vnd hebben sich mit den Bienden geschlagen / Auerst dewyle de Rüssen ein groth vordeel an den grothen waningen / dar eine starcke Mür an der einen syden / vnd ein starck planckwerck van der andern syde vmmehar ginck / inne hadden / daruth se grothe wehre deden / vnd vele Keuelschen beschedigeden / hebben de Keuelschen wedderümme in de Stadt wyken möten / vnd einen gefangenen Düdeschen mit sich ingebracht / Also se nu densüluigen examineret / vnd alle kundtschop van em wech hadden / sint se stracks negen den auent alle bundes wyse / thom andern male / wedder vthgefallen / vnd hebben datsüluige Pockenhuß gestormet / de Biende mit gewalt daruth geschlagen / vñ erer vele vmmegebracht /

vnd

vnd dath Huß angesticket vnd schlicht gemaket / Datsüluike Huß hadde men/vorlangest gerne destruert / wen ein Radther dessüluiigen huses vorstender / dat mit allem flyte nicht geweret hedde / den schaden / so darna geschehen / mach he vor Godt vorantwerden.

Den 30. Januarij / hebben de Reuelischen de Kercke in der Fisschermaye affgebrandt vnd destrueret / wowol ane noedt.

Den 3. Februarij / hefft de Rüsse auer 2000. Schleden / mit roffgude wol geladen / vth dem Leger in Rußlandt geschicket.

Den 22. Februarij / hefft de Rüsse noch eine Schanze vp de reperbane / vor der grothen strandporten / geschlagen / daruth he grüwliker geschaten / vnd mehr Lümelers vnd Füerbelle in de Stadt geworpen hefft / alse vorhen / hefft auerst nenen sünderliken schaden gedahn / sunder alleine einen Büsenschütten vp S. Dleffs toerne / vnd einen Schwedischen landesknecht / vnd oek einen haueknecht / vp dem süster Walle / erschauten / vnd keinen Menschen mehr beschediget.

Den 22. Februarij / sint Johan Frederichs /

Das Drüdde deel

richs / Hertogen tho Pameren / breue by nacht tyden auer de Müer in de Stadt gebracht worden / in welckeren de Hertoch de Keuelfchen tröfede / vnd en tho schreff / Dath erer mit den besten vñ dem dage tho Stettyn / dar beyde Potentaten / Schweden vnd Dennemarcē vordragen worden / gedacht were / dardorch de Keuelfchen einen friffchen modt / in erem langwiligem bedrücke erlanget hebben.

Den 2. Martij / hebben de Biende dre blockhüfer / vor der grothen strandporten / by dem Kalekauen / tho einem schrecke vnde drouwe geschlagen / dar se balde vth gedreuen / vnd de Balcken in de Stadt gebracht sint.

Den 5. Martij / hebben de Keuelfchen den Biendt mit ernste vorsöken willen / sint an twen enden vthgefallen / vnd mit den Bienden geschermükelt / do geschach den vienden an dem einen orde vor der Leympporten / ein temelick affbrock. Domals worden erschaten / des Elert Krusen Sone / vnd einer van den Budtbröken vth dem Stiffte Riga / vnd ein van den Wrangeln van Tallers / vnd andere Biende mehr / beyde
Eddel

Eddel vnd vneddel. Tho disser tydt weren des Hertoch Magni Lÿfflendischen Hauclüde gar feck vnd frendich/alse wolden se de Keuelschen gank vorschlingen / wenn se auerst solcke frendicheit wedder den Muscowiter anfencklich gebruket hadden/So heden se ert Vaderlandt noch disse stunde wol beholden.

Des sint disse belegeringe auer vele mehr Schermükel geholden worden/insunderheit vnder S. Tonnies berge / by dem Gerichte / welckere alle tho beschryuende vnnödich / dar de frygeslüde/ junge gesellen/ hufknechte / vnd jungen / mit hen tho gelopen sint/alse thom danke/ vnd efft wol solckes genochsam vorbaden was/so hebben se ydt doch nicht geachtet.

Den 16. Martij/hefft de Biendt syn leger angesticket/vnd ys in der morgenstunde dar van getagen/ alse he 30. weken / weiniger dre dage/vor Keuel gelegen hadde/welcker dach/tho einer ewigen gedechtenisse/ in Keuel tho vyrende vorordent ys. Vnd sine hyr Godt loff/ alle rencke / anschlege/ list/ vnd geschwinde practiken des Muscowiters tho schanden geworden. Do sint de Rüs-

Das Drudde deel

sen den Naruiffchen wech / vnde de Dudeschen den wech na Wittenstein getagen / dar ock ein hupen Küssen / mit einer Fane Dudeschen vor legen / vnd sint also beide leger / vor Keuel vnd Wittenstein vopgepraffen / vnd mit spotte dar van getagen. Herloch Magnus auerst hefft syn Borchleger tho Querpalen angeschlagen / vnd dewyle Querpalen alle de Huelude / nicht vormochte tho vnderholdende / hebben se van dem Muscowiter im Stifte van Dörpte einen vnderholdt / by den Buren erlanget: Vnd schölen in dissen beiden belegeringen / vor Keuel vnd Wittenstein / 9000. Küssen gebleuen syn / welekere de Muscowiter / nicht vorgeues in de schanke gesehet hefft / wente he wolde ein part mit an Keuel vnd Wittenstein hebben / effte he wol den vorstendigen Dudeschen in Lynfflande / de em thogefallen weren / solches nicht hefft apenbaren willen.

Ydt ns auerst billich an thomerckende / wat Lynfflandt vor ein Landt ns / vnd wael ydt wol vormach / wente wowol Harrigen kume dat twintigste deel des Lynfflandes ns / vnd mannichmahl vorhen van dem Muscowi

ewiter auertagen vnd vorheret ns/so heffe doch disse einige ordt Landes so vele vor- mocht/ dath he auer 30000. Man/ Küssen vnd Dudeschen thosamende /welcker alle vnratlick geteret hebben / 30. weken lanck/ mit foder vnd mael/gank richlick vthgehollen hefft / ane wat de Biende noch by etliken dusent Schleden/mit Korne vnd allerley roffgude vul geladen / neuenst etliken dusent houeden van Behe vnde Perden / wech geforet hebben / vnde ns dennoch genochsam na gebleuen/dath beyde Eddellude vnd Buren gesecht hebben / se wolden den schaden nicht achten/ wenn ydt dar men by blyuen mochte.

Anno 1571. im Martio/ns de Kusse ock auer Jss in Finlandt gefallen/ vñ hefft dar grothen schaden gedahn/mit mordende vnde bernende / vnde hefft etlike dusent Menschen/junck vnd olt/ wech in Ruslandt vnd Laterien geforet.

In demsüluiigen vörjare/hebben sich de Buren in Harrigen vnde Zeruen / de van den Bienden kale vnd vloed, gemaket wesen / by hupen vorsammelt / vnd in Wyrlandt welches dem Küssen thohoret / etlike

Dat Drüdde deel

mahl na einander gefallen / vnd den einen roff na dem anderen daruth gehalet / beth so lange se de schanze ein mahl vorsegen / Wente also de Rüssen van Wesenberge vnde Narue vornamen hadden / dat se wedderkamen wolden / hebben se sich gestereket / vnd also de Buren an quemen / vnd des roues mehr also der Viende / war nemen / sint se van den Rüssen vorschnellet vnd auer 600. by der beke tho Muddes / namerliken erschlagen worden.

Anno 1571. den 24. Maij / vp Hemmelfarths dach / hefft de Later dem Muscowiter syne Huetstadt / de Muscow / gang vthgebrant / in welekerem brande auer 40000. Hüser / Heren häue / vnd waningen / sampt allen Kercken / vnd Spnykeren / vnd in de dre mahl hundert dusent Minschen / junck vnde vldt vorschmofet vnde vmmegefamen sint / Vnd disse brandt ys in dren stunden forth vnd gudt tho gegahn. Wente also de Later tho 8. schlegen vor middage / mit 40000. Man angefamen was / vnd dath Für darin gebracht hadde / do was ydt vmmee de flocke u. tho middage alles klar / welches hoch thouorwunderende ys / vnd alle

Mins

Menschen de de Muscow vorhen gesehen hebben / vnd ock in dem brande darbinnen gewesen / möten bekennen / Wen de Muscowiter de Stadt süluest mit finte hadde ansteicken vnd vnd vorbernen willen / dath yde em vmmögeliç gewesen were / in velen dagen alles so reine affthobernende / alse yde dar in dren stunden geschēhen was. Hvr ys dem Muscowiter wedder betalet / wat he dem Armen Lyfflande vnde Finlande / den Winter auer thouorne gedahn hadde.

Anno 1571. den 14. Julij / Ys Jonas Offenbürger / Kaysers Maximilian 2. Legate / van Riga aff auer Water tho Keuel gefamen / vnde den 16. Junij vp dem Rads huse gewesen / vnde de Kaysersliken werue dem Rade tho Keuel entdecket.

Na dem nu Hertoch Magnus van Keuel affgetagen was / vnd vp Duerpalen siek vorheelt / vnde dath gebede Duerpalen syne Huelude alle / mit vullem halse vnde frake / na erer gewanheit / tho vnderholdende nicht vormochte / vnde ock kein Geld dar vorhanden was / hebben se ock keinem andern Heren nicht thotehen doruen / hebben siek de Byff Janen vordelct /

Dat Drüdde deel

fäluiigen Ritmeisters / nömlicf Hans van
Zeyß / vnd Reynoldt van Rosen / sint mit
eren Fanen int Stiffte Dörpfe / manck de
Buren vorstrouwet geworden / vnde twe
Ritmeisters / alse Johan Mandel van der
Wollust / vnd Hinrich Bowsman / sint mit
eren Hueläden im Gebede Querpalen /
den Buren vp den Hals gelecht worden /
vnde Jürgen Tysenhusen van Randen /
hefft mit syner Fane sieck in dem Wittens-
stenischen Gebede / im Dorpe tho Vbbagal
gelegert / vnd dar vmmeher geschümet / Do
hefft de Gast / de den Wulff plecht vth dem
Bussche thonagende / de Querpalschen Ha-
uelüde ock na Keuel gedreuen / der Stadt
Lynnnewandt vp den bleyckbergen / vnd dath
Behe vor der Stadt / in der Wende tho
vorrasschende / Darmit Kales males Hemb-
de auer dath Lynff / vnd ock wat tho fretende
Frygen möchte. Do hebben se den 9. Julij /
etlike stücke Lynnnewandt / vnd etlike höuet
Behes / vor Keuel erhasschet / vnd wech ge-
dreuen / Auerst de Bürger / vnd de Landes-
Fnechte sint balde ferdich geworden / vnde
hebben en dat Behe / 4. myle van der Stadt
in Delwicks Haue / affgeyaget / vnd de stro-
fers

fers v̄p de flucht gebracht / Darna h̄s Carl
 Hindrichsen / ein gar hunger Man / v̄nd eis
 nes Ridders Sone van Kancas v̄th Fins
 landt / mit 300. Schwedisschen knechten / in
 Teruen gerücket / de Querpalschen Biende
 wyder tho vorfolgende / v̄nde dorch Bussch
 v̄nd Broeck v̄p se genlet / v̄nd hefft des Jür
 gen Tysenhusen van Kanden Fane / dar
 unter fast alle Lysflendische Juncfern ges
 wesen / by nacht tyden / im Dorpe Vbbagal
 vorrasschet / v̄nd se sampeliken alle erschla
 gen / erwörget v̄nd in den katen vorbrandt /
 v̄nd statlike büte erlanget. Do wordt den
 Jürgen Tysenhusen wedder vorgulden
 v̄nd betalet / wat he mit synen Hauclüden /
 wedder syn Vaderlandt begahn hadde / v̄nd
 dat he syne Lysflike Suster / wedder alle brö
 derlike leue v̄nd affect / hadde im Sacke
 vorsöpen lathen / Darümme dath se einen
 Schryuer leeff gewonnen / sich mit em vor
 sehen / v̄nd en tho der Ehe begeret hadde.

Anno 1571. Im Sommer / yegen Jaco
 bi / h̄s wedderümme eine hefftige v̄nd schar
 pe Sucht der Pestilentie tho Keuel / v̄nde
 dorch ganz Lysflandt gewesen / v̄nde in der
 Stadt Keuel hefft sich desüluiige Sucht / v̄p

Das Drüdde deel

der Apoteken / am aller ersten vormercken
laten / vnd darna sick in der ganken Stade
vthgebreidet / daranne vele lüde junck vnd
Alt gestoruen sint. Vnd dewyle de Suche
der Pestilencie vp der Apoteken / dar alle
Lüde trost / hülpe vnd remedia daryegen
tho söken plegen / sick erstlick hefft vormer-
cken laten / ys ane twynuel solches / ane sun-
derlike Gades vorhenckenisse / nicht gesche-
hen. Wente Godt der Almechtige hefft
dardorch antögen willen / dath de remedia
in den dren Höuetplagen / nömliken / Pes-
tilentie / Knych / vnd düre tydt / dar Gode
de vngheorsamen Lande vnd Stede mede
plecht tho straffende / nichtes gelden / vnde
dat in solcken nöden keine betere remedia /
vormöge Gödtlikes wordes / gefunden wer-
den / alse Bote vnd beteringe / vnd ein an-
dechtich Gebedt tho Gade dem Almechti-
gen / vmmе linderinge solcker straffe.

Anno 1571. den 21. Octobris / vp einen
Sondach / hefft Reynoldt van Rosen / de
Muscowitische Ritmeister / synem Heren
de Stadt Dörpte vorrasschen vnd affhen-
dich maken willen / dorch anreikinge Johan

Dauen vnd Elert Krusen/vnd also he alre-
de mit syner Fane in de Stadt gekamen
was / meinde he dat de Dudeschen Börger
tho Dörpte em stracks thofallen / vnde mit
vp de Rüssen schlahn scholden / Auerst de
Rüssen hebben sich balde gestercket/vnd den
Reynoldt van Rosen auerweldiget/dat syne
Hauelüde Godt gedancket hebben / dath se
wedderümme vth der Porten gekamen sint.
Reynoldt van Rosen auerst/vnd syner Ha-
uelüde etlike/hebben her holden möten/wel-
ckere in velen stücken thohacket sint / Dar-
na hebben de Rüssen den Dudeschen Bör-
geren tho Dörpte / de hyr nichts van wüs-
sten / vnd differ müterne ganz vnschuldich
weren/vth archwahn de Häuser gestormet/
de Börger fast alle / sampt eren Frouwen
vnd Kinderen / vnde dath ganze Hußge-
sinde / erbarmlick vnd ganz elendichlick er-
mordet/vnd ere Häuser alles pryß gemaket/
vnde geplündert / vnde disse Moerdt vnde
plünderinge hefft dre dage lanek gewaret.
Wat do vor ein hammer vnd elende tho
Dörpte gewesen ys/kan ein yder vornunff-
tiger wol affnemen/ ys ock vnmögelick vth
tho sprekende. Disse anschlach hedde dem
Rey-

Dat Driidde deel

Reinoldt van Kosen vellichte wol gelungen / wen he solckes dem andern Ritmeister / Hans van Zeyk / geapenbaret / vnd en mit dartho genamen hadde. Auerst Reynoldt van Kosen hefft entwedder dem andern Ritmeister solckes nicht vortruwen döruen / edder he hefft neuenst Johan Duuen vnd Elert Krusen / den rohm alleine hebben willen / Darümme he ock de straffe der godtlosen houardt vnd müterne heffe lnden möten / vnde Godt de Almechtige hefft ock nicht gewoldt / dat de Stadt Dorpste / sampt dem ganken Stifte / dorch solcke lichtferdige middel scholde erreddet werden. Also auerst Johan Duue vnd Elert Kruse gesehen hebben / dat de anslach gefeylet hefft / hebben se dem Muscowiter eren Förstenstandt thom vnderpande gelaten / vnd sint in Palen geflagen. Also ys disse Fane der Stiftischen Eddellüde van Rynga ock affgedancket vnd betalet worden / vnd Hans van Zeyk hefft de betalinge ock nicht affharren willen / sunder ys daruan getagen.

Also nu Hertoch Magnus vp Quetpalen van dissem handel hörde / Wowol he
das

Dar nichts van wüste / vnd gank vnshül-
 dich was / hefft he sich dennoch einer Su-
 spicion vnd Archwahns des Grothfürsten
 befrüchtet / vnd derwegen sich van Quer-
 palen / vth des Muscowiters gebede / wech-
 na der Arensborch begeuen / vnd aldar ein
 eydtlanck Fußgcholden. Do weren de twe
 äuerigen Fanen im gebede Querpalen
 noch öueler daran / alse vorhen. Wente yde
 weren desüluigen / de dem Könige van
 Schweden dat Fuß Keuel vorrasschet
 hedden / Derwegen hebben se sich noch in
 Schweden / noch in Palen begeuen döruen /
 dewyle de beyden Könige vor einen Maß
 stünden. Thom lesten / alse de Köninck tho
 Schweden mit dem Muscowiter noch im
 Krynge schweuede vnd Krynge slüde bedörff-
 te / vnd de afftrenningen Huelüde nu gude
 vnd böse vorsocht hadden / hefft de Köninck
 van Schweden sich erer erbarmet / vnd sy-
 ne ergesten Vyende wedder tho gnaden
 angenamen / vnd se gelick den andern vn-
 schuldigen / mit ehrlicher besoldinge vnd vne-
 derholdinge vorsorget / vnde tho grothen
 Emptern gesettet / vnd ys densüluigen van
 dem Könige / edder van den Schwedif-
Z
schen

schen Regenten / nūwerle vorweten edder
 vorgeworpen worden / wat se den Schwes-
 dischen v̄p dem Huse tho Keuel / v̄nd in der
 belegeringe / mit anföringe der Küssen/
 bewysset v̄nde thogedreuen hadden. H̄r
 mach men des hochlöblikē Königes van
 Schweden / v̄nd syner Ridder chop grothe
 gedult / gnade v̄nde gūdicheit / sehen v̄nde
 sporen. Auerst wo erer etlike solckes dem
 Könige belonet / v̄nde auermahls betalet
 hebben / werdt herna vormeldet werden.
 Also ys des Magni v̄nde syner Haulūde
 regimente v̄p dath mahl thotrennet gewor-
 den.

Anno 1572. Hefft de Muscowiter eine
 bestellinge dorch Jürgen Farenßbeck van
 Nelsf̄y / v̄thgahn laten / Dūdesche haelūde
 wedder anthonemende / v̄nd in de Muscow
 tho bringende / de he nicht alleine wedder
 den Latern / sunder ock wedder andere Vy-
 ende gebruken wolde / alse den de bestellinge
 vormach / darup gemelte Jürgen Farenß-
 beck / van v̄th v̄nde inheimisschen Haelū-
 den / eine Fane dem Muscowiter thogefōret
 hefft / Welckes vorhen in ewicheit nicht ge-
 hōret ys / dath de L̄yfflender v̄nd v̄thlender
 s̄ick

sick also tho dem Muscowiter geschlagen
 hebben/alse in dissen jaren geschehen ys. De
 leuen olden hebben sick vor dem Muscowi-
 ter geseget/vnd vele der yungen Lyfflen-
 der jziger tydt hebben ere hogeste thofliche
 dar hen gescttet/vnangesehen/dat de Mus-
 cowiter vimmerdar ane vnderlad erem Vas-
 derlande na getrachtet / vnde sick offentlich
 horen lathen hefft / Dath he mit Lyfflande
 nicht vphoren wolde/he hedde denn dat vn-
 frudt / nomliken den Lyfflendischen Adel/
 vnd alle Dudeschen/vth Lyflandt gank vnd
 gar vthgeradet/Noch hebben vele der Lyff-
 lender / vth grother blindtheit vnde vnuor-
 stande / mit alle erem vormoge dartho ge-
 hulpen / dath se deste ehr gank vthgeradet
 werden mochten.

Anno 1572. Im Maio/sint auer 1000.
 Russen/neuenst etliken Dudeschen / an den
 Wyckschen Sundt getagen / den Hertoch
 Magnum van der Arensborch wedder tho
 forderende/Auerst domals ys Hertoch Ma-
 gnus nicht gefamen. Nicht lange auerst
 darna hefft Hertoch Magnus sick wedder
 tho dem Muscowiter begeuen. Do ginc ein
 groth geschrey / dat em 7. Huser / vnd nicht

Das Driidde deel

de geringesten / van dem Muscowiter in
Lysflandt scholde ingerümet werden / als
uerst ydt ns noch thor tydt nicht geschehen.

Anno 1572. den 1. Augusti / sint des
Königes van Schweden / vnd Hertoch
Caroli van Sudermanlandt / Legaten vñ
dem Radthuse tho Keuel gehöret worden/
Welcherer Instruction vormocht hefft /
Dat Hertoch Carolus / in eigener perso-
ne / mit einem statliken Krygesuoelcke / vele
dusent starck / den Muscowiter tho vorfol-
gende in Lysflandt kamen wolde / welches
den van Keuel ein grothe fröwde gewesen
ys / also dat vele gesecht hebben / Nu schal
vnse gelücke ersten angahn. Auerst Her-
toch Carll ns / van wegen anderer vorge-
fallenen geschefften / vthgebleuen / vnd de
halue Krygesmacht ns nicht angekamen.
Do ginck der Stadt vnd des Landes vn-
selücke ersten recht an / wo hyr na folgen
werdt.

Anno 1572. den 7. Septembris / ns ei-
ne macht van Rüttern vnd Sinechten beyde
Schweden vnd Dudeschen / tho Keuel an-
gekamen / vnd na dem se suß gerüstet had-
den / sint se vor Wesenberch gerückert / vnd
hebben

hebben dar mit den Rüssen geschermüßelt / vnd in Wyrlande gerouet / vnd einen grothen roeff van Ossen vnd Röhnen erlanget. Darna sint se vor Querpalen getagen / hebben dar ock geschermüßelt / vnd den besten Fürwerker vorlaren / vnd sint also mit Ossen vnd Röhnen / wedderümme tho Reuel gekamen.

Tho dersüluigen tydt ys Jürgen Br el van Padenurm / mit etliken Schwedischen / na der Arensborch gerucket / vnd hefft mit grothen drouwende dat huß Arensborch vp thogeuende begeret / vnd wen he ein weinich mehr ernsts daruor gebruket hadde / were ydt em ane twyuel gelungen. He hefft em auerst dat Kerckspel vnd gebede / Ryckfonde / affgedrungen / welches de Arensbörger dorch vnderhandelinghe darna wedder erlanget hebben.

Anno 1572. den 16. Decem. sint des Königes van Schweden Rnygeslüde / an Rüttern vnd Knechten vngefehr 5000. stark / int Felt gerucket / in meininge Querpalen tho belegerende / vnd hebben einen grothen vmmeschweyff na Mariama / vnd so vordan na Belyn / des roues haluen gena-

Dat Drüdde deel

men vnd twe Cartouwen / sampt dem frude vnd lode / hebben se den Wittensteinischen wech in de richte gahn laten / tho welckeren beyden stücken noch andere grothe stücke mehr van Wittenstein kamen scholde / ydt sint äuerst de beyden stücke nicht wyder / also in den Nyen hoff / 5. mylen van Keuel gefamen / in dem Wynnachten Feste. Tho dersüluigen tydt ys de Grothförste van der Muscow / thom ersten mahle / in eigener persone / sampt synen beyden Söns / vnd mit 80000. Man / vnd mit velem Geschütte / in Nyfflandt gefamen / Dar de Schwedischen gar keine kundtschop tho Keuel / vnd tho Wittenstein / van gehat hebben / Bth orsaken / dath se alle seker weren / vnd gedachten / ydt hadde nu keine gefahr / Wente dewyle des Köninges Knygesuolck int Felt trecken würde / scholde de Muscowiter nicht einmal vp düken döruen / vnd heden sich alle / hoges vnd nedderiges standes / dith also ingebildet / dat de Muscowiter nu gank krafft vnd machtloß were / Derwegen hebben se alle kundtschop in den windt geschlagen / Auerst ehr se sich am weinigsten daruor hödden / do lach de Muscowiter in
eige

eigener persone mit geweldigher Hereskrafft by Wesenberge/ vnd de Keuelschen/ so wol als Her Claus Afesen Knygesäuerste/ vnd alle Knygeslūde vor Duerpalen / wusten dar noch gar nichts van/ Alleine de Wittensteinischen hadden etwas daruan vornamen/ vnd dennoch nicht gelouen willen/ dat ydt so gefehrlick syn scholde/ sundern gemeinet / ydt werc men ein ströffende hupe / de vellichte vp dat geschütte im Nyen haue luren scholde. Bth solcker sekerheit hefft Hans Boy Stadtholder / fast alle Knechte vambuse dem Geschütte/ auer 6. mylen/ entyegen geschicket / vnd hadde dat hufz Wittenstein also geblötet/ dat nicht 50. wehrhafftige Knygeslūde dar vp gebleuen weren / alleine 500. schlichte Buren/ de vp dath hufz geflagen weren. Hans Boy hödde sich dar nicht vor/ dat de Muscowiter nicht dath geschütte im Nyen haue / sundern dath hufz Wittenstein meinede / darümme ehr he sich des vormodede/ do lach de Muscowiter mit Hereskrafft vor Wittenstein / Do hedde ydt Hans Boy mit den Knechten wol gerne anders gesehen / do was ydt vel tho spade.

Das Driüdde deel

Alse äuerst Wittenstein belegert was/
do worden etlike dusent Rüssen vp fundt-
schop affgeserdiget / welckere ganz Harrig-
gen vnde Teruen dorch gestroffet hebben/
vnd vele Lude tho Hufz gefunden / dar de eis-
ne Fründt vnd Naber tho dem andern / in
den Wynnachten feste / tho gaste gekamen/
vnd de Frouwen mit eren besten Kleyderen
vnd geschmyde vthgeschmücket weren / vnde
siek in grother sekerheit frölich vnd gudes
dinge makeden. Do hefft se de Muscowi-
ter / bauen alle vormodinge vnde thouor-
sicht / vorschnellet / erer ganz vele erschla-
gen / vnd vele dusent / junck vnd olt / gefenck-
lich wech in de Muscow vnd Laternen vor-
föret / Wat do vor ein elende vnd yamer in
Harrigen vnd Teruen gewesen ys / ys vn-
uthsprecklick.

Anno 1573. den 1. Januarij / vp Nyen-
jares dach / vomme twe schlege na Middage /
hefft de Muscowiter dath Könincklike Hufz
vnd geweldige veste Wittenstein / mit stor-
mender handt eräuert vnd ingekregen / na
dem he in den sösten Dach daruör gelegen /
vnd geschaten hadde. Wente alse he vp S.
Johannis dach / in dem Wynnachten feste /

vpon einen Sonauent dat Huß belegert hadde
 de hefft he jdt vpon den negestfolgenden Dono-
 nerdach erlanget / vnd ys also thogegahn.
 Na dem de Knygesäuerste / Claus Alfen /
 mit synen Knygeslüden den vmmeschwenff-
 na Belyn / des Koues haluen / genamen /
 vnd twe Cartouwen den Wittensteinischen
 wech / mit weinigem Volcke / in de richte
 gahn laten hadde / hefft gemelte Knygesä-
 uerste 500. Perde dem geschütte entnygen /
 van dem hupen affgeferdiget / Auerst do-
 mals noch keine kundtschop van dem Mus-
 cowiter gehat / de alrede gar na was / Vnde
 wowol de Stadtholder vpon Wittenstein et-
 was kundtschop hadde / so hefft he sich deno-
 noch nichts anfechten lathen / sundern de
 Knechte vam Huse dem geschütte tho hül-
 pe geschicket / Vnd alse de Knechte vam hu-
 se wech weren / kamen de Huelüde / nömli-
 ken de 500. Perde / van dem Knygesäuer-
 sten dem geschütte entnygen affgeferdiget /
 vnd begeren vor dem Rüssen vpon dat Huß
 Wittenstein tho wesende. Auerst dewyle de
 Stadtholder de Knechte mehrendeels wech
 geschicket hadde / vnd he nu gar schwack van
 Schweden vpon dem Huse was / dorste he den

Dat Drüdde deel

Düdeschen haelüden nicht betruwen / vnde befrüchtede sich / wen se darup quemen / dath se den dohn scholden / gelick alse Claus Kurfel gedahn hadde / Wo he den ock van einem Düdeschen ns gewarschuwet worden / dat he de Haelüde nicht vp dat Huf steden scholde. Alse nu de gemelten Haelüde vor by tehen mösten / vnd henwech weren / vnd de Muscowiter / mit ganker macht / herandringende quam / do hadde ydt de Stadtholder wol gerne anders gesehen / Auerst ydt was altho spade.

Als: äuerst de Haelüde in den Nyen Hoff by dat Geschütte gefamen weren / dar se einen hupen Tunnen mit Beere vnd alserley profiande / weleks na dem Leger scholde / vor sich fünden / hebben se dar stracks angefangen tho supende / vnd tho schlemmende / beth in de middernaecht / ane yennige bestelledede wacht / derhaluen alse se nu alle vul weren / hebben se sich eins deels binnen / vnd eins deels buten dem Stacket / vp dem fryen felde / ane yennige Wacht / ganz seker schlappen gelecht. Nicht lange darna kumt de Muscowiter / 5000. starck / herandringende / vnd hadde se schyr in vntyden vpgeweckt /
wen

wen einer syner nodtrofft haluen nicht vth-
 gegahn/ vnd des Muscowiters war gewor-
 den were / vnde alse desüluige einem allerm
 maket / do faren de andern vth dem schlape
 noch halff vul/vnd können kuinc ere Perde
 finden / De Trammeter fenck an tho bla-
 sende/auerst balde was ein Küsse hinder em
 her/ vnde houwede em den Kop midden en-
 twey/ desgeliken etliken andern mehr. De
 andern Havelüde auerst binnen dem Sta-
 cket / de nu ein ste n vordeel inne hadden/
 alse se dissen allerm hörden/sint se balde fer-
 dich geworden/ vnd hebben sich heruth inth
 Felth begeuen / vnde tho den Küssen inge-
 settet/ vnde einen treffliken stolten Musco-
 witischen Fenrich erschaten / sampt an-
 dern Küssen mehr/vnd dre gefangene beka-
 men vr^d ingebracht / Welckere na vnder-
 schendlikem vorhöre / alle einhellich bekent
 hebben/ dat de Grothförste/ mit synen bey-
 den Söhns / vnde mit 80000. Mann/vor
 Bittensteyn lege/ Desgeliken ock Hertoch
 Magnus van Holsteyn / ock mit weinich
 Düdschen. Derhaluen alse de Havelüde
 im Nyen haue disse kundtschop hörden / ys
 en so bange geworden/ dath se nicht gewust
 heb^e

Dat Drüdde deel

hebben / welkeren wech se sich na Keuel wedderümme begeuen scholden / vnd hebben sich nlich dorch Bussch vnd allerley by wege dar van gemaket / vnd sich stedes vmmegesehen / efft de Rüssen oft hunder en her weren. Also hebben se den Nyen hoff vorlopen / vnde dat geschütte / oft de Schwedischen knechte / sampt dem Junckern Arenth Zuuen / dem de Hoff tho hörde / vnd vele arme Buren / mit eren Wyueren vnd Kinderen / dem Muscowiter thouorne geguen.

Alse disse Havelüde / mit den gefangenen Rüssen / tho Keuel quemen / do hebben de Keuelschen erst de kundischop gekregen / dath Wittenstein dorch den Grothfürsten belegert were / welches dennoch vele nicht hebben gelouen willen / sundern gesecht / ydt hadde keine noedt / des Königes van Schweden volck lege tho velde / vnd Wittenstein bleue wol beholden. So seker sint de Schwedischen alle domahls in der grothen gefahr gewesen / vnde de armen Buren / de vorhen in de Stadt geweken weren / sint mit eren Wyueren vnd Kinderen by hupen vch der Stadt wedderümme tho Lande getagen / vnd hebben sich keines argen

gen befahret / dewyle des Königen van Schweden Knygeslūde tho Belde legen. Vnd wowol se āuer eine / edder twe myle wegēs / des Rüssen fūr segen / hedben se ydt dennoch nicht geachtet edder gelōuen wilsen / sundern gedacht / ydt weren ere eigene Knygeslūde / derhaluen se schēdtlicf van den Rüssen vnde Latern sint vorschnellet worden. De Knygeslūde āuerst im Leger vor Querpalen / alse se des Muscowiter scheetent vor Wittenstein hōrden / hedben ock nichts dar van gewust / sunder vnder ein ānder gesecht / de Wittensteinischen doht frōuwden schōte / dem Köninckliken geschūtete van Reuel thon ehren.

Dith grūwlike schetent were dem Muscowiter vor Wittenstein nicht nōdich gewest / dewyle he doch wol wuste / dat dat huß ganß schwack vnd bloedt van Knygeslūden was / āuerst dewyle he ein vorkaget Knygesman mit stormende ys / hefft he syn gelücke mit grothem schetende vor söken wilsen. Alse ydt āuerst em darmede feylerde / hefft he vth nodt stōrmen mōten / wente he sich der Schwedischen entsettinge ock befruchten moeste. He hadde āuerst darsälūige

Dat Drüdde deel

Huſz domals lichtlick thostormende vnde inthonemende / dewyle kein Knygesuolet daruppe was.

Dith ys dat erste Huſz edder Veste / dat de Muscowiter syn leuelanck mit stormender handt cräuert hefft. Wente alle des Muscowiters Knygesrüſtinge steyt nicht vp grothe manheit / frendicheit / macht edder gewalt / sundern vp gelegenheit / vorederne / list / schreck vnd drouwende / dardorch he vele Lande vnd Besten ingekregen vnd erlanget hefft / Auerst de sich etwas thor yegenwehr gestellet hebben / dar heffe he nichts an hebben mögen.

Alse nu de Rüssen vp dat huſz Wittenstein gefamen weren / do ys idt an ein schlachtent gegahn / vnd mosten dar alle herholden / beyde Frouwen vnd Junckfrouwen / eddel vnd vnedel / vthgenamen etlike arme Buren / de vth list sich in de Thorne der gefenckenissen henunder gelaten / vnd vorgegeuen hadden / dat se gefangene lüde / vnd Hertoch Magni vnderdanen van Querpalen weren / disse sint am leuende vorschonet / vnd der erdichteden gefenckenisse erleddiget worden. Auerst den Stadtholder Hans Boy /

Von/mit velen andern Schweden/Düdeschen vnd vndüdeschen / hefft men vor den Grothförsten gebracht / de se leuendich an ein Spit hefft binden/vnd tho dode braden laten/welcher bradent etlike dage vor Wittensteyn gewaret hefft. Vnd sint tho der tydt der doden Körper in Jeruen allenthaluen so vele gelegen/ dat de Hunde / wilden Deerte/vnd Vögele/siek lange genoch daemedede tho schlepente hadden/wente dar was nemandt vorhanden/de se begraucn fonde.

Den 11. Januarij/hefft de Muscowiter den Nyn hoff / dar de beyden Cartouwen legen/ ingenamen / vnd de Schwedischen knechte/ de by dem geschütte gebleuen werē/sampt dem Juncfern des Haues / vnd alle de Bure/sampt eren Wyuern vnd kindern/ in de 300. personen/ darup gefangen genomen/vnd den Juncfern tho dem Grothförsten na Wittensteyn geschicket / dar he ock sampt synen Schwegern vnd vorwanten/ ys am vüre tho dode gebraden worden / de andern alle / beyde Schwedischen knechte vnd Buren/juncf vnd oldt/hebben de Rüffen im Nyn haue tho dode geschmökēt vnd vorbrandt/ darna hebben se den gemelten Hoff

Dat Driidde deel

Hoff also vorwöset / dath cinem / de dar in
gekamen ys / vor grothem grüwel de Haer
tho berge gestahn hebben. Korth thouorne
hefft de Bōrgerschop tho Keuel dat Krudt
vnd Loedt / mit grother gefahr / wedder van
dar gehalet / Wen de vam Echlate ock tho
der tydt etlike Perde na dem Geschütte aff
geferdiget hadden / so were ydt dem Könin
ge van Schweden ock wol thom besten er
holden gebleuen.

Den 14. Januarij / ys Claus Afesen
Krygesäuerste / mit synem Krygesuolcke
vthgerücket / de armen lüde in dem Nyen
haue thoentsettende / vnd also he tho Wan
te / dre mylen van Keuel / gekamen was /
hefft he in dem süluigen Dorpe einen Küß
sen gefangen gefregen / welcker kundtschop
gegeuen / dat Wittenstein / sampt dem Nyen
haue vnd dem geschütte / alle in des Küßen
gewalt were / vnde trüwlich geraden / dath
Her Claus Afesen mit synem Krygesuol
cke balde wedderümme feren scholde / edder
he worde äuel antopen. Also Claus Afesen
vnd de Krygeslüde solckes gehōret hebben /
sint se nlich / de nacht äuer / wedder tho rüg
ge geferet / De Keuelschen äuerst do se disse
Kundt.

Fundtschop des Rüssen/van der vorlust des huses Wittensteyn hören / hebben se ydt noch nicht gelouen willen / vnangesehen dat de gefangene Rüsse darup gestoruen was.

Alse nu de Grothförste van der Muscow dat huf Wittensteyn wech vnd wolbesetzt hadde / hefft he synen geweldigen hupen in dre parte gedelet / Mit dem einen hupen / sampt der Archelne / welekere syne Hakenschütten/vnd nicht de Perde/hen vnd her trecken möten / ys he in Rufflandt gerucket / vnd tho Nowgarden eine tydtlanck stille gelegen / Den andern hupen hefft he na dem huse Karcks / welches ock Schwedisch was / affgeferdiget / vnd datsülige Huf dorch schreck vnd drouwent erlanget / vnd darna datsülue Hertoch Magno van Holsteyn ingedahn vnd vorlenet.

Den drüdden hupen hefft he na der Wick geschicket / de örde vmmehabsel / Lode vnd Leal / thouorherende / vnd desüluigen huser ock mit drouwende vnd schrecke anthofechtende / Auerst de Schweden vp dem gemelten hüseren hebben sich redelick gehalten / vn̄ des Muscowiters schreck vnd drou-

Das Drüdde deel

went ſich nichts anfechten laten. Diſſe hup
 pe hefft dorch Gades ſchickinge einen treff-
 lichen ſpot in der Wyck ingelecht. Wente
 Her Claus Afesen/na deme he mit ſchmer-
 ten des Muſcowiters wötent vnde dauent
 neuent dem vorſprocke der Bürger/ lange
 genoch geduldet hadde / ns he in hefftigen
 mode mit ſynem frygesuolcke/ äuerſt nicht
 ſo ſtarek alſe vorhen / wedder vthgerücket
 den Wyendt tho ſökende/vnde alſe he nicht
 verne van Lode an de Küſſen getroffen/
 hefft he ſyne vordrafft/welckere meiſt Luff-
 lender geweſen vor anſetten laten/vnd alſe
 diſſe dorch des Muſcowiters hupen geſettet
 hadden/vnd vor verheit der Küſſen tho dem
 Schwediſſchen hupen nicht wedder kamen
 konden edder wolden / hebben ſe de flucht
 genamen / vnde den Schwediſſchen hupen
 deſte ringer vnd Schwacker blyuen laten/
 vñ ſint geſlagen na Keuel/na der Parnow
 Bickel / Lode / wor ein yder henne kamen
 fonde/vnd hebben allenthaluen böſe tydin-
 ge / alſe ſcholden de Schwediſſchen nedder
 gelecht ſyn/ vthgeſprenget. Diſſer tydinge
 haluen ſint alle Chriſtlike herten in gemel-
 ten örden / vnde inſunderheit tho Keuel/
 hoch

hoch bedröuet worden/ vnd hefft disse böse tydinge vnde betröffenisse twe dage gewaret/darna gaff Godt ein beter geschrey/nömliken dat de kleine Schwedische hupe/in alles nicht äuer 600. Perde/vnde 1000. Knechte starck / mehr alse 16000. Rüssen äuerwunnen/vnde 7000. erschlagen/vnde de andern in de flucht gebracht / äuer twe myle weges ene na genlet / vnde allen eren na trost/in de 1000 Schleden mit allerley nodtrofft vnd roeff gude geladen/enen affgenaget hade / Derwegen ys yederman wedderümme hoch erfroüwet geworden. Disse Schlachtinge ys by Lode geschehen/ Anno 1573. den 23. Januarij.

Alse de Schwedischen den vyendt ersecht vnde den roeff vthgedelet hadden/sint se darna mit grottem pryse vnd ehren/vnde mit Staedtliker Bute wedder tho Huß gefamen/vnd äuer 1000. muscowitische walslachen in de Stadt Keuel gebracht. Do weren de Peerde ganz wolfeyl tho Keuel/vnde de Zabeln / vnde Marten Schubben/neuenst velen Rüssischen Denagen/vnd geschmyde / weren tho Keuel nicht selkam. De Schwedischen Knechte brachten man

Das Driidde deel

nigerley dinef van roeffgude dagelikes by
dat marckt tho Keuel tho kope.

Hyr mach men sehen/dat men mit dem
Rüssen wol handelen kan / wor ein klein
ernst vnde standthaffticheit vorhanden ys.
Ydt erholt sich ock mit dem Muscowiter so
grüwlick nicht / alse wol velen hoges vnde
nedderiges standes vorgemalet vnd inge-
bildet werdt. Wente he hefft syn leuelanck
keine 3000. Dudeschen mit gewalt vth
dem Velde geschlagen/ dar se sich thor ne-
genwehre gestellet hebben/ willen de Dūde-
schen āuerst lopen vnde anc noedt ffegen/
so hefft he gudt na thoyagende. Wente alse
Her Claus Akesen/mit weinigem Volcke/
em den foep boedt / Do was ydt mit dem
muscowitur vorlaren. In dissier schlachtin-
ge sint ock etlike der Schwedischen gebleue/
alse Jasper Larssen/vnd Jasper Nelsen/
bende Schwedische Ritmeisters/Wolmar
Brackel Fenrich/Ludewich Duuevan Ny-
enhauē/Jürgen Byffhusen/Herman An-
rep / Micheel Schloyer / der Keuelschen
knechte Höuetman/vnde andere Juncfern
vnd gude gesellen mehr. Do ys Her Claus
Akesen mit einem Triumphe in Keuel ges-
tāgen/

tagen / vnd vele Muscowitische fanen / vnd
des Muscowiters velt geschütte vor sich her
fören laten,

Anno 1573. vÿ den Sondach Jubilate /
heffe Hertoch Magnus van Holstein / mit
des Grothförsten vorwanten Fründinnen
tho Nowgarten / Köste vnde Ehelike byla-
ger gehalten / vÿ Welekerer Hochtydt de
Grothförste van der Muscow sampt synen
beyden Söns / ock negenwerdich / vnd ganz
frölich gewesen ys.

Anno 1573. Is solck ein hardt Winter
in Lÿfflandt gewesen / dat des Donnerda-
ges vor Pingesten / noch lüde áuer yhs vth
Schweden tho Keuel angekamen sint / vnd
vÿ Pingest dach / de Reyde vor Keuel so
wydt noch tho gelecht gewesen ys / alse men
van Wellen vnde Lörnen nicht hefft áuer
sehen können / vnd de düdeschen Schippers
so domals in der Sehe weren / vnde na Ke-
uel wesen wolden / sint mit eren Schepen
tho Roggö ingelopen / vnd in den Pingest
feste áuer landt in de stadt gekamen / vnde
na Pingesten / do dat yhs wech was / sine
ersten ere Schepe in de hauen vor Keuel
geuolget.

Anno 1573. im Augusto / sint erstlick twe fanen Schotten vth Schweden tho Keuel gefamen / darna noch etlike Fanen mehr / dat erer / bende van Rüttern vnd Knechten / vnde allerley Schottischem gesinde / in de Byff dusent starck geworden sint / welckere in Schweden wat geldes bekamen hadden / vnd so lange dat Belt warde / hebben se gudt regimente gehalten / also dath se yderman lauen moeste / auerst alse dath Belt vorteret was / do hadde ere regimente vnde loff eck ein ende / vnd begunden vth nodt wyder vns me Belt tho sprekende / Dewyle auerst so balde kein raedt tho dem gelde vorhanden was / hefft men en gegünt Boder vnd mael van den Buren thonemende. Alse se auerst dath frng hadden / do moeste nicht alleine de Buer / sundern oek alle Börger vnde Inwagner der Stadt / Eddel vnde Vneddel / her holden / Wente se nicht allein van den Eddellüden / Börgeren vnde Buren / ere nodtrofft an Boder vnde Mael / sundern alle ere varende Haue vnde Korn / so se binnen landes hadden / mit gewalt nemen / vnde wat de armen Buren vorborgen hadden / dath moesten se dorch vnerhörde Mar-

ter vnd pyne heruor halen/ Vnd dewyle se vor der Stadt liggen mosten/ vnd de menste hupe nicht in de Beste gestadet wordt/ hefft derwegen nicht alleine der Bõrger Behe / sundern ock de Bõrger süluen her holden möten / Wente ydt dorste nicht ein Bõrger edder Inwaner / hoges edder nederiges standes / den Kop vth der Poerten stecken / welcher van den Schotten ergrepen wordt / de moste syne Tassche mit dem gelde / dartho den Rock vam lyue / dar lasten vnde en thouorne geuen/ vnd wolde eint Bõrger etwas tho synes huses nodtrossft vth der Hauen / edder van dem Lande hebben/ de moste dat mit etliken Roth knechten/ alse van den Vyenden / mit gewalt halen/ Summa ydt was nicht vele beter / alse ein Vyendtlike belegeringe. Lekliet hebben se de Regenten vam Schlate geliet den Bõrgern der Stadt bestrõffen willen / vnde einem Schlotsheren dath Verdt vnder dem lyue erschaten/ De Düdeschen darna ock also/ alse se segen/ dat ydt den Schotten alles tho gude wordt / begunden erem Exempel tho folgende / vnde was also schyr kein vnderscheidt twisschen fründen vnd vyenden/

Dat Drüdde deel

Wat domals vor ein Weeflagent / such-
tent / karmment vnde Brafschiddent der a:
men Buren duer de Regenten was / de so:
ckes billich weren scholden / ys nicht na tho
seggende.

Den 8. Octobris / hefft Her Claus Ake-
sen Krygesduerste / neuenst den Commissa-
rien / de nyelic vth Schweden gekamen we-
ren / mit den Huelüden gehandelt / dat se
sick noch ein mahl wedder den Muscowiter
gebruken lathen scholden / Auerst dewyle de
vullenkamen betalinge nicht dar was / alse
se sich vorhapet hadden / sint se so vngedül-
dich geworden / dat men se kume hefft stillen
können / Entliken hebben se sich mit solckem
bedinge ingelaten / dath se dath Könincklike
geschmyde / 2600. Daler betreffent / erstlick
entfangen / vnd sich darmede vthrüsten wol-
den / vnd vor de hinderstellige Summa / so
se thom deele vorhen vordenet / thom dele
vp dissem dage noch vordenen worden /
scholde men en de Hüser / Habsel / Lode vnd
Leal / sampt allen thogehörigen Landen /
beth vp Johannis Baptiste / des negestfol-
genden Jares / thom vnderpande inrümen /
vnd wen de ganze betalinge vp de bestem-
mede

mede tydt nicht vullenkömlich vthqueme/
 dat se denne desüluigen Hüser einem Christ-
 lichen Heren/weme se wolden/ vthgenamen
 dem Muscowiter vnde Hertoch Magnus
 van Holstein/vpdragen mochten/ Solckes
 hebben de Commissarien beleuct / vnde ys
 disse vordracht vp beyden syden/ also vorse-
 gelt vnd vorbreuet worden.

Anno 1573. Hebben de Schotten/ do se
 tho Keuet legen / ere eigene Predigers ge-
 hat/vnd eren Gades denst na der Caluinis-
 schen ordeninge vorrichtet / vnde de vorne-
 mesten hebben in der Stadt eines Börgers
 leddige huß/in der Verde köper straten / an
 der egge ingenamen / vnde ere Predigers
 darinne predigen/ vnd de Sacramenta na
 der Caluinisschen wyse vorrefen laten. Ydt
 was auerst eine sunderge gnade van Godt/
 dat de Schotten der Düdeschen sprake vn-
 erfahren weren / sunst hedden se mannigen
 Menschen mit erer schwermerne beschmit-
 tet/alse denn ock ere wille/nicht alleine dar-
 tho / sundern ock tho velen bösen dingen
 mehr/gank geneget gewesen ys.

Anno 1574. den 1. Januarij/ Ys auer-
 mahls eine Schwedische Krygesmache

Das Drüdde deel

wedder den Rüssen getagen / Do sint de
Krygesäuersten / Her Claus Afken Ridder
vnde Pontus de Legardia ein Frankose /
mit dem Krygesuolcke vnde etlikem Belt-
geschütze voruth gerücket / Auerst de schot-
ten hebben erstlick nicht mit gewolt / sunder
hebben willen tho Keuel blyuen / vnde de
Stadt vorwachten / Wente vele van eren
weren nicht bestellet / sundern weren Kra-
mers / Sudelers vnde loßdryuers / so vp ere
eigene handt dem hupen na getagen weren /
vnde so lange alse men de Lande / Buren /
vnd Börger beströffen mochte / sint ydt alle
gude Krygeslüde gewesen / auerst alse men
tho velde wedder den Vyendt tehen schol-
de / was dat drüdde deel vnbestellet / van
welckeren vele auer Landt wech gereiset
sint / vele sicks ock vor Sudelers vthgegeuen
hebben. Darümme alse de Schotten nicht
mit vordt wolden / hebben de Schwedischen
knechte wedder tho rügge keren / vnde de
Schotten / mit sicks nemen möten.

Den 3. Januarij / sint beyde Schotten
vnde Schweden / sampt der Stadt Keuel
Fane / 21. fenlin Knechte / vnd 11. Geschwat
Hauelüde an Dudeschen / Schweden / vnde
Schot-

Schotten/ int Felt gerücket. De äuerste der Schotten ys gewesen Archibaldus / eines grauen söne van Ruwyn vth Schotlandt/ welcher neuenst synen Capteins vnd befehlich hebberen/ der schyr so vele gewesen/ als se der gemeinen Krygeslüde / gank wemodich vnde trurich vth Keuel gereden ys/ vnde sint samptlick alle na Wesenberch getagen/ hebben datsüluike Huß berönth/ belegeret vnd beschanket / vnd na 14. dagen erstlick angefangen tho storme tho schetende.

Den 15. Januaris / ys dat grothe Geschütte/ als 6. Cartouwen / vnde 2. Fürmöfers / van Keuel affgegahn / welches de vam Adel vnd de Börgherschop na Wesenberge hebben vorschaffen möten/ Des heffe de Stadt Keuel ock twe Cartouwen / vnde einen Fürmöser/ mit allerley thobehöringe dartho gelenet. Also dat Geschütte tho Wesenberch gekamen ys / hebben se ydt in de schanke getagen / so vor twen weken alrede ferdich gewesen / vnd do erstlick angefangen tho schetende/ vnd dem Rüssen lange genoch tydt gegeuen forthobuwende/ vñ balde im anfang sint beyde de Archelmeyster / vnde Schanke meister / in einem schäte

Das Drüdde deel

schäte erschaten / darna sint de Kader van
den stücken thosprungen / vnd alles hefft sich
im anfanze áuel getóget. Also se nu im Ja
nuario twemahl gestormet hadden / ns tho
beyden malen kein gelücke vorhanden ge
wesen.

Den 2. Martij / hebben se an einem and
dern orde geschanket / vnd na dem se einen
Lorne herunder geschaten / vnd thom drüde
den mable gar hefftich gestormet / vnd áuer
1000. Man / an Schweden / Schotten vnd
Düdeschen / vorlaren hadden / hebbent de
Schwedischen vorlaren geuen möten / Do
ns ein aeweldich glorierent by den Rüssen
vy dem huse gewesen / Terhaluen sint de
Düdeschen Hauclüde ganz vorbittert wor
den / vnd hebben sich thom storme erbadent /
Auerst de Knygesáuerste hefft ydt en nicht
steden willen / Were ydt áuerst geschehen /
ydt hadde mit Wessenberge wol eine ander
gestalt gewonnen.

Ydt hebben de Schweden ock mit vns
dergrauende er heyl an dem huse vorsóken
willen / welches ock mißgelungen ns / dewyle
se ydt gar groff angefangen hadden / vnd
den Rüssen apenbar gewysset / welches weg

se vndergrauen wolden / Derhaluen de Rüssen lichtlick tegen grauen / vnde sich der Schwedischen anschlege erweren konden / Leslick hebben se ydt ock mit Fürwerke vorsocht / auerst nichts beschaffet / wente de Fürwerkers weren crem Meister alltho tydingen vth der lere entlophen.

Alse nu de Krygeslūde an dem Huse tho Wesenberge twyuelden / hebben se erē hāpeninge vp dath schūment vnde rouende gesettet / vnd de Lande vele erger / alse vorhen / vorheret vnd vorteret / vnd hebben in dissē belegeringe de Lande in Lyfflandt / nōmliken dat Stiffte Dōrpte / Wyrlant / Zeruen / vnd andere orde mehr / nicht geringer alse de Rüssen vnd Latern vorhen / vorheret vnd vorteret / mit mordende / rouende / vnd bernende. Hyr ys ydt apenbar geworden / wat de Vürige Comete / einent bessē gelick / Anno 56. āuer Lyfflandt vorsocht kündiget hefft.

Den 15. Martij / hebben de Schwedete erē gelücke ock an dem huse Tolsborch / dre mylen van Wesenberch / am strande gelegen / vorsōken willen / āuerst dewyle se eine Weste vnbeschaten stormen wolden / hebben se

Das Drüdde deel

Se sich daranne vorbrandt / vnde mit vorlust
etlicher Knechte grothen spot ingelecht.

Ydt hefft sich ock disse belegeringe äuer
14. dage vor dem afftage / ein selkham vnde
wunderlick gespenst mit den Wuluen erha-
uen vnd thogedragen / welckere etlike äuen-
de naeinander / by hupen vor dat Leger ge-
kamen sint / vngeachtet / dat ein grothe welt
van Volcke / mit grottem geschreye dar
lach / vnde hebben dar angefangen grüwlick
tho hülende vnd tho galsende / dat velen de
Hare tho berge gestahn hebben.

Den 17. Martij / Anno 1574. Sint de
Schotten mit den Düdeschen / im leger vor
Wesenberge vneins geworden / also dat ein
grüwlick rumoer daruth entstahn ys / vnde
sint in dissem allerme äuer 1500. Schotten /
äuerst nicht mehr / alse 30. Düdeschen er-
schlagen vnde vmegekamen / vnde heffe
sich solckes also thogedragen. Na deme erst-
lick den Schotten / van den Düdeschen ve-
le spottes wedderfaren was / hefft sich Ar-
chibaldus der Schotten äuerste mit synen
befehlich hebbern / vnde gemeinen Krige-
luden / thosamende vorbunden / den Düde-
schen einen Spot wedder thobewysende /
Sint

Sint derhaluen in vuller schlachtordeninge
 vth crem Leger angekamen / hebben de Ar-
 chelye ingenamen, vnde angefangen manck
 de Düdeschen Hauclüde loß tho schetende.
 Den Düdeschen wort selkam tho mode /
 vnd wusten nicht/wo se ydt mit den Schot-
 ten hadden / ock begunden de Schotten de
 Schweden vmmehülpe wedder de Düde-
 schen anthoropende / auerst de Schweden
 hebben sich keins deels annemen willen. Als
 se auerst de Düdeschen der Schotten ernst
 vornemen / sint se ock balde ferdich gewor-
 den / vnde hebben bundes wyse tho den
 Schotten angesettet / welckere sich ock mit
 ernen langen Rören nicht sümuden / Entlich
 wordt der Schotten ordeniñge thotrennet/
 do worden se by hupen/alse Schape/erwör-
 get / vnde de Buren / de den Schotten ock
 nicht gudt weren / quemen den Düdeschen
 tho hülpe/ vnde brachten der Schotten/ de
 sich vorkrapen vnd vorsteken hadden / ock
 nicht weinich vmmehülpe / Vnde sint also in ei-
 ner stunde äuer 1500. erschlagen vnd er-
 schaten worden. Do ys Archibaldus ere
 äuerste ock dorch dat Lyff geschaten / vnde
 dennoch by dem leuende gebleuen/ ydt sine
 ock

Dat D rüdde deel

ock fast alle Schotteschen Höuetlúde vnde
befehlich hebbers / de in den störmén áuer-
gebleuen weren / stacdtlike vnd ansehenlike
lúde / yamerlikén erschlagen worden. De
áuerigen Schotten áuerst / do se segén / dat
ydt vp erer Syden vorlaren was / sint se
stracks mit eren Fenlin tho den Rüssen /
vnder dat Hufß Wesenberch geflagen / dar
se mit grothen fróuwden entfangen sint.

Hyr heelden de düdeschen vnd Schot-
ten / eines Heren Volck / eine Schlachtin-
ge vnder sick / vnde de Muscowiter vörde de
Victoria vnd Triumph daruan / vnde leth
de Schotteschen Fenlin vp dem Walle fle-
gen / den Schwedisschen tho hone vnde tho
spotte / Wenn áuerst de Schotten dith spil
eine stunde spader yegen de nacht angefan-
gen hadden / so weren se gar lichtlick aller
Düdeschen vor Wesenberge mechtich ge-
worden. Wente de Düdeschen weren fast
alle druncken vnde vul / vnde hadden den
Dach áuer also gesecht / alse se vorhen de
ganke belegeringe áuer nicht gedahn had-
den. Wente se weren den vörigen dach / mit
grother Búte vth dem Stiffte Dörp te ge-
lamen / dar se ein tydtlang keinen Wyn
edder

edder Beer geschmeect hadden / Wente de
 Drunc hadde en vp de frissche büte wol ge-
 schmeect / äuerst se haddent schyr mit dem
 halße betalen möten. De Schotten äuerst /
 so tho den Rüssen geflagen weren / wowol
 se erstlic fründtlic entfangen worden / sint
 se doch na der Schweden afftage / gefangen
 vnd gebunden in de Muscow vorforet wor-
 den / vnd hebben de Rüssen van Wesenber-
 ge den andern in Rußlandt froedt gema-
 fet / dat se desüluigen Schotten / sampt den
 Janen / dorch ere grothe manheit vp den
 schermükelingen gefangen hadden / Wel-
 ckere armen lüde / äuer 700. starck / in der
 Muscow ganz erbarmlic vmmegebracht
 sint / Dith ys dat gelücke der Schotten in
 Lyfflandt gewesen.

Den 25. Martij / Is Her Claus Ale-
 sen mit dem ganken Leger vor Wesenberch
 vppgebraken vnd dar van getagen / mit wat
 bedröffenisse vnd hertelende der vnsern / vnd
 mit wat fröuwede vnd frolockende der Rüs-
 sen / kan ein yder vorstendiger wol geden-
 cken. In dem afftage hebben de Hauelüde
 in Harrigen grüwlic gewötet vnd geda-
 uct / welcher Landt van oldinges her Keuel

Dat Drüdde deel

tho gehöret hefft/ Auerst de Landtschümers
hebben idt alles vor des Muscowiters landt
geachtet/ vp dat se men fryhouen mochten/
dardorch denne de Muscowiter oek bewa-
gen worden ys / densüluiigen ordt vor sich
thouordegedingende/ dath sunst wol na ge-
bleuen were.

Dat auerst de Rüssen in einer Beste so
geweldige strydbare lüde sint / kumpt vth
dissen orsaken her. Erstlick/ dath ydt ein ar-
beydsam volck ys/ vnd tho allerley gefarlis-
kem vnd schwarzem arbeide dach vnde nacht
vnuordraten/ vnd Godt bidden/ dath se vor
eren Heren salich steruen mögen.

Thom andern/ Ys ydt van yöget vp ths
vastende / vnd mit geringer spyse sich küm-
merliken thobehelpende gewanet / wen ydt
men Water/ Meel/ Eolt/ vnd gebranden
Wyn hefft / kan ydt sich dar lange genoch
mede behelpen/ welckes ein Düdscher nicht
dohn kan.

Thom drüdden/ Wen se eine Beste/ se
th so geringe / alse se nümmer wil/ mit wil-
len vpgeuen/ dorsten se nicht wedder in ers
Landt kamen / Wente se worden alle mie
grothem spotte vmmgebracht / vnd in
frömbd

frömbden Landen können vnde mögen se nicht blyuen / Derhaluen holden se sich beth vpon den lesten man vnde laten sich leuer alle erwörger / also dat se mit geleyde in ein frömmet Landt passeren scholden. Auerst emem Dudeschen ys ydt gelike vele / wor he sich vorholdt / wen he men genoch tho fresten vnde tho supende hefft.

Thom veerden eine Beste thouorgeuen de / ys by den Rüssen em Dodi sünde / vnde de aller gröteste schande / Auerst im Belde tho flegende / vnd vor den vyenden vele fluchtich tho werden / ys by en kein laster edder schande / Wente se dögen in dem Belde yegen eine kleine macht vele geringer / also nein minsche gelduen kan.

Anno 1574. vpon Hemmelfarthes dach / in der morgenstunde / sint 10000. Mann van Rüssen vnd Latern / in Harrigen / beth vor de Stadt Keuel / gefallen / hebben fast alle Dörper / so noch vmmen Keuel stunden / affgebrandt / vnd ein groth deel van dem geroueden Behe / den Eddellüden / Börgeren / vnd Buren / wedderümme affgedreuen. Densülügen dach wort de Ehrenueste mann / Barthomeus Dune van Sage / ein

Das Drüdde deel

Nadtsuorwanter in Harrigen / in synem
Hauē gefangen / vnd na der Muscow vor-
föret / dar he an ein Spith gebunden / vnde
amme Füre ns gebraden worden / Des sint
tho der tydt vele mehr gefangene vth Har-
rigen in Rußlandt vnd Laternen geföret
worden. Densäluigen Sommer hebben de
Rüssen vnd Latern / by dage vnd by nacht /
ane vnderlath vor Keuel gewötet vnd geda-
uet / vnd de lude by nacht tyden in cren wa-
ningen vor der Stadt erschlagen / vnd der
armen Buren Behe / vnd der Voerlude
peerde / vor der Stadt wech genamen / vnde
dath ganze Landt Harrigen vor sich vorder-
gedinget / dat nicht ein Edelman synes ha-
ues edder güder mehr mechtich was / Wat
domahls vor ein thostandt im lande gewe-
sen ns / kan nicht genochsam beschreuen
werden.

Den 18. Junij / Sint de Havelude vth
erem Vorchleger / mehr vth hunger vnd be-
gerlicheit des roues / alse vth lust vnde leue
des fryges / wedder in Felth getagen / vnde
hebben de Lande vmmē Belyn / vnd Quers-
palen dorch gestroffet / etlike Dörper vor-
brandt / vnd vele arme Buren erschlagen /
vnd

vnd nicht einen Küssen edder Latern gesehen. Tho der tydt hebben se ock dat Fleck vor Querpalen vthgebrandt / vnd Diederick Farenßbeck van Heymer / des Hertoch Magni hoffradt / vnde ander Hoffgesinde mehr / darinne vorrasschet / vnde gefencklich mit sich wech geföret / vnde sint also wedder in ere Borchleger gefamen mit Dssen vnd mit Köyen.

Vmme desüluike tydt / hebben des Königes van Schweden Schepe van Orlege / 16. Lübesche Schepe van Kopsart genamen / de van der Narue gefamen / vnd mit allerley Wahr vnd düerbar Felwerk geladen weren. Dewyle auerst dersüluiken Schepe Ammerall / Jacob Rademaker / siek geweldich thor negenwehr stelledede / vnd etlike Schweden erschoot / hefft he de Schweden vorgrettet / vnd ys derhaluen mit velen Lübeschen erschlagen worden. Also auerst de andern Lübeschen solckes seggen / sint etlike van en wedderümme na der Narue gelopen / etlike sint int Boedt gesprungen / vnde hebben siek na Keuel begeuen.

Den 29. Julij / Anno 1574. Na dem de haueclüde in erem Borchleger mit dem roff-

Das Brüdde beel

roffgude/dat se vth den orden/ Belynt vnd
 Querpalen gehalet hadden/sick lustich vnd
 guder dinze makeden / sint de Küssen vnde
 Lateren nlich / wedder alle vor modinge/
 äuer se her gekamen / vnde hebben erer vele
 erschlagen gefangen vnd den meisten roeff
 sampt velen der Hauelüde / Perden/ vnde
 rüstinge wech gekregen / vnde also ere schae
 erdt wedder vthgewettet. Darna hebben
 de Küssen de Kercke tho Mariama/dar ve
 se Buren mit eren Frowen vnde Kinderen
 hen geflagen weren / gestormet / vnde de
 Doer vpgeschlaten / Do sint de armen lü
 de vop dat gewelffte gelopen / vnde hebben
 sick gereddert / äuerst de Küssen hebben alle
 eren armoet in der Kercken wech gekregen.

Alse de Küssen vnde Lateren vth der
 Wyck wech getagen weren / do sint de Ha
 uelüde ouel daranne gewest / dewyle se in
 erem Borchlager nicht einen Dach seker
 liggen dörfen / derwegen se vmmen einen
 stillestand gar hoch bekümmert weren / wü
 sten äuerst nicht wo se den erlangen möch
 ten/leslich hebben se vorqudsam angesehen
 dat se sick mit eren 6. Panen / so starck se
 yummer konden/wedder int Belt begeuen/

Dem Rüssen verlichte einen stillestandt aff-
 thetrockende. Vnde dewyle der Stadt Ke-
 uel van wegen der Bōrgerschop vnd buren
 vp dat se nu how vnd Voder weruen / vnd
 ere winter saedt mit freden in de erde brin-
 gen mochten / ock ein stilstandt hoch nōdich
 was / hebben siek mit den Hauelūden vor-
 bunden / vp dat se des stillestandes alle ge-
 lief geneten mochten. Derhaluen alse de ha-
 uelūde siek nu int Velt begeren / vnde tho
 Kunnek gelegert hadden / sint twe vth dem
 Rade der Stadt Keuel mit darhen aerey-
 set / vnde hebben einhellich an den Woy-
 woden van Wittensteyn eines stillestandes
 haluen geschreuen / Welcker eren Bress
 hefft gar spōttich beantwerdet. Do ys den
 Keuelschen / so wol alse den Hauelūden /
 alle hapeninge des stillestandes / vnde aller
 Menschen hülpe vnd trostes / benamen ge-
 wesen. Hyr mach men klarlick vth sehen
 vnde spōren / dat aller Kōninge vnde For-
 sten hülpe vnde trost gar vmmē süß / vnde
 vorlaren ys / wen Godt de Herc nicht hel-
 pen wil.

Nasolcker antwerdt des Woywoden
 van Wittenstein / sint de Hauelūde van

Dat Drüdde deel

Ruymer / nã deme se den ordt gank vorhe-
ret vnde vorteret hadden / vygetagen / vnde
sick wedderümme na dem Nyen haue geles-
gert / dar se wedder alle Christlike regimen-
te vnd gebrück / alse landt vorderuers / huf-
geholden hebben / Welckere benden vorge-
melten örde / Ruymer vnde de Nye hoff /
samt gank Harrigen / efft so wol ne vnde
allewege dem huse Keuel tho gehöret heb-
ben / sint doch desäluigen alle van en vor-
viendlike örde geachtet worden / vp dat se
men fryg rouen vnd schümen mochten.

Hebben derwegen alle der armen Bu-
ren Behe vnde Korn gerouet / vnd mit den
armen lüden erger vmmegesprungen / alse
de Rüssen vnd Latern gedahn hebben / also
dat alle Buren dersäluigen örder gesecht
hebben / dat se oft vnd vaken van den Rüs-
sen vnd Latern äuertagen weren / welckere
se dennoch in allen tågen / so faal vnd blode
nicht gemaket hadden / alse de Düdeschen
Hauelüde in dissem einigen tage gedahit
hadden. Wentz disse hebben de vorborgene
kullen in der erden vygegrauen / vnde allent
wat de armen lüde / vor dem Erfffiende
vorhellet hadden / hen wech genamen / vnde

Dath Korn im Velde vthgedrosschet vnde wech geföret/vnd also dorch solcke röuerne dem Rüssen de Keuelschen lande mehr vpedragen vnd thogeeigenet/ alse vor em beschüttet vnde vordegedinget/vnde sint doch in dem ganken Krynge nicht ein mahl so besherket gewesen/dat se auer de Lyfflendische grenke in des Rüssen Erfflande scholden getagen syn / sundern hebben alleine in Lyfflandt vmmе Keuel her / ere manheit mit rouende vnd schümende bewysset / vnde dennoch alle Maente vmmе grothe besoldinge gespraken/ Wenn se auerst den roeff alle betalen scholden / den se in des Köninges van Schweden landen erhasschet vnde genamen hebben / scholden se mit erer besoldinge lange nicht thokamen. Auerst dat suchtent vnd Brake biddent der armen Glenden lüde/hefft ock nicht weinich fruche wedder se geschaffet. Wente se hebben sich in erem Borchleger tho Habsel/ Lode/vnd Leal/dagelives vndcreinander/alse Hunde/gefraket vnde erwörget/ ock sint erer gank vele van den Rüssen erschlagen/vnd gefangen worden/ane andere straffe vnde plage/ de se ock sehr gedrapen heffe.

Das Driidde deel

Anno 1574. Im Herueste / sint des Fd-
 ninges van Schweden Schepe na der
 Narue gelopen / den Muscowiter thouor-
 uolgende / duerst ydt hefft hyr nicht vele be-
 ter / alse in anderen tügen vnde anschlegen
 getücken willen. Wente alse se vor de Nar-
 ue quemen / hefft sich ein grüwlich storm er-
 hauen / welcher de Schepe van einander
 gedreuen / vnd den Ammerall an den strand
 geschlagen hefft / darup dat Volck fast alle
 vmmegefamen ys / Vp dissem Schepe ys
 ock gewesen / einer van Adel vth Myssen /
 mit namen Antonius Ploch / welcher leuens-
 dick in des Muscowiters gewalt geraden /
 vnde na langer gefenckenisse / thor Narue
 vpghehenget ys.

Anno 1574. dnn 25. Octobris Is Her
 Hinrich Clausen mit städtlichem gude / wel-
 ches den Sommer thouorne den Lübeschen
 genamen was / tho Keuel angefamen / De
 hauerlúde darmede tho befredigende / vp dat
 de Hüser in der Wyck dorch de Hauerlúde
 nicht mochten affhendich gemaket werden.
 Dith gude hebben etlike van dē Hauerlúden
 tho Habsel vñ Lode / nicht entfangen willen /
 dewyle se darmede nicht vullenkömlich mit

Betalet werden konden/doch hebben se sde vp
 zekenschop annemen willen/ by dem bedin-
 ge/ so Her Hinrich Claussen en einen stil-
 standt by dem Muscowiter erlangen kon-
 de/ wente st vor dem Muscowiter nicht ei-
 nen dach seker weren. Dissen stillstandt
 heeft Her Hinrich Claussen en nicht vor-
 schaffen können/ Darümme se oek dat gude
 nicht hebben ontfangen willen/ Auerst etli-
 ke dersüluigen Hauclüde hebben ydt willich
 ontfangen vnde angenamen/ Derwegen ei-
 ne grothe trennige/ twist/ vnd tweypalt vnd
 der en ontfahyn ys/ also dat se stekvnder ein-
 ander vor schelme vnd vorreder geschulden
 vnd de eine den andern ermordet/ vorraden/
 vnde an den Galgen na der tydt gebracht
 hebben. Wente de arme Buer wolde mit
 der tydt syne Ko/ vnd de schmahait/ de se an
 synem armen Wyue vnde Kinde begahn
 hadden / betalet hebben.

Anno 1575. im winter/ hebben de Castes-
 lanisschen vth dem stiffe Riga / eren schri-
 uer / eines Börgeris Söne van Keuel/
 werue haluen/ an den Raedt tho Keuel ge-
 schicket/nömliken/ dewyle se vornamē had-
 den / dat de Keuelschen in grotē bedrucke
 vnd

Dat Drüdde deel

vnd furchten seten/ van wegen des Muscoviters / oec van ydermanne vorlaten worden/ segen se vor gudt vnd radtsam an/ dat se sich vnder der Krone van Polen beschüttinge ergeuen. Vnd so se dat tho doende gesinnet weren/ wolden se by dem Muscoviter bearbeyden / dat sich de Keuelschen des vyffharigen stillestandes / neuenst Littouwen vnd Polen / scholden thoerfröuwende hebben. Auerst dewyle sich ein Radt darup bedachte/ wat men vor ein bescheydt. darup geuen wolde / quam ein böß geschrey van der ankumpst des Rüssen.

Anno 1575. den 12. Januarij/ sint etlike Commissarien / vnder welkeren Claus van Bngern / Stadtholder thor Arensborch / ein Principal was in de Wyck tho Habsel gefamen/ vomme de Hüser Habsel/ Lode / vnde Leal mit den Hauelüden / van wegen des Köninges van Dennemareken/ tho handelende. Wente disse Hüser wolden de gemelten Hauelüde dem Köninge van Schweden affhendich maken/ vnd erer vele hadden alrede Hertoch Magno thogesecht vnde gelauet. Derwegen sich Claus van Bngern dar in schloech.

Den 22. Januarij / Sint erschreckliche
 yndinge van des Muscowiters ankumpst /
 dorch einen geloffwerdigen Buren tho Ke-
 uel gekamen / Tho deme quam ock gewisse
 kundtschop / dat alle de Rüssen van Witten-
 steyn sich na Wesenberch tho dem grothen
 hupen begeuen hadden / Welcker hupe fast
 twe weken stille lach / also dat men nicht ge-
 wisse erfahren konde / wor de toch hen gelo-
 den scholde / vnde dewyle de Rüssen so lan-
 ge vortögerden / hebben vele in Keuel ge-
 meinet / se weren twer ouer in Finlandt ge-
 uallen / Darauer de armen Buren so seker
 worden / dat etlike vth vnachtsamheit / etlike
 äuerst vth mangelinge des Vorders / mit
 erem Behe / sampt Wyff vnde Kinderen /
 sich wedderümme by hupen tho Lande be-
 geuen.

Den 25. Januarij / sint de hüser Hab-
 sel / Lode / vnd Leal / dem Claus van Un-
 gern / na velfoldiger vnderhandelinge / van
 den Schwedischen vpedragen / welckere se
 im Namen / vnde van wegen Frederichs II.
 des Königes tho Dennemarcken / angena-
 men hefft / mit dissier thosage / dat he en alle
 ere nastendige besoldinge vff negestfolgen

Das Drüdde deel

den Johannis Baptiste erleggen / en et
middeler wyle einen frede by dem Musco-
witer erholden wolde / etlike auerst van den
Principalen / de de Häuser dem Könige van
Schweden itziger tydt affhendich makeden /
weren de hennigen / de dem Könige van
Schweden ock vorhen afftrennich gewor-
den weren / vnd welcher de Könige nicht als
leine wedder ehrlich gemaket / sundern ock
tho Emptern gesettet hadde / dith was wed-
derümme des Königes danck / vor de ertö-
gede gnade.

Den 30. Januaris / vp den Sondach
Septuagesima / vor Middage / vnder des
Predige / hefft sich de Muscowiter vor Ke-
uel sehen laten mit ganser macht / van wel-
keren ein deel mit den Keuelschen den gans-
ken dach geschermüßelt / vnd de gröteße hu-
pe / van Hyrwode aff / bauen dem Stein-
berge / de Stadt vorby / also ein Timmen-
schwarm / na Zerweßull auer de Sehe tho-
getagen / vnd sich in Trendensbusch / eine
grothe myle wegcs van der Stadt gelegert
hefft. Densäluigen dach hebben se vmmes-
langest her gebrandt / ock der waningen by
S. Birgitten Kloster nicht vorschonet /
dars

dartho de Kloster Junckfrumen gesencklich
wech geföret/ welches he vormahls nümerle
gedahn hadde. Den dach hefft de Rüsse ock
alle de arme Buren vorrasschet/ de sich for
ehorn vth sekerheit/ vnd mangelinge d. s
Woders/ mit erem Behe vth der Stadt th
Lande begeuen hadden. De Keuelschen
uerst deden sich grothen schaden ane nodt/
vnde breken ere Gaerden / Schünen/ vnde
waningen buten der Stadt aff / dartho al
ler Fisschrlüde waningen / vnde wat se in
der hast nicht affbreken konden/ dath worde
angesticket vnd affgebrandt/ Wente se sich
einer belegeringe befrüchteden.

Den 31. Januarij/ frö morgens/ Sine
äuer 1000. Rüssen tho Perde vor de Stade
gekamen / vnde schermükelinge gehalten /
Middeler wyle brack dath ganze Leger vp/
vnd makede sich dar van mit dem Matrosse/
vp dat de Keuelschen en den Troß nicht aff
nagen scholden. Alse se nu alle sampt wech
waren/ sint de Buren vth der Stadt Legez
gelopen/ vnde hebben vele Dffen köppe/ de
van den Rüssen wech geworpen weren / in
de Stadt tho erer spyse/ gehalet/ dartho ve
le Dffen hüde/ vnde insunderheit vele Peer

Das Driüdde deel

De hüde/welckere de Lateren dar geschlachtet / vnde dat Feisch halff gaar vpgcfretm hadden.

Do sint de Rüssen vnde Lateren erstlic in de Wyck na Habsel gerücket / vnd hebben vpon dem wege dat ganze gebede Padis / sampt dem Padisschen vnde Kegelschen strande / grüwliken vorheret / de lüde erschlagen / vnd ganz vele gefangene wech geföret / Vnde wowol de Rüsse disse gemelte örde offt vnde vaken vorhen auertagen hadde / so hefft he ydt doch nüwerle so erschrecklic gemaket / alse vpon dat mahl. Wente Godt der Allmechtige hadde dissem Lande ock dith thor straffe vorhenget / dat dissen ganzen Winter auer / gar weinich Schne gefallen was / Derhaluen de Rüssen vnd Lateren allenthaluen gelick hen tho reden / vnd na keinem wege fragen / vnd nicht alleine de Dörper im lande / sondern ock grüwlike Wiltcnissen / busch vnd brocke / twer hendorch reden / vnd Bulffe vnd Baren / vnd allerley wilde Deerte / inth Felth ygeden / vnd also na Menschen vnd Vche sochten. Vpon disser reyse hefft en Gades wedder vnd Windt / vnd alle Elemente geföget / vnd hefft kein Minsche / im

lande

lande so weinich Schne vp disse tydt Jares
gedacht / alse domals gewesen ys.

Fürder sint se vp Habsel tho getagen /
vnd mit den Havelüden tho Habsel / de nu
Denesch weren / geschermukelt / Vnde sint
also vp dat mahl vorby getagen. Den fol-
genden dach auerst / sint van densüluigen
ein groth deel wedder gefamen / vnd hebben
by nacht tyden etlike huser im Flecke affge-
brandt. Yegen den morgen sint de Havelüde
vam huse wedder vthgefallen / vnd heb-
ben sich altho wydt vordrystet / darauer sint
erer etlike erschlagen / vnd áuer 30. gefan-
gen / welckere in der Muscow erbarmlic
vmmegebracht sint worden. Dat ys de fre-
de gewesen / den Claus van Ungern en tho-
uorschaffende gelauet hadde. Effte auerst
disse Havelüde tho beklagende sint / dewyle
se crem Heren / alleine etliker vorsetener
termine haluen / desüluigen Huser affhen-
dich gemaket hebben / vnde afftrennich ge-
worden sint / mach ein ander richten.

Datsüluige mahl hebben de Rüssen vns
de Latern de Lande vmme Habsel / Lode /
Leal / Padis / Bickel / sampt den Insulen
Desel / Dageden / Mone / Worm vnde

Das Driidde deel

Nuck/vthgenamen dat gebede Arensborch/
ganz flechliken vorheret / vnd fast Perde
vnd Menschen gerouet / na Dissen auerst
vnd Köpen nicht groth gefraget. Also se nu
eren modtwillen in gemelten örden geduct
hadden / sint se stracks na der Parnow ge
rücket / de lande dar vmmeher doreh tho
stroffende / vnd hebben de olde Parnow/
samt der Kercken / in de grundt vorbrandt.
Do hebben sich de Bürger in der nyen Par
now / ganz sehr einer belegeringe befrucht
tet / vnd derhaluen alle waningen vor der
Stadt süluest angesticket vnd affgebrandt.
Also auerst de Rüssen eine nacht azer / nicht
gar wydt van der Parnow gelegen / vnd et
like Dudesche Schepe in der Nacht vor der
Parnow vorbrandt hadden / sint se folgen
des dages / de Parnow vorby na der Salis /
vnd andern örderen mehr ylich forth ge
houwen / hebben vele Menschen vorrasschet /
erschlagen / vnd gefenclich wech geföret.
Hyr mach men der Castellanesschen vyff
yarigen stillestandt sehen / dardoreh se Ke
uel an sich locken wolden. De Sucht dar de
Kewelschen mede behafftet weren / was en
süluer rager / also se des geloueden.

Den andern Martij / sint Breue van Hertoch Magno van Duerpalen / an de ganze Gemeine tho Keuel gefamen / in welskeren he mit einem Christliken Geleide besgerede / dath de Keuellschen etlike vth erem Midoel / tho em na Duerpalen affferdigen wolden / dar he en guden Radt mit decien wolde / wo men dem thofamenden unglücke vnd vnheile / des disse geschene Toch men ein anfanck were / vorkamen scho. de. Auerst de Keuellschen hebben synes rades keiness weg ges plegen willen. Solckes hefft he oek an de Parnowsschen aefschreuen / vnd darbeneuen oek dorch Gyslers mit en gehandelt / auerst de Parnowsschen hebben gelicksfalles synem begere keine folge leisten willen.

Im Martio / Anno 1575. hebben Hertoch Magni Hauelude sampt etliken Rüssen / den Hoff thor Salis ingenamen / vnd densüluiigen befestiget / den Paß twisschen Riga / Keuel / vnd der Parnow thouorhinderende / Welckeren Hoff de Estiftschchen van Riga en wedderümme affgedrungen hebben / Letlich hebben de Rüssen auermahls alleine darin genestelt / vnde en oek beholden.

Das Driidde deel

Anno 1575. In dem Dingestfeste / sine
de Schwedischen Commissarien vñ de Wy-
borgische Grenke gereiset / mit den Rüssen
vñ me einen stillestandt tho handelnde / Do
hadden de Keuelschen grothe hāveninge /
dat ydt nu ein mahl thom stillestande ka-
men scholde / Auerst de Rüsse hefft einen stil-
lestandt na syner gelegenheit / vñ twe Jar /
vor Finlandt alleine beramet / vñde de Ke-
uelschen daruth geschlaten / Do was der
Keuelschen hāveninge vorlaren. Dissen
stillestandt hefft de listige Biendt derhaluen
gemaket / dat he eine frye syde na Finlandt
hadde / dewyle he de Parnow gedachte tho
belegerende. Auerst den stillestandt hefft he
nicht lenger gehalten / alse syne gelegenheit
gefördert hefft / vñd ys in den twen Jaren /
in Finlandt oek gefallen / dar gerouet vñde
gebrandt / vñd vele Volckes wech gefōret.

Anno 1575. den 7. Junij / sint des Rus-
cowiters Legaten thor Arensborch vñ Des-
sel angekamen / vñd van dar in Dennemar-
cken gesegelt. Den sūluigen 7. Junij / alse
dise frōmbden Geste angekamen weren / ys
thor Arensborch solck ein frōn den sūer ge-
worden / dat dat halue Fleck / vñd de besten
Hūser

Hüser darsüluest in de grundt vorbrenden/
darauer de Muscowitische Legaten sehr ge-
lachet/vnd gefroloket hebben. Auerst den
de erer hüser qundt worden / was nicht la-
chendes tho mode. Diffe brandt euen in der
Küssen ankumpst geschehen/ ys ein gewisse
omen vnd vorsköferne veles thofumpstigen
vnglücks gewesen.

Desüluiige tydt / hefft sich de Muscowi-
ter by Wesenberch vorsammelet / vnde fast
ein ganz Maente stille gelegen / Do hebben
sich auermahls de Neuelschen einer belege-
ringe sehr befrüchtet. Letzlich ys desüluiige
vorsammeling vngesprachen / vnde nlich na
der Parnow gerücket/vnd ys desüluiige van
dem Muscowiter belegert/beschanket / vnd
tho storme beschaten worden. Endtlich alse
de Muscowiter etlike Storme/vñ by 7000.
man daruor vorlaren hadde / hebben sich de
Parnowsschen / dewyle se ganz vormödet
weren / vnd keine entsetzunge wüsten / dem
Muscowiter ergeuen möten / den 9. Julij/
Anno 1575.

Diffe vorlust der Stadt Parnow / was
den auerigen Landen / vnde den beyden hö-
uesteden / Riga vnd Reuel / nicht ein gerin-

ger schade / alse de vorlust der Stadt Dörp-
 te / Vnde won ol de Parnowsschen / wat de
 tegenwehr belanget / siec ehrliker vnd redde-
 liker gehalten hebben / alse de Dörptisschen /
 So sint se doch / wat dat buwerck vnd beto-
 ringe der Stadt belanget / nicht beter tho
 achtende. Wente geliker wyse / alse de Dör-
 ptisschen in guder tydt / ere Stadt gar wei-
 nich buweden / vnd vor gewalt befestigeden /
 vnd oec weinich dar vp dachten / dat na dem
 Sünne schyne ein plakregen kamen fönde /
 sundern men alleine na Hofart / Bollust /
 vnd eigen nutte trachteden / Also hebben oec
 de Parnowsschen nicht alleine in der guden
 tydt / sundern oec in dem schweuenden Kry-
 ge / ere Stadt tho befestigende / siec gar wei-
 nich bekümmert / vnd allent wat dar vor ge-
 walt gebuwet was / dath hebben de Schwe-
 den gebuwet / do se dat Regimente dar had-
 den / vnd dat Geschütte / dat darbinnen wed-
 der den Muscowiter gebruket wordt / ys oec
 des Königes van Schweden gewesen / wel-
 ces in der vorreedtliken eräueringe dar ge-
 bleuen was. Vor der belegeringe / forth tho-
 uörn / alse de grothe nodt balde vorhanden
 syn wolde / hebben de Parnowsschen by Cla-

us van Bngern / dem Denesschen Stadt-
holder thor Arensborch / hülpe vnde trost
gesocht / vnd stet vnder de Krone tho Den-
nemarcken erbaden / so se vor dem Musco-
witermöchten beschüttet werden. Claus van
Bngern auerst hefft se van wegen des Kö-
uinges angenamen / vñ en beschüttinge tho-
gesecht / Do weren de Parnouwschen ein
kleine tydt Denisch / Auerst dat was vorge-
ues / wente de Kasse was alrede im antage /
vnd wowol Claus van Bngern ydt noch
gudt mit den Parnouwschen menede / vnd
en na allem vormöge tho helpende bedachte
was / so ys doch solekes vorhindert gewor-
den / dörch den twist / de twischen Hertoch
Magnus van Sassen vnd Engern / vnde
Claus van Bngern / van wegen des Hol-
mes Mone / entstaen was / vnd also gemelte
Hertoch Magnus euen tho der tydt der
Parnouwschen belegeringe / vth Schweden
vp Desel gefamen / vnd dat Huß Sonnen-
borch / dorch vorleninge des Königes van
Schweden / ingenamen hadde / ys he ock vp
Mone gefaren / welcher holm van Oldin-
ges her / na der Sonnenborch gehört
hefft / Vnde also he den Claus van Bn-

Dat Drüdde deel

gern/ de densüluiigen Holm na der Arensborch vordgedingen wolde/daruppe fanth/ hefft he en gefangen namen / darna äuerst der Gefenckenisse wedder erleddiget / daräuer ys der Parnouwschen vorgeten worden. Alse nu de Parnouw belegert was/Do hebben sich de Hüser/Helmede/Ernis/vn- de Rügen/dem Hertoch Magno van Holstein/vth früchten ergeuen/dartho hefft Otto van Ungern/ein van den Castellanschen im Stiffte Riga / syn Huß Purckel/ dem Muscowiter ane noedt vpgedragen/vnd de vyff Jarige stillestandt/ dar de Castellanschen de van Reuel mede vortrösten wol- den/ fonde en süluest nicht helpen/Hir heth ydt nu/ *Medice cura te ipsum.*

Alse äuerst de Stadt Parnouw eräuert was/Do hebben sich de Äuersten veltheren Knes Mykita Romanowik / vnd Knes Jürgen / so fründtlich yegen de Parnouw- schen angestellet / dat sich ein jeder daräuer vorwundern möste / vnd hebben einem je- dern fryg gezeuen tho blyuende/edder wech tho tchende/ vnd wat se tho einer tydt nicht mit sich wech vören könden/dat möchten se noch thom andern male na halen/ane jeni-

ge vordringende/Welches alles men stricke
 vnd rencke weren/ de andern örde dardörch
 tho vangende. Also nu etlike van den vorne-
 mesten mit eren redesten Gütern / vpon den
 Holm/ Rhen/ gekamen weren / do hefft se
 Hertoch Magnus van Sassen vnde En-
 gern / beströffen laten/vnd ein groth Gude
 an Gelde vnd Süluer geschmide/by en er-
 langet / vnd hefft se dartho gefencklich mit
 sich in Schweden geföret / vnd ouel tracte-
 ret/ vth den orsaken/dat se solcken vorraedt
 van Gelde vnd Süluer gehath / vnd doch
 ere Stadt mit Knygesluden nicht beter
 vorsorget hadden / Wente wen se men ein
 hundert knechte darinne gehat hadden/So
 were se noch hütiges dages in erem vörigen
 stande. Darümme hebben se solches van
 dem Hertoch Magnus thor straffe hebben
 möten/ dat se eren eigen nut dem gemeinen
 nutte vnd besten vorgetagē/vnd ere Stadt
 nicht allein mit buwende / sunder ock mit
 Knygesluden in der nodt vnuorsorget ge-
 laten hadden.

Anno 1575. vpon Lauerentij/do Hertoch
 Magnus wedderümme van Desel getagen
 was / hefft Claus van Bngern mit etlichem

Das Drüdde deel

Krygtsuolcke / dat huß Sonenborch belegeret / vnd na weinigen dagen / mehr dorch glücke vnd vorrasshent / also dorch gewalt / cräuert vnd ingefregen / Wente also de Denesschen daruor gefamen weren / vs ein groth Für darbinnen im huße angegahn / vnd so sehr gebrent / dat men ydt nicht löschē konde / Derwegen de Knechte vñ praesidia des huses vth den finstern stegen / vnd de andern / de dar buten weren / de stegen dorch desüluigen Vinsten wedder henin / vnd worden also des Huses mechtich.

Den 1. Septembris / Na deme Claus van Ungern neuenst den Denesschen Commissarien / an den Gubernatoren tho Keuel / so wol also an den Raedt geschreuen vnd begeret hadde / dat se sich tho em vp de Habselsche grenze vorfözen scholden / sprac mit einander tho holdende / sint twe vth dem Rade tho Keuel / neuenst dem Gubernatoren / Pontus de Legardia / affgeferdiget / thouornemende / wat de Denesschen gudes vorthogeuende hadden.

Also auerst de gemelte Heren vnd Gesanten van Keuel / yegen den Auent / tho Padis vp dat Huß / angekamen weren / Do
vs

ns ein ganz groch hupe wider vngewö-
 nlicher Sehevozell / van gröthe vnd gestale
 den Brandtgoßen nicht vngelick / mit vp
 dat Huß Padis geflagen / vnd siß dar vp de
 Linnen gesettet / Welckes vorhen van sol-
 cken vngewönligen vnd vnbekanden Vö-
 geln / nütwarke gesehen edder gehöret ns.
 Vnd wowol de Knechte desäluigen Vögel
 hebben vorschuchteren willen / vnde etlike
 herunder geschaten / hebben se doch solckes
 gar nichts geachtet / sunder sint striff beth in
 de nacht darup besittende gebleuen / des an-
 dern dages äuerst / hefft men se nicht mehr
 vornamen. De orsake äuerst / worümme de
 Keuelchen darhen vorschreuen worden / ns
 gewesen / dat Claus van Bngern / neuuenst
 den Deneschchen Commissarien / dat Huß
 Padis begerde / vnd darneuenst protestere-
 de / so dat Huß affhendich vnd dem Musco-
 witer tho dele worde / wolde he ydt by den
 Keuelchen weten / Äuerst men hefft em
 nichts tho willen gewust.

Densäluigen Heruest / Anno 1575. heb-
 ben siß de Stiffuischen van Riga / mit des
 Hertogen tho Curlandt Krngesuolcke ge-
 rüstet / vnd hebben dem Rüssen vnd Herz-
 toch

Das Driüdde deel

toch Magno van Holstein/de hüser Helmes
de/Ernis/Rügen vnd Puckel/wedder nes
men willen/hebben äuerst der feines mehr/
alse Rügen alleine/eräuert vnd bekamen.

Anno 1576. im Januario/Js eine macht
van Rüssen vñ Latern/Söß dusent starck/
in Lufflandt angekamen / vnd den 27. Ja
nuarij / sint se in de Wyke gefallen/vnde
hebben de Hüser vnd Beste/Lode/Leal/vn-
de Bickel/stracks gank trüwloß/ane noedt/
vpgegeuen erlanget vnd ingekregen. Dar
na sint se vor Habsel gerücket mit weini-
gem Geschütte / vnd hebben sich dar men
schen laten/vnd nicht eins geschanket edder
geschaten/vnd alse se den 9. Februarij dar
vor gekamen sint / hebben sich de vp dem
huse / nömliken de vā Adel in der Wyck/
Börger/ Fröuetlüde/ vnd Knechte/ stracks
mit den Rüssen in handelingē gegeuen/vnd
den 12. Februarij/de heerlike Beste Habsel/
dem Muscowiter ane noedt vpgegeuen/so
doch deraßilüigen huse domals an profian-
de vnd Volcke/vnd allerley nodtrotfft/ gar
nichts mangelde/vnd gar keine nodt hadde/
wen se sich men weinich thor negen wehre
hadden stellen willen. Also hefft de Musco-

witer de gemelten Hüser in der Wnck/
 sampt den Lande erlanget vnde bekamen.
 Alse en äuerst de schimp darna begünde tho
 ruwende / vnd ock de Conscientie sich tho rö-
 gende / Do wolde keiner schuldt hebben / vnd
 hebbent also de Börger sampt den Knyges-
 lüden / vp den Wnckeschen Adell / so mit vp
 Habsel vnd andern Hüsern gewesen weren /
 vnd de Adel wedderümme vp de Knygeslüde
 vnd Börger schuuen willen.

Alse äuerst de Küssen vp dat Huß gefa-
 men sint / Do sint etlike van dē Habselschen
 Juncfern noch so guder dinge gewesen / dat
 einer twe Juncdfrouwen vām Adel / vp spā-
 nem Schote sittende ghat / vnd mit en ge-
 scherzet hefft. Disses grothen sckerheit heb-
 ben sich de Küssen nicht genoechsām vor-
 wundern können / vnd hebben tho Hinrich
 Bowhman / des Hertoch Magni Hoff junc-
 ker / de solckes mit angeschen hefft / gesecht /
 Hinrich / wat möte gy Düdeschen seltsām
 lüde syn / Wen wy Küssen solck ein huß so
 lichtferdich vpgegeuen hadden / wy dorsten
 vnse ogen vor nenen redeliken lüden mehr
 vpschlan / vnd vnse Grothförste wörde nicht
 weten / wat he vns vor emen dodi anleggen

wolde/vnd de Dudeschen vp Habsel doruen
nicht alleine ere ogen vpschlahn / sundern
doruen noch mit Junckfrouwen spelen/ge-
rade aise hadden se ydt wol vthgerichtet/
Daryegen hadde Hinrich Bonhmen nich-
tes antwerden konnen/dewyle he dat suluen
mit synen ogen angesehen hadde.

Alse nu Habsel ingenamen was/ ys
Knese Jurgen / de auerste Belthere des
Muscowiters/in einem Badstauen binnen
dem Flecke gestoruen / vnd heffe also disse
Knese syn vöte nicht vp Habsel setten mo-
ten.

Tho der tydt sint de Rüssen vnd Late-
ren vorth vp Desel gerückt / vnd hebben
ganz Desel beth an Schweruerordt/vorhe-
ret/vnd ganz vele armer lüde gefencklich in
de Muscow vnd Laternen geföret. Also heffe
de Muscowiter damals mit des Königes
van Dennemarcken Landen vnd vnderda-
nen in Nyflandt vmmegesprungen/Wolde
Ghott / dat solet schimp vnd schade / dem
Könige thogeföget / vnd dat grothe herte-
lendt / so den armen lüden aldar wedder-
faren ys / mochte aewraken werden / Vor-
de trüwlosen auerst / so vth lichtferdicheit
Könink

Rönnicklike huser vnd Lande vorgeuen heb-
ben/stenckh nicht tho biddende.

Alse de Muscowiter der ganken Wyck
nu mechtich was / Do ys he ock in des Kö-
ninges van Schweden deel in Lÿfflandt ge-
fallen/vnd den 18. Februarij dat huf Padis
belegert / vnd na dem he vngeschanket mit
etliken stücken einen dach auer daruor ge-
placket hadde/ys ydt etn/den 20. Februarij/
stracks van dem Hôuetmanne / Hans van
Oldenborch/vpgegeuen worden. Also heffe
de Muscowiter de vyff huser vnde Feste/
Habsel/Lode/Leal/Wickel/ Padis/ sampt
allen thogehörigen Landen vnd lüden / mit
geringer macht vnd gar wenigem ernste/
dorch schreck vnd drouwent gar schimplich
wech gefregen. Tho dersäluigen tydt / alse
de Lande vmmе Keuel so offt vnde vakert
vorheret vnd vorteret weren/ hebben de ar-
men Buren vth mangelinge der Ossen vnd
Perde / ere Köne vor den Schleden span-
nen/vnd ere nodtrossen vth vnd in de Stadt
fören möten.

Anno 1576. den 29. Aprilis/hebben de
Schwedischen dat huf Padis belegert/be-
schanket/ vnd tho storme beschaten/ vnd na
deme

Das Druͤdde deel

deme se beth an Hemmelfarths dach darvor
gelegen/vnd etliche mahl vorgeues gestormet
hadden mit weinigem Volcke/ vnd dar vms
melanges her nicht mehr tho rouende was/
vnd de Sudelers ock nicht mehr Beer tho
foeren wolden / dewyle de burssse kein roff
gudt mehr vor dat Beer thogeuende had
de / sint se mit spotte vnd schanden vnges
schaffet wedder affgetagen. Dewyle auserst
de Schwedisschen vor Padis legen/ vs Clas
us van Ungern van der Arensborch tho
Habsel ingefallen / de Rüssen so wol alle de
truwlosen Dudeschen darsuluest thouorras
schende / hefft ock erer etliche fencklich gefre
gen/ vnd desulvigen in Dennemarcken ge
schickct.

Den 30. Maij/ hebben Keyser Maximilian
II. Legaten/de vth der Muscow gekamen
woren / van Riga an de Keuelschen
geschreuen/ dat se mit allem flyte vmm
einen stilstandt/vor de Stadt Keuel / in
der Muscow gehandelt hadden/ Auserst
hadden nichts erholden können / Doch
entliken hadde sich de Muscowiter so
vel vornemen laten/ so verne de
Keuelschen stille heelden/ wolde he
ock wol stille holden / Auserst wo
lange

lange / dath hadde he nicht darben gesecht.

Den 22. Junij / sint áuer 500. Rüssen vnd Latern van Wittenstein vor Keuel gekamen / vnd hebben alle dat Behe vp dem Lafesberge wech gedreuen. Do sint de Haueiuden in de 100. Perde starck / vnd ein paer Hundert Landesknechte sampt Bórgern vnde Huzknechten / balde ferdich geworden / vnd hebben den Vyenden / áuer 4. myle weg / all dat Behe wedderúmme affgenaget / vnd etlike der Rüssen vnd Latern erschalten / vnde etlike gefangen ingbracht.

Den 11. Julij / sint des Königes van Schwedē Kringeschepe vor Riga gerúcket / vnd darsüuest etlike waningen by der Düne vyendliker wyse affgebrendt / vth orsaken / dat de Könincē van Schweden etliker vorschuldeder saken haluen / tho den Rigesschen ein ansprake hadde / vnde de Rigesschen sich mit eme derhaluen noch nicht vorgeliket vnde vordragen hadden.

Im Julio dorch vth / hebben de Rüssen vnd Latern allewege van Wittenstein vnd Padis vor Keuel gestroffet / vnde Bórgere peerde / Knechte vnd megede / so na Howe vth gingen / offtmals vorrasschet / vnd rümme

Das Driidde deel

Keuel her / vele armer Buren sampt eren
Wyueren vnde Kindern fencklich wech ges
föret. Do was by Buren vnd Börgeren ein
groth hamer vnd wecklagent.

Den 26. Julij / hebben sich de Schwes
disschen / tho Peerde vnd tho Bote / wedder
ümme na allem vormö. en gessercket / vnde
sich int Belt begeuen / den Spot an den
Rüssen vnd Lateren tho wrefende / vnde des
weges na Padis getagen / de Lateren tho
uorrasshende. Tho dersüluigen tydt / hebben
sich 50. Loßdryuers van vndüdeschen / heim
likem by nacht tyden / dar kein munsche in der
Stadt van wuste / int Belt begeuen / vnde
einen andern wech vor sich genamen / vnder
welckeren nicht mehr alse 16. weren / de lange
Köre hadden / Vnd alse de Lateren vor
Padis der Schwedisschen ankumpst vorne
men / sint se vor en geflagen / vnd den Loß
dryueren recht tho mate vnd tho gelücken /
gefamen / doch schlumpes wyse / wente de eine
wuste van dem andern vorhen nichtes / De
Loßdryuers dörrften sich by dage an de La
tern nicht maken / demyle se en tho schwack
weren / sundern vorheelden sich in bussche vnd
de brofe / vnde geuen gude achtunge darup /

wor sich de Lateren gegen de nacht legeren
 worden/ Vnde aise se sich im Dorpe tho Dr-
 rendall / by einer Lopen Befeh entlangest/
 dar se vor den Dudeschen vnd Schweden ei-
 ne frye vnd vclige syde hadden/legerden/ vnd
 schlafen leden// vnd ere Peerde grasen leten/
 Do kamen disse vorgemelte vndudeschen by
 nacht mit eren Kören áuer se heer/ vnde ma-
 ken ein groth geschrey vp Dudesch/ so vele als
 se ein yder konde. De Latern meneden nicht
 anders/ sundern dat ydi ydel Dudesche weren
 stözen derwegen tho bussche vnde tho broke/
 vnd geuen en alle ere Peerde vnd Rüstinge
 thouorne/ do nemen se dar áuer 80. Peerde/
 vnd ygeden darmede stracks na Keuel tho/
 vnd leten sich daranne genögen / Wente de
 meisten van en weren ere leuedage nicht eines
 Peerdes here gewesen/ Vnd wen er noch ein
 weinich mehr gewest weren / edder wen disse
 men ein herte gefatet/ vnd einen standt gegre-
 pen hadden / se hadden wol alle Lateren
 Bollachen / der áuer 300. weren/ daruan
 bringen mögen.

Darna hebben sich ock etlike Dudeschen/
 euen vp de wyse / int Belt begeuen/ vnde sine
 des weges na Wyrlant dorch Bussch vnde

Das Driidde deel

broeck getagen / vnd hebben 40. Küssen dara
under stolte Boyaren weren / dar liggende
gefunden / vnde also de Dudeschen sehr na
an se gefamen weren / sint se vpgesprungen /
vnd im Hembde tho bussche in gelopen / vn-
de hebben alle ere pcerde vnd staedtlike schu-
ben thouorne gegeuen / Wente se weren so
seker gewesen / dat se sich vp dat Hembde na
vthgetagen / vnde tho schlape gelecht had-
den. Do nemen de Dudeschen ere schuben /
rüstinge vnd Wallachen / vnde setteden sich
darup / vnd kamen staetlick tho Keuel inry-
dende / nicht anders / also wen se Muscowi-
ters weren.

Thom lesten / hebben sich 60. Stadt
landesfnechte / beth in de Wyke na Bickel
vordrystet / ere glücke ock tho söfende /
vnde hebben einen staedliken hupen Behe /
van Dssen vnde Köpen / erlanget / vnde vor-
sich her gedreuen / beth tho Kappel / dar se
äuer 400. Küssen vnd Tateren fünden / de-
en dat Behe wedder affhagen wolden / wel-
cker hebben mit gewalt tho den Dudeschen
Knechten ingesettet / de Dudeschen äuerst
hebben sich ock dapper geweret / beth so lan-
ge se einen thün infregen / vnd vele Küsst
erschösa

erschöten/ vnd sieh so wol/ also ere büte vor-
 degedingeden. Do äuerst de 400. Rüssen/
 an den 60. Dudeschen / mit gewalt nichts
 hebben konden / hebben se dorch eren Düs-
 deschen Tolef / desüluigen Knechte thom
 affualle bereden willen/ mit vorhetinge gro-
 ðer gnaden/ vnde darbeneuen oek mit gro-
 ðhem drouwende/ ydt hefft äuerst alles nicht
 gehulpen / Wente de Knechte sint mit ere
 büte vnuorseriget dar van gefamen / vp ei-
 nen Knecht na/welcher mit einer Flißen an
 dem Arme weinich ys vorleket worden/
 hefft em äuerst am Leuende nicht geschadet.
 Hyr mach men äuermals sehen / wo gude
 handelent mit dem Rüssen ys/wer em klein
 ernst gebрукet werdt.

Darna hebben oek de Buren/ Dregers
 vnd allerley gesinde van Hufknechten vnd
 Loßdryueren/ mit willen der Auericheit/ et-
 like Janen vpperichtet / vnd na Dudeschem
 gebruke/ Höuetlüde/ Fenriche vnde andere
 befehlich hebbers vnder sieh vorordent/ vnd
 sint also in des Rüssen landt oft vnd vaken
 getagen / de eine Jan hÿr / de ander dar/
 vnd vp de Rüssen in Busschen vnd Bröken
 geluret/ ere hauc vnd güder geplündert/ vnd

Das Driüdde deel

offtmals Rüssen gefencklich ingebraecht / vnde hebben de Rüssen vnde Lateren so schuw gemaket / dat se vth den Schläten nicht ein mahl kyken dorsten. Den spot hebben se wedder van den bureu vnd etliken schlaueu liden möten.

Dissen Sommer Anno 1576. hebben dre vau Adel in Churlandt / dat huß Amboten / Welckes dem Hertoch Magno van Holsteyn tho gehört / in des Stadtholders affwesende vorrasschet vnde ingenamien / welckere sich alse Fründe vnde Schwegere by des Stadtholders Frouwen hebben inweruen laten / vnd also se vp dat Huß gestadet sint / hebben se de Poerte berönth / vnde ingenamen / beth so lange ere hinderholt van den Littouern heran gefamen / vnde hennyn gedrungen ys. Dith Huß hefft Carolus Szone / Stadtholder vp Piltten / wedder eräuert / vnde desüluigen dre vau Adel / äuer de Muren hengen laten.

Anno 1576. des Donnerdages vor Martini / ys ein vndenclick vnd vegehört groth Schne tho Keuel / vnd dre edder veer myle wegcs vmmc Keuel her geuallen / also dat vele lüde binnen Landes / de na Keuel
wol

wolden / v̄p dem wege in dem depen Schne
v̄mmegekamen sint / D̄ch geliken arme vrou-
wen / de ere yungen kinder in de stadt thor
Doye bringen woiden / sint mit den kindern
im Schne v̄orsapen / v̄nd vele / do se v̄nradt
vornamen / hebben ere Schleden mit aller-
ley wahre geladen / v̄p dem wege stahn la-
ten / v̄nde Godt gedancket / dat se mit den
leddigen Peerden daruan gekamen sint /
v̄nd de B̄orger v̄nd Inwagner / so āuer ei-
ne halue myle van der Stadt erer gescheffte
haluen v̄oreyset weren / fonden nicht ēr
wedder in de Stat kamen / ēr de wech / na
etliken dagen / ein weinich wedder gebanck
was.

Tho ders̄uligen tydt / hebben Hertoch
Magni Havelude van Karcks / v̄nd Quers-
palen / dat Schloth Lemsell / by nacht tyden
v̄orrasschet v̄nd ingekregen / dar se dorch ein
Finster scholden ingestegen syn / V̄nde ys
dat v̄orrasschent (ick hadde schyr gesecht
v̄orrederye) tho dissen tyden / dat beste Rid-
derspil in Lÿfflandt gewesen.

Anno 1576. den ganken Heruest dorch /
beth an dat Nye Jar / sint soleke erschreckli-
ke stormwinde / v̄nde brusent des Meeres

Das Druÿdde deel

gewesen / also ydt van keinem Menschen
vorhen gehört / edder gedacht ys worden.
Wente on dem einigen orde tho Keuel heft
ydt keinem Menschen gedacht / dat Kercken
törne vnd boiwerc in der hauen / vmmen ge
weyhet / vnde affgedreuen sint / also dith Jar
geschehen ys / vnd in keinem Jare sint so ve
le Schepe vnd Schuten / mit vuller ladinge
ge / vor Keuel gestrandet / vp einen Heruest /
also vp disse gemelte tydt / vnd soltes
ys an velen andern orden m. hr
geschehen.

**Korte beschryuinge des ycn
nigen / Wat sich Anno 1577. in der andern
Muscowitischen belegeringe / tho Ke
uel thogedragen vnde beges
uen hefft.**

WA dem de van Keuel den Heruest
thouorne / gewisse kundschop gekre
gen hadden / dat de Muscowiter den
Winter auer sich vor Keuel mit aller macht
legeren würde sint se etliker maten in früch
ten gewesen / tho dē heft en oek de mannich
soldige wedderwerdicheit / de en den ganken
Heru

Heruest auer thouorne beyegenet was seltsame gedancken gemaket/ Also erstuck/ dat de 2000. Knechte/ de vth Finlandt thor besettinge der Stadt Reuel kamen scholden/ van wegen des steden grothen vnwedderts/ vthe blyuen mosten. Thom andern/ dat de 120. Knechte vnd Büssenschütten / welcher de Reuelschen tho Lübeck hadden annemen laten/ ock des Vnwedderts haluen nicht kassen konden. Thom drüdden dat etlike van des Königes van Schweden Schepen/ mit profiande Krudt vnd Lode geladen/ in den Schwedisschen Scheren / dorch einen storm mit ganser ladinge gebleuen weren/ vnd ein van densüligen Schepen / mit allerley nodtrofft geladen/tho Reuel gekamen was / vnde also ydt sich yegen den Auendt/ achter dat bolwerck/ gesettet hadde / ys ydt stracks desülige nacht gestrandet / vnd tho allen stücken thoschlagen/ also/ dat den Reuelschen dar gar nichts van tho nütte gekamen ys. Thom veerden hadden de Reuelschen/in der vorsammelnige der Hense stede tho Lübeck/van den Dankern Herren de thosage erlanget / dat se den Reuelschen mit Gelde/ Korne/vnd Krygesuolcke tho hülpe kamen

men wolden. Solcke thogesechte nodtroffe
 van Dancke tho halende/ Hebben de Keuel-
 schen ein Schip gefrachtet/ vnd dar hen los-
 pen laten / Auerst also de Schipper darhen
 gekamen ys hefft he de Danker mit dersäl-
 uigen sucht ock behafftet gefunden/ welckere
 mit crem nyen Heren / dem Könige van
 Valen/ in einen Rrych geraden weren/ vnd
 sich gelikes falles einer belegeringe vor mo-
 den mosten/ Derwegen fonde de eine fran-
 cke dem anderen nicht tho hülpe kamen vnd
 de handt langen. Thom Böfften/ ys dat
 Bolwerck in der hauen vor Keuel / dorch
 grothen Storm wech gedreuen worden/
 Welckes kein miusche vorhen gedacht had-
 de. Thom Sösten / sint ock forth vor der
 belegeringe/ twe vorreders/ Nömlikē/ Di-
 derick Munkhardt / eines Schmedes Sön
 van Dörpē/ vnd Hans fock/ vth Querpas-
 len/ bördich (welckere lange tydt vor Ha-
 uelude gereden hadden/ vnd alle gelegenheit
 der Stadt wüsten) tho dem Musowiter
 porioyen / vnde hebben em alle fundtschou-
 vth der Stadt Keuel gebracht. Bowol nu
 solckes alles eine böse antöginge gewesen ys
 So hebben dennoch de van Keuel an Bas-

Des gnade vnde bystande nicht getwvnuelt/
welcker alleine de noedthelper ns / vnd bil-
lich oek alleine dissen Titel föret. Wen ä-
uerst de Keuelschen alle de gedachte middel
vnd hülpe / vth vorgemelten Orden erlan-
get hadden / hadden se sich vellichte ganz
darup vorlatē / vnd vth sekerheit des Noedt-
anckers der Christen / Nömliken / innigen
Gebedes tho Gade dem Almechtigen / vor-
geten / Derhaluen hefft en Godt desüluigen
middel nicht thosteden willen / vp dat men
erfaren scholde / dat he altene de rechte hel-
per ns in allen nöden / Wo den oek Godt de
Almechtige / mit syner schynbarliken hülpe
den Keuelschen in gnaden by gestahn hefft.

Vnde dewyle de Byendt gewißlick ka-
men wolde / gaff ydt dennoch groth wun-
der / dat he soleken harden Winter / de em
sehr fögede / so lange vortoch. Endtliken ns
he gelyckwol nicht vthgebleuen / sundern
den 22. Januarij / yegen de nacht / mit ge-
weldigere rüstinge / tho Gegelecht / dre mylen
van Keuel angekamen. Do sint de vorspe-
hers vmme 9. schlege yegen de Nacht / oek
wedder gekamem / vnd hebben gewisse kund-
schop gebracht / dat de Muscowiter mit gan-

Das Drüdde deel

Her macht vorhanden were / Do hebben twee
Bürgermeistere / nömlikē / Her Frederick
Sardtsiede / vnde Her Liderick Korffma-
ser / siek stracks an dat Marcket vorföget /
vnd hebben allen Inwanern iho Keuel an-
kündigen laten / dat de Vyendt vorhanden
were / vnde dat ein yeder syner saken gude
achtungē hebben scholde.

Volcendes dages / den 23. Januarij /
vp einen Middeweken vor Middage / heffte
men den Muscowiter / bauen vnde vp ren-
nersydt dem Steinberge / her trecken schen
mit Heres krafft / Welcker treck den gan-
cken Dach beth in de düster Nacht gewarck
hefft. Vp dissen Dach / hebben de Rüssen
feine Ehermükelingē holden willen / ock
hadden de Keuelichen den Dach äuer nicht
lange tydt / se tho tebbende / Wente se mit
eren Gaerden vnd Schünen affihobrefens-
de / genochsam tho schaffende hadden.

Do hebben de Vyende erstlick 4. Leger
vor Keuel geschlagen / Dat erste Leger ys
genesen thor äuersten Wölen / vp dem bers-
ge / vnd in der grufften. Dat ander vp dem
Steinberge / in den steingrouen / den gan-
cken berch erlangest. Dat drüdde Leger by
dem

dem waterhuse/ in den Sandtbergen. Dat
veerde Leger ys der Lateren gewesen/ lan-
gest der Zerwekfussen See/ ein groth vern-
deel wegcs lanck.

Darna also de Stadt beschancket wordt/
hebben de Strelken / dat sint de Hackens-
schütten / dat Voffte Leger / bauen vnd vns
der S. Tonniesberch/ in den beyden schan-
ken angeschlagen / vnd hinder dem Berge/
den ganken Anberch entlangest / na der
Schwartenbefe werk / hebben ock etlike dus-
sent Rüssen tho Peerde gelegen / de neuens-
den hakenschütten mit vp de beyden schan-
ken / vnde vp dat Geschütte wachten schol-
den. Also nu des Muscowiters macht vdt
Keuel sich gelegert hadde / Do hefft mer
nicht einen Menschen in der Stadt bedro-
uet edder vorkaget gesehen / sundern alle
frisch vnd wol gemodet / vnde einen yderens
hefft geducht / dat em ein Stein vam herten
gefallen were.

Do nu de Biendt in den veerden dach
mit der schermükellinge stille gehalten had-
de / vnde men nicht erfahren konde / wat doch
syn vorsate syn mochte / sint de Keuelschen
den 26. Jannarij / mit aller macht / vomme
fundt

Dat Drüdde deel

Puntſchop haluen/ tho em vth gefaſſen/ vnd
hebben ſick beth achter S. Johannes Spit-
tal / na den Sandtbergen / gar wydt vor-
dryſiet/äuerſt de Ruffen wolden nicht ſtarck
ankamen/ ſundern heelden in vuller ſchlachte
ordeninge allenthaluen gar ſchwart vnde
dicke / vnd wachteten darup / dat de Keuel-
ſchen ſick noch wyder henuth vordon ſchol-
den / alſe denne wolden ſe de Keuelſchen
vmmeringet vnde nedder gelecht hebben. A-
uerſt dorch ſünderlike ſchickinge Gades/ le-
ten de Ruffen etlick Belt geſchütte altho ha-
ſtich manck de Keuelſchen affgahn / dar-
dorch ſe vororſaket worden / wedderümme
na der Stadt tho wykende. Do wordt nicht
mehr/ alſe ein Schwediſch Landesknecht er-
ſchaten/ dat was alle de ſchade vp den dach/
vnd thom erſten male. Wen äuerſt de Ruff-
ſen beherkte Krygslüde geweſen weren/
vnde hadden wor ein duſent Man gewas-
get / vnd mit dem ganken hupen vp de Ke-
uelſchen thogefettet/ vnde en/ dewyle ſe ver-
ne genoech van der Stadt weren/ den wech
benamē/ wo ſe gar lichtlick hadden don kön-
nen / de Stadt Keuel were den dach mehr
alſe halff/ ere geweſen/ Äuerſt ſe hadden dat
herte

herte nicht/ vnd Godt hadde se ock vorblent
det.

Densüluigen 26. Januarij / negen de
nacht / hebben de Rüssen vp S. Lonnice-
berch geschancket / vñ den volgenden 27. Ja-
nuarij vp einen sondach frö morgens / ange-
fangen mit Cartouwen vnd Schlangen in
de Stadt tho schetende / vnd vnder der Pre-
dige in S. Nicolaus kercken ein Yserne Kuz-
gel / van 52. punden / manck dat volck geschas-
ten. Vnd wowol de kercke van börgern vnd
gesellen / Frouwen vnde Junckfrouwen /
yuncck vnd oidt / gar vul was / vnd desüluige
Kugel dorch ein finsteren in de kercke floech /
vnd manck dat Volck nedder vill / so hefft se
dennoch keinen minschen mehr beschediget /
aise einen jungen Börger / Hans van Mal-
len genömet / welcher an einem arme vor-
lehet wordet. Na der tydt ys de Predige van
der Parkerken S. Nicolaus / na dem hillig-
gen Geiste vorlehet worden.

Densüluigen 27. Januarij / negen de
nacht / hebben de Rüssen dat nye Sefenhuz
dorch Fürbelle angesticket / vnde dat halue
Dach vnde sperde des Huses affgebrandt /
Auerst de ander helffte ys gereddet worden.

Das Druͤdde deel

Ydt hadde ock wol keine noedt gehat / wenn dath How dar van geweest were / vnde men gude wacht gehoiden hadde. Ydt ys Auerst vngelöfflich wat vor ein frisschent vnd groe glorierent der Rüssen / vnd welck ein gruwlich schetent ys gehöret worden / so lange als se dat Huß gebrendt hefft.

Den 28. Januarij / vmmē 8. schlege / yegen de Nacht / hebben sich de Rüssen wat neger / nicht vndt van des Schlates Kalckauen geschancket / vnd grothe blockhäuser vngeschlagen / Do wordt ein allerm in der Stadt / dath men nicht anders meincte / de Nyendt wörde mit ganker macht tho storme lopen. Also auerst disse allerm gestille was / hefft ein Fenlin Schwedischer knechte eine Kudderlike daedt begahn / welcher sine tho den Rüssen in de Schanke vnd blockhäuser gefallen / hebben erer gank vele erschlagen / vnde einen Muscowitischen beschlich hebber / daranne vmmē fundtschop haluen / vele gelegen was a fangen vnd vorwundet ingebraecht / Welckeres fundtschop voranocht hefft / Erstlich / dat des Grosfürsten van der Muscow Knygesuoelck an Rüssen vnd Lateren thosamende / 50000. stark vor
Neuck

Keuel lege. Thom andern/ dat de Grothförste in eigener persone nicht dar mit were / sundern syne vornemeste Knesen vnde Boywoden/ Alse erstlick Knes Feder Zwanowik Myktyflawffsky/ ein junger Man/ darna syn thogeordente Lutenandt/ Iwan Wasiliwik Selymetyn Kolkoff / de beste Krygesheldt des Muscowiters/ welcher dem Grothförsten gelauet hadde/ he wolde em de Stadt Keuel vorschaffen / edder he wolde nicht leucndich wedderümme vor syn angesichte kamen. De drüdde were Knes Demyter Andreywik Schorlethoff. De veerde Knes Mykita Pryemka / welcher auer de Archelye beschenden were. Thom drüdden/ de Grothförste vp Marien vorfündiginge mit mehrem Volcke folgen würde. Thom veerden/ dath des Grothförsten menste Archelye vnd Geschütte vor Keuel lege. Dartho twe dusent Lunnen puluers/ welches se vorscheten/ vnd ere gelücke darmede an Keuel vorsöken scholden. Thom vöfften/ dat se alle im Leger an Keuel vortwyffelden/ vnde sprekten/ ydt were nicht de Polokko edder de Parnow. Thom sösten/ dat de twe vorreders im Leger geraden hadden/ dath men de

Schanke v̄p S. Lönnesberch schlahn scholde / dar de Stadt am schwackesten were / sunst wuste he nicht mehr / Wente he in dissem dage nicht mit vth der Muscow / sondern vor dren dagen / van Padis int Leger gekamen were.

Im anfang der belegeringe / hefft ock de Biendt der Stadt dat Water / by dem Waterhuse / benamen / vnd vth dem Waterhuse / dar dat Water in de Stadt lopen moth / eine Kackerne gemaket / v̄p dat de Keuelschen nichts reines van Water in de Stadt kryn gen scholden. Auerst dar was des Waters haluen kein mangel / ock ys dar kein gebreck edder mangel an yennigerley lyues nodt trofft vnd profiande gewesen / sundern de Stadt was v̄p ein gank Jar genochsam vorsorget gewesen.

Tho dem / so was de Stadt Keuel mit truwen vnd Godtfrüchtigen Regenten vnd Radtläden vorsorget vnd wol vorsehen. Wente Her Hinrich Claussen Ridder tho Kanckas / ein older erfarnier Krygsheldt / vnd syn Sön Her Carll Hindricksen / sine domahls Gubernatores vnd Regenten tho Schlate gewesen / Belckere an sich / wat truwen

wen vnd Godtfrüchtigen Gubernatoren
 egent vnd geböret / nichts hebben mangelt
 laten / ock keinen Wynn / Beer / edder schlacp
 vor dat vpschent vnd Gubernation sorge
 genamen / sundern hebben gar flytich dach
 vnd nacht in eigener persone de Wacht süs
 uest bestellet / vnd vorsorget / vnd hebben er
 em Exempel na / alle Höuelüde / vnd besche
 lich hebbers / vnd gemeine Landesknechte /
 gelikes falles ock also dohn möten. Disse
 gemelte Heren / hebben ock süsuest vp de
 Wyende de grothen stücke offtmahls / mit
 grother gefahr gestellet vnd loßgebrandt /
 also / dath de Bürger darauer gekurret vnd
 gesecht hebben / De Gubernatores vordry
 steden sich altho sehr / Wente wen einer van
 en darauer tho schaden queme / dath scholde
 der ganken Stadt einen grötheren schaden
 vnd schreck geuen / also wen hundert andere
 erschlagen worden / Auerst dar hebben sich
 de gemelte Heren nicht angekeret / sundern
 sich allewege flytich gebruken lathen / Des
 geliken dede ock ein Erbar Radt der Stade
 Keuel.

Des hadden de gemelten Gubernato
 res alle de Schlates Welle vnd Törne mit

Das Drüdde deel

Blochhüseren / geweldich vorbuwet / vnd des
sälüigen alle neuenst den stryckweren / mit
soleker stadthiken Röninekliken Archelye vnd
Geschütte / van helen vnd haluen Cartou-
wen / Schlangen vnd storme stücken / also
vorsorget / dath sich alle Menschen in Keuel
darauer vorwundert / vnd ere lust daran ge-
sehen hebben / vnd de teynde minsche in der
Stadt / hefft solekes vorhen nicht gewust edo
der gelouet / dat solek eine Rönineklike Arche-
lye vp dem Schlate tho Keuel syn scholde.
Tho dem sint ock alle Welle / Kundele /
Dwenger vnd stryckweren der Stadt / mit
Cartouwen / Feltschlangen vnd stormestü-
cken also auerslödich vorsorget gewesen / dat
men etlike Cartouwen vnd stücke / de ganze
belegeringe auer / nicht eins thogebbrukende
bedörffte. Vnd wowol de Muscowiter vele
geschüttes vor Keuel hadde / so ys doch vyff
mahl mehr geschüttes tho Keuel / vp dem
Schlate / vnd in der Stadt gewesen.

Vnd dewyle men ock vornamen hefft /
dat des Muscowiters meininge was / de stad
Keuel / gelick alse de Polokko / mit Rüre tho
beengestigende / hebben de Gubernatores /
vnd ein Erbar Radt der Stadt / disse vors
sichtis

stichticheit wedderümme darnegen gebruket.
 Erstlick hebben se allen Borgern vnd In-
 waneren der Stadt ankündigen laten/dath
 ein yder by vormydinge grother straffe/alle
 dat Holt/How/Stro/vnd allent wat van
 Süre balde angekündet werden fonde/van
 synem Böne affwerpen / vnd in Kellern/
 vnd vnder den gewelfften vorbergen / vnde
 ock ein stede Wacht/dach vnd nacht/vp sy-
 nem Böne holden scholde. Thom andern/
 ys ein stede rydende Wacht by nacht ryden/
 de ganz belegeringe auer / gehalten wor-
 den/de vmmeher ryden/vnde wol tho sehen
 scholde/wor de Fürbelle hen fellen/vnd den
 süluigen strackts na ryden/vnd den Lüden
 soleses vormelden / dat se balde darby wer-
 en/vnd se vth dempeden. Thom drüdden/
 hadde ock ein Erbar Raedt ein fane Har-
 risscher Buren/äuer 400.starck/stolte vn-
 uorkagede Kerls / vnde menstpart Hafens-
 schütten / mit geringer besoldinge bestellet/
 welcher buren Höuetmann was Iuo schen-
 tzenberch / eines Müntemeisters Sön van
 Keuel ein freydiger / beherkter hunger man
 de syn büresche Knygesuolck mit allerley
 befehlich vnde Emptern / Dudescher orde-

Das Driidde deel

ninge vnde gebruke affgerichtet hadde/ vnde
desüligen Buren/ neuenst den Dudeschen
vnd Schwedischen Landesknechten/ beger-
den nichts leuers / also alle dage vnd nacht
mit den Rüssen tho schermütelen/ wo se den-
ne ock offtmals den pryß erlanget hebben /
Derwegen zuo Schneckenberg van synen
mißgünstigen/ Hannibal/ vnd syne Buren/
Hannibals volck ys genömet wordē. Dissen
Hannibal vnd synem volcke/ weren de Rüs-
sen insunderheit vwendt vnd gram. Ock ys
diffe gemeite Hannibals fane vp de Fürbelle
tho wachtende bestellet gewesen/ mit soickem
bedinge / dat se scholden dach vnd nacht by
etliken rotten gude wacht holden / Vnd so
mannigē Fürbal ein yder dem Krygesäuer-
sten der Stadt bringen würde/ so mannigē
dre Marck/ dat ys ein ordt goldes / scholde
ein yder hebben alle mahl/ vnd wen se einen
Fürbal vp eines Börgers huse beschlögen/
dar keine wacht vp dem böne vorhanden we-
re/ dessüligen Börgers huf scholden se men
stracks vp loyen / vnd den Fürbal dempen/
edder vth der lufen vp de straten warpen/
des scholde en desülige Börger / de keine
wacht gehalten hadde/ einen haluen Daler
stracks

stracks thogeuende schuldich syn / tho yeder
 tydt / *Quia spe commodi mouemur omnes.* Do sint
 de Kerls ganz lustich geworden / vnd hebben
 sich mit den Fürbellen dach vnd nacht gepa-
 get / gelick alse de Knaben mit den Küfelen
 vp der straten / dat manniger de bedrouet
 vnd trurich was / sich darauer vorquicken
 vnd lachen moeste. Thom veerden / moeste ein
 yeder vp synem böne natte Ossen hude / Ke-
 telen edder Ballien / mit maffe befraren / alle
 wege berendt hebben / dar mit men de Für-
 belle dempen mochte / dewyle dat Water dar
 nicht tho denen wolde. Tho dem sint ock al-
 le böne in Keuel mit bredden Steynen fisen
 wol belecht / vnd mit erdtryke ganz dicke be-
 dragen gewesen / dat wen gelick Fürbelle
 darup sellen / se dennoch so balde nicht dorch
 bernen konden. Dorch solcke vorsichticheit
 der Auericheit vnd flytige Wacht / vnd do-
 men ock in de gewanheit gekamen ys / heffe
 men einen Fürbal nicht mehr geachtet / alse
 einen Bagel in der lueht.

Wat de Lümeler belanget / konden de ock
 feinen sunderliken schaden dohn / dewyle de
 Hüser in Keuel fast alle dre böne hoch sint /
 vnd ein yder boen mit geweldige dicken bal-

Dat Dr üdde deel

Den gantz dicht gespündet/ vnde mit bredden
flusen áuer her belecht / vnde mit erdtryke
gantz dicke vnd hoch bedragen weren / vnd
efft he wol einen Boen dorch warp edder
dorch fell/so weren doch de andern beyden
fry. Derwegen ein yder Börger in syner
Stuben vnd Kamern gantz velich vnd seker
daruor gewesen ys/Wat auerst vor schaden
van den Lúmelers geschehen ys/schal hyr
na fórtlick vorme:det werden.

Den 1. Februarij/hefft de Rüsse dat her-
like Kloster Mariendal/S. Birgitten Dr-
dens / gantz vorwóstet / de altare herunder
gereten / vnd vth den dickesten steynen vele
Lúmelers gehouwen / vnd dat herlike dack
vnd spersel herunder geworpen/vnd na dem
Leger gefóret. Vp desúluige tyde/hefft he
ock de Galge mit den Deuen vor Keuel ge-
spolieret / vnd de balcken herunder gewor-
pen/vnd int leger gefóret.

Den 3. Februarij / negen de nacht / ys
Laurenz van Kóllen / der Schwedisschen
Knechte Hóuetman/ vth grother vormeten-
heit/in drunekener wyse/ súlff vófftich/ ane
Kadt vnd willen der Gubernatoren/tho vo-
te in des Rüssen schanze gefallen/crer etlike
erschla

erschlagen / vnd eine Felttschlange vth der
 schanke gehalten / vnd vpon dat Schlot tho Re-
 uel gebracht / vnd ock so vele darauer gefre-
 gen / dat he des andern dages gestoruen ys /
 an welcherem vthfalle keiner einen wolge-
 fallen gedragen hefft / Wente men hadde
 wat anders wegen de Rüssen in der schanke
 vorgenamen / auerst hyr dorch wordt yde
 vorhindert / vnd de Rüssen worden men ge-
 wikiget vnd gewarschuwet / ere schanke beter
 in achtunge tho hebbende. Na der tydt heb-
 ben de Reuelschen vorwachtet / dath he men
 störmern scholde / dar se sich gar wol vpon-
 geschicket hadden / vnd wen men em einen
 storm edder etlike / mit Göttliker hülpe / aff-
 geschlagen hadde / Also denne wolden se tho-
 gesehen hebben / wem dath Geschütte in der
 schanke thogehöret hadde.

Den 5. Februarij / sint etlike Rüssen vor
 de Stadt gekamen / sprake tho holdende / a-
 uerst de Reuelschen wolden se keines wegcs
 hören / vnd de Landesknechte hebben se von
 vorsehers geachtet / vnd manck se geschat-
 ten / Do sint se in solckem schrecke ylich wech-
 gereden / dath einer einen Samnitten Ry-
 uer / mit schwarten vossen gefordert / hefft

Dat Driidde deel

fallen laten / vnde ys mit blotem hōuede daer
van gereden / densūluigen Kyuer hefft ein
Landesknecht vpgenamen / vnd in de Stadt
gebracht.

Den 6. Februarij / yegen de nacht / hefft
de Vyendt noch eine schanke / vnder dat ho-
ge Kundeel / vor der Schmedepoerten / an
S. Tonniesberch / mit How fōderen vnde
schankfōruen angeschlagen. Volgendes
dages āuerst sint de Keuelschen Knechte /
samt der Buren fane / vthgefallen / vnd
hebben de Rüssen vth dersūluigen schanke
geschlagen / vnd dat How mit Leerfrenken
angekūdet / vnd vorbrandt / Do sint van
den Keuelschen men twe Buren gebleuen /
vnd weinich Knechte vnd Buren sint vor-
wundet worden / Auerst der Rüssen sint
nicht weinich gebleuen / de in der schanke er-
schlagen / vnd mit den grauen stūcken van
Schlate / vnd vth der Stadt / erschaten sint.
Do sint ock dre Keuelschen vth des Musco-
witters āuersten schanke in einem schāte er-
schaten worden / vop dem Walle / dar se stān-
den vnd dat spil ansegen / de eine was ein
Schnyder / vnd wanhaftiger Bōrger bin-
nen Keuel / de ander ein yunck Geselle / eines

Kadmans Sone van Keuel/ vnd de drüde ein Büssenschütte. De folgende nacht auerst / hefft de Rüsse de schantc wedder ingenamen / vnd mit Blockhüsereu starcker gebuwet vnd besetzt / also vorhen.

Den 8. Februarij / schickeden de Heren etlike Bisschers vth / in der Hauen tho Bisschende / ein stuckeweges van der Stadt / den Rüssen tho spyte / vp dat men se dardorch vth dem Leger locken wolde / vnd wen se angekamen weren / so weren hinder dem Blockwerke vnd hinder den Schepen etlike schütten bestellet / de se entfangen schoiden / Auerst de Rüssen wolten nicht dicke heran / demyle se den anslach vormerkeden.

Den 12. Februarij / in der nacht / quam eine gefangene Schwedische Maget / vth dem Leger vnder dath Schloth tho Keuel lopende / welckere na deme se ingelaten wurde erste kundtschop brochte / dat ein hupe van Lateren ock in Finlandt gewesen were / vnd vele gefangene lüde / yunck vnd oldt / van dar int Leger vor Keuel geföret / vnd vele yunge Kinder vppet yhs in de See geworpen / vnd liggen laten hadde / Welckes eine bedröffuede tydinge allen framē herten gewes

Dat Drüdde deel

gewesen ys. Darna sint noch mehr gefangen
ne in yfern helden gespanen / ock loß gefas
men / Welckere disse böse tydinge wyder bes
krefftiget hebben.

Vnde dewyle de stadt Keuel mit Wel
len / hogen Kundelen / dubbelden grauen /
fast rundt vomme vnd vomme / vnd ock etliker
wegen mit dubbelden Wellen dermaten bes
festiget ys / dat men keine müer mit geschüt
te van buten faten kan / alleine de Müer vp
dem Marstalsberge / dar noch twe dicke
mantel Müren vnde grauen vorher gahn /
vnd de Küsse desülige Müer nicht recht
twer áuer / sundern entlangest faten vnd
bescheten moeste / vnd dewyle ock desülige
sehr dicke vor gewalt gebuwet ys / hefft he
nicht ein loch darin scheten können. De Ke
uellschen áuerst hebben nichts leuers van
God gewünschet / sunder dat he dar tho
storme gelopen hadde. Wente dar hadde
he twisschen der Stadt / dem Schlate / vnde
zwischen dem Dome inlopen möten / dar se
sick allenthaluen also vp ene geschicket had
den / dat wen he dar twisschen gefamen we
re / he nicht scholde gewust hebben / wo he
wedder tho rügge famen scholde / Áuerst de
wyle

wyle he vnradt vornam / ys he vthgebleuen
vnd der beyden vorreder raedt / ys ock tho
rügge gegahn.

Na dem äuerst de Muscowiter beth an
her grüwlich hadde geschaten / vnd an fei
ner Mäer edder Walle etwes beschaffen
fonde / hefft he na gerade mit storme sche
tende angeholden / vnd mit den grauen
stücken in de Stadt / vp den Doem vnd
Schlot / vnd na den Törnen vnd Wellen /
dar em schaden vthgeschehen was / hen vnd
her wedder geschaten vnd geplacket / vnd
ane vnderlat dach vnd nacht de Tümelers
vnd Fürbelle ock nicht gesparet / Hebben
derwegen de Gubernatorn vnd ein Raed
der Stadt wol vormercket / dat de Musco
witer andere rencke vnd anschlege vor sich
hebben möste / alse Nömliken / dat Schloth
edder de Stadt tho vndergrauende / vnd ei
nen Wall edder Torn tho sprengende /
Derhaluen de Gubernatorn vnd ein Raedt
der Stadt / mit hegen grauende siek niche
weinich beffhtiget hebben / vnd dewyle men
nene gewisse kundschop hadde / erste de
Küsse ock vndergroue / edder wor he groue /
vñ wor he hen gedachte / Is men vñe kund
schop

Das Driidde deel

schop sehr bekümmert vnd bemöiet gewesen.
 Do hebben de Gubernatores / neuenst andren
 grothen löfften / ock Sammitten vnd
 Bandedklydinge dütteschen vnd vndüdeschen
 Krygeslüden thogesecht / so se einen
 gefangenen krygen fonden. Derwegen alle
 Krygeslüde / Schweden / Dütteschen / vnd
 vndüdeschen / ganz vnurdraten dach vnd
 nacht / vnd mit grother gefahr darna vthe
 weren / äuerst hebben keinen vorrassen
 können. Do ys de bekümmernisse noch grö
 ther geworden. Also auerst sehr alle hape
 nunge der kundtschop haluen vthe was. Do
 föget vnse Here Godt wunderbarlick / dath
 den 14. Februarij / ein statlick Tatersch Bo
 yar / edder Edelman / Bulaat Mursson ge
 nandt / mit synen denern sülff achte / dem
 Rüssen entreden was / vnd vñe dre schlege /
 in der morgen stunde / vor de grote Strant
 porten vor Reuel quam / vnd in de Stadt
 tho wesende begerde / welcher stracks mit sy
 nen Knechten ys ingestadet worden / vnd de
 wyle se alle kundtschop / darümme men sehr
 bekümmert gewesen was / vnd darnegeft ock
 frölike tydinge mit sieck brachten / ys grothe
 fröwde vnd frolockent in der Stadt gewor
 den.

den. Do kregen de Keuelschen einen frisschen modt / vnd konden gewislic^k hyruth schlus-
ten / Dat alle Rüssen vnd Latern im Leger /
an Keuel vortwyuelen vnd vorkagen mo-
sten / wente wen disse Latern gehöret edder
vornamen hadden / dath dar noch yennige
häpeninge im Leger gewest were / de Stadt
Keuel tho gewinnende / so weren se warlic^k
dem Rüssen nicht entreden / vnd tho den Ke-
uelschen geflagen / vnd mit willen ere gefan-
gene geworden.

De kundtschop auerst disser entredenen
Latern hefft / na vnderscheidlikem vorhör /
einhellichlic^k vormocht. Erslic^k / dat des ä-
uersten Feltheren Lütenandt vnd vorneme-
ste Krygeschelt / Iwan Basiliewis Sely-
metyn Kolkoff genandt / mit einem grauen
stück vth der Stadt erschaten were / wel-
cker noch dre dage geleuet hadde / vnd darna
mit grothem processe dodt in Ruzlandt ge-
fört were / Welcker dem Grothförsten gela-
uet hadde / de Stadt Keuel tho vorsschaffen-
de / edder nicht leuendich vor syn angesichte
tho kamende. 2. Dat de Keuelschen auer
1000. Rüssen alrede / vnd offtmahls 20.
oek 30. in einem schöte erschaten hadden.
3. Das

Dat Drüdde deel

3. Dat vele Rüssen ock alrede heimlick vorkloppen weren. 4. Dat de Rüssen sich sehr befrüchteten/ dat de Keuelschen ein mal ere geschütte vth der schanze nemen worden. 5. Dat 1200. Lateren in Finlandt den schanden gedahn hadden/ vnd in de 500. dar van vorsapen weren. 6. Dat des Grothförsten ankumst were men eine Fabel / den Rüssen so wol/alse den Keuelschen tho einem schrecke vnd drouwe vth gesprenget. 7. Dat de Rüssen in der schanze hadden angefangen tho vndergrauende/wusten auerst nicht/wo ferne se gefamen weren. Dewyle nu disse Lateren alse fründe / tho Keuel gefamen sint / hefft men se mit einer Wacht fry vmaner gahn laten / vnd de Gubernatores hebben se ock vp de Könincklike veste des huses Keuel geföret/dar de Lateren solcke anschlege tho des Vyendes affbrocke gegeuen vnd mit gedelet hebben / de nicht tho vorachtende weren.

Den 16. Februarij / sint de Keuelschen na S. Johans brügge/mit weinigen Volcke vthgefallen / vnd hebben eine scharpe scharmükelinge mit velen Rüssen gehalten/ do sint etlike Rüssen erschaten / van welckeren

ren dre dodt sint in de Stadt geschlepet worden / welckeren men statlike Marten su-
ben vthgetagen hefft / ydt wordt ock ein stol-
ter Bonar gefangen / vnd leuendich ingha-
let / dessüligen Bonaren kundtschop heffe
mit den Latern äuer ein gestemmet / der-
haluen men den Latern deste mehr gelouen
tho gestellet heffe.

Den 17. Februarij / vp den Sondach
Esto mihi / frö morgens / hefft de Küsse vpe
aller grüwlikeste / vnd mit mehr stücken also
vor hen / angefangen tho schetende / alles
men tho einem schrecke vnd drunne / also wol-
de he dar mit tho vorstande geuen / dat he nu
erstlic syn gelücke vorsöken / vnd den grötes-
ten ernst gebroken wolde. Darup sint den
18. Februarij / twe statlike Bonaren / sampe
einem Düdeschen tolcke / Willem Pöppelex
genandt / mit des Grothförsten breue / an de
Keuellschen affgefertiget / Welckeren bress
de Gubernatores / Vnd de Borgermeistere /
Her Fredrick Sandtstede / vnd Her Dide-
rick Korffmaker / vor der Leymporten ent-
fangen hebben / Des hebben de Bonaren
vnd de Tolck ock ein gelende begeret vor des
Grothförsten Gesanten / so vth der Muscom
B b gefa

gekamen waren / vnd ock mündtlike wetten
 an de Stadt Keuel hadden. Disse gemelte
 Dūdesche Tolck was mit herliken klederen /
 den andern Dūdeschen tho einem Loekua-
 gel / gestofferet / (alse ydt den allen Mannes-
 lucken alleine vñe de herlicheit disser werlt
 tho dohnde ys) Auerst wien hefft den Gesan-
 ten dat geleide affgeschlagen / vnd den breff
 mit guden bescheide also vorandtwerdet / dat
 se vngedūldich dar āuer geworden sint / vnd
 darna sīck mit erschrecklikem schetende / vnd
 mit Lūmellers vnd Fūrbellen grūwlicke ge-
 noch angestellet hebben.

Alse nu de Vyendt vornam / dat he mit
 synem storm schetende / vnd mit synen Lū-
 melers vnd Fūrbellen an der Stadt nichts
 hebben konde / hefft he synen modt an dem
 Dwenger der Stadt / de Keyck in de kafen
 genōmet / kōlen willen / welckeres Dwengers
 geliken an der ganken Ostsehe / nicht gefun-
 den werdt / Daruth ock dem Vyende ein
 groth spot vnd schade offtmahls geschehen
 ys. Dewyle āuerst ein hoch Kundeel vor
 dem gemelten Dwenger her licht / hefft he
 des haluen densūluigen Dwenger middewe-
 ges / gar hoch van der Erden / faten mōten /
 vnd

vnd wowol he eine lange tydt / dach vnd nacht / mit helen vnd haluen Cartouwen darup schoech / so hefft he doch mit allem schetende nicht mehr vthgerichtet / alse men vp einer syden ein loch dardorch gebaret / dar ein paer Effen tho gelike dorch gahn mochten / Vnd den vorwalter des Dwengers / Hans Schulten / einen Echoester / ock erschaten. Dat ys de gröteste schade / den he der Stadt Xuel vp dat mahl thogeföget hefft / mit synen 2000. Tunnen Puluers.

Den 1. Martij / in der morgenstunde / hefft ein Tümeler einen buren / vñ ein wyff / sampt twen kindern / vp ein mahl tho gelike in einem Bathstauen / im Monnickenhau / erschlagen / welches de gröteste schade van einem Tümeler vp eine tydt gewesen ys.

Den 7. Martij / hefft men 40. Knechte / vnd weinich Hauelüde / vthfallen laten / de Rüssen diecke vñ by hupen in de sehank / vnd int Felt / tho lockende / dat men se deste beter treffen möchte. Do weren vp allen Törnen / Wellen vnd Kundelen / de Büssenschütten mit den grauen stücken ferdich / vnd branden dar manek / dat men se mit lust hefft hen fallen vnd tümelende gesehen.

Dat Drüdde deef

Den 8. Martij/in der nacht/hebben de
Rüssen ersten de Schepe in der hauen vor-
brandt/welckes ein wunder gewesen ys/dat
se de so lange vnbeschediget blyuen lathen
hebben/anc twyuel darümme/ dat men des
Rüssen wolmeinige tegen de Stadt sehen
vnd spören scholde/Auerst ydt sint men ydel
renck vnd practiken gewesen / *Fstula dulce ca-
nit, volucrum dum decipit auceps.*

Den 9. Martij/sint de Keuelschen vam
Schlate vnd vth der Stadt/mit 400. Man-
thosamende tho Bote/vnd 100. tho Perde/
vthgefallen / de vnderste Schanke thostor-
mende/welcker schanke se balde ingefregen/
vele Rüssen darin erschlagen / vnd 6. ge-
fenclick in de Stadt gebracht hebben. Do
ys den Keuelschen ock ein temelick schade
dorch vorsehen wedderfaren. Wente de or-
sake disses vthfalles der Keuelschen ys disse
alleine gewesen/dath se etlike Rüssen gefan-
gen frngen/vñ kundtschop erlangen mocht-
ten/Derwegen was ydt vorsehen also beschla-
een / Wen men einer edder mehr gefangen
gefregen hadoe / so scholde men stracks des-
säluiigen in bringen/vñ wen de gefangenen
in de Stadt gebracht weren / so scholde de
Trams

Trammeter vth der Stadt stracks blasen/
 alse denne scholde sich ein yeder wedderum-
 me na der Veste vorsegen. Alse se nn in
 de schanze sellen do was ein yder mit allen
 flyte darna vthe / dath he einen gefangen
 frygen möchte. Wente demsüluigen / de ei-
 nen gefangenen in brachte / was eine vor-
 ehrringe / nömlich 50. Marek / thogesecht.
 Do worden stracks im ersten anfallcs fan-
 gen gefregen / vnd ein yder yede mit synem
 gefangen na der Stadt / Vnd alse men se
 in der Stadt hadde / do begunde de Tramm-
 meter tho blasende / derhaluen se sich fast alle
 na der Veste vorsegeden. Alse auerst Claus
 Holste / der Stadt Hōuetmann / mit dem
 Hanniballe vnd etlike andern sach / dat vrie
 Rüssen erschlagen / vnd de andern alle in der
 schanze vp de flucht gebracht / vnd se nu der
 schanze mechtich weren / hebben se des Tramm-
 meters blasent nicht geachtet / sundern heb-
 ben de Vyende wyder vorsefolgen vnd de
 schanze tho nichte maken willen / vormei-
 uende / dat de andern alle gelicksfals ock al-
 so dohude worden / Auerst alse de gemelte
 Hōuetman / neuenst den weinigen / so bey
 em gebleuen weren / sich vomme sach / do we-

Das Drüdde deel

ren de andern alle na der Stadt hen wech/
 Vnd also de Rüssen/ de in de depe groue/ de
 se vnder der Erden na der Stadt gegrauen
 hadden/ geflagen weren/ segen/ dat de Ke-
 uelschen alle vp ein weinich volckes na/wech
 weren/ sint se vth der grouen dar de Höuet-
 man sich nicht vorhödde / by hupen hervor
 gekamen / vnd hebben den gemelten Stadt
 Höuetman/ mit etliken andern/ auerweldi-
 get vnd erschlagen / In welckeren schermü-
 sel de Keuelschen van erem volcke/ an Lan-
 desknechten / Roepgesellen yungen Knech-
 ten/ sampt etliken van Hannibals volcke/ in
 alles by 30. Personen vorlaren hebben. So
 lange duerst also disse schermüseling ge-
 schach/ hefft men alle dat geschütte van allen
 Lörnen vnd Wellen/ gar oft vnd dicke na
 einander manck de Rüssen / in der duersten
 schanke dermaten affgahn laten / dat de
 Rüssen mit erem grauen Geschütte / Lüt-
 meleren vnd Furbellen/ nicht eins vpduken/
 vele weiniger einen schöte dohn dörfen /
 Derwegen de Keuelschen in der vndersten
 schanke deste beter eren willen begahn heb-
 ben.

Vnd gelyck also yederman/ der guden ge-
 sellen

sellen vnd Ryngeslücke / vnd insunderheit des
 Redelichen mannes / des Hôuetmannes hal-
 uen / ganz bedrôuet worden was / also heffte
 de gude kundtschop der gefangenen Rüssen /
 de ganze Stadt wedderûme erfrowet / wente
 ere kundtschop einhellig vormalte. 1. Dat
 des Grothforsten befehl alrede im leger we-
 re / dat se afftehen scholden. 2. So weren al-
 rede 3000. Solyaren / sampt eren Knechten /
 wech getagen. 3. So weren ock etlike der
 grôuesten stücken vth der schanze getagen.
 4. Weren ock de Meisters / de de Stadt vnder-
 grauen scholden mit eren Instrumenten
 vor vyff dagen wech gereiset. 5. Dat men
 dat geschütte in der andern nacht / alle vth
 der schanze trecken wôrde / vñ vp den midde-
 wefen wôrde de leste man im leger vpbreken
 vnd dar van tehen. 6. Dat ock alrede âuer
 3000. Rüssen / van dem Schlate / vnd vth der
 Stadt erschaten / vnd in den schermûkelin-
 gen vmmegebracht vnd erschlagen weren /
 wo vele âuerst in disser lesten schermûkelin-
 ge gebleuen weren / dat kondē se so egentlich
 nicht weten / âuerst alse sdt de gewisse kundt-
 schop vnd erfaringe darna gegeuen hefft / so
 sint tho der tydt 330. Rüssen gebleuen.

Das Drüdde deel

Van dissen gefangenen Rüssen / wuste tiner van des Muscowiters Archelhe vnd geschütte / so vor Keuel gewesen ys / allen beschendt. Erstlick / scholden dar gewesen syn 3. stücke de 52. ock 55. punth Iseren geschaten hebben.

Darnegest sint gewesen 6. stücke / de Kugeln van 30. 25. vnd van 20. punden geschaten hebben.

Des hefft he ock 4. Mürenbrekers daruor gehat / welckere steinen löde / van 225. punden geschaten hebben. Disse stücke sint nicht vele gedrukert worden / dewyle nergent vmmе Keuel eine Mür tho fatende stent / van wegen der hogen Welle vnd Kundelen.

Des sint noch 15. stücke gewesen de Kugeln van 6. van 7. vnd van 12. punden geschaten hebben / vnd tho einem ydern stücke sint 700. Kugeln vorordenet gewesen / efft se auerst alle vorschaten weren / dat wüste he nicht.

Noch sint dar gewesen 5. stücke / de noch geringer Kuglen geschaten hebben.

Tho dem sint ock gewesen erstlick / twe grothe Möfers / de gelicks den 4. Mürenbrekers / steynen löde edder Lämclers / 225.
punde

pundt schwar/geschaten hebben/ Tho welckeren beyden Möfers / vnd 4. Mürenbrekers / 2000. löde edder Tümelers / vorordent gewesen sint / van welckeren beyden Tümelers ein alrede geladen / van dem Schlate in allen stücken tho schaten were/ dchgeliken ock andere stücke mehr.

Des sint noch 5. Möfers gewesen/de kleiner Tümelers geschaten hebben/darby 1500 Tümelers gewesen sint / ane de / so in dem Leger noch dartho gehouwen sint worden.

Thom lesten/sint dar ock 6. Möfers gewesen/daruth men Fürbelle geschaten hefft/welckerer Fürbelle sint 2500. gewesen/ effte se alle vorschaten weren/ dat wüste he nicht.

Den 11. Martij/in der nacht/hefft dath Leger vp S. Tönniesberge/vnd vnder dem berge/ in den beyden schanken vpgebraken/vnd mit dem geschütte int Leger na der äuersten Molen gerücket. Do ys eine grothe fröuwde in der Stadt geworden/vnd yderman ys densüligen morgen na der schanke gelopen / vnd hefft dar solcken grüwel gesehen / dath einem de Hare tho berge gestahn hebben. Wente dar hefft men gefunden halue Körper / Arme vnd Beyne/Hende vnd

wöte/de in dem afftage vam Schlate erschaa-
 ten weren. Dar sach men ock 10. dode Cor-
 per/van den Keuelschen Knechten vnd Buz-
 ren/ de tho dode gepyniget / vnd naket vth-
 getagen weren / do hefft men dar in der ä-
 uersten schanke getellet/23. Blockhüser/vnd
 500. Schankförue / vnd in der vndersten
 Schanke/12. Blockhüser/vnd 126. Schank-
 förue / welcher alle mit Erdtryke vorfüllet
 weren/ ock hefft men dar twe grublike depe
 grouen gesehen/ de eine vp dem Berge hin-
 der den vörnsten Blockhüseren / na dem
 Schlatewerk gegrauen/de ander in der vn-
 dersten Schanke / ock hinder den vörnsten
 Blockhüsern / na dem hogen Kundeele der
 Stadt angefangen/welchere grouen alrede
 40. fadem lanck weren. Den siluigen dach
 hebben vele yunge Knechte/Börger kinder/
 vnd Buren/ bauen ernstlick vorbodd der A-
 nericheit/sick gar wydt tho den Rüssen vor-
 drystet/daraüer erer by 20. erschlagen/vor-
 wundet vnd gefangen worden sint.

Den 13. Martij/vp einen Middeweken/
 hebben de Rüssen ere Leger allenthaluen an-
 gekündet vnd vorbrandt/vnd sint samptlick
 wech getagen / na deme se 7. weken vullens
 kamen

Famen vor Keuel gelegen hadden / vnde 6. welenlanck / beyde dach vnd nacht / ane vnderlath geschaten / vnd Tümelers / vnd Fürbelle / tho etliken dusenden / in de Stadt geworpen hadden. Vnd gelick alse men vpon einen Middeweken / vor middage / den ersten Küssen hefft her trecken gesehen / Also hefft men ock vpon einen Middeweken vormiddage den lesten wedderümme wech trecken gesehen. Vnd gelick alse de Küsse vpon einen sondach hefft angefangen vor Keuel the schetende / Also hefft he ock vpon einen Söndach wedderümme vpghehöret / vnd hefft em Godt loff / mit Keuel beth anher gefeylet / rowol he alle syne macht / kunst / renck / anschlege / listige practiken vnd stricke / dardorch he Schmolensko / Casan / Polosko / vnd andere örde mehr gewonnen / an Keuel vorsocht hefft.

Wat den schaden belanget / den de Ruscowiter mit synem geweldigen schetende gedaen hefft / ys Godt loff / nicht besunders gewesen / wente mit synem grauen Geschütte / hefft he den Keuelschen keinen schaden mehr gedahn / an den Wellen / Müren vnd Törnen / alse alleine ein loch in den kyckindelöke geschaten / vnd vngesehr 40. Personen / an

Das Drüdde deel

Knechten / Jungen / Büffenschütten vnde Handtlangers / vnder welckeren allen men twe Börger / de eine ein Schnyder / vnd de ander ein Schoester gewesen / de ock vp den Weilen vnd Tonen erschaten sint.

Mit den Lümclers hefft he van schamelen Buren / Frouwen vnd Kindern / by 20. Personen / in den Badtstauen vnd Küuen erschlagen / Auerst nicht einen Börger edder Börgers kindt / Frouwe edder Junckfrouwe / edder yennige benömede Personē / Wowol se dagelikes vth vnde in de Kercken vnd vp der Straten / allenthaluen ganz Dryste gingen.

Des hebben ock syne velfoldige Fürbelle keinen schaden mehr gedahn / also dat nye Sefen daer halff affgebrandt / vnd wen Dath Höw daruan gewest were / so hadde de Museowiter / de ganze belegeringe äuer / kein Für van synen Fürbellen angekündet tho sehende gekregen.

Wat äuerst den schaden vp allen scheremükelingen geschēhen belanget / hebben de Keuelschen äuer 50. Mann nicht vorlaren / Welckeren schaden Iwan Basiliewis Seymetyu mit etliken dusent Rüssen vnd Tasteren

teren genochsam wedder vorgulden heffe. Vnd efft he wol etlike Kercken / vnd huß dake / mit synen Lämclers vnd Kugclers beschediget hefft / So hefft doch de Stadt Keuel wol so vele an Yseren / grothen vnd kleinen Kugclen / wedder bekamen / dat de schade wo' ys betalet geworden.

Daß kan ick nicht vnderlaten noch eines welches in düsser belegeringe in Keuel tho gedragen hefft / tho gedencfende / Dan als se de Frencht ahm allerhefftigsten de Stadt Keuel beangestiget hefft / hebben ethlicke noch dat binnen Koste gehalten / vnd eyn older van Adel hefft ock horen Kindelbeer gehalten / In welckeren Koften vnd Kindelbeer man sich ganz lustich gemaket heffe mith danken / freten vnd supen / vnd darnach oldem Lysflendischem gebrucke vnde gewonheit noch mith poeken van ledder gewesen / vnd de eyn den andern vorwundet / kan nicht weten / effte soleks der lichtferdicheit edder der freydicheit sy tho thoschryuende / Als ith my auerst ansueth / Gode mach Lysflandt straffen wo he wil / dath olde Luft dahr dennoch jummer im Sacke.

Wat ock de Krypgeschmacht des Volckes

belans

Das Drüdde deel

belanget / welcher differ belegeringe äuer in
Keuel gewesen ys / sint erstlick ein hundert
Hauelüde / vnd 400. Düdesche knechte / vnd
an Börgern / Buren vnd allerley Inwane-
ren / Eddel vnd Vneddel / sampt Knechten
vnd jungen Gesellen / äuer 4000. Man ge-
wesen. Vp dem Schlate / vnd vp dem Do-
me / sint 1000. Schwedische knechte gewe-
sen / anc de Domeschen Börger vnd Buren
sampt eren Knechten vnd Hufgenaten / de-
men o.^r vp 400. geschattet hefft. Dath ys
de g rike macht van Volcke in differ harden
Belegeringe / wedder des Muscowiters
50000. Man gewesen.

Vnd dewyle ock nümmer ein vnglücke
allein syn wil / So hefft ydt ock vp dith ma-
cht alleine syn willen / Wente tho der be-
legeringe ys dat ander vngeüücke / nömliken
ein schware krankheit vnd borstsucht tho
geschlagen / daranne ganz vele an starcken /
yungen vnd olden Lüden / Börgern / Ge-
sellen / Frouwen vnd Junckfrouwen / vnd
allerley Volcke tho Keuel befallen vnd ge-
storuen sint / Vnd hefft disse Sucht in der
Wasten / stracks na des Muscowiters aff-
tage / angefangen / vnde den Sommer
äuer

auer beth an Petri Pauli dach gewasret.

Anno 1577. im Aprill / hefft men tho Keuel allen Knygesluden / Häucluden / Landesknechten / Börgern / Buren / vnd allen loßdruern fry gegeben / des Rüssen Lande in Lyfflandt thouorherende. Do sint se by hupen rede geworden / vnd hebben de lande Wyck / Jeruen vnd Wyrlant / beth an Lays / Querpalen / vnd Parnow / den gankert Sommer dorch / beth an den Winter / ane vnderlath vorheret vnd vorteret / vnd grüwlic Behe / etlike dusent stücke / in de Stadt Keuel gedreuen / vnd vorkofft vor geringe Gelt / vnd ys des / den Sommer auer / so vele in Keuel gedreuen worden / dat men nicht mehr kopen fonde edder wolde. Tho dersüluigen tidt hebben se ock alle de Rüssen / de se vp dem Lande in den Höuen vnd Dörperen fünden / Desgeliken ock vele van den *presidijs*, so van den Hüseren tho schermüselende / vnd den roeff wedderümme affthoyagende / gefamen weren / erschlagen vnd gefangen / vnd etlike hundert den Sommer auer vmmgebracht / dat nicht ein Rüsse mehr van den Hüseren pth kyken dorste.

So sint einmahl beyde Dudeschen vnd Un-
 dudeschen beth na der Pernow / 20. mylen
 van Keuel / nicht gar starck gerücket / vnd
 hebben dat fleck olde Parnow geplündert/
 vnd angesticket / vnd vele gefangene Düs-
 deschen / so des Muscwiters geschwärne
 weren / sampt einem grothen roue dar van
 geföret.

Darna den 20. Julij / hebben de Buren
 in affwesende eres Höuetmans des
 Hannibals / ock dath fleck Wittensteyn/
 dar ein geweldich stackeet van dicken Bal-
 cken vnd Blockhäuseren vmmehet ginct / ge-
 stormet / vnd dat ganze fleck affgebrent/
 vnd etlike hundert Rüssen hunct vnd olde
 darin erschlagen vnd vorbrendt / vnd einen
 treffliken Koff dar van gebracht.

Darna sint desäluiigen Buren duer 15.
 myle weges na Leal gerücket / vnd hebben
 duer 600. stücke van Ossen vnd Köyen / vth
 des Schlates grauen / vnder dem Walle
 wech gehalet / vnd gar nichts geachtet / dath
 de Rüssen van dem Walle tho enen inge-
 schaten / vnd mit Steynen geworpen heb-
 ben.

Darna sint de gemelte Buren na Lays /

23. myle weges van Keuel / gerücket / vnd dat grothe apen fleck Lays/gank affgebrant vnd einen grothen roff van Behe erlanget. Solche Knygeslúde sint de Buren vnd Schlaunen tho der tydt gewesen / Welckere de Lyfflendische Adel vormals nicht so werdich geachtet hefft / dat einer van en allen scholde wehrhafftich gemaket werden.

Tho dersüluigen tydt ys Hertoch Magnus tho dem Grothförsten getagen. Do hebben vele gehapet / disse reyse des Hertoch Magni scholde vor Lyfflandt sehr gудt syn / Auerst balde ys en de loue wedder entfallen / Dewyle des Heren eigene Pastor / Seelsorger / vnd högeste raedt vnd Superintendens / Christianus Schröpffer / de synen Hern / den Hertoch Magnum / dem Muscowiter thogeföret hadde / nu wedderümme affgefallen was. Wente wen dar etwas gudes / edder sunst Lande / Lúde / vnd grothe wolfsart were thouorhapende gewesen / were he wol by synen Schapen geblüen / Derhaluen hefft nemandt gelöuen können / dat dith regimente einen langen bestandt gewinnen scholde.

De orsake áuerst / worümme de Mus-

ewiter syne Lande in Lyfflandt / ane nen-
 nigen wedderstandt / armen Buren vnd
 Loßdrüeren thouorne gegeuen heft / ns ge-
 wesen / dath de Grothförste thor Pleßkow
 sich wedderümme vorsammelt hadde / Der-
 wegen he alle *praesidia*, van allen Hüseren ge-
 namen / vnd syne vterste macht vpgbracht
 hefft. Hyruth ns klarlick thouornemende /
 dat he des leuen Volckes nicht äuerstodich
 vele hebben modt / denyle he alle de *Beste*
 der *praesidien* berouet / vnd syne Lande armen
 Schlaunen pryß gegeuen hefft.

Also nu de vorsammelinghe thor Pleß-
 kow geschach / vnde men ock gewisse kundt-
 schop hadde / dath de Grothförste sich in ei-
 gener persone mit inth Veldt begeuen wol-
 de / hebben sich de Keuelschen sehr befrüct-
 tet / dat de Grothförste / vth grother vorbit-
 teringe / de Stadt Keuel wedderümme in ei-
 gener persone belegeren scholde / vnd ge-
 dachte nemandt anders / insunderheit äuerst
 de Stiffstischen van Riga / weleker vth gro-
 ther nachbarliker medelidinge / Roggen /
 Büßspuluer / vnd andere nodtrofft / den
 van Keuel thoschickeden / vnd nicht anders
 meineden / sunder dat de Keuelschen alleine

de geplageden lude weren/ áuerst ehr siec de gnden lude darvor hõdden/ do weren se mit grothem vngelücke vnd mit dem Muscowitzischen here ganz áuerschüddet / vnd wat se der Stadt Keuel haluen befrüchteden / dat quam ene süluen ganz vnuormodet áuer den hals/ Bente dar de Muscowiter henne drõuwet/ dar plecht he nicht hen tho schlände.

Anno 1577. im Junio/ ys de grothe vorsammelinghe des Rüssen thor Pleßkow vps gebraken / darunder de Grothförste süluest in eigener Persone / sampt synem oldesten Sõne mit gewesen ys/welcker den Hertoch Magnum van Holsteyn/ sampt synen Reden vnd Hoffgesinde van Lyfflendern/ alse vor Lockvõgele / de anderen Dudeschen tho siec tholockende / mit siec förede / vp dat he nicht vele volckes vor den Hüseren in Lyfflandt/ desgelicken ock Krudt vnd Lodt vorspilden mochte. Do ys de Grothförste erstlich mit der ganken vorsammelinghe vp Ludtsen gerücket/ vnd hefft dat Hus ingenamen. Darna ys he vor Rositten getagē/ vnd heffe dat Hus ock balde eráuert. Vvorder hefft he Dünneborch belegert vnd eráuert. Mid-

Dat Drüdde deel

deler wyle hebben de van Wenden/ Kokenhusen/ Wolmer/ vnd andere mehr/ sich dem Hertoch Magno ergeben. Auerst de Grothförste hefft den Hertoch Magnum nichts geachtet / ns vor Kokenhusen geräcket / vnd hefft begeret / darup tho wesende / Do wordt ydt tho Kokenhusen auel erger / vnd gudt raedt was dar sehr düer / vnd erem auersten Schusheren dorsten se solckes ock nicht wol vorseggen edder weyeren / Do wolden se erstlick dorch Gyselers mit em handelen / vnd also men de Gyselers vth vnd in laten wolde / hebben de Rüssen de Poerten vorrasschet / vnd sint mit gewalt henin gedrungen / vnd also des Stedtlins / vnd des geweldigen huses Kokenhusen mechtich geworden. Do ns de Grothförste süluest gefolget / vnd hefft des Hertoch Magni Hauclüde vnd gesinde / auer 50. Personen / ermoerden / vnd de Börger im Stedtin alle gefencklich nemen laten / vnd de Frouwen vnd Junckfrowen den Rüssen vnd Lateren pryß gegeben. Wat tho der ydt im Stifte Riga allenthaluen / vnd insunderheit tho Kokenhusen / vor ein herteleydt / elende vnd yamer gewesen ns / kan ein

ein vornufftiger wol by sich süluen gedens-
cken.

Darna ys de Muscowiter vor Assche-
rade/ Landuen/ Barsom/ Erle/ vnd Sof-
wegen gerücket/ vnd hefft se alle ingefregen
vnd tho dode gemartert vnd erschlagen/ alle
de he äuerkamen hefft.

Darna hefft he ock de huser Schwes-
nenborch/ Schmiltten/ Marienhufen/ Kos-
pe/ Wolmer/ Burtnick/ Tryfaten/ vnd
andere mehr ingenamen/ Welckere huser
alle de Muscowiter in twen Maenten/
nömlikē/ im Julio vnd Augusto/ des ob-
gemelten Jares/ eräuert vnd erlanget
hefft/ eins deels dorch mangelinge der *pra-*
sidiē, der Krygesmunition/ vnd profiande/
vnd eins deels dorch vorrederne/ list/ schreck
vnd drouwent/ mehr alse dorch syne grothe
gewalt. Ydt were äuerst vor ganz Lyff-
landt beter gewesen/ dat men de gemelten
Huser alle/ vp dre/ edder veer na/ in de
grundt gebraken/ herunder gereten/ vnde
destrueret hadde. Den 4. Septembris/ hefft
de Muscowiter Wenden berönth/ vnd Her-
toch Magnum/ sampt velem vām Adel/ so
ere thoflucht tho em gehat/ belegert. Dūne-

Das Drüdde deel

mände hebben de Rigesschen besetzt. Kerck-
holm hebben se ingenamen/vorstandt/ vnd
vorwöset.

Also hefft de Muscowiter dat ganke Erzh-
stifft Riga / sampt den ganken Düenstro-
me/bauen der Stadt Riga/dar alle neringe
vnd Koephandell der Stadt Riga heraff
kamen moedt/vp weinich Häuser na/eräuert
vnd ingekregen/ vnd sint in Lyfflandt keine
Lande mehr äuerich/ sunder alleine Harris-
gen mit der Stadt Reuel/ vnd Ehurlandt/
vnd Semigallen mit der Stadt Riga/ vnd
etliken Häseren. Vnd Desel vnd Dageden/
mit den Häseren Arensborch vnd Sonen-
borch. De Allmechtige Godt wolde desülui-
gen noch in gnaden erholden / vnd de ande-
ren ock weddergeuen/wen ydt syn Göttlike
wille ys.

Wor dorch äuerst dat vorrückede Lyff-
landt ykiger tyde möge erreddet vnd wedder
tho rechte gebracht werden/ys bauen Min-
schen vornufft vnd vorstandt/vnd ys negest
Godt keine andere häpeninge vnd trost yki-
ger tydt / also disse / dat de Köninck van
Schweden mit Herreskrafft dorch Wy-
borch in Ruzlandt gefallen ys / syn gelücke
vnd

vnd heyl an den vorbo!genem Rüssen tho-
 uorsökende/ deßgeliken ys ock des Palen vnd
 Luttouer/ sampt des Hertogen van Chur-
 landt/ rüstunge vorhanden/ Godt geue einen
 rechtschapen ernst vnd segen dartho. Des
 sint ock des Königes van Schweden krys-
 ges Schepe na der Narue gelopen/ vnd heb-
 ben dem Muscowiter dre geweldige Block-
 häuser vor der Narue/ den 27. Augusti/ An-
 no 77. in de grundt affgebrandt/ de vmmes-
 tich groth/ lanc vnd dicke gewesen sint.
 Wente eine wandt van densüluigen Block-
 häuseren ys 85. fadem lanc/ vnd äuer 4. fa-
 dem brendt gewesen. In dem einem Block-
 huse sint 75. Rüssen vorbrandt/ vnd vyff ge-
 fangen worden / Wth dem andern äuerst
 sint se alle vorlopen gewesen/ Dck weren de
praesidia vorhen affgefördet / worden daruth
 äuermals thouornemende ys / dat de Mus-
 cowiter nstiger tydt des leuen Volckes nicht
 vele äuerich hebben moedt.

Thom lesten/ mochte yemandt gedeneken
 vnd sich vorwunderen / wo doch dat nst-
 mer kamen möge/ dath in dissem Krynge der
 Lyfflender wedder den Muscowiter / nicht
 alleine de Hermeister anfenckliche/ sunder ock

de dre Grothmechtigen Potentaten / alle Schweden / Dennemarck vnd Polen / de sich des bedruckeden Lyfflandes vth Christliker leue namals weder angenamen hebben / beth anher nichts beschaffet hebben / vnd offtmals vele spottes van dem Muscowiter hebben lyden vnd dũlden motten / dar doch im anfang der Christliken regeringe in Lyfflandt schlichte Bisschöppe / vnde Bürger kinder van Bremen / darna schlichte vnd geringe Meistere in Lyfflandt / dem Rüssen starck vnd mechtich genoch gewesen sint.

Hyr vp geue ick / myner einfalt na / disse antwert. De erste orsake dieses ungeluckes ys / dat de Muscowiter im angefang / do de Bisschöppe vnd Meistere de Prouinz Lyfflandt erstlic gewunnen vnd bekräftiget hebben / nicht so mechtich gewesen ys / als ykiger tydt / he ock alle de Förstendohme / Herschoppyen / vnd Lande in Růßlandt nicht alleine gehabt hefft / als nu tho vnser tydt. Wente in Růßlandt sint vele Grothforsten vnd Försten gewesen / vnd ein yder van densũluigen hefft syne eigene herschoppye vnd Förstendohm vor sich gehabt / vnd
sint

sint disse Fürsten / so wol alse de Grothfürste van der Muscow süluen / samptliken des Lateren Lehnlüde vnd tributaris gewesen / Welckere Fürstendöme alle mit einander / dorch ganze Rußlandt / de Grothfürste van der Muscow / binnen hundert Jaren / eins deels dorch grothe list vnd geschwindigkeit / vnd eins deels dorch Krngesmacht / na gerade vnder sich gebracht hefft / vnde ys also ein Monarcha aller Rüssen geworden.

Tho deme / alse de ersten Bisschöppe vnd Meistere in Lyfflandt angefangen hebben tho regerende / Do hebben se nicht mie dem Grothfürsten tho Muscow / ock nicht mit allen Fürsten in Rußlandt / tho schaffende gehat / sundern mit den Fürsten tho Nowgarden vnd Pleßkow alleine / welckere mit Lyfflande gegrenket hebben / Welckeren beyden Fürsten se lichtlick hebben wedderstahn können / Vnd so lange de Grothfürste van der Muscow / mit den andern Fürsten in Rußlandt / vnd mit den Königen tho Casan vnd Astrichan gekrget hefft / hebben de Lyfflender des Muscowiters haluen keine anfechtunge gehat. Auerst alse de Grothfürste van der Muscow alle Fürstens

Das Driidde deel

Rußlandt / vnd de beyden gemelten Tater-
schen Köninckrike bedwungen hadde / Do
ys he nicht alleine dem Meister in Lyff-
landt / sunder ock einem Köninge tho meche-
lich geworden.

De andere orsake ys / dat etlike Lyfflen-
dische vnd andere Kocplüde vth den Düde-
schen Siche Stedten / vth grother gnycheit
vnde eigen nutte / dem Muscowiter allerley
vorbadene Wahre / vnd Knygesmunition
heimlick vnd apenbaer thogeföret / vnd eine
Kode vy eren egeuen rüggē gebunden heb-
ben / vngeachtet dath se van den Vyenden /
den Rüssen süluen gewarschuwet worden
sint.

Wente ydt hefft ein Rüsse van Schmo-
lenko / einen Düdeschen Kocpman / mit
namen Berent Meyer / tho sich gefördert /
vnd em Kopper / Bly vnd Dradt gewiset /
vnd gesecht / Berent kensiu ock disse Wahr
wol / de ick hvr tho Dörpte an my gebracht
hebbe: Darup Berent Meyer geantwerdet /
Ja / worümme nicht / ick kenne se wol / ydt
ys Kopper / Bly vnd Dradt / Hvr vy heffe
de Rüsse wedder tho em gespraken / ick höre
wol / dat du de wahr nicht recht kenneest / der-
haluen

haluen wil ick dy seggen/wat dat vor Gude
 ys/ Ydt ys de Kode/dar vnse Grothförste de
 Lyfflender mede stupen werth/ Wente dith
 Gude möte wy den Grothförsten leucen/
 de leth dar Krygegrüstinge van maken nuw
 süuest thor straffe / vnd gy Dädeschen sint
 dull vnd vorblendet/dath gy em solcke wahr
 tho steden/ Vormals hebben vnse Elderen
 in Schmolensko vnd Lyfflandt also nicht
 dohn möten / gy werden ydt äuerst herna-
 mahls wol erfahren / mit nuwen egenen
 schaden.

De drüdde orsake ys/dat nein Here sy-
 nem Vyende dem Muscowiter wedderstant
 dohn kan / dewyle syne eigene Krygeslüde
 vnd geschwarne Vnderdanen vntwürlic
 handelen / vnd de Schläte vnd geweldige
 Beste / ane noedt / ganz lichtferdich dem
 Muscowiter äuergeren vnd vorlopen/ Also
 des den vele in Lyfflandt geschehen ys / ane
 pennige straffe / Vnd de solckes gedahn
 hebben / sint offte noch tho grothen erlichen
 Emptern gesettet worden. Dat äuerst vele
 Schläte vnd Borge in Lyfflandt dem
 Muscowiter tho deele geworden sint / mö-
 gen de vorstendigen iudiceren vnd richten/

Dat Drüdde deel

efft de schuldt mehr by den gyrigen vnd eigen nüttigen Koplüden sy / de dem Muscowitz tho der grothen Archeleye vnd Kryn gesmunition gehulpen hebben / edder by den Kryn geslüden / de de Hüser / Schläte vnd Borge / trüwelos vorgueu vnd vorlophen hebben.

Thom veerden / So hebben de ersten Bisschöppe vnd Meistere in Lysfflandt / einen grötheren vordel gehat / mit den Rüssen tho Kryn gende / also tho vnser tyden de Herren vnd Könige hebben. Wente se hebben mit des Pauwestes afflate so vele Fürsten / Grauen / Kiddere vnd Knechte int Landt gebracht / also se gewolt hebben / Auerst ykiger tydt wil de lose münte nicht mehr gelden / vnd in den olden tyden ys yderman ganz willch gewesen / wedder de Vyende der Christenheit thostrydende / vp ere egen vnkostinge / Auerst nu wil nemandt / vmmeder Christenheit willen / ein Perdt vorgueues sadelen / na vele van den vnser tho differ tydt / lopen dem Muscoviter tho / vnd laten sich in allen listigen anschlegen wedder de Christenheit gebroken.

Thom vöfften / Wo scholde de Muscovitz

witer

witer nicht mechtich vnd geweldich syn/ des wyle de Christlike Könige vnd Potentaten vnder sich vneinich sint/ vnd oft vmmegeringer orsake willen/ vele Christlikes bloedes vorgeten/ vnd allen vorradt vtscheppen/ darmede se der armen Christenheit lange denen fonden/ Welckes vor Gade dem Allmechtigen thovorantwerdende vele thoschwar syn werth. Van den grothmechtigen Potentaten auerst / de sich Lysflandes angematet hebben/ vs schyr keiner/ de mehr darby vpgesettet hefft / alse de Köninck van Schweden/ welcker etlike mahl dem Muscoviter einen spot gebaden / vnd vmmelands willen/ grothe geltspildinge vnd vnkostinge gedahn / vnd der Stadt Reuel alle Jar vnmetige profiande/ vnd allerley nodtorfft thogeschicket hefft. Wen andere Herren/ Potentaten/ Könige vnd Försten/ ock vmmelands also bekümmert gewesen weren / ydt scholde dem Muscoviter wol vorwundert hebben/ Wat auerst beth anher vorbleuen vs / dat wolde Godt de Allmechtige henforder in gnaden geuen vnd vorlesen.

Thom lesen / de principal orsake des
Lysfl

Dat Drüdde deel

Lyfflendiffchen namers vnd vngelücketes/ ys
de mannichfoldige grothe sünde vnd misse-
dadt / neuenst dem grüwliken laster der vn-
danckbarkeit gegen Godt dem Allmechtigen
vor syne mannichfoldige ertögede woldadt.
Wente dat schlichte vnd geringe Bisschöpf-
pe vnd Meistere de Prouinc Lyfflandt / van
der heidenschop gewonnen / vnd grothe Vi-
ctoria gehat hebben / ys nicht ere / sündern
Gades des Allmechtigen werck gewesen / de
in den schwacken vnd geringen krefftich ys /
vnd de vth der Lyfflendiffchen heidenschop
siet eine Kercke vth gnaden hefte samlen
willen / Auerst dewyle siet Lyfflandt grüw-
lick gegen Godt vorsündiget / vnd vndanck-
barlich vor de grothe gnade ertöget hefte /
vnde dar noch thor tydt keine warhafftige
erkenntnisse der sünde / keine bote vnde beke-
rinze ys / stenth thobefruchtende / dath de
Christlike Kercke in Lyfflandt ganz vnder-
gahn wert / vnde helpet dar nichtes wedder
aller Köninge vnd Potentaten hülpe / trost /
entsettinge vnde gude wille. Wen siet nu
Lyfflandt warhafftich beferde / so fonde yde
Godt de Allmechtige lichtlick dorch einen ei-
nigen Köninck / also in gnaden middelen /
dat

dat alle Muscowiter vnd Latern sehen vnd
spören mösten / dat de Christgelouigen noch
nicht gank vorlaten werden.

De ewige / warhafftige vnd vnuorgenc-
like Godt / by welcherem mehr gnade vnde
barmherticheit / alse by vns der Sünde vnd
missetadt ys / wolde sich vmmes synes einigen
Sons Jesu Christi willen / der armen Chri-
stenheit hyr vnd allenthaluen gnedichlic er-
barmen / vnd dem Bog vnd Magog / vnd
dem äuersten Försten in Mesech / alle an-
schlege vorhindern / stüren vnd weren / vnd
allen Christliken Potentaten / Königen /
Försten vnd Heren / gnedigen frede vnd
eindracht / dartho gelücke / vnd äuerwinnin-
ge wedder alle Niende der Christliken Ker-
cke / tho chren syner Göttliken Mayestet /
vnd der algemeinen leuen Christen-
heit thom besten / gnedich-
liken vorlenen /
Amen.

Handwritten title in a large, decorative cursive script, possibly reading "Handwritten Title" or similar.

Handwritten text in a smaller cursive script, possibly including a date or reference: "Handwritten text" p. 22